

8.5 км  
с 81



Жыр  
жаңары

Мағжан  
ЖҰМАБАЕВ

Жан сөзі




**Мағжан Жұмабаев**

*Жан сөзі*

**Өлеңдер мен дастандар**

Алматы  
«Раритет»  
2005





ЖЫР  
жаунары

Мағжан  
ЖҰМАБАЕВ

# Оқан соғі

Өлеңдер мен дастандар



**ББК 84Қаз7-5  
Ж80**

**Қазақстан Республикасы Мәдениет, ақпарат және спорт  
министрлігі бағдарламасы бойынша шығарылды**

Серия 2002 жылдан бастап шығарылып келеді

**Зейнолла СЕРИҚҚАЛИҰЛЫНЫҢ  
«АЛТЫН ҚОР» кітапханасы**

Көркем безендірмесі негізін салған Александр Тленшиев

**Жұмабаев М.**

**Ж80** Жан сөзі: Өлеңдер мен дастандар. — Алматы: Раритет, 2005. — 256 бет. — «Алтын қор» кітапханасы.

ISBN 9965-663-78-5

Қазақ лирикасында «Абайдан соңғы әдебиетке жана түр кіргізіп, сонына шөкірт ерткен, мектеп (школ) ашқан күшті ақын Мағжан екенінде дау жоқ... Орыстың бейнешілдігін қазаққа аударды, өлеңді күйге айналдырыды, дыбысттан сурет туғызды, сөзге жан бітірді...».

М.Жұмабаевтың ақындығы жөнінде бұдан сексен екі жылдай уақыт бұрын Жұсіпбек Аймауытов айтқан осы пікір-байлад қазір де өз ақыратын жоғалтпағанына мына кітапты оқыған адамның көзі анық жетеді. Әсіресе, маҳабbat лирикасы мен гажайып дастандары әлем поэзиясының інжү-маржаны қатарынан орын алуға әбден-ақ лайық.

*45781*

**Ж** 4702250202-06  
413(05)-05

ББК 84Қаз7-5

**ISBN 9965-663-78-5**

© «Раритет» БК, 2005  
© Безендірген Б. Серікбай, 2005

Серікбай

безендір

жыл 2005

## МАГЖАННЫҢ АҚЫНДЫҒЫ ХАҚЫНДА

\* \* \*

Магжан — алдымен сыршыл ақын. Магжан сөзіндегі «тілге жұмсақ, жүрекке жылы тиетін» үлбірген нәзік әуез қазақтың бұрынғы ақындарында болған емес. Ол жүректің қобызын шерте біледі, оның жүрегінен жаса пен қаны аралас шыққан тәтті сөздері өзгенің жүрегіне тәтті у себеді. Магжан не жазса да сырлы, көркем, сәнді жазады. Оқушының жүрегіне әсер етеп алмайтын құргақ өлеңді, жабайы жырды Магжаннан таба алмайсыз. Ол табигатты суреттей ме, әйелді жаза ма, тарихи адамдарды ала ма, ертегі айта ма, ұран сала ма — бәрінде де ақынның ойлаганы, сезгені, жүрегінің қайғыруы, жсанының күйзелуі, қөңілінің кірбені көрініп тұрады.

Ауыз толатын айбынды асқақ сөз Магжаннан шыгады. Оның сөздері жүректі қытықтап, жыбырлатып қана қоймайды, түбінен сұрып, мейіріңді қандырады.

Суретті, кестелі, көркем сөз Магжаннан табылады, Магжан ақындық жағынан сөзсіз суреттің деп айтуда болады. Магжанды Пушкинге теңеуге ауыз барады.

...ақындық жузінде Абайдан соңғы әдебиетке жаңа түр кіргізіп, соңына шәкірт ерткен, мектеп (школ) ашқан күшті ақын Магжан екенінде дау жоқ. Абайдан соң өлең өлшеулерін түрлендірген тағы да Магжан.

Қазақ әдебиетіне Магжанның кіргізген жаңалығы аз емес: орыстың символизмін (бейнешілдігін) қазаққа аударды, өлеңді күйге (музыкаға) айналдырды, дыбыстан сурет тұгызды, сөзге жсан бітірді, жаңа өлшеулер шыгарды. Романтизмді қүшетті, тілді ұстартты.

Егер де Магжанның өлеңін әдебиет тарихының көзімен қарасақ, Магжан өлеңі қазақ, әдебиетіне жаңалық, тудырады. Қазақ әдебиетінде жаңа басталып келе жатқан сезімшілдік, романтизм, сыршылдық дәүірінде Магжанның «Ертегі», «Корқыт», «Батыр Баян» сықылды поэмалары әдебиетке зор күш беріп, іргелі орын алады.

*Магжанның қай өлеңі болса да қазақ әдебиетінің тарихынан қалайда сыбагалы орын алуы талассыз хақиқат.*

**Жүсілбек АЙМАУЫТОВ**

\* \* \*

*Казақ жазушыларынан, әрине, Абайды сүйемін. Менің бала күнімнен ішкен асым, алған нәрімнің барлығы да Абайда...*

*Бұдан соң Магжанды сүйемін. Европалығын, жарқырагын, әшекейін сүйемін. Қазақ, ақындарының қара қордалы ауылында туып, Европадагы мәдениет пен сұлулық сарайына барып, жайлапты жа-расқан арқа қызын көріп-сезгендей боламын. Магжан — культура-сы зор ақын. Сыртқы кестенің келісімділігі мен күйшилдігіне қара-ғанда, бұл бір заманның шегінен асқандай. Сезімі жетілмеген қазақ қауымынан ертерек шыққандай, бірақ түбінде әдебиет таралу-шылары газетпен қосақталып, күндегі өмірінің тереңінен терген ақын болмайды, заманынан басы озық, ілгерілеп кеткен ақын болады. Әдебиет — әдебиет үшін деген таңба айқын болмай, нәрлі әдебиет болуга жсол жсоқ. Сондықтан бүгінгі күннің бар жазушыларының ішінен келешекке бой ұрып, артқы қүнге анық қалуга жарайтын сөз — Магжанның сөзі. Одан басқамыздікі күмәнді, өте сенімсіз деп білемін.*

**Мұхтар ӘУЕЗОВ**

\* \* \*

*...Магжан Жұмабаевтың қазақ әдебиеті тарихында оқшау тұратын ақындығы хақында ой табеткенде байқайтынымыз: ол бұрынғы әдеби сарыжүрт дәстүрлерді сағалай беруден сақтанды. Өзі басып өткен ізді де қайтып шыырламауга тырысты... саясат айқайына айқай қосып, ел ішін таптық қанжоса қыргынга шақырып, тамагы қарлыққанша өзеуреп ұрандайтын үгіт дейтін өлеңге сырт берді.*

*Есесіне, әлем әдебиеті жаңалықтарына көз тікти. Әсіресе, өзіне тосын жаңалық көрінген символизм ағымына бой ұрды.*

**Шеріаздан ЕЛЕУКЕНОВ**

## ТУҒАН ЖЕРИМ – САСЫҚКӨЛ

Алыстан мұнарланып шалқыған көл,  
Бетінде күннің нұры балқыған көл.  
Жарысып саф күмістей ақ көбігің,  
Мап-майда мөлдірінде қалқыған көл.

Жанында жас балалар ойнаған көл,  
Жан-жануар суынды ішіп, тоймаған көл.  
Көз салып жалтырыңа, мұңға батып,  
Фашықтар жарын іздең, ойлаған көл.

Шешініп қыз-келіншек су алған көл,  
Әр жанды мөлдірінен суарған көл.  
Масайрап, суға тойып төрт түлік мал  
Дөніңе ойнақ салып, қуанған көл.

Сыртында ақбоз үйлер жарасқан көл,  
Байларың кедейлерге қарасқан көл.  
Ағайын тату-тәтті — қоныс бірге,  
Саулықты сағат сайын сұрасқан көл.

Түрлі құс өуез қосып, шулаған көл,  
Шуақта балықтарың тулаған көл.  
Сапырып сары қымыз ертенді-кеш,  
Басында кенес құрып, дулаған көл.

Сасық деп еркелетіп ат қойған көл,  
От-суға иен түгіл, жат тойған көл.  
Назданып, жүйрік мініп, тарлан шүйіп,  
Кекселдір тұс-тұс жақтан ат қойған көл.

Кір жуып, кіндік кесіп, сенде өскен көл,  
Құрбымен ойнап-күліп, кел дескен көл.  
Жарысып, тайға мініп, батпаққа аунап,  
Күресіп құн батқанда белдескен көл.

Айдын көл, ата қоныс, құт болған көл,  
Сусын боп сұрағанға, от болған көл.  
Кеше бірлік, ынтымақ түгел шақта  
Бейне бір сенің басың құт болған көл.

Білмеймін не боларың, қайран көлім,  
Жарайды тең болмаса құн мен тұнің.  
Итиіп қарашекпен келіп қонса,  
Басыңдан құсың ұшып кетер сенің.

### БІР КҮНІ

Бір күні, ерте оянып, жаттым ойлап,  
Көп шыбын өрмелеген уық бойлап,  
Ұшқан боп жақындасып бір-біріне,  
Тайдырып, орнын қозғап, тұртіп ойнап.

Қарадым, қалың тұман ойға тұстім,  
Уыққа қарауымды дереу кестім.  
Шыбындай бір-бірімен талас қылған  
Адамзат баласына енді көштім:

«Япыр-ай, осындей-ау адам-дағы,  
Бірі құшті, біреуі жаман-дағы.  
Құштісі әлімжеттік қылғаннан соң,  
Дүние де жақсылықтан аман-дағы.

Күшсіздер, сорлыларға атар таң жоқ.  
Көрінген бақ-дәүлеттен ұшқан шаң жоқ.  
Жиғаны, бар тапқаны — басқанікі,  
Керек десе, тәнінде жалғыз қан жоқ!» —

Деп ойлап, қалың ойда жатыр едім,  
Көп ойлап, ой дәмінен татып едім.

Естілді үй сыртынан апам даусы:  
«Ноқта апар, неғып тұрмай, жатып едің?».

Төсектен мең-зең болып әрең тұрдым,  
Ноқта алыш, желі жаққа қарай жүрдім.  
«Күшсіздер, сорлыларға атар таң жоқ!» —  
Деп ойлап, баяғы ойға қайта кірдім.

Қыздырып Күн, ойлауға ерік бермеді,  
Мал шулап, ойлауды еп көрмеді.  
«Күшсіздер де тырыссын, қатар болсын! —  
«Таста енді жоқ ойды», — деп қол сермедин!

### ҚАРАҒЫМ

Қарағым, оқу оқы, босқа жүрме!  
Ойынға, құр қаларсың, көңіл бөлме.  
Оқымай, ойын қуған балаларға  
Жолама, шақырса да қасына ерме!  
Кідірме, аялдама, алға ұмтыл,  
Аlam деп көктен жүлдyz, қолың серме.  
«Қарманған қарал қалмас» деген рас,  
Тоқтамай істер болсаң батып терге.  
Жасынан оқу оқып, өнер қуған  
Жан жетпес көңілі жүйрік кеменгерге...  
Білімсіз, құр қалтақтап жүргенменен  
Ерте өлген, көмілулі қара жерге.

Жастық, байлық, қол қусырып бос жүру  
Жас өспірім үмітті ерте бұзады.  
Тер ағызып, өліп-талағып табылған  
Ата дәulet быт-шыт болып тозады.

## ОРАЛ ТАУЫ

Таласқан аспанменен көкпенбек тас,  
Қарасаң тәбесіне, айналар бас.  
Жасаған мейірімі кең қадір Тәнірі,  
Шығарған сол тауынан алтын, алмас.  
Жіп-жіі, шытырманды түрлі ағаш,  
Тұрғаны мұнарланып өсіп жалғас.  
Қарағай, шырша-батыр бір қалыпта:  
Шілде, жаз, қысын, күзін есіне алмас!  
Ішінде аю, қасқыр, түрлі аң толған,  
Адамзат батып жалғыз аяқ салмас.

Бір күнде сенің иен түрік еді,  
Орын ғып көшіп-қонып жүріп еді.  
Қорықпайтын таудан, тастан батыр түрік  
Қойныңа жайыменен кіріп еді...  
Ер түрік ен далана көрік еді,  
Отырса, көшсе, қонса — ерік еді.  
Тұрғанда бақыт құсы бастарында,  
Іргесі, жел-күн тимей, берік еді.

Тұрақсыз бұл жалғанда опа бар ма,  
Сақтан, алдар, бой салып жақын барма!  
Бүгінгі күн жан досың болып жүріп,  
Құлатып кетер ертең сені жарға.

Қарашы тәнірекке мойның бұрып,  
Алтай, Орал бойында тұрған түрік  
Аты да, заты да жоқ, дыбысы жоқ,  
Жоғалған әлдеқайда іріп-шіріп...

Осындай атамекен жерлеріне,  
Қасиетті атаның көрлеріне  
Аузы түкті шет елдер ие болып,  
Көрсетіп түр қысымды ерлеріне.

Анамыз бізді өсірген, қайран Орал,  
Мойның бұр тұңғышыңа, бермен орал!  
Қосылып батыр түрік балалары,  
Таптатпа жолын кесіп, тізгінге орал.

## ЕСІМДЕ... ТЕК ТАҢ АТСЫН!

Ол күнді ұмытқам жоқ, әлі есімде,  
Таянып келгенінде күн бесінге,  
Кен дала ұсап тұрды қол тимеген  
Керілген кербез сұлу ақ төсіне.

Құйылып тұрды көктен жұмақ нұры,  
Құбылып хор даусындаі құстар жыры,  
Таласып аспан-көкке алтын тауы,  
Арқаның суы — күміс, жібек — қыры.

Сайланып сол мезгілде шықтық жонға,  
Қыранша көз жүгіртіп оң мен солға,  
Ақ найза алты құлаш белге байлап,  
Айнымас алдаспанды алып қолға.

Қанатты, қажымайтын тұлпар міндік,  
Жібекпен жетпіс қабат белді будық.  
Құрсанып қылыш өтпес мұздай темір,  
Қиядан қыран құсша жауға ұмтылдық.

Аспаннан сорғаласа суға сұңқар,  
Сұңгімей үйрек сорлы нағып тұрап!  
Ақырған арыстанның айбатына  
Шыдар ма қоян жүрек қорқақ құлдар?!

Жау қашты құр қарадан быт-шыт болып,  
Қайратқа дене, отқа жүрек толып,  
Ауыздан «а» дегенде жалын шығып,  
Арқада жаттық сайран, сауық құрып.

Бак шіркін бір күн қонып бауырыңа еніп,  
Кетпек қой ертеңіне-ақ алдап, құліп.  
Алтын Күн аспандағы қайдан білсін  
Қаптарын қапылыста қара бұлт!

Жолбарыс жүргенінде маң-маң басып,  
Жүрегі, қайратына көнілі тасып,  
Ойлай ма, қу қанбақты таса қылып,  
Жатқанын жасырынып мерген пасық?!

Еліктің еркетайы, ардақтысы,  
Алтайдың ақыры — алғыр құсы,  
Алаштың<sup>1</sup> Арқада еркін ойнақтаған,  
Жол тосқан жауыз жауда болды ма ісі?

Мас болып күш пен қайрат, қалың буға,  
Алданып ойын-күлкі, сауық-шуға,  
Сергімей жата беріп, сезбей қаппызыз,  
Жақындал барып қапты Күн батуға.

Күн алтын жан-жағына сөуле шашты,  
Жарық пен қараңғылық араласты.  
Сәулесі қызыл алтын — сәлемі еді,  
«Көргенше қош, алаш!» — деп амандасты.

Ай туып, Күн орнына көкте қалқып,  
Гүлдерден мас қыларлық иіс анқып,  
Төнірек тыныш үйқыға батқан шақта  
Кетіппіз біраз ғана біз де қалғып.

Сужурек мана қашқан жасырынып,  
Жақындал келген бопты аңдып тұрып —  
Қорқақ құл ұрлықты да ерлік санап,  
Қуанып алласына басын ұрып.

Мезгілше, мейлі келсін, тісі батсын,  
Сүр жылан, өзі оятар, қатты шақсын.  
Жаңадан жолбарыстай ұмтылармыз,  
Көрелік төніректі, тек таң атсын!

---

<sup>1</sup> Алаш — казак деген мағынада.

## ГҮЛСІМГЕ

Жұмақтағы жібек желден,  
Мәңгі жайнап тұрған гүлден  
Жаратылған әйел сұлу!  
Тұрмыс деген бір тұзаққа,  
Азға емес, тым ұзаққа  
Кез болыпты — ішіпті у.  
Әйел атын Гүлсім дейді,  
Тұрмыс атын тылсым дейді.

Жұмақтағы көусар судан,  
Бетіндегі алтын будан,  
Періштelerдің жырынан,  
Жұмақ суы сылдырынан,  
Жапырағының сыбдырынан,  
Тәнірінің дәл өз нұрынан  
Жаратылған періште еді,  
Мекені оның гарышта еді.

Алмас қанат періште еді,  
Мекені оның гарышта еді,  
Жерді көрді қанға батқан.  
Жүргегіне қанжар кіріп,  
Жапан тұзде аңдай ұлып,  
Елді көрді зарлап жатқан.  
Елді көрді — жерге тұсті,  
Жерге тұсті — көрге тұсті.

Елді көрді — жерге тұсті,  
Қақты қанат, кезді, ұшты,  
Кім зарласа, соны сүйді.  
Күлгенменен бірге құліп,  
Өлгенменен бірге өліп,  
Күйгенменен бірге күйді.  
Жабыққанға жәрдем етті,  
Қара да, ақ та теңіз өтті.

Алдап, меруерт көбік шашар,  
«Кел, — деп, — бері!», қойнын ашар

Тұрмыс — теңіз бір тұңғиық.  
Теңізге кім басар қадам,  
Басса, басар оған адам  
Жанын сатып, жанын қызып!  
Тұрмыс — теңіз сылқ-сылқ күлді,  
Сұлу суға кірді де өлді.

Өлді сұлу — өтті жылдар,  
Өлді сұлу — бігті жырлар,  
Жалғыз ерте кешкі таңмен,  
Қанды жерге көзін салып,  
Көкті ойлап құйіп-жанып,  
Қонырлатқан мұнды әнмен  
Ұшады екен қанат қағып,  
Көзінен ыстық жасы тамып.

Жан толқытар жыр іздеген,  
Әдемілік нұр іздеген,  
Қиял құлы — мен бір ақын.  
Тұрмыста тар, тайғақ жолға,  
Тұсіп келе жатып орға,  
Күні кеше кешке жақын  
Батқан құннің таңын көрдім,  
Сол сұлудың жанын көрдім.

Күні кеше жанның жырын,  
Жүзіндегі жұмақ нұрын  
Естіп, көріп, елжіредім.  
Жан-жүргім, қолым беріп,  
Қан аралас жасым төгіп:  
«Жолым баста, келші!» — дедім.  
Қайырылып та қарамады,  
Жас жүргім жаралады...

«Мен бір жанмын өлген, — деді, —  
Періштeler көмген!» — деді,  
Бір қарады, кете барды.  
Жүзіндегі жұмақ нұры,  
Аузындағы мұнды жыры

Жүргіме сіңіп қалды.  
Жүргімнен кетпес бұл жыр,  
Құбылса да мыңға өмір.

Періштелер лебізінен,  
Шын махабbat теңізінен  
Жаратылған әйел сұлу!  
Тұрмыс деген бір тұзакқа,  
Азға емес, тым ұзаққа  
Кез болыпты — ішіпті у!  
Әйел атын Гұлсім дейді,  
Тұрмыс атын тылсым дейді...

## ОТ

Күннен туған баламын,  
Жарқыраймын, жанамын,  
Күнге ғана бағынам.  
Өзім — күнмін, өзім — от,  
Сөзім, қысық көзім де — от,  
Өзіме өзім табынам.  
Жерде жалғыз Тәнірі — от,  
Оттан басқа Тәнірі жоқ.

Жалынмен жұмсақ сүйеді,  
Сүйген нәрсе құйеді,  
Жымып өзі жорғалар.  
Ұшырағанды шоқ қылар,  
Шоқ қылар да, жоқ қылар,  
Мұның аты От болар.  
Мен де отпын — мен жанам,  
От — сен, Тәнірім, табынам.

Әдемі отпен аспаның,  
Бәрі жасық басқаның,  
Жалын жұтам — тез тоям.  
Әулием, ием, құтыма,  
Тенсіз Тәнірім — отыма  
Әлсін-әлсін май құям.

Май құямын — өрлейді,  
Құлашын көкке сермейді.

Кейде жылан арбайтын,  
Кейде аждаға жалмайтын,  
Сескенбес, сірә, кім сенен!  
Шынында, менің өзім де — от,  
Қысылған қара көзім де — от,  
Мен — оттанмын, от — менен.  
Жалынмын мен, жанамын,  
Оттан туған баламын.

Қарандырылған бұққанда,  
Қызырып күн шыққанда,  
Күн отынан туғанмын;  
Жүргімді, жанымды,  
Иманымды, арымды  
Жалынменен жуғанмын.  
Жүргім де, жаным да — от,  
Иманым да, арым да — от.

Жарқырап от боп туғаннан,  
Белімді бекем буганнан,  
Қарандырылған — дүшпаным.  
Сол жауызды жоюға,  
Соқыр көзін оюға  
Талай заулап үшқанмын.  
Әлпіге<sup>1</sup> барғам Алтайдан,  
Балқанға барғам Қытайдан...

Заулап, өрлеп аспанға,  
Әлпіден өрі асқан да  
Отты Атилла, Баламер  
Мен едім. Тағы барғанда  
Ойран салып Балқанға  
Жолбарыс Жошы, Сұбітай ер  
Шалғай-шалғай жер шалып,  
Басылдым біраз от алып...

---

<sup>1</sup> Альпі — асқар таудың аты (М. Жұмабаевтың ескертпесі).

Кеше маған тіл келді,  
Күнбатыстан жел келді,  
    Қаранғылық қаптады.  
Ұяттан әсер қалмады,  
Идеялды — Алланы  
    Қарын деген таптады.  
Күнім, заулап жана гөр,  
Күнбатысқа бара гөр.

Енді заулап жанайын,  
Күнбатысқа барайын,  
    Бір шетінен тиейін.  
Қаранғы тас қаласын,  
Жалмауыз жауыз баласын  
    Жалынмен жалап, сүйейін:  
Не қалар екен қаладан,  
Жалмауыз жауыз баладан?!

Күннен туған баламын,  
Жарқыраймын, жанамын,  
    Күнге ғана бағынам.  
Өзім — күнмін, өзім — от,  
Сөзім, қысық көзім де — от,  
    Өзіме өзім табынам.  
Жерде жалғыз Тәнірі — от,  
Оттан басқа Тәнірі жоқ.

## ПАЙҒАМБАР

Устремляя наши очи  
На бледнеющий Восток,  
Дети скорби, дети ночи,  
Ждем, не придет ли наш Пророк.

Д. С. Мережковский.

Күнбатысты қараңғылық қаптаған,  
Күні батып, жаңа таңы атпаған.  
Тұнеріп жұр тұннен туған перілер,  
Тәңірісін табанына таптаған.

Күнбатысты қараңғылық қаптаған,  
Көгінде жоқ жалғыз жүлдyz батпаған.  
Тұн баласы Тәңірісін өлтіріп,  
Табынатын басқа Тәңірі таппаған.

Күнбатысты қараңғылық қаптаған,  
Жалғыз жан жоқ қараңғыда лақпаған.  
Білген емес — иман деген не нәрсе,  
«Қарын» деген сөзді ғана жаттаған.

Тұн баласы... Тұн жолына тұскен ол,  
Сақаусың деп Мұса тілін кескен ол,  
Тәңірінің сүйікті ұлы Айсаның  
Тітіркенбей ұрттап қанын ішкен ол...

Тұн баласы тұнерген тұн жамылған,  
Аллаға емес, өзөзілге табынған.  
Інжілді өртеп, табанға сап құранды,  
Әділдікті күткен ессіз қарыннан.

Тұн баласы өмірінде араз таңменен,  
Қабыл ұлы ауызданған қанменен.  
Табынатын құр денеге жануар,  
Болған емес жұмысы оның жанменен.

Төгілмей ме кемерінен асқан су,  
Өлтірмей ме жайылған соң күшті у.

Тұн баласы тұнеріп тұр өлгелі,  
Көзінді сал — күнбатыста қанды шу.

Көзге тұртсе көрінбейтін қара тұн,  
Күнірене ме, күле ме әлде әлдекім?  
Жылайды да, шулайды да ұлиды,  
Бұл кім? Бұл ма — тұн баласы түссіз жын.

Қап-қара тұн. Тұн баласы күніренед,  
Күніренумен бір-біріне үн беред.  
Сөгінеді, сүрінеді, жығылад,  
Қара тұнде көр көзімен не көред?!

Қап-қара тұн. Толқындары қара қан,  
Қара тұнде өңшең соқыр шұбырган.  
Сол шұбырган сансыз соқыр алдында  
Ентелеген кәдімгі Иван есалаң.

Қап-қара тұн. Шегір көзді жындар жүр,  
Қап-қара тұн. Қайғы мен қан ойнап тұр.  
Қайғы менен қара қанға тұншығып,  
Тұн баласы ауыр ойлар ойлап тұр.

Қап-қара тұн. Уақыт ауыр өтеді,  
Ой артынан ойлар келіп кетеді.  
Тұн баласы көр көзінен жас тәгіп,  
Күншығыстан бір пайғамбар күтеді...

Ерте күнде жок бар еді тұн туған,  
Қап-қаранғы тұн ішінде Күн туған.  
Отты Күннің сәулесінен от алтын  
Отты көзді, отты жанды Гун туған.

Ерте күнде отты Күннен Гун<sup>1</sup> туған,  
Отты Гуннен от боп ойнап мен туғам.  
Жұзімді де қысық қара көзімді  
Туа сала жалынменен мен жугам.

---

<sup>1</sup> Гун — түріктің арғы атасы (М. Жұмабаев ескертпесі).

Қайғыланба, соқыр сорлы, шекпе зар,  
Мен — Күн ұлы, көзімде Күн нұры бар.  
Мен келемін, мен келемін, мен келем —  
Күннен туған, Гуннен туған пайғамбар.

Соқыр сорлы, көрмей ме әлде көзің көр?  
Күншығыстан таң келеді, енді көр.  
Таң келеді, мен келемін — пайғамбар,  
Күт мені сен, «лахауланды» оқи бер.

Күншығыстан таң келеді — мен келем,  
Көк күніренед: мен де қоктей күніренем.  
Жердің жүзін қарандылық қаптаған,  
Жер жүзіне нұр беремін, Күн берем!

Қап-қара тұн. Қайғылы ауыр жер жыры,  
Қап-қара тұн. Күніренеді тұн ұлы.  
Күншығыста ақ алтын бір сызық бар:  
Мен келемін, мен пайғамбар — Күн ұлы.

### КҮНШЫҒЫС

Қысық көзді Күншығыс,  
Бұл тұруың қай тұрыс?  
Серпіл енді, алымы!  
Күнірентіп жерді ыныранши,  
Күнбатысқа көз салшы,  
Көрдің бе қанның жалынын?

Күнбатысты шаң басқан,  
Шаң емес, қара қан басқан,  
Тарсыл-күрсіл, қанды атыс.  
Көп білем деп — бөлуге,  
Көп күлем деп — өлуге  
Жақын қалды Күнбатыс.

Дария еді ол өкірген,  
Шапшып көкке лепірген,  
Жемірілді кемері.

Өлгелі жатқан құрт ауру,  
Жан-жаққа сүзіп көз салу —  
Колынан енді келері.

Ібіліске ерген есерлер,  
Өзімшіл кеуде кеселдер  
Тұншықсын, қанға боялсын.  
Оның өлген үнімен,  
Қанды батқан күнімен  
Күншығысым оянсын!

Қысық көзді Күншығыс,  
Болсын соңғы бұл жүріс,  
Күнбатыска жүрелік.  
Желкілдеген туменен,  
Жер күніренткен шуменен  
Қаласына кірелік.

Күл қылайық қаласын,  
Күл қылайық баласын.  
Жоқ, жоқ! Ашу басалық!  
Гүл қылайық қаласын,  
Ұл қылайық баласын,  
Мейірім есігін ашалық.

Мұндарларды адасқан,  
Айрылып естен шатасқан  
Күншығыстың жолына  
Салайық, шетсің демейік,  
Аямайық, көмейік  
Күншығыстың нұрына...  
Терен теніз тебіренді,  
Күншығысым күніренді,  
Қырағы көзім көреді:  
Желкілдеген туменен,  
Жер күніренткен шуменен  
Қара бұлт қаптап келеді.  
Әй, сен, кесел Күнбатыс!  
Бұл жатуың қай жатыс,

Жоғал жылдам жолымнан!  
Болмаса, қорықсан өлімнен,  
Үмітің болса өмірден,  
Ұста менің қолымнан!

### АЛЫСТАҒЫ БАУЫРЫМА

Алыста ауыр азап шеккен бауырым,  
Қуарған бәйшешектей кепкен бауырым.  
Қамаған қалың жаудың ортасында  
Көл қылып көздің жасын төккен бауырым.

Алдыңды ауыр қайғы жапқан бауырым,  
Өміріңше жапа шеккен жаттан бауырым.  
Тұксиген, жүргегі тас жауыз жандар  
Тірідей терің тонап жатқан бауырым.

Япырмай, емес пе еді алтын Алтай  
Анамыз бізді тапқан, асаяу тайдай  
Бауырында жүрмел пе едік салып ойнак,  
Жұзіміз емес пе еді жарқын Айдай?!

Алалы алтын сақа атыспап па ек,  
Тебісіп бір төсекте жатыспап па ек?  
Алтайдай анамыздың ақ сүтінен  
Бірге еміп, бірге дәмін татыспап па ек?

Тұрмап па ед біздің үшін мөлдір бұлақ  
Сылдырап сылқ-сылқ, күліп таудан құлап?  
Даяр бол үшқан құстай соққан құйын,  
Тілесек бір-бір тұлпар бейне пырақ!

Алтайдың алтын күні еркелетіп,  
Келгенде жолбарыс бол жаңа ер жетіп,  
Ақ теңіз, Қара теңіз ар жағына,  
Бауырым, мені тастап, қалдың кетіп!

Мен қалдым — жас балапан қанат қақпай,  
Ұшам деп ұмтылсам да дамыл таппай.

Жөн сілтер, жол көрсетер жан болмады,  
Жауыз жау қойсын ба енді мені атпай?!

Қорғасын жас жүрекке оғы батты,  
Күнәсіз таза қаным судай акты.  
Қансырап, әлім құрып, естен тандым,  
Қараңғы абақтыға берік жапты...

Көрмеймін кеше жүрген қыр-сайды да,  
Күндіз — Күн, түнде — күміс нұрлы Айды да,  
Ардақтап, шым жібектей арайға орап  
Өсірген алтын анам Алтайды да.

Япырмай, айрылдық па қалың топтан,  
Шабылып қайтпайтығын жауған оқтан  
Түріктің жолбарыстай жүрегінен,  
Шынымен қорқақ құл боп жаудан бұққан?!

Шарқ ұрып ерікке үмтүлған түрік жаны  
Шынымен ауырды ма, бітіп халы?!

От сөніп жүректегі, құрыды ма  
Қайнаған тамырдағы ата қаны?!

Бауырым! Сен о жақта, мен бү жақта,  
Қайғыдан қан жұтамыз. Біздің атқа  
Лайық па құл боп түру? Жүр, кетелік  
Алтайға, ата мирас алтын таққа.

### ТЕЗ БАРАМ

Қыранымын сары сайран даланың,  
Қос қанатым — алтын Алтай, Оралым.  
Еркін дала ардақтысы, еркесі —  
Бетім қайтпай өскен батыр баламын.

Аскан алып — ата затым сұрасаң,  
Аскан дана — ана затым сұрасаң.  
Шашып жалын жас жолбарыс үмтүлса,  
Қорқақ құлдар, қалай қарсы тұрасың?!

Тұлпар мініп, туды қолға алайын,  
Суырып қылыш, қан майданға барайын.  
Жердің жүзі кім екенім танысын,  
Жас бөрдей біраз ойын салайын.

Тірілтейін алып атам аруағын,  
Тазартайын Сарыарқамның топырағын.  
Жан-жағына тегіс билік жүргізіп,  
Кемеліне келсін кейінгі ұрпағым.

Дүғада бол, алтын Алтай — қарт анам,  
Алып ата, қуды жолың ер балаң.  
Ақ шашынды, көкірегінді иіскеуге,  
Тәнірі жазса, сәулетпенен тез барам.

### ҚАЗАҚ ТІЛІ

Күш кеміді, айбынды ту құлады,  
Кеше батыр — бүгін қорқақ, бүғады.  
Ерікке ұмтылған үшқыр жаны кісенде,  
Қан суынған, жүрек солғын соғады.

Қыран құстың қос қанаты қырқылды,  
Құндей күшті құрқіреген ел тынды.  
Асқар Алтай — алтын ана есте жок,  
Батыр, хандар — асқан жандар ұмытылды!

Ерлік, елдік, бірлік, қайрат, бақ, ардың —  
Жауыз тағдыр жойды бәрін не бардың...  
Алтын Құннен бағасыз бір белгі бол,  
Нұрлы жұлдыз — бабам тілі, сен қалдың!

Жарық көрмей жатсан да ұзақ, кен-тілім,  
Таза, терен, өткір, күшті, кең тілім,  
Таралған түрік балаларын бауырыңа  
Ақ қолынмен тарта аларсың сен, тілім!

## ЖЕР ЖҰЗІНЕ...

Жер жұзіне ер атағым жайылған,  
Жан емеспін оттан, судан тайынған.  
Қайраты мол қандыбалақ қыранмын,  
Күн болған жоқ жаудан жүрек шайылған.

Еркін ырғып шыққам асқар Алтайға,  
Қырда тұрып садақ тартқам Қытайды.  
Талай тайғақ, тар кешуде таймаған  
Батыр жүрек, қайрат енді алдай ма?!

Талмай, қайтпай, қамал бұзған кеменгер,  
Арыстанға қарсы ұмтылған мендей ер.  
Бір барқылдақ жалпылдаған төбеттен  
Қорқар болсам, жұтсын мені қара жер!

## МЕН ЖАСТАРҒА СЕНЕМІН

Арыстандай айбатты,  
Жолбарыстай қайратты,  
Қырандай күшті қанатты —  
Мен жастарға сенемін!

Көздерінде от ойнар,  
Сөздерінде жалын бар.  
Жаннан қымбат оларға ар,  
Мен жастарға сенемін!

Жас қырандар — балапан,  
Жайып қанат, ұмтылған.  
Көздегені көк аспан,  
Мен жастарға сенемін!

Жұмсақ мінез жібектер,  
Сүттей таза жүректер,  
Қасиетті тілектер —  
Мен жастарға сенемін!

Тау суындан гүрілдер,  
Айбынды алаш елім дер,

Алтын Арқа жерім дер,  
Мен жастарға сенемін!

Қажу бар ма тұлпарға,  
Талу бар ма сұңқарға?!

Иман құшті оларда,  
Мен жастарға сенемін!..

Алаш — айбынды ұраны,  
Қасиетті құраны.  
Алаштың олар құрбаны,  
Мен жастарға сенемін!

Мен сенемін жастарға:  
Алаш атын аспанға  
Шығарар олар бір таңда,  
Мен жастарға сенемін!

...ға

Мейірімсіз тағдыр құрган торға түсіп,  
Жапанда жатыр едік біз окқа ұшып,  
Кеудеден таза ыстық қан сорғалап,  
Қайрымсыз қара салқын жерді құшып;  
Айрылып алтын ерік, ар-намыстан,  
Қайрылмай қанат қағып бақ құсы ұшып,  
Тас жүрек, көнілі қара жауыз жаудың  
Қолынан құлдық, қорлық уын ішіп;  
Жан таппай тәңіректен жәрдем қылар,  
Өмірден енді алдағы үміт кесіп, —  
Қайратты ер, сын-бәйгеге тігіп басын,  
Сол кезде ауыр жолға қадам бастың —  
Құтқарып келімsecten, тірілтпекке  
Көз жетпес кен, бай Сібір сар даласын.

Ұмтылған ізгі жолда тілегіңе,  
Түссе де темір шынжыр білегіңе,  
Қасіретті, қара күнде жанды сүйген  
Қонған жоқ кіршік таза жүрегіңе.

Сол жолда қайғы жүтқан бізді көрдін,  
Бауырдай бірге туған қолың бердің —  
Есіркеп, жаның ашып, жақын тартып,  
Жазуға сыртқы, ішкі қалың шерден.

Баладай еркелеткен қолыңа алдың,  
Жұбаттың, еске салып өткенді алтын.  
Тіледің таза жүрек, ақ көңілмен  
Болсын деп баяғыдай жүзің жарқын.

Ардақты ер! Ұмытылмас еткен ісің,  
Құні ертең айбынды алаш жинап есін,  
Көксеген көп заманнан тілегінді  
Жарыққа шығаруға жұмсар құшін.

### ӨТКЕН КҮН

Еділ, Жайық, Сырдария —  
Белгілі жұртқа ескі су,  
Тәтті, дәмді, тармақты  
Ұзын Ертіс, Жетісу.  
Осы бес су арасы  
Сарыарқа деген жер еді,  
Тұып-өскен баласын  
Айбынды ер Алаш дер еді.  
Еркін шауып ойнақтап,  
Тілеген отын жер еді.  
Қонысы — жібек ну тоғай,  
Айдын шалқар көл еді.  
Есіл менен Нұрадай  
Екі енеге телі еді.  
Қой ұстіне бозторғай  
Жұмыртқалап ол құнде,  
Жарлы жан жоқ Алашта,  
Бай пейілі кең еді.  
Қайыры көп ағайын,  
Кедейде жоқ уайым —  
Керек болса, бір тайын  
Сұраусыз ұстап мінеді.

Болсын жаты, жақыны,  
Жоқ асынан тартыну.  
Жылы жүзді бәйбіше  
Керсендей ұлken аяқпен  
Ұстата саумал береді.  
Шыға қалса бір жұмыс,  
Ұзап кетпек — артық іс,  
Бітімге биге келеді.  
Қасымның қасқа билігі,  
Есімнің ескі билігі  
Алдында сайрап жатқан соң,  
Көпті көрген көне би  
Қара жолмен желеді.  
Бір тыын пара алу жоқ,  
Қисыққа құлақ салу жоқ,  
Туралық, шындық — екеуін  
Қаз-қатар ғып жегеді.  
Сол екеуі алдында  
Бір бұлтармай жүреді.  
Ақназар сынды әділ хан,  
Абылай сынды ер сұлтан,  
Қаракерей Қабанбай,  
Қанжығалы Бөгенбай  
Ақ найзаның ұшымен,  
Ақ білектің күшімен  
Дүшпанға қысым көрсеткен,  
Қаз дауысты Қазыбек,  
Қара палуан Жәнібек  
Жалғанда тумас ер еді.  
Кеше Шөже, Орынбай,  
Жанақ, Біржан, Наурызбай —  
Бір сөзі мың ділдалық,  
Алты алашқа атақты  
Бәрі ақын, сері еді.  
Шілдеде самал ескенде,  
Жайлауға ауыл көшкенде,  
Ат-айғырға мінісіп,  
Қызыз-бозбала жарасып,  
Тереңнен әзілдескенде,

Тісі меруерт тізілген,  
Белі қыпша үзілген,  
Хор сықылды сол сұлу  
«Ха-ха-ха!» деп күлгендеге,  
Бұйық жатқан кең дала  
Бейне бір жаны енеді.  
Сылдырап аққан өзенге  
Үй тігіп, дереу қонысып,  
Бұрала басып былқылдап,  
Әзілдесіп, сыңқылдап,  
Жас келіншек, жас қыздар  
Кереге жайып, уық байлар,  
Үйден үйге жүрісіп.  
Өткен күнді ойласам,  
Ойға терең бойласам,  
Кешегі қайран қазақтың  
Сәuletі мен дәuletі  
Көз алдыма келеді...  
Күшің кеткен баяулап,  
Жүрсін атсыз, жаяулап.  
Ит надандық желкенде  
Шабайын деп аңдып тұр,  
Қылышын ұстап таяулап.  
Арыстаным, сұнқарым,  
Қажымас, талмас тұлпарым,  
Басың көтер, тұр енді!  
Батқан еken ол күнің,  
Жеткен еken бұл түнің.  
Өткенді ойлад қайғырма,  
Әр кәмалға бір зауал  
Ежелден болмақ емес пе?  
Ескіше тұрып егеспе,  
Заман — тұлкі, тазы бол,  
Базарша дүкен құр енді.

## АЙҒА

Күн батып, қараңғылық қанат жайды,  
Аспанда сансыз жұлдыз жарқырайды.  
Отырған қараңғы үйдің терезесінен  
Көремін мұнды, нұрлы толған Айды.

Қайғылы Ай, тұрсың көкте түсің қашып,  
Қайғылы жер жүзіне нұрың шашып.  
Жылжисың ақырын ғана қорыққан жандай,  
Жүргендей жол таба алмай бейне адасып.

Бір жауыз сөндірмек пе әлде нұрың?  
Үстіңе кигізбек пе қара құрым?  
Жоқ әлде қазіргімен жұмысың жоқ,  
Қайғыға түсіре ме өткен күнің?

Кім білед, өткен күнің алтын шығар?  
Ажарың бейне күндей жарқын шығар?  
Көп жұлдыз — әлде күшпен, әлде іспен  
Еріксіз артына ерткен халқың шығар.

Жоқ шығар ешбір бөгет онда жолда,  
Еркіңмен құлаш жайып оң мен солға,  
Мезгілмен толу, солу билігі де  
Ол уақыт емес шығар басқа қолда?

Қайғылы Ай, мен де сенің қайғыңа ортақ,  
Менде де бұрын бар еді тәж бенен так.  
Жас едім, жалынды едім, батыр едім,  
Қолыма қонып еді ол уақыт бақ.

Кең дала, көресің ғой, ана жатқан  
Жібектей жасыл шөптер бетін жапқан.  
Асқар тау, балдан тәтті сулары бар,  
Әнен, сол анам еді мені тапқан.

Салушы ем асау тайдай койнында ойнақ,  
Жүруші ем ертеңді-кеш ылғи ойнап.

Ішуге ас, мінуге ат — бәрі даяр,  
Көрмеп ем өмірімде қайғы ойлап.

Дариға, жауыз тағдыр қатты алдады,  
Бақ-дәulet — алмағаны еш қалмады.  
Тас жүрек көзім нұры — анамды алып,  
Еніреген мен жетімге көз салмады.

Мінекей, қамаудамын тар үңгірде,  
Мұнысы — көмгені ғой тірі көрге.  
Мейірімді Ай, мені-дағы жаныңа алши,  
Болайық екі мұндық біздер бірге.

Ант етіп айрылмасқа бірігейік,  
Ас-сусыз, мың бейнетпен жол шегейік.  
Тыңдайтын бар ғой тілек әділ Алла,  
Көл қылып қан аралас жас төгейік.

Сұрасақ, тілек қабыл болмас па еken?  
Жолымыз жылап шеккен онбас па еken?  
Кеше ұшқан басымыздан бақыт құсы  
Тағы да қайта айналып қонбас па еken?

### ЖҰМБАҚ

Сап-сары бел,  
Еседі жел,  
                    Еседі.  
Еседі жел,  
Көшеді ел,  
                    Көшеді.

Дала бұйық,  
Бала тұйық —  
                    Екі үнсіз.  
Дала — жұмбақ,  
Бала — жұмбақ  
                    Шешусіз.

Сап-сары бел,  
Еседі жел,  
Жел есед.  
Дала — жұмбақ,  
Бала — жұмбақ,  
Кім шешед?

### АЙДА АТЫНДЫ, СӘРСЕМБАЙ

Айда атынды, Сәрсембай,  
Ағарып алтын таң атпай  
Шығайық қырға, далаға.  
Шу-шу-шу...  
Әттең ғана бұл оқу!  
Келмес едім қалаға.

Қарашы кейін бұрылып:  
Таудай болып созылып  
Қала — бір жатқан дәу пері.  
Айналасы — тұман, тұн,  
Дем алысы — от, тұтін,  
Жарқ-жүрқ еттер коздері.

Сөзі у-шу, ың да жың,  
Сасық ііс ауыр тым,  
Тұншықтым ғой, Құдай-ай!  
Кейін қарап нетеміз,  
Ауылға қашан жетеміз,  
Айдашы атты, Сәрсембай!

Әйелдері үятсыз,  
Құнде сүйгіш, тұрақсыз,  
Қылмындаасар, керілер.  
Жұздерінің қаны жоқ,  
Көздерінің жаны жоқ,  
Еркектері — «перілер».

Оларда отты жүрек жоқ,  
Тамақтан басқа тілек жоқ,

Қорсылдаған «доңыздар».  
Тұн баласы перілер,  
Жұмақтан артық көрінер  
Оларға сасық үңгір тар.

Көкті көрмес көр олар,  
Қараши, қанша жұлдыз бар,  
Күліп қана жүзеді Ай.  
Қалаға келіп қаңғырдым,  
Сар даламды сағындым,  
Айда атынды, Сәрсембай!

Әлде үйқын келе ме?  
Сәрсембай-аяу, сен неге  
Шырқап бір өн салмайсың?  
Жетесің туған жеріңе,  
Еркелеткен еліңе,  
Жүргегім, неге жанбайсың?!

Сарыарқамның топырагы —  
Менің жаным шырағы,  
Кеудемді төсеп жатамын.  
Оның жібек желінің,  
Тәтті, кәусар қөлінің  
Қазір дәмін татамын.

Қайрылып кейін қараман.  
Шықтық па ұзап қаладан,  
Айтшы, жаным ағатай?  
Кейін қарап нетеміз,  
Ауылға қашан жетеміз,  
Айдашы атты, Сәрсембай!

## БЕСІК ЖЫРЫ

Күнім, айым,  
Еркетайым,  
Бөлейін енді.  
Тыста дауыл,  
Жатқан ауыл,  
Үйқың да келді.

Жұмсақ бесік,  
Жылы тәсек,  
Жата ғой, қозым.  
Әлди, бөпем,  
Әлди, бөпем,  
Үйықта, жұм көзің.

Құлышақтар,  
Қозы, лақтар —  
Бәрі де үйқыда.  
Сен — жұлдызыым,  
Сен — көз нұрым,  
Кіп тәтті үйқыға.

Сая жаным,  
Балапаным,  
Соқсын дауыл, жел,  
Болма алан,  
Сүйген анаң  
Сақтар, анық біл.

Бәу-бәу, бөпем,  
Бәу-бәу, бөпем,  
Әлди, әлди-ай!  
Сәулем, еркем,  
Күні ертең  
Толарсың сен-ай.

Пісіп алмам,  
Толып бағлан,

Жүгіріп жүрерсің.  
Сұлу сүйрік,  
Жорға, жүйрік  
Тайға мінерсің.

Қара жарғак,  
Тұлқі тымақ  
Шоқтап киерсің.  
Қуанып, қалқам,  
Ерке марқам,  
Қысып сүйермін.

Мініп тұлпар,  
Алып сұңқар,  
Тауға кетерсің.  
Сен боп сөзім,  
Жасты көзім,  
Сағынып күтермін.

Қызық іздең,  
Қыздар көздең,  
Елдер кезерсің.  
Тарлан шүйіп,  
Сұлу сүйіп,  
Үйден безерсің.

Қуып бақыт,  
Тілеп тақыт,  
Жолдар шегерсің.  
Жүрек жара,  
Мен бейшара  
Жастар төгермін.

Қайнап қаның,  
Батыр жаның  
Ерікке ұмтылар.  
Сен еріме —  
Жас бөріме  
Қарсы кім тұрап!

Алмас қылыш,  
Найза құрыш  
Белге буарсын.  
Сен, сырттаным,  
Арыстаным,  
Жауды қуарсын.

Тұған жерден,  
Өскен елден  
Ерге не қымбат!  
Жас жолбарыс,  
Жаумен алыс,  
Шанға, қанға бат.

Айбатынды,  
Қайратынды  
Көріп қарт анаң,  
Төгіп жасын,  
Жайып шашын,  
Тілер: «Бол аман!»

Күтем, қүйем,  
Көрсет, Ием,  
Сол алтын күнін.  
Ұйқың тәтті,  
Ұйқың қатты,  
Қозым, құлымым.

Жаным да сен,  
Тәнім де сен,  
Қарашығым-ай!  
Әлди, бөпем,  
Әлди, бөпем,  
Әлди, әлди, әлди-ай!

## СҮЙЕМІН

Күлдей құнгірт шашы бар,  
Тоқсан бесте жасы бар,  
Көз дегенің — сұп-сұр көр.  
Тасбик санап бүгіліп,  
Жерге қарап үңіліп,  
Көршे ауыр күрсінер  
Менің бір қарт анам бар,  
Неге екенің білмеймін,  
Сол анамды сүйемін!

Көзінде көк нұры жоқ,  
Аузында жұмак жыры жоқ,  
Жалынсыз, усыз құшағы,  
Иірілмейді жыландай,  
Сөзі де жоқ құрандай,  
Білгені — қазан-ошағы,  
Жабайы ғана жарым бар,  
Неге екенің білмеймін,  
Сол жарымды сүйемін!

Ұйқы басқан қабағын,  
Бастыра киген тымағын,  
Жалқаулықты жар көрген,  
Жүрген ескі заңымен,  
Алдындағы малымен  
Бірге жусап, бірге өрген  
Алаш деген елім бар,  
Неге екенің білмеймін,  
Сол елімді сүйемін!

Сағымы сайран құрады,  
Бораны ұлып тұрады,  
Қыс — ақ кебін, жаз — сары,  
Орманы жоқ, шуы жоқ,  
Тауы да жоқ, суы жоқ,  
Мәнгі өлік сахарасы  
Сарыарқа деген жерім бар,  
Неге екенің білмеймін,  
Сол Арқамды сүйемін!

## МЕН КІМ

Арыстанмын, айбатыма кім шыдар?  
Жолбарыспын, маған қарсы кім тұрап?  
Көкте — бұлт, жерде — жемін гулеген,  
Жер еркесі — желдің жөнін кім сұрап?

Көкте — Құнмін, көпке нұрым шашамын,  
Көңілге алсам, қазір ғарышқа асамын.  
Шеті, түбі жок тенізбін қаракөк,  
Ерігемін — толқып, шалқып, тасамын.

Жалынмын мен, келме жақын, жанарсың,  
Тұлпармын мен, шаңыма ермей қаларсың.  
Құл болсын көк, жемірілсін жер, уайым жок,  
Көз қырымен құліп қана қарапмын.

Мен өлмеймін, менікі де өлмейді,  
Надан адам өлім жоғын білмейді.  
Өзім — патша, өзім — қазы, өзім — би,  
Қандай ессіз не қылдың деп тергейді?

Мейірленсем — сегіз жұмақ қолымда,  
Қаһарлансам — тамүқ даяр құлымда.  
Жоқ жақыным, Жасағандай жалғызыбын!  
Мен бе иілер әлсіз адам ұлына?!

Өзім — Тәңірі, табынамын өзіме,  
Сөзім — құран, бағынамын сөзіме!  
Бұзушы да, түзеуші де өзіммін,  
Енді, ескілік, келдің өлер кезіңе!

## ЕСКЕНДІРДІҢ ЕКІ МҮЙІЗІ

Болсан да жалғыз жапанда,  
Сырыңа, құрбым, берік бол!  
Күбірлесе-ак ауызын,  
Әкетер қағып жүйрік жел.

Ертегі ерте күндерде  
Ескендір атты хан болған.  
Бесіктен көрге кіргенше,  
Көргені қызыл қан болған.

Заманында Ескендір  
Жеті ықылымды билеген.  
Асқан алып, киелі, —  
Түссе де отқа күймеген.

Ескендірдей алыштар  
Дүниеге енді туда ма?  
Алып адам денесін  
Сынап-мінеп бола ма?

Ескендірдің басында  
Екі мүйіз болыпты.  
Екі мүйізді екенін  
Ол жасырып жүріпти.

Ескендірдің басында  
Екі мүйіз — нысана!  
Жабайы жұртқа көрсетсе,  
Қасиеті қала ма?

Қос мүйізін жасырып,  
Ескендір ер жасынан  
Алмайды екен еш уақыт  
Дұлығасын басынан.

Ескендірдің басынан  
Талай заман көшіпти.  
Арыстанның жалындай  
Жалпылдан шаш өсіпти.

Күндерде бір күн Ескендір  
Шарап ішті, балбырад.  
Шашын біраз кесуге  
Шаштаразды алдырад.

Келгеннен соң шаштараз,  
Дұлығасын алады.  
Шаштараз көріп қос мүйіз,  
Қорқып-сасып қалады.

Айтады оған Ескендір:  
«Қорықпа, құлым, бері кел!  
Тұрам десен дүниеде,  
Аузыңа бірақ берік бол!»

Шаштараз кетті жайына,  
Күндер, айлар өтеді.  
Шаштараздың жүргегін  
Мынау сыр бірақ өртеді.

Аузы-басы жыбырлап,  
Сейлегісі келеді.  
Сейлесе, сорлы шаштараз  
Сол сағатта-ақ өледі.

Енді сорлы не қылмақ?  
Барады жанып, іш күйіп.  
Бір құдықтың аузына  
Жатты келіп еңкейіп.

Жан-жағына қаранып,  
Күрсініп бір уhi деп:  
«Ескендірдің мүйізі!..» —  
Деді ақырын күбірлеп.

Жақын тұрган жас қамыс  
Қоя қойып сыбырды,  
Түре қойып құлағын,  
Тыңдай қалды күбірді.

Мынау сырды білді де,  
Қамыс төмен иілді.  
Басына тұрлі ой келіп,  
Тұнжырады, күйінді.

Сол арада сайтандай  
Елбелендең жел келді.  
Әрине, енді жас қамыс  
Жаратпады келгенді.

Жаратпаса, желге не?  
Ерегісті жынды жел.  
Қамысты алды құшаққа,  
Сына жаздад бұраң бел.

Қамыс басын шайқады,  
Жел өндірді у жырын.  
Жырлады, құшты, улады,  
Біліп алды бар сырын.

Сырын біліп алды да,  
Қоштасып сүйіп, сыйырлап:  
«Ескендірдің мүйізі!» —  
Деп жөнелді жыбырлап.

Таң атқанша жүйрік жел  
Жүгіруден талмады.  
Ескендірдің мүйізін  
Білмеген жан қалмады.

Таң да атты, жүйрік жел  
Баяулады, басылды.  
Таң да атты, шаштараз  
Дар ағашқа асылды!..

Есің болса, жолдасым,  
Бола көрме шаштараз.  
Асылмасаң да ағашқа,  
Болуы анық дос араз!

## ӨТКЕН – АЯУЛЫ

Өткенді мақтар әр адам,  
Білмеймін, өткен алтын ба?  
Болмаса, мақтау өткенді  
Адамзаттың салты ма?

Қариялар отырып,  
Баяғыны мақтайды.  
Желкілдеген жас заман  
Оларға тіпті-ақ жақпайды.

Заң да болған соларда  
Тура, әділ, жақсы да,  
Аспаннан пері түсірген  
Файыпты болжар баксы да.

«Өткен артық» дер адам,  
Шеше де өлген баласын  
Аузынан, сөйлеп, тастамас, —  
Көз ішінде қарасын.

Қылышты да, тәтті де,  
Ақылды да ол бала.  
Екі жасар күнінде  
Пәлен деген — ол дана.

Жалғаны жоқ, адамнан  
Жаңаны мақтар санаулы.  
Не дұрыс шығар, не теріс,  
Әйтеуір, өткен — аяулы.

## ҚҰРБЫМ

Бұл жалған ойын емес, бейнет жері,  
Қылғанға адал еңбек зейнет жері.  
Жалғанның бір мүшесі бола алмассын,  
Қиналып, мандаіыңың акпай тері.

Қорықпа, ұмтыл, соқса дауыл, ескегінді ес,  
Деп жатпа: «Алма піс те, аузыма тұс!»  
Бейнет, еңбек қылмасаң — босқа өлгенің,  
Құрғакта қайық жүрмес, ұмтінді кес!

## КӨК ТЕКЕ

Айыр сақал көк теке  
Деді де бір «Меке-ке!» —  
Шықты секіріп қораға.  
Жүрді басып алшандап,  
Қарнын керіп талтандал,  
Қаза айдаса, бола ма?

Керді теке көкірек,  
Көрінді оған жақын көк,  
Сүзейін деп ойлады.  
«Меке-ке!» — деп кекірді,  
Тұқырып басын, секірді,  
Қора ішіне құлады.

Қорада айғыр тұр еді,  
Мінілмеген құр еді,  
Жана ұсталған үйірден.  
Текені көріп дұрс еткен,  
Бірденесі бырс еткен,  
Тепті келіп бүйірден.

Қайтсін жануар, күйген соң,  
Тастай түяқ тиген соң,  
Көк теке мал бола ма?  
Айыр сақал көк теке,  
Деді де бір «Меке-ке!» —  
Қалды сұлап қорада.

## ТӨБЕТ

Жарықтық Сәрсен ақсақал,  
Жуан қарын, тап-тапал  
Асырады бір төбет.  
Тырбиған түрін көрсе де,  
Шамасы кемін білсе де,  
Ойы болды: «Кім білед!..»

Құшық шеке, қайқы бел,  
Жуан қарын сыйып жер,  
Тып-тып төбет жүреді.  
«Қарны толған өнер! — деп, —  
Қолынан бір не келер!» — деп,  
Мұртынан Сәрсен құледі.

Көрінгенге жалпылдап,  
Дамыл алмай барқылдап  
Үргенін көріп, қуанды.  
«Бар, — деп, — мықты төбетім,  
Кім бар маған келетін!» —  
Білекті Сәрсен сыйанды.

Жүргенде Сәрсен қуанып,  
Уақыт күзге таянып,  
Қараңғы бір түн болды.  
Төбетке Сәрсен ас берді,  
Үйін-күйін тапсырды,  
Төбетке бір сын болды.

Сабалақ жұні жалпылдап,  
Бет алдына барқылдап,  
Үріп төбет жүр еді.  
Күн де еркін батпай-ақ,  
Сәрсекем де жатпай-ақ,  
Қотанға құйын келеді.

Көріп келген құйынды,  
Тас түйін бол жиынды,  
Дүркіреп қойлар үркеді.

Үріккен қойда жұмыс жок,  
Төбетте дән дыбыс жок,  
Тапты тапал күркені.  
Үріккен қойды дүркіреп  
Көріп Сәрсен күркілдеп,  
Қотанға қарай жүгірді.  
Қараса қайтып күркені,  
Бұғып жатыр шіркіні,  
Төбетінен түнілді.

Жабыны тұлпар қылам деп,  
Қарғаны сұңқар қылам деп,  
Талайдың ісі шалағой.  
Не дейін есіл сақалға,  
Жуан қарын тапалға  
Сенген Сәрсен — балағой!

### БҰГІНГІ КҮН ӨМІР, ӨЛІМ — МЕНИКІ

Басы — сайран, сүм жалғанның соңы — ойран,  
Адам өмірі — тағдыр ойыны. Біл де ойлан!  
Есіл жастық ескен желдей гүілдеп,  
Әлі-ақ кетер жүректен — от, күш — бойдан.

Көздің нұры кеміп, жақтар суалар,  
Сүмбіл қара шаш селдіреп қуарап.  
Ет таралып, сүйек қалып саудырап,  
Тамырларда сасық сары су агар.

Сүм тағдырдың емес пе бұл мазағы,  
Аз өмірде естен кетпес азабы.  
Жаты түгіл, жақынына жексүрын  
Болып, өзі тілесін деп қазаны!

Қылсын мазақ, мейлі тағдыр ойнасын,  
Жалмауыз жер мейлі жұтсын, тоймасын.  
Жансыз сұық көзін қадап қу өлім,  
«Тез» деп күтіп, тісін шықыр қайрасын.

Не қылса да, өлімнің өз еркі,  
Жындандырад мені сұлу көркі.  
Құшам, ішем, жынданамын, жылаймын,  
Бүгінгі күн өмір, өлім — менікі!

### СЫРЫМ

Мен қуансам, жас баладай қуанам,  
Көрген адам талай деген: «Есалан!»  
Мен қайғырсам, орнатамын қиямет,  
Жас баламын — тағы да тез жұбанам.

Күлсем егер, есім шығып күлемін,  
Жылағанда қап-қара қан төгемін.  
Қасым болса, қанын ішкім келеді,  
Досым болса, жолында оның өлемін.

Әйел сүйем, бірақ емес сендерше,  
Мен сүйемін жан-денесін бергенше.  
Жан-денесін бірдей алам, улаймын,  
Қысып сүйем құшағымда өлгенше.

Ол күледі, мен де есалан, күлемін,  
Ол жылайды, мен де жасым төгемін.  
Құшағымда жан-тәнінен айрылып,  
Өлед әйел, мен де бірге өлемін.

Тағы көрем, тағы күлем, тірілем,  
Есім шығып, тағы тұзаққа ілінем.  
Өмір — дала, тапыл басқан мен — бала,  
Тапыл-тапыл, дамыл-дамыл сүрінем.

Өмір — өзен, ұміт — шабақ ойнаған,  
Жел сөзбенен шабақ аулауға ойлаған  
Мен — есалан, мен — нәресте, ұміт — от,  
Жүз күйсе де, қармануын қоймаған.

«Өзім — Тәнірі, өзіме өзім табынам», —  
Деп көпіріп, зор Тәніріге шабынам.

Егерде енді ауынқырап кетсе бас,  
Сол Тәніріге жасым төгіп жалынам.

Міне, оқушым, осы менің бар сырым,  
Бояу деген ойымда жоқ, жоқ сырым.  
Сен не дейсің?.. Құлағындаі есектің  
Ерініңе құлкі келді-ау, қыртылым!

### СҮЙ, ЖАН СӘУЛЕМ

Сүй, жан сәулем, тағы да сүй, тағы да!  
Жылы, тәтті у тарады қаныма.  
Бұл ләззаттың бір минутын бермеймін  
Патша тағы, бүкіл дүние малына.

Құшақтатып нәзік талдай беліңнен,  
Сүйгіз, сәулем, тәтті балдай тіліңнен.  
Бой шымырлап, талықсиды жүргегім,  
Балқып денем, барам еріп деміңнен.

Кір қойныма, қыпша белің бұралып,  
Тарқат шашың, жатсын жібек оралып.  
Жаным! Жаным! Тезірек тисін төске төс,  
Көз жұмулы, жиі ыстық дем алып.

Шашың — қара, денең — ақ бұлт, жүзің — Ай,  
Тісің — меруерт, көзің, сәулем, құралай.  
Ләззат, рақат, бақыт — бәрі қойнында,  
Сұрамаймын енді ұжмақ — жақсы жай!

Сүй, жан сәулем, тағы да сүй, тағы да!  
Жылы, тәтті у тарады қаныма.  
Жасаганнан бір-ақ нәрсе тілеймін:  
Өтпесе тұн, атласа екен таңы да!

## ТӨГІЛГЕН ШАШЫ

Төгілген шашы,  
Қиылған қасы,  
Керілген мәндай да.  
Тістері — меруерт,  
Бейне қар мамық ет,  
Кез келсең мұндаға,  
Жалындал қүйіп,  
Бір ғана сүйіп,  
Өлсөң де болмай ма!

## ҚҮМІС НҰРЛЫ АЙ

Құміс нұрлы Ай. Жұлдыздар — алмас, жібек жел,  
Сыбырласып жас қайындар бұраң бел...  
«Қан қайнады. Жас жүргім ойнады,  
Бір сүйейін! Жақында, жаным, бері кел!»

«Сен сүйерсің, мен күйермін, жанармын,  
Құшақтарсың — мен есімнен танармын.  
Өлендетіп, жүйрікке мініп кетерсің,  
Жүргегімде от, жылай-жылай қалармын!»

«Сүйші, сүй!» — деп сыбырлап тұр жас терек,  
«Құшақта!» — деп асығып тұр жас жүрек.  
«Ұйқы көрмей, жүйрігімді жаратып,  
Келіп тұрмын, енді, сәулем, не керек?»

«Тұсу қыын ұшар құстың ізіне,  
Сене алмаймын жас теректің сөзіне.  
Бірак, сәулем, ерігендей боламын,  
Бойым балқып, көзім түссе көзіңе!»

«Ұстық құшак, отты сүйіс, балды тіл...  
Бірдене деп құбірлейді жібек жел.  
Бұл — жастық қой, жасыра гөр, жібегім,  
Айтып қойсан, амал қанша... өзің біл!»

## ШОЛПЫ

Сылдыр. Сылдыр. Сылдыр...  
Қанымды қайнатты құрғыр.  
Шық-шық жүрекке тиеді,  
Күлпара талқан боп сынғыр!

Сылдыр. Сылдыр. Сылдыр...  
Өзекті өртеді құрғыр.  
Әдейі іргеден жүреді  
Сұлу қызы санадан солғыр!

Сылдыр. Сылдыр. Сылдыр...  
Жүректі жандырды құрғыр.  
Кеудені кернеді жалын,  
Сәулем, періштем, тез кір!

Сылдыр. Сылдыр. Сылдыр...  
Есімнен аудырды құрғыр.  
Лебізіңнен еріп барамын,  
Жаным-ай, жақында, қол бер!

Сылдыр. Сылдыр. Сылдыр...  
Талдым, қалды сұлдер.  
Сыбырға айналды сылдыр,  
Сылдыр, сылдыр, сылдыр...

## СЕН СҰЛУ

Білем анық: жанға жайлыш Май сұлу,  
Жарқ-жүрқ еткен майдың наизағай сұлу.  
Қызықты орман, көнілді еркін кең дала,  
Күміс табақ көктеген Ай сұлу.

Кешкі ескең жібек, жылы жел сұлу,  
Хош иісті түрлі-түсті гүл сұлу.  
Әдемі аспан — төбедегі көк шатыр,  
Асқар тауы, дариясымен жер сұлу.

Сылқ-сылқ күліп сылдыр қаққан су сұлу,  
Көлге қонып қаңқылдаған қу сұлу.  
Бейне айнадай жарқыраған айдыннан  
Күн шығарда көтерілген бу сұлу.

Шаңқай түсте өткір, алтын Күн сұлу,  
Жымындаған жұлдыздармен тұн сұлу.  
Толып жатыр түрлі сұлу дүниеде,  
Бәрінен де маган, сәулем, сен сұлу!

### БІРАЗ ФЕТШЕ

Жібек тұн —  
Бәрі тын.  
Сайраған,  
Жайнаған.  
Екі жас —  
Екі мас :  
Жүрек мас,  
Көзде жас!  
Сұттай Ай,  
Терең сай:  
Бұлбұл,  
Гүл-гүл.  
Екі жан,  
Ыстық қан.  
Жан ессіз,  
От сүйіс.  
Орман  
Тынған.  
Сылдыр.  
Гүлдер.  
Күбір,  
Сыбыр.  
Тұман.  
Тан, тан!..

Н...жан, көрмегелі көп ай болды,  
Сағындым, жүргіме қасірет толды.  
Ең соңғы көрісуім бақшада еді,  
Қыс болды, бақша да өлді, гүлдер солды.

Жеті айда жоғалса да талай іздер,  
Есімнен неге шықсын соңғы сөздер!  
Күндіз-түн жатсам-тұрсам көз алдымда  
Улаған жүргімді қара көздер.

Дарияға дауыл қуып кірген кеме —  
Еркі жоқ, толқын айдал жүрген кеме  
Жайнаған жемісі көп бір аралға  
Кез келсе, тастап оны кетсін неге?!

Табылған арал тастап не керегі,  
Кеткенде толқын оған не береді?  
Дауыл мен толқын сыры белгілі ғой,  
Дарияда домалатып төңкереді.

Жан едім терең теңізге ерте кірген,  
Өмірде тұщы-ащыны ерте білген.  
Алышып долы дауыл толқынменен,  
Теңізде талай аунап төңкерілген.

Аз жаста көп сүйіп ем, сүйіліп ем,  
Көп улап, көп уланып, күйініп ем.  
Желдей жынды жүректің екпінінен  
Майысып, сына жаздалап, иіліп ем.

Өмірдің толқындары үрган кезде,  
Иманнан айрылғалы түрган кезде,  
Жасаған Жәбірәйілін жіберді ғой,  
Жолықтым сен сәулеме — нәркес көзге.

Періштем ақ қанатты Н...жаным,  
Жаныма жарық берген алтын таңым,

Тілекке қасиетті бірге үмтыйлар  
Жолдасым, сен — құраным, сен — иманым.

Дарига, көрмегелі айлар өтті,  
Сұм тағдыр ойға-қырға тентіретті.  
Көре алмай көптен бері, сәулем, сені,  
Қасірет жүректі жеп, жанға жетті.

Сұм тағдыр жапан түзге шығарды айдалап,  
Дауылы ұлып тұрған бораны ойнап.  
Жанамын, құңғанемін, жұбанамын,  
Сенімен бірге жүрген күндерді ойладап.

Омбының у-шуы мол қаласы еді,  
Салқындау апрель — май арасы еді.  
Көшеге қол ұстасып шыққанымыз  
Алтын Күн батуымен талас еді.

Асығып, жүрек ойнап, сыбырластық,  
Қыс бойы хаттардағы сөздерді аштық.  
Жұтірді қолдан қолға жасырын күш,  
Тайынбай, маҳаббатқа қадам бастық.

Өтсе де, жеті ай тұрсын, дәл ай он бес,  
Есімнен бір минут та шықпас-ау еш  
Түкпірде, кең бір аулақ кабинетте,  
Ішінде «Алтын мүйіз»<sup>1</sup> өткізген кеш.

Ал, қалам, сол кешті жаз, бірақ қызба,  
Қызысан, қыз, орны келсе, әдеп бұзба.  
Ішінде «Алтын мүйіз» отырғанда,  
Н...жан, кім бар еді жанымызда?

Есімде... бір қыз бар ед ойлар басқан,  
Бетінің солған гүлдей қаны қашқан.  
Кез қарас, күлісінде, сөздерінде  
Қайғыға қайнар ашу араласқан.

---

<sup>1</sup> Омбыдағы ресторанның аты («Золотой рог»).

Себеп не сонша түсі қашқанына?  
Кім білсін, Тәнірі бағын ашпады ма?  
«Сүйем!» — деп әлдебіреу сүйіп жүріп,  
Жалт беріп, бейшараны тастанды ма?!

Жалындал сүйе алмай һәм сүйдіре алмай,  
Лебімен сүйікенде күйдіре алмай,  
Откен бе бар өмірі тайқақтықпен,  
Айтуға жүрек сырын тілі бармай?!

Қандырып сүйгеніне су бере алмай,  
Тайынбай дүшпанына у бере алмай,  
Жолдасы жауға шабам деп келгенде,  
Қолына қанды найза, ту бере алмай, —

Мінезі дәл осындаі болса әгар,  
(От пен су бұл жалғанда бола ма жар?)  
Бір жігіт сүйіп жүріп сүймей кетсе,  
Н...жан, сол жігітте не айып бар?

Не десен де бұл істер саған дайын,  
Несіне енді оған мен аялдайын...  
Көзінен үшқын шыққан анау қыз кім?  
Белгілі: жан емес қой қарапайым!

Иірілген бүйра толқын шашы қандай,  
Іығына екі жылан асылғандай.  
Тұнғиық қара судай қара көздер  
Қандай сыр болса-дағы жасыргандай.

Қара сүр, сырға берік беті қандай,  
Мінезі майда жібек, сөзі балдай.  
Бал заты — у, жібек асты — тікенек пе?  
Не керек, адамзатты біледі алдай!

Белгілі: болған шығар талайлар жар,  
Халық тегіс жалған айтса, Тәнірісі бар.  
Жардың көп болуының таңы да жок,  
Интернациональный жүрегі бар.

Қытайдан Карпат қаша жеткен жүрек,  
Карпат асып, Атласқа кеткен жүрек,  
Қазақ, сарт, татар, черкес, орыс, неміс,  
Француз, чех... бәрін өзі еткен жүрек.

Досы бол жігіттері Жарты Айдың,  
Әнші, ақын, мүшелері құрылтайдың,  
Бәрі рас, бірақ «цирк палуаны —  
Соловьев!» деген сөзге нана алмаймын.

Соловьев — шикі надан, өгіз ғой нас,  
Қалайша оны сүйер осындай жас?!  
«Жаншылып»<sup>1</sup> деген сөздің әйтеуірі  
Он үште астын сызып қоюы рас.

Айтпақшы, жанымызда бар ғой «граф»,  
Отыр ғой қара мұртын сылап, бұрап.  
Сұлудың бір білмеген сыры болса,  
Алайық біз азырақ содан сұрап.

Жүруші ед қол ұстасып құн батқанша,  
Көшесін күзететін таң атқанша,  
Сүйгенін қанша сөйлеп ұқтыра алмай,  
Мұртына қүректей бол мұз қатқанша.

«Графтай» адал көніл адам сирек,  
Айта ма сұлуға ол сөзді түйреп?!

Күрсініп, көзін сүзіп жүрген кезде,  
Қадалып бір «сары маса» қойса керек.

Белгілі, «графқа» емес, жас сұлуға,  
Ежелден біреу буға, біреу шуға...  
Шет халық өлі жала қып жүрмесін,  
Бұл «граф» өзіміздің анық тума.

Білеміз ру, түқым, ата затын,  
Өзі таныс, қонысы тағы жақын.

---

<sup>1</sup> «Салмағыңнан жаншылып, қалсын құмар бір қанып (М.Жұма-баевтың ескертуі).

Елден шығып Омбыға келгеннен-ак,  
Құмар болды көтеруге «граф» атын.

Сөйлетіп қоя берсөң, сөзге тақ-тақ,  
Құлкісі құміс сылдыр, емес сақ-сақ.  
«Философ», «экономист», «артист», «поэт» —  
Қайдағы әдемі сөзді алған жаттап.

Жиында иіледі, бүгіледі,  
Балаларды ойынқұмар құлдіреді.  
Шөп басы қимылдаса: «Пardon, мамзель!»  
Тағы да «Аля» деген сөз біледі.

«Графтын» сол сұлуды сүюі рас,  
Күрсініп бір қыс бойы қуюі рас.  
Масаның қадалғанда қатты ызыңы  
«Графтын» құлагына тиуі рас.

Бұл емес, талай ызың бұдан былай  
«Графтын» құлагына тиген талай.  
Сырт тұрсын, көз алдында көлбендейді,  
Себебі, «графты» разы қылу оңай:

Сүм сұлу сағынғандай қолын беред,  
Қолымен бір сиырдың тілін беред.  
Бұл тілді сүйе ме еken я жей ме еken,  
Оншасын «мсье», «граф» өзі білед.

Айналсын қолға, тілге, яки басқа,  
Қалайда «графтардың» жөні басқа...  
Бүгіліп, үңілгендей не болды еken  
Дембелше жігітіміз бүйра шашқа?

Талай ел қонып, жайлап көшкен жерден,  
Еркімен ерке желдер ескен жерден  
Не іздеп, мұнша жабысып қалды еken  
Көрісіп, есенсіз бе дескен жерден?

Иіліп, сыбырлайды құлағына,  
Қарайды көзін алмай тұрағана.

Мінезін, өткен өмірін біліп алып,  
Қылмақ па героина драмаға?

Дариға, драмалар, драмалар!  
Толып тұр драмаға абыралар.  
Откізген үйқы көрмей есіл тұндер  
Құрысын! Тірі жан жоқ оқуға алар!

Тағы да есебі жоқ комедия,  
Жетті екен бәріне қалай қара сия?!

Дүниеде драматург ат бермесен,  
Қыла гөр ақиредте жүзін зия.

Жасаған, дүғам осы жолдас үшін,  
Жолдасым қараса да жарып ішім...  
Есіме жолдастарды аламын деп,  
Ұмытып кете жаздым ғой «Мүйіз» ішін.

Болған соң сол тәртеумен жақын жолдас,  
Деп ойлап, есіме алдым, ашуланбас.  
Құрбының құрбы әзілін көтермек қой,  
Ашуланса, бастары да аман болмас...

.....

Отырдық жақын, қатар тізе тиіп,  
Денеге у жайылып, қызып, күйіп.  
Жүрт көзі екеумізден ауған кезде,  
Қойып ем бауырима қысып-сүйіп.

Қашанда махаббатты көз бастайды,  
Білдірмей, ыстық қысып, қол қостайды.  
Жалындал асығыстықпен сүйіскенге,  
Көз-қолың — біреуі де үйқаспайды.

Ойнайды аласұрып қаның қандай,  
Жүргегің сол минутта жарылғандай!  
Көзінде от аралас жас мөлдіреп,  
Сенделіп тұргандайсың халің қалмай.

Миыңа ешбір бөтен ой кірмейді,  
Көзіңе ешбір нәрсе көрінбейді.  
Ақ беті бір агарып, бір қызырып,  
Жас жарың жас киіктей дірілдейді.

Сол кеште, әлі есімде, Н...жаным,  
Аузыңдан дәл осылай бал алғаным.  
Кім бірақ тояр кәусәр шарабына,  
Мен-дағы сол балыңа қана алмадым...

.....  
.....  
.....

### ХОР СИПАТТЫ ҚАРЫНДАС

Хор сипатты қарындас,  
Оттай сұлу, ыстық жас.  
Құшақта да, қойныңды аш,  
Бұғақтан бір сүйейін!  
Мен — көбелек, сен — бір шам,  
Өзі келген мен құрбан,  
Шамға одан не зиян,  
Сүйейін де қүйейін!

### ЖАС СҰЛУҒА

Мен ақынмын — ағынмын,  
Сылдыраймын, сүйемін.  
Мен ақынмын — жалынмын,  
Шапшып көкке тиемін.

Қарақат көзің мөлдіреп,  
Көп қарама, жас сұлу.  
Сылдырап сипап, сүйген боп,  
Алып кетер ағын су.

Алма ернің елбіреп,  
«Сүйші, сүй» деп жалынба!  
Отты ойыншы, дос біліп,  
Жақында ма жалынфа!

Мен ақынмын — жел жүйрік,  
Гүілдеймін, ұшамын.  
Мен — ойыншы көбелек,  
Көрінген гүлді құшамын.

Бұлдірген бетің сұрланып,  
Желге сенбе, жас бала!  
Сыбырлар, кетер ұрланып,  
Шын жары оның — сар дала.

Көбелекке «кел!» деме  
(Елжіреу сонша не керек?).  
Кетер ұшып өңгеге,  
Балыңдан татса көбелек.

Мен ақынмын, жырлаймын,  
Жүрекке жүйрік жел кірсе.  
Мен ақынмын, жылаймын,  
Жүрекке ауыр шер кірсе.

Жаншыларсың, жыларсың,  
Құшақтама белімнен.  
Жас дененде улармын,  
Сүйгізбеші тілінен.

Жас періштем, сұлу қыз,  
Сүймеші, сүйме, сұраймын!  
Мен ақынмын тұрлаусыз,  
Жырлаймын да жылаймын!

### К...ге

Күнімен алтын қуантпай,  
Гүліңмен жібек жұбатпай,  
Жеттің де, тез өттің, жаз.  
Ағаш, шөптер қуарған,  
Айдын да құрып суалған,  
Қанқылдар қайда қоңыр қаз?  
Өң мен түстей, перизат,

Көріндің де, болдың жат,  
Жандырың, міне, жанымды.  
Қараған көктен хор едің,  
Көбірек көрсем деп едім,  
Көк есігі жабылды...

### ГҮЛСІМ ХАНЫМДА

Бота көз, сиқырлы сөз Гүлсім ханым,  
Әр жерде өткізсек те өмір таңын,  
Кей уақыт көзіңізге көзім түссе,  
Ойнайды аласұрып неге жаным?!

Бота көз, сиқырлы сөз ханым Гүлсім,  
Көктегі Құн күлмесін, Гүлсім күлсін!  
Гүлсім — Құн, кекте ақырын жүзе білед,  
Сүйдіріп, күйдіргенін қайдан білсін!

...ға

Жас өмірімнің көгін бұлттар басқан күн,  
Қайғы-қасірет тасып, бастан асқан күн.  
Жан-жағымнан жылы жүзді жан таппай,  
Жақын жандар қастық уын шашқан күн.

Жауыз тағдыр созған қолды қаққан күн,  
Жан-тәнімді жылан, шаян шаққан күн.  
Жапан түзде қара түнде жалғыз қап,  
Қан дария боп көздің жасы аққан күн.

Сен көрдің де, келдің тура қасыма,  
Сусын беріп, жастық қойдың басыма.  
Маңдайымнан сипап, сүйіп, жұбаттың:  
«Жаным құрбан, жасынды тый, жасыма!

Мәңгілікке, міне, қолым беремін,  
Тағдыр оғын көтермекке көнемін.  
Қайғыланба, атса, атар алтын таң,  
Жан жолдасым, өлсөң, бірге өлемін!» —

Дедің де сен күліп, жолым бастадың,  
Жауын, дауыл, оттан, судан қашпадың.  
Қасиетті, сиқырлы сөз күшімен  
Міне, азырақ есім жия бастадым...

Алтын сәулем, ақ періштем жан салған,  
Кім біледі, айырса егер сүм жалған,  
Жұргенімде жер жүзінде тірі бол,  
Бағынатын, табынатын сен — Аллам!

### ҚАРЫНДАСҚА

Жібек мінез, жігері мол қарындас,  
Жүргегінде у менен бал аралас.  
Дүние өзгерді, көрмегелі көп болды,  
Тәнірі берсін ашық бақыт, ұзын жас.

Қасиетті мақсат алып көнілге,  
Таудай талаппен кіріп едің өмірге.  
Ұзын жолда ор да, сор да кез келер,  
Қарындасым, жасыма да түнілме!

Өмір — өзен, аға бермек сылдырап,  
Тұрып болмас жағасында жөн сұрап.  
Қамыс бол да, бетінде қалқып аға бер,  
Аға алмасақ, бір уақытта дерміз: «Қап!»

Сүм өмірде алданармыз, сүйерміз,  
Айрылармыз сүйген жардан, күйерміз.  
Қасірет басар, сарғаярмыз, өлерміз,  
Көр күшақтап, бір күн кебін киерміз...

Аз өмірде ойын-қырын, көрдім жар,  
Талай жандар дос та болды, болды жар.  
Асты ұс болып, топан неге баспайды,  
Өзгеріссіз өмірде не қызық бар?!

Өзгеріссіз өмір сорға айналмақ,  
Жүйрік жүрек сүр өмірде байланбақ.

Шын адам сол — ылғи шаттық жырымен  
Жүрек қалай қуса, солай айдалмақ.

Мен — жыршы ағаң ешбір уайым білмейтін,  
Қажу білмей, қолды кокке сермейтін,  
Жігері мол қарындасқа өзіндей:  
«Іс істелік, қане, қолың бер», — дейтін.

Өкпе сөзің қатты тиді жүрекке,  
Бұдан былай есімде бол жүред те.  
Аз өмірде ащыласу деген іс,  
Ойла, Күнім, келе ме екен ретке?

### Ж...ға

Өмір — көпір, от үстінде салынған,  
Дінгектері зәндем отқа малынған.  
Қорқу білме, аяқтарың таймасын,  
Ойнап қана өт, шарпме көрме жалыннан!

Қоңыз да бар, доңыз да бар түбінде,  
Жокқа алданып, жаным, жерге бүгілме.  
Болсын көзің көкте, үмітің алдында,  
Бақытты бол, қасірет білме, күлімде.

Теменде ылғи түтін, сасық тұман бар,  
Улы жылан, қорсылдаған қабан бар.  
Талай жылан арбар, қабан қорқытар,  
Қорықпа, арбалма, біріне де болма жар.

Өмір — зәндем, қара бұлтты қара тұн,  
Естіmessiң қара өмірде жылы үн.  
Ұзын жолда арып, жасың төккенде,  
Жұбататын жақын жолдас, жарың кім?

Жақын емес ата-ана, туғандар!  
Көз жасында олардың не ісі бар?  
Соқыр олар, жанған жаның көре алмас,  
Жыла мейлін, жан-күй отта, шегіп зар.

Жақын жан сол — жақын болсын жанында,  
Табынсын ол Тәңірі көріп арына.  
Ұзын жолда осындей жан ұшыратсан,  
Қарашығым, тезірек ал жаныңа.

Өмір — өзен, сылқ-сылқ, құлер, сылдырап,  
Қайда ағады, оның жөнін кім сұрап?  
Аққан сумен біз де ағармыз, кетерміз,  
Ағынға ермей, жағасында кім тұрап?

Өтер жылдар — қайғырармыз, құлermіз,  
Өтер жылдар — сарғаярмыз, кеберміз.  
Өтер жылдар — қартаярмыз, өлерміз,  
Бірте-бірте құрып, шамдай сөнерміз.

Өтер жылдар — ұлғаярсын, өсерсін,  
Өмір — көпір, қалайда оны кешерсін.  
Өтер жылдар — ақын ағаң жоқ болар,  
Рухым риза, мені есіне түсірсен.

«Аз өмірінде көп уланған, көп сүйген,  
Көп алданған, көп жылаған, көп қүйген  
Ақын ағам болып еді, — дегейсін, —  
Жүргіне өмір оғы көп тиген!»

Иіс шашып, жайнап тұрап түрлі гүл,  
Гүл тербетіп кешкі жылы жібек жел.  
Күнәсі көп жаны үшін ағаңның  
Сол уақытта, қарашығым, дүға қыл!

Әлі жассың, қайғы көрме, бара бер,  
Сүм өмірдің құлін көрме, гүлін көр.  
Тілегімді келтірем деп орнына,  
Қарашығым, қане, маган қолың бер!

Он екі айдың еркетайы — Май келді,  
Жұлдыздар да жымындаиды, Ай құлді.  
Қалың қардың құшағынан құтылып,  
Сылдыры-сылдыры сылдырады — сай құлді.

Күн батқанда қарашы көк жүзіне,  
Қызыл алтын сеуіп қойған ба өзіне?  
Майдың айы — Күн, Жер-ана — баланың  
Елжіресіп табысатын кезі де.

Бұлдіршін бол киінеді қара жер,  
Қарап оған көкте анасы елжірер.  
Мұны көріп, жақыны жоқ жолаушы —  
Күніреніп, уһілеп жібек жел жүрер.

Өмір осы: аяз қыспақ, қар көмбек,  
Сәулесімен жерді сүйіп Күн келмек.  
Бір қарасаң — бетін қара бұлт жауып,  
Жайнап, ойнап түрган көгің түнермек.

Біреу — бала, анасына еркелер,  
Біреу — ана, баласы үшін жан берер.  
Біреу сүйген, екіншісі сүйілген,  
Жас жүрегі аласұрап, жас төгер.

Біреулер — дос, бір-біріне жақын жар,  
Ылғи екеу жалғыздықтан шекпес зар.  
Біреуі өлсе, екіншісі де өлмекші, —  
Бір-біріне берік берген анты бар.

Өмір — заман. Жазы да бар, қысы бар,  
Талай жанның туғаны бар, досы бар.  
Тәнірінің дәргаһынан қуылған  
Жақыны жоқ, досы да жоқ кісі бар.

Көп туса да жапа-жалғыз туған ол,  
Жалғыз жылап, бетін жаспен жуған ол.

Жұлдыз, Ай да, Құн де көрмей көгінде,  
Жалғыз зарлап, жалғыз сағым қуған ол.

Бір гүл көрсе, шын елжіреп сүйген ол,  
Гүл дегені у боп, жанып-күйген ол.  
Жаны бірге, ары бірге жан таппай,  
Жас жүрегі күлден кебін киген ол.

Мен де жанмын, жапан тұзде бір басым,  
Жарым да жоқ, досым да жоқ, сырласым.  
Аз өмірде көп алданып, у ішіп,  
Көп тұндерде төктім талай көз жасым.

Ессіз едім — аспанға өрлең ұшқамын,  
Хор дегенім жер болады құшқаным.  
Күле кіріп, жан сырымды біліп ап,  
Шыға беріп құніренеді достарым.

Жақын жан көп, үғушы жоқ шын жанды,  
Сенгіш жүрек талай сенді, уланды.  
Тұғаны жоқ, тұрағы жоқ жолаушы —  
Жел болудан басқа маған не қалды?

Өтер жылдар — ұлғаярсың, өсерсің,  
Белгілі бір жолға өмірде түсерсің.  
Қуанарсың, қайғырарсың, жыларсың,  
Ұзын жолда у да, су да ішерсің.

Көрерсің сен көптің келіп, көшкенін,  
Жоқтың бар боп, бардың өліп-өшкенін,  
Өтер күндер, күн батқан соң құніреніп,  
Жібек желдің ақырын ғана ескенін.

Сол уақытта желге құлак түргейсің,  
Таныстарың еске алып, тергейсің.  
Тұғаны жоқ, тұрағы жоқ жолаушы —  
Желге айналған мен екенім білгейсің!

## ҒАЗИЗАҒА

Фазизажан, қарашығым, бауырым,  
Жолықтырып дүшпаннның бір жауызын,  
Сарғаямын қараңғы үйде қамалып,  
Ағаң сорлы көрді бейнет ауырын.

Ә дегенде ашу қысып, жанып ем,  
Ауыр ойлар басып, назаланып ем.  
Мың бейнетпен ұзын күнді өткізіп,  
Күнде ертең деп, күте-күте талып ем.

Күндер өтті, жанды жеді абақты,  
Қанды сорып, көтертпеді қабакты.  
Желдей заулап ескен жүйрік жас жүрек  
Көтере алмай қалды сорлы қанатты.

Жан бауырым, қарашығым Фазиза!  
Қарлығашым, келдің ұшып, мен риза.  
Сорлы ағанды сағыныпсың, ойласың,  
Жылар ма едің жүргегіңе ой сыйса?

Сені көріп, тәбем көкке тигендей,  
Маңдайындан болдым иіскеп сүйгендей.  
Тәңірі жазса, сарғаймаспын, шығармын,  
Күнәм жок қой қасіретте күйгендей.

Қалың қара бұлт арылып басымнан,  
Тәңірі жазса, өш алармын қасымнан.  
Жан бауырым, жыламашы егіліп,  
Мен садаға мөлдіреген жасындан!

Іште жалын, кекіректе қайғы зор,  
Аямастан өмір уын беріп түр.  
Сені көру — босанғанмен бір маған,  
Еркетайым, анда-санда келіп түр.

Жолықтырып дүшпаннның бір жауызын,  
Ағаң сорлы көрді бейнет ауырын.  
Тәңіріден ерте-кеш те тілей көр,  
Жан-жүргім, қарашығым, бауырым!

Жас күннен бірге ойнап, бірге өстік,  
Бір жүріп, сабакты да бірге оқыстық.  
Есейіп бірте-бірте ес кірген сон,  
Жақындық арамызыда артты достық.

Балалық махаббаты тамашада  
Қызырып, ұялысып оңашада,  
Бір сағат көрісе алмай тұра алмаушы ек,  
Көңілде бір бөтен ой болмаса да.

Жұрсек те жұрт көзінде жай таныстай,  
Жақын бір тілдеспей-ақ, хат алыспай,  
Көзге көз түскенінде қызырысып,  
Бір ауыз сөз айтуға бата алыспай, —

Жаз болса, тұнде ұйқы көрмеуші едім,  
Тұн бойы арып-шаршау білмеуші едім.  
Есікті ақырын ашып тұрганында:  
«Шық, жаным, берірек кел. Мен!» — деуші едім.

Кетуші ек қол ұстасып тұра көлге,  
Дуылдан жанған бетті ұстап желге.  
«Жаным!» — деп алма беттен сүйгенімде,  
Қызырып, қараушы едің төмен, жерге.

Қытықтап жас жүректі ойнап жас қан,  
Дірілдеп тұрушы едік жанша сасқан,  
Мәлдіреп көздеріміз айрылыса алмай,  
Ағарып ақ жібектей атса да тан.

Қосылған жас күнімнен жарым едің,  
Сүйікті анық досым, жаным едің.  
Алықса, ұзак жолға шыққанымда,  
Сарғайып мені күтіп қалып едің.

Талпынып, өнер іздел шетке кеттім,  
Кеткенде, аз күнгө емес, көпке кеттім.

«Жолдағы жарым қашан келеді», — деп,  
Сен сорлы құте-құте қасірет шектің.

Максатқа жүре бердім арып-талмай,  
Ел-жұртый, сен сәулемді есіме алмай.  
Жалғанда дүшпан сөзі жаман екен,  
Дарига, болсам керек ұмытқандай.

Шет жерде жалғыз басым сандалыптын,  
Сағымды мөлдір су деп малданыптын.  
Бағасыз саф алтын деп мысқа ұмтылып,  
Жасықты асыл көріп, алданыптын.

Сен сорлы қайғы басып, қасірет шегіп,  
Егіліп екі көзден жасың төгіп,  
Ақырында ауруға ұлken айналыпсың,  
Сарғайып күзді күнгі гүлше солып.

Әуре боп опасы жоқ көңілменен,  
Мен кеттім, дегендей-ақ: «Түңіл менен».  
Сонда да үміт үзбей, қарай-қарай,  
Жан досым, қоштасыпсың өмірменен.

Мен бейбак тап сол кезде шетте жүрдім,  
Есімде еш нәрсе жоқ, ойнап-құлдім.  
Бұл күнде қалың ойлар, қайғы басты,  
Жан жарым жоқ екенін жаңа білдім.

Алысқа неге кеттім, елге кетпей,  
«Жан жарым, жаныңдамын!» —дерге жетпей?  
Жүргегің жанып, қасірет тартқаныңда,  
Көл қылып көзім жасын бірге төкпей?

Жан досым, бақытсызыбын, бара алмадым,  
Бақылдық ауызыңдан ала алмадым.  
Көз жасың, қасіретіңе мен кінәлі ем,  
Дарига, кешу сұрап қала алмадым.

Өткен күн жеткізбейді, ол — бір тұлпар,  
Алдында, тірі болсам, талай күн бар.

Кейде у, кейде көусәр сүйн беріп,  
Жанымнан жылжып ақырын өтер жылдар.

Жолығар ұзын жолда талай адам,  
Сұлу да, сүйкімді де, жақсы-жаман.  
Іш өртепіп, жүрегім шын елжіреп,  
Дәл сендей басқа жанды сую арам!

### АНАМА

Өмірімнің қап-қараңғы түнінде,  
Еш не білмес түсім бе я өңім бе,  
Оң менен сол, от пенен су айырмас,  
Күшсіз, әлсіз, есім білмес күнімде, —

Құшағыңа алдың, сүйдің сен, анам,  
Ренжу жок, барлық сезін: «Жан балам!»  
Ыстық-сүйқ, желге-күнге тигізбей,  
Асырап, сақтап, болдың, анам, баспанам.

Түнде тұрып, түн ұйқынды төрт бөлдің,  
Тыныш ұйықтасын деп, аз сөйлеп, аз күлдің.  
Ыңырансам, я қарным аш, я тоңған  
Екенімді, ойламастан, тез білдің.

«Жаным — дедің, — қарашиғым, құлныым», —  
Сүйдің, қыстың, дедің: «Тәтті қылышың!»  
Қаз-қаз тұрсаң, езу тартсаң, құласаң,  
Я жыласаң — бәрі жақты қылышы.

Жаным анам — жібек тілді, ақ көніл,  
Жазу болып, шегер болсаң ұзын жол,  
Шет жерлерде теріс жолдан сақтарға,  
Жан балаңа ақ батаңды бере гөр!..

## ҚАРАҢҒЫЛЫҚ ҚОЮЛАНЫП КЕЛЕДІ

Қараңғылық қоюланып келеді,  
Пеш ішінде шоқ ақырын сөнеді.  
Қызық көріп жанымдағы жас бала  
Сөнген шоқты үрді де құледі.

Шоқ үстінен кішкене ұшқын ұшты да,  
Біразырақ шоқ қызара түсті де,  
Дереу сөніп, тезірек күлге айналды,  
Астындағы ыстық құлді құшты да.

Пеш ішінде шоқ ақырын сөнеді,  
Сөнген шоқты үріп бала құледі.  
Ой басты ма? Әлде көзім талды ма,  
Мөлт-мөлт етіп көзіме жас келеді.

## САҒЫНДЫМ

Абақтыда айды, күнді жаңылдым,  
Саргайдым гой, сар даламды сағындым.  
«Карашибім, құлныным!» — деп зарлаган  
Алыстағы сорлы анамды сағындым.

Жатқан үйім — қабырғасы қара тас,  
Жарық сәуле, жылы күнге жаны қас.  
Ауыр иіс, ылғи қара көленжек  
Ерте-кеш те, күндіз-түні арылмас.

Тапал, салқын, тым қараңғы, үңгір тар,  
Есігімде мықты қара құлып бар.  
Кіп-кішкене терезелер темірлі,  
Мұндай үйден кімге естілер аңы зар!

Алтын Құнді, қара жерді сағындым,  
Жан жолдасым — жүйрік желді сағындым.  
Асау тайдай еркелетіп өсірген  
Ағайынды, туған елді сағындым.

Әлдекәйда Құн шығады, батады,  
Сорлы тұтқын күніреніп жатады.

Қарар болсаң терезеден темірлі,  
Көздел тұрган күзетшілер атады.

Ас бола ма сасық сорпа, қара нан,  
Алма бетте қалмады ғой тамшы қан.  
Қоңырау қағып оятады акырып,  
Тым болмаса сібірлеп те атпай таң.

Бостандықта өткен күнді сағындым,  
Желдей зулап кеткен күнді сағындым.  
Жыл құсындағы үшсам, қонсам ерікті,  
Ойдағыны еткен күнді сағындым.

Абақтының айға баға күні ұзак,  
Жанды жейтін жылға баға түні ұзак.  
Ескі мола дән дыбыс жоқ, тым-тырыс,  
Тық-тық басып күзетші жүр жалғыз-ақ.

Қара жылан — қалың ойлар қаптады,  
Шыбын жаным барап жерді таппады.  
Ойлар жейді жас жүректі жегідей,  
Тәнірі ием, таңың-дағы атпады!

Ойыны бір құрдастарды сағындым,  
Тілегі бір жолдастарды сағындым.  
Келешекке бірге план құрысқан,  
Сырласатын жас достарды сағындым.

Уға толды жас жүрегім, жабықтым,  
Таныс дауыс ести алмай, зарықтым.  
Не дегенін, не істегенін біле алмай,  
Қор болдым ғой, азат жүрген халықтың!

Құшактарға жанымда жоқ жақын жан,  
Басқа шапшып, мазаны алды ыстық қан.  
Жалындаған жас жүрекке не пайда  
Дене күйіп, бір жатып, бір тұрудан?

Жүрегіме жақын жанды сағындым,  
Жібек міnez, хордай жарды сағындым.

Айрыларда күншығыстан ағарып  
Ақ жібектей атқан танды сағындым.

Не көрсем де, алаш үшін көргенім,  
Маған атақ — ұлттың үшін өлгенім!  
Мен өлсем де, алаш өлмес, көркейер,  
Істей берсін қолдарынан келгенін!

Қалың елім, қалың қара ағашым,  
Қайраты мол, айбынды ер алашым!  
Өзі-ақ құлар, сырың берме, сабыр қыл,  
Ақымақтар байқамаған шамасын.

Қазағымды, қалың елді сағындым,  
Сарыарқамды — сайран жерді сағындым.  
Балдай бұлак, мөлдір күміс көбікті  
Арқадағы айдын көлді сағындым.

Қуанышта: «Әй, сені ме!» — дегендер,  
Күйініште мен үшін уайым жегендер,  
Құтылу қыын — басқан адым андулы,  
Тізіп қойып, ертенді-кеш түгендер.

Тәңірі Ие, өзің алшы панаңа,  
Тас бауырлар зарға құлақ сала ма?!

Баласынан тұтқын болып сарғайған  
Кім жеткізер сәлемімді анама?

Абақтыда айды, күнді жаңылдым,  
Сарғайдым гой, сар даланы сағындым.  
«Қарашибім, құлышым!» — деп зарлаған  
Алыстағы сорлы анамды сағындым!

## БАЛАНЫҢ ҚАБІР ТАСЫНА

Қайғырмандар бұл сәбиді өлді деп,  
Жас қызыл гүл мезгіл жетпей солды деп,  
Бақыты жоқ сорлы ата-ананың  
Жанарап-жанбас шамшырағы сөнді деп.

Өлгені емес, жерді тастап кеткені, —  
Шын бақытқа ерте бастан жеткені:  
Ізгі оймен жайлы жаннат төрінен  
Орын алышп, Ата-анасын күткелі!

## ӘМІР

Адамға берген Тәңірі өзі аз әмір,  
Бүйрығы: «Жаса-дағы, жерге көміл!»  
Бірде мұз, бірде жалын, бірде дауыл,  
Құбылған әмір — сынап, бейне көңіл.

Жайнаған жаз көреді адам алдын,  
Откен күн — көңілсіз құз желді, салқын.  
Қуаныш қайғыменен қатар жүрмек,  
Болмайды толық минут жүзі жарқын.

Іңгәлап, аузын ашып, жылап тұсер —  
Төменге биік таудан құлап тұсер.  
Денесін дал-дұл қылар қия тастар,  
Шұқырға сол жылаумен сұлап тұсер.

Дуа етер — сорлы адамды әуре етер,  
Көз ашып-жұмғаныңша жоқ боп кетер.  
Қылғанша әуре-сарсаң сорлы құлды,  
Тәңірі Ием, жаратпасаң онда нетер?!

## ТОЛҚЫНДАП ОЙНАП

Толқындалп ойнап, құтырып,  
Көбігін шашып өкіріп,  
Шапшып көкке лепіріп,  
    Қаракек өмір дариясы  
Сақылдаң күліп: «Кел!» — деді,  
Келіп ем, кешу бермеді.  
«Не керек, — деп тергеді, —  
    Сарыарқаның сарбазы?»

Жас балапан жүрегім,  
Десе де табам керегін,  
Көріп теңіз тереңін,  
    Қайғыға батты тұнжырап.  
Алтын үміт үзілді,  
Тәтті қиял бұзылды,  
Көкке тіктім көзімді,  
    Жұлдыздардан жол сұрап.

Көгің де бір қаракек  
Тұнғиық теңіз түбі жоқ,  
Ойнап тұрган көзі көп,  
    Не деп жауап береді?  
Көк бір дария қаракек,  
Жұлдыздан өлі жауап жоқ,  
Іште жалын, жүрек — шоқ,  
    Дарига, жаным өледі.

## ЖҰЛДЫЗДАРҒА

Көктің сансыз көздері,  
Алдаманңдар ойнақтаң.  
Шақырганмен бара алман,  
Бұлт, тез шық та, бетін жап!

Қара жерден кете алмас  
Мен бір сорлы байлаулы:  
Жердің жауыз желімен  
Ерсіл-қарсыл айдаулы.

Амал не көнбей? Сонда да  
Бір өкпем бар Аллама:  
Сезгіш жүрек, ұшқыр жан  
Неге бердің пендене?!

Жаратқан соң жерден сен,  
Берсөңші жердей тыныш жан.  
Болар іс болды. Сұраймын:  
Не дейді, білдір, бұл аспан?!

### ЖАЗҒЫ ТҮНДЕ

Судай сұлу қаракөз  
Сүйгеніне берген сөз:  
Белгілі жерден табылмақ  
Қараңғы жаздың түнінде.

Жатқызып тегіс үй ішін,  
Қысып сүйді сінлісін.  
Сырлас тете бауырдан  
Айрылу жеңіл ме?

Алдында алтын бағын бар,  
Жолдасың — шын сүйген жар.  
Баққа аяқты батыл бас,  
Күрсінбе, сұлу, егілме!

Буыныңнан хал кетіп тұр,  
Тыста жарың күтіп тұр,  
Ақ көйлегің көлбендең,  
Шық тезірек, бөгелме.

Шыққанда қорқып-сасқаның,  
Дірілдеп түсің қашқаның  
Асығып күткен жарыңа  
Білдірме, сұлу, күлімде!

Мініп жігіт жүйрігін,  
Тұмарлап кекіл-құйрығын,

Інірден келіп күтіп тұр,  
Серттен таяр ерің бе!

Жігітте арман қалды ма,  
Алды жарын алдына.  
«Шұу» деп шауып жөнелді,  
Бір қолы сұлу белінде.

Ақ көйлектің етегі  
Көтеріліп кетеді.  
Орынсыз жерде ойнайтын  
Тым жеңіл ғой желің де.

Жігіт жарын құшады,  
Қолдан тізгін босады.  
Сенді саған екеуі,  
Енді, жүйрік, сүрінбе!

Жетсін жастар ауылға,  
Ұрынбасын жауынға.  
Алдарында бір-ақ бел,  
Тан! Тұра тұр, білінбе!

### КӨКШЕТАУ

Аспанменен тірескен,  
Тәңіріменен тілдескен  
Көкшетауым біп-биік.  
Қою қара көк бұлт  
Жайнап, ойнап, құлпырып,  
Көкшетауды тұр сүйіп.

Көкшетаудың көзі жас,  
Ылғи мең-зен, айнымас  
Қалың тұман мұнардан.  
Инелік өтпес жіп-жіі,  
Оқтан тұзу тал бойы  
Қарағайға оралған.

Әлдеқайда, биікте  
Төніп төмен — киікке,

Қанды көзді қыран жүр.  
Мен де Мұса болар ем,  
Тілдестірсе Тәнірімен,  
Кекше маған болып Тор<sup>1</sup>.

Құшам Мұса аяғын,  
Өлеңім — ізгі таяғым,  
Кекшеге мен де шығамын.  
Аяқ басып Арсыға<sup>2</sup>,  
Жүгіріп барып қарсына,  
Тәнірінің тілін үғамын.

### ТОЛҚЫН

Толқыннан толқын туады,  
Толқынды толқын қуады,  
Толқынмен толқын жарысад.  
Күңіреніспе кеңеспен,  
Бітпейтін бір егеспен  
Жарысып жарға барысад.

Толқын мен толқын сырласып,  
Сырларын еппен ұрласып,  
Толқынға толқын еркелеп,  
Меруерт көбікке оранып,  
Жыландаі жүзге бұралып,  
Жарға жетер ентелеп.

Ерке бала былдырлап,  
Сылдыр, сылдыр, сылдырлап,  
Толқынды толқын қуады.  
Күміс кәусар суымен,  
Суының алтын буымен  
Жарының бетін жуады.

Мөлдіретіп көз жасын,  
Жасымен жуып жартасын,

<sup>1</sup> Тор — тау аты.

<sup>2</sup> Арсы — мұсылмандық ұғым бойынша Алланың тағы.

Сүйіп, сылқ-сылқ күледі.  
Жылағаны — құлгені,  
Күлгені оның — өлгені,  
Жылай, күле өледі.

Сылдыр, сылдыр, сылдырлап,  
Бірінің сырын бірі ұрлап,  
Толқынды толқын қуады.  
Жарына бал береді,  
Береді де өледі,  
Өледі толқын, тынады.

### ҚАЙЫН

Қайғылы қайың!  
Аяныш жайың.  
Сыбырлайсың,  
Дірілдейсің,  
Еңкейесің,  
Күбірлейсің,  
Ызғарлы жел  
Соққан сайын.

Үскірік аяз  
Болғандай аз,  
Қар да басқан  
Кебінге ұсап.  
Сүйекке өтер  
Суық құшақ...  
Қашан, қайың,  
Жетеді жаз?

Суға қанып,  
Жапырақ жарып,  
Күн болар ма  
Шайқалатын,  
Жылы желмен  
Жайқалатын,  
Құс даусына  
Құлақ салып?..

Қайғылы қайың!  
Қалың уайым  
Басқан сені,  
Жазды ойлап.  
Тұр үскірік  
Боран ойнап...  
Жасынды исін  
Бір Құдайың!

### ҚЫСҚЫ ЖОЛДА

Қараңғы тұн, сар дала,  
Көрінбейді айнала.  
Боран соғып тұр борап,  
Жолды басқан құр сорап.  
Астымдағы жануар  
Құлағын қайшыландырып,  
Зорға борт-борт желеді.

Ызғарлы жел долданып,  
Екі інінен дем алып,  
Ішін тартып осқырып,  
Кейде қатты ысқырып,  
Андай ұлып бір мезгіл,  
Екі санын шапақтап,  
Біресе сақ-сақ құледі.

Кейде кенет баяулап,  
Жер бауырлап жаяулап,  
Аузы-басы жыбырлап,  
Асып-сасып сыбырлап,  
Жерді жапқан кебінді  
Сүйіп ақырын құшақтап,  
«Әпсұн»<sup>1</sup> оқып үреді.

Барады үдел бұл боран,  
Жанымда жоқ тірі жан.

---

<sup>1</sup> Иманын үйіру.

Тоңазыды денем де,  
Адаспай, дұрыс келем бе?  
Қорқып, жүрек ойнайды,  
Көз алдымға елестеп  
    Әлденелер келеді.

Боранын Тәңір ашпады,  
Жол білінбей бастады.  
    Көрінген бір жарық жок,  
    Босаңсызы Қаралек...  
Сар далада адасып,  
Суық кебін жамылып  
    Қалармын, кім біледі.

### ЖАЗҒЫ ЖОЛДА

Дала. Дала. Сар дала!  
Жапан түзде бір қара —  
    Келем жалғыз, жаяумын.  
Жанымда ерген жолдас жок,  
Төрт жағым дала — жер де көк,  
    Жылауға да таяумын.

Шілде. Оттай ыстық күн.  
Дала — өлік. Жоқ бір үн.  
    Жер де жатыр түншығып.  
Жол жыландаи іірілед,  
Шаң ерініп үйірілед.  
    Ешбір леп жоқ, тып-тымық.

Көктеген жалғыз бұлт жоқ,  
Көктің түсі қызғылт көк.  
    Дүниені тылсым билеген.  
Ыңыранғандай әлдекім,  
Жылай ма екен әлде жын?  
    Перілер ме күйлеген?

Созылып ұйықтап бел жатыр,  
Төсін керіп көл жатыр  
    Тыныш, тәтті түс көріп.

Сұға — айнаға қаранып,  
Салқынша леппен тараңып,  
Қамыс та тұр тербеліп.

Толқынға толды төрт жағым,  
Әлде жүзген бұл сағым  
Көл ме? Көшкен шаһар ма?  
Мұз көк темір киініп,  
Найзасын қекте үйіріп,  
Әскер жауға шабар ма?

Ақ бұлттар тұр жусап,  
Күніренеді жер сусап,  
Алыстан ақырын Күн күлед.  
Қызыл жүзді гүлдерді,  
Бұрандаған белдерді  
Сүйемін деп күйдіред.

Айнала — өлім, ешбір үн...  
Жапан түзде жалғызын.  
Перісі неге келмейді?..  
Денесі аппақ, жалаңаш,  
Көкпеңбек көз, сары шаш  
Сақ-сақ неге күлмейді?

Сыбдыр-сыбдыр жүргендей,  
Сылқ-сылқ қана күлгендей,  
Көрінбей неге билейді?!

Жібектей жетпіс оралып,  
Жыландај жүзге бұралып,  
Бетімнен неге сүймейді?!

Жол жыландај иірілед,  
Шаң ерініп үйірілед,  
Ешбір леп жоқ, тып-тымық.  
Аңсап, есім жия алмай,  
Көзімнің жасын тыя алмай,  
Өлсем екен тұншығып!

## ЖАЗҒЫТҰРЫМ

«Болды, міне, дәл алты ай,  
Жаттың ұйықтап, еркетай.  
Ұйқын қанды, түр, қозым,  
Аш көзінді, жұлдызым!» —  
Деп мандайдан акырын  
Жұмсақ, жылы сәулемен  
Сипап жерді, Құн күлер.

Аяқтарын кесіліп,  
Еркеленіп, есінеп,  
Жер — нәресте жас бала  
Жаңа оянып жатқанда,  
Жұмсақ, ыстық бетінен  
Тәтті ғана сүйсем деп,  
Күбірлеп жылы жел жүрер.

Дамыл алмай жылар қар,  
Ақ шымылдық ашылар.  
Сылқ-сылқ құліп сылдырлап,  
Бірдене деп былдырлап,  
Көрінгеннен шүйінші  
Сұрайтын жас баладай  
Асығып сулар жүгірер.

Керіліп ерке жер тұрап,  
Мөлдір сумен жуынар.  
Үлде менен бұлдеге,  
Тұрлі түсті гүлдерге,  
Ши жібекке оранып,  
Қарағанда көз тоймас,  
Бұлдіршіндей киінер.

Көріп сұлу баласын,  
Көз ішінде қарасын,  
Қуанып, тасып жүрегі,  
Қысып, ыстық сүйеді.  
Ұзын күнде ару жоқ,  
Періштем деп айналып,  
Алтын ана Құн жүрер.

Мұны көріп бұлттар,  
Күніреніп етер зар:  
«Біздерде алтын ана жок,  
Қысып сүйер бала жок,  
Тұрақ та жок белгілі!» —  
Деп тұңжырап құрсініп,  
Әлсін-әлсін жас төгер.

### ЖАЗ КЕЛЕДІ

Жел жалығып, хал жиып,  
Қалғып қана тербелед.  
Жұмсақ қана жымып,  
Жібек қанат жаз келед.

Көк алтынға көмілген,  
Ауаға алтын себілген.  
Алтын емес себілген,  
Жаздың шашы төгілген.

Әне, ерке жаз келед,  
Ал, балалар, қарандар.  
Ойнап, алтын шаш беред,  
Ал, балалар, тарандар.

Қайғылансын, құрсінсін!  
Енді ұзамас, еріп қар.  
Еркетай жаз бір құлсе,  
Құлмей, шыдап кім қалар?

Сұлу жаздың лебізі  
Қар түгіл, мұзды балқытар.  
Көл, өзенін, теңізін  
Ойнатар, бәрін шалқытар.

Төл үйдегі үйшікті  
Таста, бала, белді бу.  
Белден батып құртікке,  
Енді ізде қызыл су.

Баланы күміс дауыстан  
Кім тоқтатар, кім тыяр!  
Ерке жаз да алыстан  
Жұмсақ қана жымияр.

Қарақөз, таста кестенді,  
Үйде отырып қуарма.  
Тысқа шығып-кіргенде  
Екі бетің — екі алма.

Дертің болса жүректе,  
Текпе жас көзден, аһ ұрма.  
Жеткізер анық тілекке,  
Шық та жазға сыйырла.

Жұмақ нұрлы жаз келед,  
Алтын жүзді, алтын шаш.  
Ағаштар ақырын теңселед,  
Жанды-жансыз бәрі мас.

Күн батқан соң, қатқақ боп  
Қуанғанда ессіз қар,  
«Жаз келеді, жаз, жаз!» — деп,  
Жымыңдайды жүлдышдар.

Алтын сәуле тұр сүйіп,  
Жел маужырап, тербелед.  
Жұмсақ қана жымиып,  
Жібек қанат жаз келед.

## ЖИЛЕНДІ ҚАРА ОРМАН

Жиіленді қара орман  
Қарағай, қайын аралас.  
Мәңгі мылқау көрі орман  
Көктегі күнмен шамалас.

Аппақ кебін бұркеніп,  
Мылқау орман тұс көред.  
Жел аза бол, өртенип,  
«Әпсүн» оқып үшкіред.

Мәңгі мылқау көрі орман,  
Былқ етпейді, тұс көред.  
Жел мінезді ессіз жан —  
Маган түрлі ой келед.

Ұйықтасам мен орман боп  
Тәтті-тәтті тұс көріп,  
Бетімнен тұрса жел жүріп,  
«Әпсүн» оқып үшкіріп.

## МАХАББАТ НЕ

Махаббат — бір тікенек,  
Жүрекке барып қадалар.  
Бақытсыз ғой бұл жүрек,  
Тамшылап одан қан ағар.

Тез жазылмақ бұл жара,  
Бал тілімен сүйсө жар.  
Сүймесе жар, дариға,  
Өлер жүрек, қансырап.  
Махаббат — бір тәтті у,

Ішер жүрек, болар мас.  
Дүниедегі у мен шу  
Мас жүректі оятпас.  
Махаббат — бір тәтті у,  
Ішер жүрек, төгер жас!

## ШЫЛЫМ

Қолда шылым,  
Тартып, күлін  
түсіремін табаққа.

Кейде ұмытып,  
Тұтін жұтып,  
жіберемін тамаққа.

Өмір — бұлак,  
Үміт — құрақ,  
Жүзейін деп түсемін.  
Дәл түсерде,  
Су кешерде  
Ұмытып, су ішемін.

Кейде ұмытып,  
Тұтін жұтып,  
Шашаламын, жөтелем.  
Өмір — құрақ,  
Үміт жырақ...  
У ішемін де өлем!

## АЛЕКСАНДР БЛОК

Александр Блок —  
Мәңгі жас жүрек  
Үмітін бір үзбеген.  
Батып алтын ойға,  
Талмай қарап Айға,  
«Әдемі әйел» іздеген.

Көрінер деп күнде,  
Табылар деп түнде,  
Шарқ ұрудан талмаған.  
Александр Блок —  
Мәңгі жас жүрек,  
Қай жерге ол бармаған!

«Әдемі әйел» — идеал,  
«Әдемі әйел» — бір қиял

Блоктың басын байлаған.  
«Әдемі әйел» — бір гүл,  
Блок — бір бұлбұл,  
Блок — бұлбұл сайраған.

Сайраған Блок,  
Ойнаған жүрек —  
Кейде үміт, кейде зар.  
Өтеді өмір,  
Бітеді жыр,  
«Әйелден» бірақ жоқ ошар.

Күндерде бір күн,  
Түндерде бір түн  
Улы балды бітті жыр.  
Төсекте Блок  
Көз ашып көред, —  
Алдында бір кемпір тұр.

«Әдемі әйел» — идеал,  
«Әдемі әйел» — бір қиял,  
Идеал, қиял — бір сағым.  
Жанады жүрек,  
Жылады Блок,  
Көріп сөнген шырағын.

«Әйел» — идеал,  
Кемпір — ажал  
Тұр Блокқа үніліп.  
Сөнді енді өмір,  
Бітті енді жыр,  
«Әйел» қалды жыр болып.

## Н... АЛЬБОМЫНА

Өтеді өмір —  
Жүрекке шер байланды,  
Өтеді өмір —  
Жүрек көмірге айналды.  
Өтеді өмір,  
Бітеді жыр. Жүрек — күл.  
Жырызы жырау,  
Тиіп қырау — солды гүл.

Бұлбұл гүлсіз,  
Бұлбұл үнсіз — жай бір құс.  
Айсыз, Құнсіз,  
«Гүлсіз», үнсіз — өмір бос!  
Бота көзді,  
Жібек сөзді ғарышқа  
Кетті ұшып,  
Зарды құшып алыста

Қалдым жалғыз,  
Тірі жансыз, күніренем.  
Шер шегемін,  
Кеңесемін мұнменен.  
Досым жырак,  
Сөнді шырак.  
Сөнемін.  
Сөнеді Ай,  
Мен де үзамай өлемін.

Батады Ай,  
Батады ой. Мен батам.  
Кірсіз Айым,  
Еркетайым, ақ батам:  
Өмір — сағым,  
Сен, қарағым, сағым қу.  
Сағым сумен,  
Алтын бүмен жаның жу!

Блоктың басын байлаған.  
«Әдемі әйел» — бір гүл,  
Блок — бір бұлбұл,  
Блок — бұлбұл сайраған.

Сайраған Блок,  
Ойнаған жүрек —  
Кейде үміт, кейде зар.  
Өтеді өмір,  
Бітеді жыр,  
«Әйелден» бірақ жоқ ошар.

Күндерде бір күн,  
Түндерде бір түн  
Улы балды бітті жыр.  
Төсекте Блок  
Көз ашып көред, —  
Алдында бір кемпір тұр.

«Әдемі әйел» — идеал,  
«Әдемі әйел» — бір қиял,  
Идеал, қиял — бір сағым.  
Жанады жүрек,  
Жылады Блок,  
Көріп сөнген шырағын.

«Әйел» — идеал,  
Кемпір — ажал  
Тұр Блокқа үңіліп.  
Сөнді енді өмір,  
Бітті енді жыр,  
«Әйел» қалды жыр болып.

## Н... АЛЬБОМЫНА

Өтеді өмір —  
Жүрекке шер байланды,  
Өтеді өмір —  
Жүрек көмірге айналды.  
Өтеді өмір,  
Бітеді жыр. Жүрек — күл.  
Жырызы жырау,  
Тиіп қырау — солды гүл.

Бұлбұл гүлсіз,  
Бұлбұл үнсіз — жай бір құс.  
Айсыз, Құнсіз,  
«Гүлсіз», үнсіз — өмір бос!  
Бота көзді,  
Жібек сөзді ғарышқа  
Кетті ұшып,  
Зарды құшып алыста

Қалдым жалғыз,  
Тірі жансыз, күніренем.  
Шер шегемін,  
Кеңесемін мұнменен.  
Досым жырак,  
Сөнді шырак.  
Сөнемін.  
Сөнеді Ай,  
Мен де ұзамай өлемін.

Батады Ай,  
Батады ой. Мен батам.  
Кірсіз Айым,  
Еркетайым, ақ батам:  
Өмір — сағым,  
Сен, қарағым, сағым қу.  
Сағым сумен,  
Алтын бумен жаның жу!

Өмір — дала,  
Сен — бір бала, сайран ет,  
Гүлдер жиып,  
Сәүле сүйіп, ойнап өт!  
Қырга шықсан,  
Тілін ұксан, жел жылар.  
Жел жыламас,  
Жер жыламас, ел жылар.

Күні батып,  
Қайғы батып, ел жылар.  
Ерке бала,  
Сен де жыла, шегіп зар.  
Жоқ, жылама,  
Зар сұрама, күл, Күнім!  
Ой деген не?  
Оны білме сен, Гүлім!..

Мен де жас ем,  
Мен де мас ем, жел едім.  
Өтті өмір,  
Жүрек — көмір. Өлемін...

### АЛДАМШЫ ӨМІР

Алдамшы өмір ылғиғана у береді,  
Өмір шіркін шамдай ақырын сөнеді.  
Қара қайғы қалындағы тым бүгін,  
Мөлт-мөлт етіп көзіме жас келеді.

Өмір шіркін шамдай ақырын сөнеді,  
Алтын үміт тотығады, өледі.  
Кешегі күн — қойнымдағы сүм қиял,  
Бүгін алыс менен, сылқ-сылқ күледі.

Өмір шіркін бықсып ақырын сөнеді,  
Үміт шіркін тотығады, өледі.  
Өлді үміт, мен де ұзамай өлемін,  
Соққы жеген сорлы жүрек біледі.

Өмір шіркін көз алдымда сөнеді,  
Қиял — алыс, келемеж ғып күледі.  
Өмір сөнед, үміт өлед, не қалды?  
Мөлт-мөлт етіп көзіме жас келеді.

### АЙРЫЛҒАНДА (Г...ге)

Бір жыл болды сені сүйдім, уладым,  
Бауырыңа алдың, неге мені қумадың?  
Ессізбін мен: айрылуды ерте ойлап,  
Қанды жаспен көзім неге жумадым?!

Сүйдің мені, басқа жанды көрмедің,  
Жасың төктің, қадіріңді білмедім.  
Мөлдіреген шын меруерт жасыңдан  
Садаға боп, сорлы, неге өлмедім?!

Білдім: бүтін мені тастап кетесің,  
Күміс көбік Ақ Еділден өтесің.  
Бота көзім, өлтіріп кет қолыңдан!  
Тірі тастап кетіп мені нетесің?!

Көрікенше қош бол енді, бер қолды...  
Қалтырайсың, қолым, саған не болды?..  
Жазуға енді, Гүлім, халім қалмады...  
Көзіме жас, жүргегіме у толды...

### КҮЗДІ КҮНІ

«Есіл жазым өтті, — деп, —  
Бәйшешегім кетті!» — деп,  
Санаңдан жұз сарғайып,  
Қасіреті мол жас зайып  
Қаранғы ұзын тұндерде  
Үстіне қара жамылып,  
Күрсініп жер жылайды.

Бұзылып тұсі аспан-көк,  
Ашулы ауыр үхілеп,

Бұркеніп сүр бұлттар,  
Жүргі жара алыс жар  
Қайғы басып, киналып,  
Жерге қарап, жарына  
Көзінің жасын бұлайды.

Балапан нәзік жас қайың,  
Соққан суық жел сайын,  
Бұрсийп, сорлы, дірілдеп,  
Ақырын ғана күбірлеп:  
«Сұбханалла, Сұбхан!» — деп,  
Жасағанға жалынып,  
Жәрдем бер деп сұрайды.

Күшті, жуан қара ағаш,  
Жапырақсыз, жалаңаш,  
Өмірде беті қайтпаған,  
Ешкімге сырын айтпаған,  
Тура келіп тағдыры,  
Долы дауыл кез келіп,  
О да бір күн құлайды.

Жалғыз жатып ойланам,  
Күңіренемін, толғанам:  
Балдан тәтті өмір не?  
Қорқынышты өлім не?  
Жалынды жүйрік жас жүрек  
Неге ақырын сөнеді?  
Бұған жауап кім табар?

Жастық өтіп, қартайып,  
Қан сары су бол сарғайып,  
Сүмбіл шашым қуарып,  
Алма жұзім суалып,  
Мен де сорлы бір күні  
Қоштасармын өмірмен...  
Өлмей, мәңгі кім қалар?!

Құласа күшті қара ағаш,  
Қыс өтіп, тағы жетсе жаз,

Жас балапан — қайындар,  
Оларда не уайым бар,  
Өткендерді еске алып,  
Бұралып жас сұлудай,  
Қосылысып ән салар.

Өмірмен тәтті қоштасып,  
Өліммен қол үстасып,  
Үстіме топырақ үолі,  
Суық көрде көмүлі,  
Қара жерді құшақтап  
Жатқанымда мен сорлы,  
Мені есіне кім алар?!

### БОЛСА ГҮЛСІЗ...

Болса гүлсіз,  
Бұлбұл үнсіз,  
Үнсіз бұлбұл — бір сұр құс.

Үнсіз өмір —  
Сөнген көмір,  
Отсыз жүрек — бос қуыс.

### ОЙ

Ой деген — у,  
Ауызға алсан, қандырад.  
Ой деген — у,  
Жанды есінен тандырад.  
Ой деген у —  
Ішсен, мас боласың.  
Ой деген — у,  
Ішесің де соласың.

Ой — бір теңіз,  
Кап-қара боп тебіренед.  
Ой — бір теңіз,  
Толқындана күніренед.  
Ой — бір теңіз,  
Шетсіз, түпсіз, тұңғиық.  
Ой — бір теңіз,

- Жан түседі жан қып.
- Ой улады — Жаным ессіз, жаным мас.
- Ой улады — Жүректе зар, көзде жас.
- Ой улады — Көмір болды жүргегім.
- Ой улады — Саргаямын, сөнемін!

### ЖАН СӨЗІ

Өмір — теңіз, жоқ оның тұбі, шеті,  
Сылқ-сылқ құлғен сиқырлы толқын беті.  
Осы өмірге кіргелі көп күн болды,  
Енді бір ай — толады жиырма жеті.

Мен жоқ едім, бар қылып анам тапты,  
Содан бері Күн талай шықты, батты.  
Ес білгелі алыстым өмірменен,  
Өмір — теңіз толқыны тым көп қақты.

Мен туғалы ағарып көп таң атты,  
Қараңғылық жер бетін талай жапты.  
Ес білгелі алыстым жүрекпенен,  
Ырық бермеді, қаңғырды, ол не тапты?

Ессіз жүрек тулады, бермеді ырық,  
Ақыл сорлы ере алмай, қалды тұрып.  
Ессіз жүрек, бөгелші бір азырак,  
Отыз түр ғой үніліп, арты — қырық.

Өмірінді екі қылмай орындағым,  
Есімде отқа, суға ұрынғаным.  
Өтті жылдар, жапанда жалғыз қаппын,  
Өмірімді осынша улап, не қылғаның?!

«Жел бол!» — дедің, жел болып еспедім бе?  
Уақыт талғап, ерте я кеш дедім бе?

Желдей жынды есалаң екпінді боп,  
Заулас тұрған отқа өзім түспедім бе?!

«От бол!» — дедің, от болып жанбадым ба?  
Күйдірмей, сірә, нәрсе талғадым ба?  
Күлді де алдым құшаққа, гүлді де алдым,  
Мынау «күл», мынау «гүл» деп таңдағым ба?!

«Су бол!» — дедің, сылдырап ақпадым ба?  
Жыландај жүз бүралып жатпадым ба?  
Ерікті-еріксіз суымнан татар жанды  
Сиқырлап сылдырменен таппадым ба?

«Құн бол!» — дедің, мен Құндей күлмедім бе?  
Құннен де астым, мен құндіз-тұн дедім бе?  
Құн — тәкаппар. Мен көппен құшақтастым,  
Бұл ісімді Құндікке мін дедім бе?

«Ай бол!» — дедің, Ай болып жүзбедім бе?  
«Әпсүн» оқып, жер жүзін кезбедім бе?  
Анадайдан сиқырлы сөule төгіп,  
Талайлардың өзегін үзбедім бе?

Сен: «Сүй!» — дедің, талайды сүймедім бе?  
Көбелек боп көп отқа күймедім бе?  
Тірілгенім болмаса өлгеннен соң,  
Мен талай күлден кебін кимедім бе?

«Жыла!» — дедің, талай жас тәкпедім бе?  
Дария болды көз жасым, көп дедім бе?  
Жасым бітсе, қып-қызыл қан жыладым,  
«Жыламаймын, көзде жас жоқ», — дедім бе?!

«Ата-анаңнан без!» — дедің, безбедім бе?  
Қаңғырып, талай жалғыз кезбедім бе?  
Басыма талай қара күндер туды,  
Ата-ана, туысқан іздедім бе?

«Елің тастап кет!» — дедің, кетпедім бе?  
Жер шетіне барсам да шет дедім бе?

Жыландай бауырына кіріп алып,  
Қалайда жатты жақын етпедім бе?

«Дәүлеттен қаш!» — дедің сен, қашпадым ба?  
Қойнымды жоқшылықта ашпадым ба?  
«Нәжісті — доңыз, сүйекті — ит жияд» деп,  
Барымды желге ұшырып, шашпадым ба?

«Жокты іздеп тап!» — дедің сен, таппадым ба?  
Сен: «Айға шап!» — дегенде, шаппадым ба?  
Не керек! Бар бүйрығынды орындағым,  
Сұм жүрек, сол қызметімді ақтадың ба?

Ақтамадың, алдадың, енді білем,  
Енді бір ай — жиырма жеті жасқа келем.  
Отыз, қырық... Қартаям, сөнем, өлем...  
Еліме есебімді не деп берем?!

Енді бір ай — жиырма жеті жас толады,  
Отыз, қырық... Сарғаяды, жұз солады.  
Жыл соңынан жүгіріп жыл озады,  
Кеудеге күн-күн сайын шер толады.

Ессіз жүрек аспанға қол сермеді,  
Ессіз жүрек ақылға жол бермеді.  
Жастық у ғой, айнымай, у ішіппін,  
Бұл күндерде кеудені ой кернеді.

Ақылға кеш айналдым, қараң күнім,  
Бір күні құшағына алар өлім.  
Қара жерді құшақтап мен жатармын,  
Сол кезде не деп мені сынар елім?

«Жел еді, желді жыр ғып өтті!» — дер ме?  
«Есалан, сүйіп еді шоқты!» — дер ме?  
«Ойы жоқ, ессіз отты Тәңірі көрген,  
Тұншығып жат, есерім!» — деп күлер ме?!

Болмаса: «Қызыл гүл ед, солды!» — дер ме?  
«Сермен ед алтын Айға қолды!» — дер ме?

«Қажымай, айға шапқан арыстан ед,  
Сабаз-ай, сол жолда мерт болды!» — дер ме?

«Күн еді — өмір бойы күлді!» — дер ме?  
«Күн еді — сүймеуші еді тұнді!» — дер ме?  
«Күн еді, Күндей айқын күле білді,  
Сол күлумен ақырда өлді!» — дер ме?!

«Сұлулықтың асығы — жыршы!» — дер ме?  
«Жүректің сырын шешер сыршы!» — дер ме?  
Не қуаныш, не қайғы басқан күнде  
Басыма келіп: «Ақын, тұршы!» — дер ме?

Болмаса басыма да бармас па екен?  
Атымды аузына да алмас па екен?  
Қарайып жапан түзде жалғыз тұрған  
Молама көз қырын да салмас па екен?

Дариға, сол күндерде күнім қаран,  
Қазақ елі, бір ауыз сөзім саған:  
Болғайсың, сыншы болсан, әділ сыншы,  
Кінені жүрекке қой, қойма маған!

Мені атама, бұл жүрек — жынды дерсің,  
Ұмтылған аламын деп Күнді дерсің.  
«Сүйіп, күліп, күйіп — көз жасын тәгіп,  
Жынды жүрек өлді де тынды!» — дерсің.

### МЕҢІ ДЕ, ӨЛІМ, ӨЛДИЛЕ

Қажыдым енді, күш бітті,  
Көнілсіз, салқын, күн бұлтты,  
Жел бұйығып тербелед,  
Әлдекімнің өлгенін,  
Оны қалай көмгенін  
Әңгіме ғып күніренед.  
Жел, күніренбе, жасың тый,  
Өлім күйі — тәтті күй,  
Балқиды жаным бұл күйге.

Мені де, өлім, өлдиле,  
Өлдиде, өлім, өлдиле!

Қара орманның шетінде,  
Нагыз желдің өтінде  
    Өскен жалғыз жас қайын.  
Былқ-сылқ етіп билеген,  
Сылдыры-сылдыры күйлеген,  
    Болсын онда не уайым.  
Сол жас қайын құлапты,  
Жанында жел жылапты,  
    Балқиды жаным бұл күйге.  
Мені де, өлім өлдиле,  
Өлдиле, өлім, өлдиле.

Қолына ала ту алып,  
Қылышын қанға суарып,  
    Тау суындей тасыған,  
Қарақат көзін қан жауып,  
Қабағынан қар жауып,  
    Ойын салған жас ұлан —  
Майданда ұлан қайтыпты,  
Жел иманын айтыпты...  
    Балқиды жаным бұл күйге.  
Мені де, өлім, өлдиле,  
Өлдиле, өлім, өлдиле!

Әлдекайда бетпақ шөл,  
Бетпақ шөлде жалғыз жол,  
    Сол жолменен жалғыз жан  
Тұн бойы талмай жүріпті,  
Табанын тастар тіліпті,  
    Келгенде атып алтын таң,  
Сорлы, шөлде өліпті,  
Жел құмменен көміпті,  
    Балқиды жаным бұл күйге.  
Мені де, өлім, өлдиле,  
Өлдиле, өлім, өлдиле!

Бетінен алма қан тамған,  
Тілінен тәтті бал тамған,

Бұйра толқын шашы бар,  
Күлкісі меруерт шашылған,  
Өзі — гүл жаңа ашылған,  
Дәл он бесте жасы бар —  
Сұлу көз жас төгіпті,  
Тұншығып жасқа өліпті...

Балқиды жаным бұл күйге.  
Мені де, өлім, өлдиле,  
Әлдиле, өлім, өлдиле!

Талпынған жаңа нәресте,  
Ақ қанатты періште,  
Былдырлаған бұлактай,  
Көрінген жанды құлдірген,  
Жаңа піскен бұлдірген,  
Балауса нәзік құрактай,  
Қайтыпты қозы көз тиіп,  
Бетінен кейде жел сүйіп...

Балқиды жаным бұл күйге.  
Мені де, өлім, өлдиле,  
Әлдиле, өлім, өлдиле!

Алыста айдын шалқыған,  
Көбігі меруерт балқыған.  
Сол айдынның астында  
Бар еken алпыс ақ отау,  
Алтын уық, жібек бау.

Бәрі он алты жасында —  
Отау сайын толқын шаш,  
Толқын шаштар жалаңаш...

Балқиды жаным бұл күйге.  
Мені де, өлім, өлдиле,  
Әлдиле, өлім, өлдиле!

Жаңа піскен балдырған,  
Сүйсе, мейір қандырған,  
Айдынға барып түсіпті.  
Отауларды аралап,  
Жас жүрегін жаралап,

Сұлуларды құшыпты.  
Құшыпты да өліпті,  
Жел толқыннан біліпті...  
Балқиды жаным бұл күйге.  
Мені де, өлім, өлдиле,  
Әлдиле, өлім, өлдиле!

Балдырғанмен бастасып,  
Сұлумен қол ұстасып,  
Жас ұланмен жолдас бол,  
Жас қайынды қолға алып,  
Баланы сүйіп бір қанып,  
Жолаушымен мұндас бол,  
Мен де тезірек өлейін,  
Әлі жаспын демейін,  
Балқиды жаным бұл күйге.  
Мені де, өлім, өлдиле,  
Әлдиле, өлім, өлдиле!

Бетімнен тәтті бір сүйіп,  
Алдыңа алшы өлдилеп,  
Келші, өлім, тезірек.  
Жан ұшудан тоқтады,  
Жынданып енді соқпайды  
Кешегі асаяу жас жүрек.  
Бетімнен тәтті бір сүйіп,  
Алдыңа алшы өлдилеп...  
Балқиды жаным бұл күйге.  
Мені де, өлім әлдиле,  
Әлдиле, өлім, әлдиле!

## ТІРІЛДІМ

Сансыз күндер ой астына көмілдім,  
Қор болып ем көңілін таптай көңілдің.  
Жаспен жасып, оймен азып-тозып ем,  
Өліп едім, бүгін тағы тірілдім.

Жаным өлік еді, жанға жан кірді,  
Тамыр кеуіп еді, ыстық қан жұғірді.  
Жиегінде қорғасында көгімнің  
Бүгін ғана бақыт таңы білінді.

Бүгін маған жұмаққа өмір жол болды,  
Бүгін менің құшағымда Ол болды.  
Оны құштым, шарап іштім, шат едім,  
Бүгін менің құшағымда Гүл болды.

Бүгін менің құшағымда кім болды?  
Бүгін менің құшағымда Гүл болды.  
Бүгінгі түн маған алтын Күн еді,  
Бүгін менің құшағымда Күн болды.

Өзім ғана білем қандай жан құштым,  
Жер құшпадым, шаң құшпадым, таң құштым.  
Жанды жуып, жүргімді жаңалап,  
Бүгінгі күн тән құшпадым, жан құштым.

Бүгінгі күн тән құшпадым, жан құштым,  
Жанды құштым, таңды құштым, көкке ұштым.  
«Сүйем!» — деді бота көзі мөлдіреп,  
Жасын төкті, жасын іштім, бал іштім.

«Көкке ұмтылам, әттең, дүние, аяғым!..  
Болса аяғым, алып Мұса таяғын,  
Кетер едім Тәңірі іздел, Тор іздел,  
Жан жарым деп Сарыарқаның саяғын...» —

Деп сыйырлады алма ерні елбіреп,  
Бота көзде ыстық жасы мөлдіреп.

Жиылған жас төгілмейін тұра ма,  
Жас төгілді, тілініп жүрек, елжіреп.

Өкси-өкси: «Сүйем, сен де сүй!» — деді,  
«Өмір бойы күйем, сен де күй!» — деді.  
«Сеніменен жаным бірге, жан жарым,  
Сен де «жан!» де, ессіз қанды тый!» — деді.

Ол жылды, мен де бірге жыладым,  
Өкси-өкси: «Сүй ғана!» — деп сұрадым.  
Көп жыладым, сол ыстық көз жасымен  
Алдағы өмір жолын таптым, мұрадын.

Жиырма жеті жыл жүрекке берілдім,  
Тұнін көрмей, күнін көріп өмірдің.  
Екі жаспен жуып алдым жанымды,  
Олтеген жерден бүгін мәңгі тірілдім.

### ЖҰЛДЫЗДЫ – ЖҰЗІК, АЙДЫ АЛҚА ҒЫП БЕРЕЙІН

Келші, көзім, күн бетінді көрейін,  
Сүйші, сәулем, тұншығып мен өлейін.  
Жет, жұлдызым, жылжып қана жібектей,  
Жұлдызды — жұзік, Айды алқа ғып берейін.

Сөзің — сикыр, есті тұман басқандай,  
Ессіз жүрек дария болып тасқандай.  
Құлқің, Құнім, күндей күміс табаққа  
Мінсіз сұлу меруертті шашқандай.

Шашың — толқын, жүрегімнің жарына  
Соғылды да, батты улы зарына.  
Айнам, саған арнап жырлар жазамын,  
Қаламымды малып жүрек қанына.

Жырларыммен кестелейін орамал,  
Бұлдіргендей бебектайым бетің бал.  
Балға талай шыбын қонуға үмтыйлар,  
Үмтыйлғанда орамалмен қағып қал.

Еркетайым, келсен өгер қасыма,  
Сәулелерден шоқ қадар ем басыңа.  
Көз жасынан меруерт тізіп берер ем,  
Келші, құлмей көзден аққан жасыма.

Келші, көзім, Күн нұрына көмейін,  
Сүйші — өлейін, «неге өлейін?» демейін.  
Жет, жұлдызыым, жылжып қана жібектей,  
Жұлдызды — жүзік,  
Айды алқа ғып берейін!

## БЕРНИЯЗҒА

... Ұлан өлді батып қанға,  
Тыныштық тапты асау жан да.

Өмір — дала, ақын — бала қаңғырған,  
Жан сусынын көз жасымен қандырған.  
Ақын — бөбек, өмір — көбік, тылсым-ды  
Ойнап, арбап, бөбекті естен тандырған.

Күңіренеді кенес айтып қария,  
Әлдеқайды жер шетінде дария:  
Тұңғиықтың түбі толған тамаша,  
Дарияның сыры жоқ қой жария.

Дарияның астында — алпыс ақ отау,  
Ақ отаулар алтын уық, жібек бау.  
Отау сайын судай сұлу толқын шаш,  
Толқын тербелеп: «Әлди, әлди!» — дейді бау.

Әлди, әлди, тербеледі ордалар,  
Ордаларда өңшең сұлу өн салар.  
Сұлу жанының құлкісі де сиқыр гой,  
Құлкілері көбік болып жорғалар.

Көрінсе егер сонау құміс құлкілер,  
Жас ұланның жүргегін жұз тілгілер.  
Шерлі ұланның көріп суға шомғанын,  
Мылқау жартас: «Жынды ма әлде?!» — деп құлдер.

Кеңес айтып күніренеді бір күні,  
Есімде жоқ, әйтеуір сол бір күні:  
Майдан құрып, қарсыласқан екі жау,  
Таудай мылқау, бірінің де жоқ үні.

Екі жаудың біреуі — өлім, бірі — өмір,  
Бір-біріне қайрасады тіс шықыр.  
Бір мезгілде жаны жалын жас ұлан  
Әлдеқайдан қан майданға келіп тұр.

Жап-жас бала келе сала, қабағын  
Түйіп, тартқан екі жаққа садағын.  
Тастан қайтқан оғы тиіп өзіне,  
Қан майданда қайтыс болған қарағым!

Ұлан өлген, мұны көрген екі жау:  
«Мына ұланның емес, сірә, дені сау, —  
Деді-дағы, шегі қатып күлісті, —  
Әй, есалан!.. Ха-ха, ха-ха-ay!»

Жаны жалын, жаны шерлі жеткіншек,  
Құлсін саған, сөксін мейлі көк есек.  
Мен сөкпеймін сені, сонау толқынмен  
Хан майданға неге ғана кірдің деп.

Мен күніренем, ұлы ойлар кеп басыма,  
Жырласаң ед шомылып көз жасыңа:  
Тұнғиықтың түбіндегі тамаша  
Өзі-ақ көшіп келмес пе еді қасыңа...

Өмір, өлім — мәңгі аңдысқан екі жау,  
Екі жауды бауыр қылар жыр бар-ау.  
Сол жыр таптай, садақ тартпай, сабыр ғып,  
Қан майданда күніренсең еді, сор бала-ау!

Ойлаймын да, өкінемін ғапылдығыңа,  
Жаным сеніп еді жақындығыңа...  
Жастай сөнген жалын жанды жеткіншек,  
Күнәң ауыр, кешем ақындығыңа.

Өмір — дала, ақын — бала қаңғырған,  
Жан сусынын көз жасымен қандырған.  
Ақын — бебек, өмір — көбік, тылсым-ды  
Ойнап, арбап, бөбекті естен тандырған.

### СЫРДАҒЫ АЛАШҚА

Атаң Отқа табынған,  
Өзің бірге бағынған.  
Тәнірің — Оттан бол үміт,  
Атаң Отқа табынған.  
Жан ба еді ол жауға жалынған?!  
Сыр бола ма жыр мен От?

От дегенің аспан ғой,  
Аспан жерді басқан ғой...  
Төменге алып төнген ол.  
Бір дегенің жер ғой ол,  
Жер дегенің — көр ғой ол,  
Көрді сүйген, өлген ол.

Атаң Отқа май салған,  
Жан ба еді жыннан тайсалған?  
Жаһұт жапқан ажыдан.  
Жанын жасып, кірлеген  
Отпен аспанға өрлеген  
Алады екен аластап...

Салық салған Сырдағы ел,  
Көрге мұлгіп болма қол,  
Атаң сүйген Отты сүй!  
Шаппағанға шаң жүқпас,  
Шаппағанға қан жүқпас.  
Күйдірем десен, өзің күй.

Отқа табын, Тәңір — От,  
Оттан басқа Тәңірі жоқ.  
Сөзім — Сырдағы алашқа:  
Жаның жасып, кірлеген,  
Отпен аспанға өрлеген  
Жаныңды, алаш, аласта...

## ТҰРАННЫң БІР БАУЫНДА (Сурет)

Ай туды, құңгірт кеш еді, алтын табақ,  
Ару ғой Ай дегенің алтын қабақ.  
Жұзінен сол сұлудың нұр төгілді,  
Жапырақ — суда ойнаған алтын шапақ.

Жапырақ сәуле сүйіп дірілдеген,  
Жел шіркін жаны қүйіп күбірлекен.  
Жерде су сылдыр қағып сүйінгендей,  
Кей кезде құйік кернеп күрілдеген.

Ай қалқыды, сәуле аспаннан сорғалады,  
Ағаштар ерке арудай ырғалады,  
Арудың аққұ мойны бұрылғанда,  
Жұлдыздай жарқ-жұрқ етіп сырғалары.

Бөрік киген бүйра сенсөң қара ағашы,  
Алқызыл алқа киер алма ағашы.  
Бөленген сары алтынға тапал інжу,  
Басына ақық сепкен тағалшасы.

Шиесі мөлтілдеген маржан екен,  
Маржаны жерде жатар арзан екен.  
Жамбыдай жақұты көп анар байғұс,  
Тырбыып неліктен ол азған екен!?

Тізілген түйме меруерт тұтқа таптап,  
Жандардай жарқыраған тәп-тәтті тап.  
Жас өрік ай нұрында ақ алтындай,  
Жас үзім — зұбәржаттан тізген шашақ.

Көк сұлтан, қызыл сұлтан — сұлтан егіз,  
Бірі көк, бірі қызыл тәжі — жеміс.  
Жан-жағың жемісті ағаш, аяқ астың  
Жайнаған феруза гүл ұшан-теніз.

Сыр сөйлеп сол гүлдерге сылдыр қағып,  
Жатқаны тарам-тарам сулар ағып.

Тереңдік — мінсіз кезу, өн бойына  
Қойған ба біреу әдей күміс жағып?

Сәуле ырғып талдың сұлу саласынан,  
Неге ұзақ бүйра бұлттың арасынан  
Алтын Ай — ерке сұлу шықпай қалды,  
Арылмай жүрек анық жарасынан?

Бір жым-жырт басты неге баудың ішін?  
Құлпырып, неге өзгерпті гүлдер түсін?  
Мынау жыр — шер жыры емес, хор жыры ғой!  
Жыр қайдан? Өндім бе бұл? Әлде түсім?

Бұл — бұлбұл! Бұлбұл еken сиқыр көмей,  
Не дейін, сонша сұлу, сиқыр демей!  
Басында балбыратты, елжіретті  
Біраздан жанымды ол алай-дүлей!

Ертеден сені іздеген мен едім ғой,  
Тұранға бір сені іздең кеп едім ғой!..  
Ширази, шеих Саади, Хайямдардың  
Өртеген өзектерін сен едің ғой!..

Жүректе, мені де өрте, бір күл қалсын,  
Жүректе, жок, күл емес, мың гүл қалсын...  
Сайрапға өмір бойы судай сұлу,  
Жанымда сиқыр жырлы бұлбұл қалсын...

Бебеу қағып, басты бұлбұл тербеткендей,  
Тербетіп ырыс, аспанға өрлеткендей.  
Ессіз боп бұлбұл құстың сиқырымен,  
Кетті алып асау жүрек ырыққа көнбей.

Бергенде көтеріле от боп жанып,  
Қиялдың толқындары алды қағып.  
Толқыннан улы балды жұта бердім,  
Кетпес-ау, мен татпасам, толқын танып.

Жұтсам да, жүзе бердім, сусын қанбай,  
Қысылды кейде жаным шошынғандай.

Арылып бар күнөдан асау жаным,  
Тәңірінің даргаһына бас ұрғандай.

Жүрек те арылғандай жарасынан...  
Сонда Ай да бүйра бүлттың арасынан  
Жарқырап шыға келіп, ақ жүзінен  
Текті нұр талдың сұлу саласынан.

Жан-жақта көлеңкелер көлеңдеді,  
Көзіме әлденелер елендеді.  
Жүргегім дүрс-дүрс соғып, айта бердім,  
Айтқаным: «Аят берә-ді, өлең берә-ді...

Білмеймін, көктен кәусар нұр құйылды,  
Неге екен, көзіме ыстық жас жиылды.  
Жоқ, әлі улы балға қанбадым ғой,  
Бұлбұлым, әнің неге тез тыйылды?

Дариға, аяқталмай, үзілді жыр,  
Сүм жүрек жалын болып қалды ғой құр.  
Бұлбұлдың әнін үзген не болды екен?  
Мынау не: көлдің беті жыбыр-жыбыр?

Көл беті жыбыр-жыбыр, бақа «бақ-бақ»,  
Сайрасын енді қалай бұлбұл бейбақ?  
Әмірдің өзгермейтін құрсын заңы —  
Бір жақтан бұлбұл шықса, бақа шықпақ.

Жырши құс бақырайған бақа көрсе,  
Бақылдап тырбық бақа әнін бөлсе,  
Ойласаң ,таң қаларлық дәнеңе жоқ,  
Құсадан ақын бұлбұл үнсіз өлсе...

Тұн өтті. Бозарғандай шығыс жағы,  
Бақаның бітпек пе бір «бақ-бақ-бағы?»  
Бұлбұлға сыйға тартқан сол сәулесін  
Арсыз Ай бақаға да төкті тағы...

## АЛАТАУ

Оранып өмір бойы көк мұнарға,  
Аспанды алып Ала<sup>1</sup> емген арда.  
Айбынды Аспан-ана алып туған  
Бөбегін бөлеп қойған меруерт қарға.

Шыңдары Арсыменен араласқан,  
Тәнірі тақ қылғандай тарғыл тастан.  
Күніреніп қоңыраулы қара нардай,  
Қап-қара қорғасындаі бұлты басқан.

Иірілген айдаһардай ашулы асқар,  
Томсарған туғаннан-ақ тарғыл тастар.  
Құздарды мәңгі меңіреу мәңгі басқан  
Жаунардай жарқыраған аппақ шаштар.

Түк басып, тұла бойы толған кесте,  
Қарағай, арша біткен өрлей төске,  
Қарағаш, тал-тобылғы, жасыл шырша,  
Қарақат, жиде, шие маржан түсті.

Сан шөптің түгесерсің атап қайсын:  
Шымшуыр, көкемарал, уқорғасын.  
Аһ ұрган Алатауда аруларың  
Үнімен тыяды екен ыстық жасын.

Жануар бұғы, марал көз адасқан,  
Ойнаған ешкі, теке орғып тастан.  
Даланың еркелері — арқар, құлжа,  
Құлдырап оқтай күлік елік қашқан.

Сары аю ойнайды екен таспен атып,  
Бөрісі бөкен жортқан түнде қатып.  
Топ шие бір құлжаға жабылмақшы —  
Қозыны жібергендей жамыратып.

---

<sup>1</sup> Алатау дегені.

Құздарда найза қия құстар шулар,  
Төменде тасты сабап толқын тулар.  
Аланың ақ төсінен орғып түсіп,  
Сайларда салар ойнақ асау сулар.

Беттерін солтүстікке түзеп алып,  
Шуласып, «Алатаулап» ұран салып,  
Еліріп екпіндеген асаулардың  
Құм жапқан көбі бірақ шөлде қалып.

Бір шетте жынды Қошқар Шуға шапқан,  
Сусамыр арқасында сылдыр қаққан.  
Арасан әулиенің ыстық жасын  
Жиып ап, Ыстық Ата дауырыққан.

Алатау — алып ана көкпен талас,  
Арда емген сол ананы тентек Талас.  
Қырғызға қасиетті Талас сүйн  
Ертеде қоныс қылған батыр Манас.

Шындарын Алатаудың жел жайлаған,  
Жел емес, қалың қырғыз ел жайлаған.  
Желменен, желден жүйрік андарменен  
Құздардан бірдей орғып, бірге ойнаған.

Сайларда сарқыраған селі ме еken?  
Күніреніп көшкен қырғыз елі ме еken?  
Алаштың қайсар ұлы — қайратты елдің  
Манасы ел қорғаған ері ме еken?

Көп жылдар желдей заулап есті ме еken,  
Алатау өсті ме еken, өшті ме еken?!

Қияның қыранындағы қайсар елдің  
Басынан күнгірт күндер көшті ме еken?!

Қарлы аскар, мәнгі мұнар барлы ма еken?!

Қайратты ел қайғы жұтып, зарлы ма еken?!

Шер басып, алып азып, ерлер жасып,  
Манас та ұмыт болып қалды ма еken?!

Жоқ өлі! Қарлы Алатау қалыбында,  
Толқындар тулайды өлі шапшып шыңға.  
Көзинен — от, сөзинен уыт жоймай,  
Қайсар ел үмытқан жоқ алыбын да.

Алатау өспейді екен, өшпейді екен,  
Ауыздан алып аты түспейді екен.  
Көрілер: «Киелі ер-ай!» — деп күрсініп,  
Жастары: «Ер үрпағы — біз», — дейді екен.

Ақындар мұнды қияқ шалады екен,  
От болып көптің көзі жанады екен!..  
Жұмбакшы «Манасты» айтып жоргаласа,  
Көрі-жас көзіне жас алады екен.

Алашқа қайсар қырғыз бала ма екен,  
Қайғымен қайсар жаны жара ма екен?!

Жаралы ел көшкен күнін жоқтай, жылай,  
Құл болып, жасық жаспен қала ма екен?!

Тау өшпес аспан төніп, еміренген,  
Сел солмас қарлы құз бен кек мұзды емген.  
Ерлерін ел қорғаған есте тұтып,  
Ел бітпес кеңес қылышп күніренген!..

Алаштың қайсар қырғыз баласына  
Қосылса жара жанның жарасына,  
Жас төкпей, өрлеп, өрлей Талас бойын,  
Төуеп қыл Манасыңың моласына...

## ТҮРКІСТАН

Түркістан екі дүние есігі ғой,  
Түркістан ер түріктің бесігі ғой.  
Тамаша Түркістандай жерде туған  
Түріктің Тәнірі берген несібі ғой.

Ертеде Түркістанды Тұран дескен,  
Тұранда ер түрігім туып-өскен.  
Тұранның тағдыры бар толқымалы,  
Басынан көп тамаша күндер кешкен.

Тұранның тарихы бар отты желдей,  
Заулаған қалың өрттей аспанға өрлей.  
Тұранның жері менен суы да жат,  
Теңіздей терең, ауыр ой бергендей.

Тұранның егі-шексіз шөлі қандай,  
Теңіздей кемері жоқ көлі қандай!  
Тұранның дария аталған өзендері  
Тасыса, шөлді басқан селі қандай!

Тұранның таулары бар аспанға асқан,  
Мәңгіге басын аппак шаштар басқан.  
Бауырында ерке бұлақ салады ойнақ,  
Жаралып таудан аққан салқын жастан.

Шөлдер бар, жел де жүрмес, сап-сары құм,  
Моладай ешбір үн жоқ мәнгі тып-тын.  
Болмақ па жан-жануар шексіз шөлде,  
Сар құмда салар ойнақ пері мен жын.

Тұранның теңіз дерлік көлдері бар,  
Шалқыған егі-шетсіз Теңіз, Арап.  
Бір шетте қасиетті Ыстықкөлдің  
Бауырында дүние көрген түрік көкжал.

Ертеде Оқыс, Яқсарт — Жейхун, Сейхун,  
Түріктер бұл екеуін дария дейтін.

Киелі сол екі су жағасында  
Табасың қасиетті бабаң бейітін.

Тұранның Тянь-Шаньдай тауы қалай,  
Пар келмес Тянь-Шаньға таулар талай!  
Еріксіз ер түрікті ойға аларсың  
Көкке асқан Хантәнірігे қарай-қарай.

Балқашты бауырына алған Тарбағатай,  
Жоталы, жер кіндігі — Памир, Алай.  
Қазықұрт қасиетті тау болмаса,  
Топанда Нұқ кемесі тоқтар қалай?

Тұранның жері де жат, елі де жат,  
Құйынданай бастан кешкен күні де жат!  
Тұранды түгелімен билеп тұрган  
Ертеде ертегі хан Афрасияб.

Ежелден жер емес ол қарапайым,  
Білесін, тарихты ашсан, Тұран жайын.  
Тұранға қасиетті құмар болған  
Ертеде Кей-Қысырау мен Зұлқарнайын.

Тұранға жер жүзінде жер жеткен бе?  
Тұрікке адамзатта ел жеткен бе?  
Кең ақыл, отты қайрат, жүйрік қиял,  
Тұранның ерлеріне ер жеткен бе?!

Тумайды адамзатта Шыңғыстай ер,  
Данышпан, тұңғиық ой, болат жігер.  
Шыңғыстай арыстанның құр аты да  
Адамның жүрегіне жігер берер.

Шыңғыстан Шагатай, Үкітай, Жошы, Төле —  
Атаға тартып туған бөрі бөрі.  
Шыңғыстың қол бастаған екі көзі —  
Жолбарыс Сұптытай мен көкжал Жебе.

Тұранның билері бар Тарагайдай,  
Сол биден Темір туған от бол ойнай.

От шашып жер жүзіне Ақсақ Темір,  
Жарқ етіп өте шыққан нажағайдай.

Тұранды мақтамаймын тіпті текке,  
Онсыз-ақ Тұран таныс талай шетке.  
Сырласқан үйде отырып аспан-көкпен  
Білгіш аз жеткен жүйрік Ұлықбекке.

Асыл қан — қасиетті түрік қаны,  
Сол қаннан — Ибн-Сина Әбуғали.  
Молдығы білімінің сиқыр дерлік,  
Дүниеге мұндай адам туды ма әлі?

Түріктің кім кеміткен музыкасын,  
Фараби тоғыз ішекті домбырасын  
Шерткенде тоқсан тоғыз түрлендіріп,  
Жұбанып, кім тыймаған көздің жасын?!

Тұранда түрік ойнаған ұсап отқа,  
Түріктен басқа от болып жан туып па?  
Көп түрік енші алысып тарасқанда,  
Қазақта қара шаңырақ қалған жоқ па?

Арыстан елге Отан болған Тұран,  
Тұранда қазағым да хандық құрган.  
Қазақтың қасқа жолды Қасым ханы  
Тұранның талай жерін билеп тұрган.

Әділ хан аз болады Назардайын,  
Алашқа Есім ханның жолы дайын.  
Тәукедей данышпан хан құрган екен  
Басында Құлтөбенің Құрылтайын.

Бұл Тұран ежелден-ақ алаш жері,  
Тұрансыз тарқамаған алаш шері.  
Тұранның топырағында тыныштық тапқан  
Алаштың арыстаны — Абылай ері...

Тұраннан Сарыарқаны бөлек деме,  
Түркістан алты алашқа болған Кебе.

Тұранның топырағын құшып жатыр  
Кешегі ердің ері көкжал Кене.

Шер батса — кім ізdemес туған елін,  
Тұлпар да көксемей ме туған жерін?  
Арқаның ардагері қалың алаш,  
Тұран да, біле білсөң, сенің жерін!

Қырағы Тянь-Шаң мен Памир, Алай,  
Күтеді көптен сені қарай-қарай.  
Кене мен Абылайдың жолын қумай,  
Жапанда жайылудың мәні қалай?!

Ертеде Оқыс, Яқсарт — Жейхун, Сейхун,  
Түріктер бұл екеуін дария дейтін.  
Киелі сол екі су жағасына,  
Болмаса, барсанышы іздең бабаң бейітін!

### СӘРСЕМБАЙДЫҢ ЖЫРЫ

Домбырам басы бал қурай,  
Басына қонар бозторгай.  
Қалампырлы насыбай,  
Насыбайды атпасам,  
Ауырар менің басым-ай!

Домбырам менің екі ішек,  
Күніренеді еніреп.  
Мен де бірге күніренем,  
Көзіме ыстық жасым кеп.

Ай, албар-ды, албар-ды!  
Сәрсембайда зар бар-ды.  
Зардан басқа не болсын,  
Шықпаған құр жан қалды:

Бетегелі барқыттай  
Белес-белден айрылдым.  
Балдан қалған сарқыттай  
Күміс көлден айрылдым.

Ай мүйізді ақ қошқар,  
Ақтылы қойды бөрі алды.  
Шұрқыраган жануар  
Жылқыларымды ұры алды.

Ұры алмады, тұн алды,  
Тұн алмады, жын алды.  
Жаяу қалдым әйттеуір,  
Біле алмаймын кім алды?!

Домбырамның құлағын  
Бостау қылып бұрадым.  
Жылқымның жөнін сілтеші,  
Өркенің өссін, шырағым!

Домбырам менің қарагай,  
Қылдың-ау, шіркін заман-ай!  
Жат бауыр болған жас шіркін,  
Кеткенің бе қарамай?!

Домбырам менің зарлайды,  
Зарламайды, қаргайды.  
Мен де бірге зарлаймын,  
Көзімнен жас парлайды.

Домбырам басы бал қурай,  
Қалампырлы насыбай.  
Насыбайды атқан соң,  
Жазылар менің басым-ай!  
Жазылса да бас шіркін,  
Тыйылмайды жасым-ай!..

## ӘЖЕ

Сығырайған көзі көрінбей  
Томар-томар былшықтан,  
Отыrsa, бойы аспайды  
Қолындағы үршықтан.  
Алдындағы қоженің  
Көрінбес беті қылшықтан.  
Көжесін татпай әженің,  
Жан болмайды құр шыққан.  
Көжесін қойшы, кеңесін  
Тыңдамай үйден кім шыққан?!  
Сендер де тында, тентектер,  
Тыйылып біраз шолжақтан.

Ертегі айтса, үршығын  
Ұмытып әжен қетеді.  
Жерде жатқан жұнді алып,  
Қайта-қайта тұтеді.  
Су сепкендей сап болып,  
Тоқтайды сонда жөтелі.  
Былшықтан көзі жылтырап,  
Ту арқаңдан өтеді.  
Ал кіріссе ертекке,  
Басы қалт-қалт етеді:  
«Ертек-ертек, ерте екен...» —  
Аузы балп-балп етеді.

«Ерте, ерте, ерте екен...  
Тында енді ал, шырақ!  
...Сұр мергенде болыпты  
Сұліктей бедеу бір сұр ат...»  
Қоя қойды Кенжетай  
Жылаған жаңа нан сұрап.  
Тындал отыр тентектер  
Алма беті албырап,  
Ауыздары аңқиып,  
Сілекейі салбырап.  
Қалғып бірақ барады  
Кенжетай тентек маужырап.

## ЖЫЛҚЫШЫ

Бораны — бөрі ұлып түр,  
Тәбеттей тынбай үріп түр,  
Сын тағылды қантарға.  
Аман ба екен жылқышы,  
Аман ба екен жылқысы,  
Малға барған жан бар ма?

Тұтінді жерге тығатын,  
Түкіркітен түйме тағатын  
Аяз мынау шатынаған.  
Хабар бар ма, мал қалай,  
Малдағы жалғыз жан қалай,  
Адам бар ма қатынаған?

Боран мынау қабандай  
Арсылдаған шаба алмай,  
Түбі қайыр болса игі.  
Аяз анау жер тілген,  
Ұша алмай анау құс өлген,  
Жылқышы қасқа не күйде?

Бір бұта жоқ — айдала,  
Аппақ кебін айнала,  
Қалтиып қос түр ма екен?  
Құрт көжені сіміріп,  
Тұмакты қойып жымырып,  
Қасқиып қасқыр жүр ме екен?

Ойнақ салған құр аттай,  
Шұнандаған лақтай  
Оргыса да аяз өкіріп,  
Қозғап қойып арқаны,  
Ермек қылып малтаны,  
Түр ма екен шырт-шырт түкіріп?

Бораны әлде даланың  
Бейітіндей баланың  
Қосын басып, жығып па?  
Қайран қасқыр-жылқышы,

Беті ойнаған оқадай,  
Оппа қарға опадай,  
Күп берісті топырлап.  
Топырлап, шулап, соқтыға,  
Тоғытқан бейне тоқтыдай  
Жыпырласты шөпірлеп.

Күміс қарға көбіктеі  
Сұңгіп алып сұліктеі,  
Топырлаған топ бала  
Қаракшыдай қалтиып,  
Қарындары шартиып,  
Бастады соға ақ қала.  
Қарды соғып төрт бұрыш,  
Төрт бұрышты қып кірпіш,  
Үй іргесін қаласты.  
«Мен оям!» — деп біреуі,  
«Мен қоям!» — деп біреуі,  
Терезеге таласты.

Терезелер ойылды,  
Қардан құрсау қойылды,  
Шаттықтың енді шегі жок.  
Беттері болды бұлдірген,  
Сар даланы күлдірген,  
Күлкілері меруерт.

Қатар-қатар тізілді үй,  
«Алақай», айғай, күлкі ылғи,  
Күлді бірге ақ қала.  
Ерінбесен, бар, қара:  
Ойнап жүріп көп бала  
Салып қойды ақ қала.

Ығып кетіп жылқысы,  
Ол да бірге ығып па?

Долы, пері, жын боран,  
Сумаңдаған сүм боран  
Құлак-мұрның қарып па,  
Күші кете беріп пе,  
Үмітпен тұнгә төніп пе?  
Бір малта жоқ-ау ғарыпқа!

Жеңе ме, дүние-ай, тілсіз жау,  
Алдында бір сай бар еді-ау,  
Сол сайдан аман өтіп пе?  
Құлап өлде тап соған,  
Қарқ-қарқ құліп, басынан  
Боран жүріп кетіп пе?

Алас ұрып, ісініп,  
Есі кетіп жығылып,  
Есіл ер үсіп өліп пе?  
Ердің солай өлгенін,  
Қардың қалай көмгенін  
Құзғыннан басқа көріп пе?

Боран мынау қабандай  
Қатуланған қаба алмай,  
Тұбі қайыр болса игі.  
Басында, өлсе, сайғақ жоқ,  
Өліміне айғақ жоқ,  
Жылқышы сорлы не күйде?

### АҚ ҚАЛА

Ауылдың алды омбы қар,  
«Не бар! — Қолың домбығар!» —  
Шешелері десе де,  
Томпаңдаپ бір топ бала,  
Соқпақ болып ақ қала,  
Кіріп кетті кесеге.

## ЖАТАҮР

Басқа жұрт аспан-көкке асып жатыр,  
Кілтін өнер-білім ашып жатыр.  
Бірі — ай, бірі — жұлдыз, бірі күн бол,  
Жалтырап көктен нұрын шашып жатыр.

Таласып өнер-білім алып жатыр,  
Күнбе-күн алға қарай барып жатыр.  
От жегіп, көкте ұшып, суда жүзіп,  
Тәңірінің рақметіне қанып жатыр.

Ойламай біздің қазақ текке жатыр,  
Бір іске жанаса алмай, шетте жатыр.  
Азырақ көз жүгіртіп қарап тұрсан,  
Қазекең таң қаларлық кепте жатыр.

Байларың мынды айдаған шалқып жатыр,  
Бар малын болыстыққа сарқып жатыр.  
Барымта, ұрыс-керіс, кісі өлтіріс —  
Ішінде сорлы қазақ қалқып жатыр.

Кең жері күннен күнге құрып жатыр,  
Сұр жылан бар қан-сөлін сорып жатыр.  
Астана, жұрт билеген адамдарды  
Тәңірі күннен күнге ұрып жатыр.

Біреулер оқып тере болып жатыр,  
Шен алып, бақыт құсы қонып жатыр.  
Ұмытып өзін өзі бүл сабазың,  
Жұртына қарсы таяқ соғып жатыр.

Шәкірттер медреседе шіріп жатыр,  
Қайдагы ескі нұсқа көріп жатыр.  
Оқыған, дін ізdegен байғұс шәкірт  
Жемтікші құзғын болып кіріп жатыр.

Әйелдер мал орнына жүріп жатыр,  
Жас қызын малға, шалға беріп жатыр.

«Бес байтал — өйел құны» деген бір сөз  
Қармаққа талай жасты іліп жатыр.

Дау-жанжал ел арасы толып жатыр,  
Өзара талас-тартыс болып жатыр.  
Кешегі шешек жарған қазақ гүлі  
Сарғайып, бір су тимей солып жатыр.

Мінекей, қазақ солай бітіп жатыр,  
Күннен күн артқа қарай кетіп жатыр.  
Сезінбей өз өлгенін, өзінікін,  
Аты өшкір оқығандар нетіп жатыр?!

### ШЫН СОРЛЫ

Күн сұық, қатты аяз, шыдар емес,  
Қар борап соққан желмен қылып егес.  
Кедейлер үсіп-тоңып, дір қалтыра,  
Жылды үйде байлар жатар, уайым жемес.

Тұн болып, қара тонын киіп еді,  
Қатты жел барлық күшін жиып еді.  
Ақтарып астын ұст қып, гулеп соғып,  
Дөндегі қарды ойға үйіп еді.

Дүрілдеп сұп-сұық жел соққан шақта,  
Қар борап, үй айнала тыққан шақта,  
Шыдамай жан-жануар жел өтіне,  
Бұкшиіп теріс қарап ыққан шақта, —

Балтабай Оразкенді шаштан ұстап,  
Нығарлап әр түкпірге сүйреп тастап,  
Құт ұшырар естілген қатты дауды:  
«Анаң, енең!.. Шық үйден! Жолыңды тап!»

Бейшара Оразкеннің түсі қашқан,  
Жылауға, қозғалуға есі адасқан.  
«Аяғым ауыр, қой деймін!» — деп айтқанда,  
Дүр қамшы ойнап кеткен қайран бастан.

Балтабай бір қолымен есік ашты,  
Тепкен соң, сорлы Оразкен далаға асты.  
«Кірме, өл далада, иттің баласы!» — деп,  
Бекітіп, іште тұрып есік басты.

Оразкен екпінменен құлай кетті,  
Есі ауып, жансыз болып, сұлай кетті.  
Әдейі өшіккендей тасбауыр жел  
Дүрілдеп, астын ұст қып борай кетті.

Оразкен бас көтерді есін жиып,  
Көз алды дулап кетті от боп күйіп.  
Басынан сорғалаған қап-қара қан  
Ағады үлбіреген бетке тиіп.

Дәрмен жоқ, көзі тұнып, тұр балбырап,  
«Жасаған, жарылқа!» — деп жәрдем сұрап.  
Қар борап, дүрілдеп жел соққан шақта,  
Кетеді сорлы Оразкен дір қалтырап.

### ЖАЗФЫТЫРЫ

Су акты, жетті апрель, қырдан ойға,  
Секіріп арық-тұрақ кетті тойға.  
Жас бала: «Жазғытұры туды», — десіп,  
Жабагы, көтерем тай, ақсақ қой да,  
Қуанып жан-жануар, алшаң басып,  
Қалмады қайғы-уайым ешбір ойда,  
Нұрлы күн алтын нұрын шаша бастап,  
Шықсын деп қыскы ызғар өткен бойға.

Су ақса, тау жаңғырап сылдыр қағып,  
Дәл сұлу бұрандаған шолпы тағып.  
Тұрлі үнмен жаңа келген жылдың құсы  
Тұргандай қобыз ойнап, әнге салып.  
Ұлы бай жылқы қамап, қыл күзеуге  
Белсенген жылқышыға ноқталатып.  
Балалар етек түріп, зыр жүгіріп,  
Батпаққа бірін бірі домалатып,

Қырдағы жылқышар үйқы көрмес,  
Қолынан құлық бие құлышындағы.

Май кірді, жер құлпырды, гүлдер жайнап,  
Жібектей көкорайлар жатқан жайрап,  
Сұлудай бұрандаған бұтақтарда  
Өн салып әр түрлі құс түрған сайрап,  
Суықтан тоңып өлген шыбын-шіркей  
Тірліп, қанат қағып, быж-быж қайнап,  
Аспанда күн құркіреп, от жарқылдал,  
Жылы жел қара бұлтты тербел айдал.  
Уызға жана тойған жас құлышынды  
Шыңғыртып жылқышылар ұстап, байлап,  
Азырақ қүйлі шыққан қысыр тайын  
Балалар шапқыласқан мініп жайдақ.  
Қыс қысқан арық-тұрақ, жаман-жәутік  
Кетті ғой өлдекашан тырақайлап.  
Жаратқан жанға рахат жазғытұрды  
Шүкір қыл бір Аллаға, «я, Құдайлап».

### БҰЛБҰЛ

Сайрайсың мұнды қүймен жүз құбылтып,  
Кейде аяң, кейде желіс, кейде сылтып.  
Денені сұытасың, ысытасың,  
Тұрасың маужыратып кейде жылтып.

Құясың тәтті дауыс тамылжытып,  
Тұрады жан-жануар дәмін жұтып.  
У-шу жок, қарқ-шиқ еткен қарға, торғай  
Ұялып, өлдекайда кеткен жытып.

Ұста сөз, мұнды даусың басты байлар,  
Тоқтаған шабуынан құлыш-тайлар.  
Даусыңнан елжіремес нәрсе бар ма,  
Жас төгер бойы балқып терең сайлар.

Бұлбұл құс! Көзімде жас, кеудемде от,  
Болып, мен саған келдім, ішімде шок.

Дертіме сенен ғана дәрмен болар,  
Басқадан, анық білдім, еш пайда жок.

Бұл жерден үшып кетші сөулем жаққа,  
Барып қон нәзік қана бір бұтаққа.  
Сөйле оған ашындырып менің жайым,  
Көнілін елжіретпей қанат қақпа!

Жұз құбылт дауысынды, өрте өзегін,  
Өртенсін, қызыл жалын қыл төсегін.  
Ойын ал, бойын балқыт, сүйдір мені,  
Қалсын ол ойлай алмай өз есебін.

Тез, бұлбұл, мұнды дауыс, сиқыр тілдім,  
Дәрменді қалың дертке сенен білдім.  
Қылмасаң бір мейірім, сорлы пенден,  
Қайғыдан, қолым жетпей, міне, өлдім!

### ӨЛЕҢ

Тарықса жаным,  
Ауырса тәнім,  
Сүйеуім бар демейтін.  
Ол болса менде,  
Қозғалса жер де:  
«Бұ не болды?» — демейтін  
Жан сүйгенім — ол да өлең,  
Жете алмасам, жолда өлем!

Жанымның жаны,  
Тәнімнің қаны,  
Тіршілігім сенімен.  
Ойланым — тоймадым,  
Іздедім — қоймадым,  
Кеңес біраз менімен.  
Естісе сені — жан иір,  
Багаң білмес көп сиыр!

## ЛӘЗЗАТ ҚАЙДА

Бұл жарыққа шыққан соң,  
Іздейді көнілім күн-түні  
Қайдасын, ләззат, рахат деп,  
Таппады сал боп еш мұны.

Ойында ма бос өткен?  
Қайғыланған ойда ма?  
Жүйрік тазы, сұлу мен  
Қызойнақ иә тойда ма?

Байлықта ма, беклікте  
Бетіне шірігі шықпаған:  
Ас, ат беріп, жұрт аузын  
Алып, оған ықтаған?

Ләззатты іздең, көнілім  
Аласұрған шарқ ұрып.  
Біреуін де осы деп,  
Қалмай жүрген бір торып.

Баяулады жалғыз-ақ,  
Мінеки деп тұрақтап,  
Ләззаттанып сөзіне,  
Қолына кітап, құранды ап.

Айттар сөзім ендігі  
Аласұрған көнілге:  
Оқу оқы, өнер қу,  
Басқалардан тұңіл де!

Жұрттың қамын көп ойла,  
Уайым-қайғы жеп ойла!  
Артта қалған сорлы жұрт  
Алға бассын деп ойла.

## ЖАЗФЫ ТАҢ

Жып-жылы тұн маужырап,  
Көтерілген жерден бу.  
Саф күмістей жалтырап  
Тыныш жатқан тұнық су.

Кекке тиген биік тау  
Құшақтасқан тұманмен,  
Қосылысып есен-сая,  
Бал алысқан құмармен.

Ақырын ескен жылы жел  
Маужыратып, тербетіп,  
Таң атсын деп жайнап гүл —  
Өсіп балам ер жетіп.

Шырылдап торғай аспанда,  
Бытпышыры өн қосып,  
Шала-жансар жатқанда  
Табиғатқа жан қосып, —

Таң алдында жалбарып,  
Тәңіріге құлдық қылғаны,  
Ісіне оның таңданып,  
Көңілі Хаққа сынғаны.

Міне, алтын таң атты  
Күншығыстан ағарып.  
Көтеріп зұлмат қанатты,  
Жер де кетті жаңарып.

Таң, Күн деген — жер жаны,  
Бұл екеуінсіз жоқ сөні.  
Оқу-білім — ер жаны,  
Жараспас ерге құр жаны.

## ЖАС КЕЛІН

Жаңа тұскен жас келін,  
Кемпірлерге ас келін.  
Орамал-шаршы бермесе,  
Абұйырсыз тас келін.  
Алғанға қабақ шытпаса,  
Сонда болар бас келін.

Жаңа тұскен келіншек  
Болмайды тіпті еріншек.  
Құдайдың берген тоқтығы —  
Ас болады ірімшік.

Жас келіншек — тоқ қонақ,  
Болмайды тіпті сұғанақ.  
Арып-талып жүрсе де,  
Ойлайтыны жақсы атақ.

Бұрқыраған дауылда,  
Сабап құйған жауында,  
Л»м деп бір сөз шығармай,  
Жас келін жүрер сауында.

Бірін бірі іздескен,  
Қараңғыда көздескен,  
«Басым жерге кіргенше,  
Жаным — сен!» деп сөздескен.

Жас келіннің күйеуі —  
Мұнын ашар сүйеуі.

АТАҚТЫ АҚЫН – СӨЗІ Алтын  
ХАКІМ АБАЙҒА

Шын хакім, сөзің асыл — баға жетпес,  
Бір сөзің мың жыл жұрсе, дұмі кетпес.  
Қарадан хакім болған сендей жанды  
Дүние қолын жайып енді күтпес.

Сөзіңе құлақ салып, баға бермей,  
Қисайып, қыңырайды жұртың иттес!  
Бұртиып, теріс қарап: «Аулақ жұр!» — деп,  
Болды ғой жақын тұған бүрі кектес.

Тыныш ұйықта қабірінде, уайым жеме,  
«Қор болды қайран сөзім босқа!» — деме.  
Артында қазақтың жас балалары  
Сөзінді көсем қылып, жүрер жөнге!

Ай, жыл өтер, дүние көшін тартар,  
Әлтіріп талай жанды, жүгін артар.  
Көз ашып, жұртың ояу болған сайын,  
Хакім ата, тыныш бол, қадірің артар.

Жұрген жанның артында ізі қалар,  
Етікші өлсе, балға мен бізі қалар.  
Бір бай өлсе, төрт тұлік малы қалар,  
Жүйрік өлсе, артында сөзі қалар!

Сүм дүние сылаң беріп көптен өтер,  
Сая қалғанның көбісі ертең бітер.  
Тоқтамас дүниенің дөңгелегі,  
Жүйріктің айтқан сөзі көпке кетер.

## СОРЛЫ ҚАЗАҚ

Сорлы қазақ жан алқымға тығылып,  
Қара күн кеп, тіккен туы жығылып,  
Алға баспай, біткен ісі кер кетіп,  
Нөр тата алмай, күшсіз, өлсіз бүгіліп;

Оқу-білім жақыннатпай, жолатпай,  
Қырын қарап, қазақ ісін ұнатпай,  
Пыр-пыр ұйықтаң сорлы қазақ тек жатыр,  
Қанды жаспен екі көзін шылатпай.

Қозгал, қазақ, білімге жүгір, кез келді,  
Қылышын алып, «надандық» саған кезденді.  
Шетке лақтыр, тұмақтай алып, тұра кеп,  
Ертеді-кеш басыңа мініп езгенді!

Кітап әпер, оқысын балаң, қолына,  
Малды аяма оқу-білім жолына.  
Өнер алып, басқалармен қатар бол,  
Жер жүзі бір адамзаттың ұлына!

Байғұс қазақ бас көтеріп, тұрап ма?  
Көнілі түсіп, білім мойнын бұрап ма?  
Құні туып оң жағынан, солдан — Ай,  
Оқуменен жайнатып дүкен құрап ма?

## ӨНЕР-БІЛІМ ҚАЙТСЕ ТАБЫЛАР

Ер жігіт өнер табар ерте қуса,  
Ерініп шаршамастай белін буса,  
Ұртың-жыртың, жоқ-барға көніл бермей,  
Періште боп анадан қайта туса!

Жақын туған, бауыр деп айналмаса,  
Қатын-сатын дегенге байланбаса,  
Тынықпай, дамыл алмай ерте де кеш,  
Ізденсе, кідірмесе, жайланбаса;

Дүниенің қайғысынан зарланбаса,  
Көз қысып күлгөніне алданбаса,  
Қақ жарар қара қылды тура бөліп  
Айтылған сөз жайынан жалғанбаса;

Өсектен ат-тонымен алыс қашса,  
Естісе, ұялғаннан бетін басса,  
Жамандық — аты өшкірге жақын жүрмей,  
Аяғын құндік жерден байқап басса;

Өзінен басқа жанды кем көрмесе,  
Құтыртып, шабыстырып, жел бермесе,  
Табылмас аузына су тамызуши,  
Өзінің тар етігін кең көрмесе!

Көзі ашық адамдарға жақын жүрсе,  
Олардың әрбір сөзін үлгі көрсе,  
Естіген сөз, көргенді бос тастамай,  
Құлақ тігіп, көз салып, жиып-терсе;

Көңіл көзі ашық жанды дос деп білсе,  
Мылқау, меніреу, наданды қас деп білсе,  
Бейнеттің мұнарланған шөл даласын  
Ұжмақта хорлар тіккен қос деп білсе;

Білімсіз қатқан жансыз тас деп білсе,  
Өнер-білім — қарны ашқа ас деп білсе,  
Дүниенің теңізінде адасқанға  
Тура жол көрсететін бас деп білсе;

Осы оймен тура жүрсе, бұлтармаса,  
Басқаға мойын бұрса, көз салмаса —  
Өнер-білім жер астында болса-дағы,  
Бір жетер, жалықтым деп тастамаса.

## ТОЛҒАН АЙ

Тұрасың, мейірімді Ай, нұрың шашып,  
Бұғып жүр қаранғылық бетін басып,  
Толсаң да солсаң-дағы айрылмайтын  
Жолдасың — жұлдызыңмен қол ұстасып.  
Далада жолаушыға сен жолбасшы,  
Егерде жазатайым жүрсе адасып.  
Дөңгелек, жарасымды ақ келбетін,  
Жүресің жылжып қана әсем басып.  
Ажары ақ жамбыдай сұлулардың  
Жалғанда тіпті кетпес көркі асып.  
Сәулеңнің түскеніне әлдеқандай  
Теніздер жан теңгермес жатқан тасып.  
Мәз-мейрам көктө қатар жүргеніне  
Жұлдыздар иек қағып жымындастып.  
Жалғыз-ақ іштен сені жек көреді  
Екі жар қол ұстасқан сыйырласып.  
«Жарықта қарандап, бой көрінед!» — деп,  
Бір-бірін сүйісе алмас мауқын басып.  
Елжіреп көңілдері, құмар қанбай,  
Айрылар біраздан соң амандастып.

## ЗАРЛЫ СҰЛУ

Қайғыландың, зарландың,  
Ісінді тастап, мұңайып.  
Ойнамайсың, ойлайсың,  
Күлкіңе салды кім айып?

Жалғыз қалсаң бір үйде,  
Өзінді өзің жылаттың.  
Мөлдіреген көзінді  
Қайғылы жаспен шылаттың.

Көп ойладың тыншымай,  
Тұнде де кірпік бір қақпай.  
Талмай көзің жұмбайсың,  
Ағарып сүттей таң атпай.

Жаңа піскен алмадай  
Толып бір тұрған шағында,  
Жастық қызығын көрместей,  
Неге сынды сағың да?

Қайғыға салды кім сені  
Тыныштық жүзін көрместей?  
Өмір бойы бітпестей,  
Зарың мәңгі сөнбестей.

Ернінді қозғап қайғымен,  
Қай жауызды қарғайсың?  
Сені бүйткен бейбақтың  
Санадан жүзі сарғайсын!

### БАЛАЛЫҚ ШАҒЫ

Балалық шағы —  
Патшаның тағы,  
Ала алмас оны бағалап.  
Көп өтпей жыл,  
Тек жүрмей, біл,  
Ілгергі күнді сағалап.  
Үйрен білім жастықта,  
Білмесен, жанға қастық та!

Білімге жүргір,  
Жоқ ойдан түңіл —  
Ерікке қоймай, ентелеп.  
Қайтпас уақыт,  
Қал дәмін татып,  
Бос өткізбе еркелеп!  
Жастық деген — бағасыз,  
Қадірін білмес санасыз.

Жастық — алтын,  
Құрып қал салтын,  
Салты оның — үйрену,  
Өнер қуып,

Бел бекем буып,  
Надандықтан жирену!  
Тұрма, қарғам, ұмтыл!  
Аты өшкіден құтыл!

«Білімсіз — есек,  
Опасыз» десек,  
Сөйлеп, күліп жүрсе де.  
Өлікпен тең,  
Ит-құска жем,  
Тірі боп ғұмыр сұрсе де.  
Сондай болма, қарағым,  
Даяр болсын жарагың!

Білген жан — көсем!  
Сөйлесе — шешен,  
Жұртты аузына қаратар.  
Істегені — өрнек,  
Қор қылмас ермек,  
Нәрсені іске жаратар.  
Білімдінің сөзі — ем,  
Мейірімі көп, етек — кең!

Жұртына мақтаулы,  
Сыбага сақтаулы,  
«Пәлі!» деп қарсы алар.  
Іс қылар тежеп,  
Жан-жүрек өжет,  
Бет келгенді арсалар.  
Қайда барса — сыйымды,  
Білімі — мал, бұйым-ды!

#### ТІРШІЛІКТІҢ КӨРКІ — ЕРИК

Тіршіліктің көркі — ерік,  
Адамдыққа ол серік.  
Бір кірген соң қақпанға,  
Қалар бұрынғы еркелік!  
Ойламай барып ұрынып,  
Өкінген аз ба ертелік?!

## ҚАЗАҒЫМ

Қазағым, таянды ғой қылта мойын,  
Жер, мал кетіп, бос қалды біздің қойын.  
Қарашы өзіңе өзің көз жүгіртіп,  
Жараспас бұдан былай құлкі-ойын.

Жетті енді қам жер мезгіл, жатпа бекер,  
Ойламау келешекті түпке жетер.  
Надандық қоршап алған тұс-тұс жақтан,  
Жан қорқып, дene тітіреп, есің кетер.

Тасталық болыстыққа таласуды,  
Таласып, жаман көзбен қарасуды.  
Мың-мыңның төгілуі жетер енді,  
Ізделік аққан бұлақ — қара суды.

Бар жерді күннен күнге алып жатыр,  
Хохолдар алып қала салып жатыр.  
Қырылсызып өзді-өзімен казақ сорлы,  
Жерінен аузын ашып қалып жатыр.

Кел, қазак, қолдағыдан құр қалмайық,  
Отырайық жиылып, ондалайық.  
Мың жылғы өткен қуам деп ата занды,  
Өнерден кеш қалармыз, ойланайық.

Жер қалар, біз жиылып қала салсак,  
Қайдағы онды жерді таңдап алсак,  
«Ауыл болсаң — қофам бол» деген сөзден  
Бұлтармай, ертенді-кеш жүріп барсақ.

Сол шақта көп түкіріп — көл де болар,  
Көлде толқын айдаушы жел де болар.  
Мектеп, медреселер көп салынып,  
Ағайын, тату-тәтті ел де болар.

Жиылмай өнерге аяқ баса алмаспыз,  
Нық сіңген надандықтан қаша алмаспыз.  
«Заман тұлкі болғанда, тазы болмай»,  
Биік қырдан алдағы аса алмаспыз!

## МЫСЫҚ ПЕН ЕТ

Қарны ашып, мысық байғұс үйге кірді,  
Қарады тіміскілеп әрбір жерді.  
Жерден іздел дәнене таба алмады,  
Ілулі шаңырақта етті көрді.

Қарады етке мысық көзін сатып,  
Алам деп секіреді кейде жатып.  
Құдайға өкпелейді: «Қол бермедін,  
Алар ем, — деп, — бұл етті ағаш атып!»

Не керек, ала алмады, азаптанды,  
Ашудан өле жаздал аз-ақ қалды.  
Қайтсе де ала алмасын білгеннен соң,  
Мысығың өзіне өзі тоқтау салды:

«Қой, не керек, бұл ісің тіпті ұнамас,  
Естісе, бұл қылышың көпке ұнамас.  
Сасыған, құрттап кеткен жасық етті,  
Ханзада, жегеніңмен, ішке ұнамас».

Асылды, қолға түспей, жасық деуші,  
Қолға түссе, жасықты майдай жеуші —  
Артынан арқан бойы шығып тұрып,  
Өз үйінде сабазың сыр бермеуші.

## СҮЙГЕНИМЕ

Жандым-құйдім, сені ойлап, дамыл көрмей,  
Еш жанға сенен басқа көңіл бермей.  
Сен — бір жақ, жалған — бір жақ, қатар қойып,  
Сені іздедім, жалғаннан қолым сермей.

Қайғы жұттым, «аһ» десем, шықты жалын,  
Сыртым — сау, ішімде — өрт жанған қалың.  
Құйдірген қалың өрттің зардабынан  
Өлгелі тұр сүмірейіп сорлы жаным.

Сөзім, көзім айтып тұр сүйгенімді,  
Қуарған, сарғайған жүз, құйгенімді,

Талған жүрек, жұдеген, солған дene —  
Сүюдің қолына ен тигенімді.

Күні-түн сені іздедім, қайғы жедім,  
«Отқа түскен сорлынды сүйші», — дедім.  
Төгілген көз жасыма бір иімей,  
Дененде аулақ салдың, қоспай жігің.

Жан ұрдым, жаным қидым, қайрылмадың,  
Өміріңше «Кет әрменнен!» айрылмадың.  
Шырылдап көз алдыңда отта жандым,  
Тіліңмен де бір аяп қайғырмадың.

Күн болған көнілімде сенің сәулен,  
Болып ем өмірімше сорлы өурен.  
Міне, мен сені тастап кетпекшімін,  
Қош енді, жанып-күйіп сүйген сәулем.

Мен таптым, сүймесен де, өзіме жар,  
Керегің жоқ, мейірімсіз жолыңа бар.  
Маган енді ол жармен тыныш, рақат,  
Бәрібір жазы-күзі жауса да қар.

Өмірінше бірге, тастап кетпегі жоқ,  
Сен сықылды қайғылы етпегі жоқ.  
Өзгермес бір қалыпта кең тіршілік,  
Бірде шаттық, бірде мұн жетпегі жоқ.

Қош, сәулем, бермен қара, сорлынды көр,  
Амандас, мен кетейін, қолынды бер.  
Алдында құшак жайып қарсы алатын  
Сүйген жарым — мейірімді ол қара жер!

## ҚҰР ҚАЛЫППЫН

Сұлу қыз анадайдан сыландайды,  
Тенімен ойнап-күліп, бұрандайды.  
Адамзат бәрі ғашық, бәрі құмар,  
Ах ұрып, оны көрмей тұра алмайды.

Ептілер ебін тауып, жақындасты,  
Болуга ең сүйгені жақын қапты.  
Не қылсын өзінің қолы жеткеннен соң,  
Меніреуді мен сықылды шақырмапты.

Білмеппін дәнеңесін сырт халықтың,  
Сөз катпай, таң атса да, құр жатыппын.  
Ойламай, көз жүгіртпей, меніреу басым,  
Жанаспай, жақын жүрмей, құр қалыптын.

## ЖОҒАЛҒАН АЛТЫН

Апалап, уанбастан, жылаған күн,  
Жұрем деп қаз-қаз тұрып, құлаған күн.  
Еркелеп, құр былдырлап, өтірік жылап,  
Алдына апам байғұстың ңұлаған күн.

«Апа», «мама» деген сөзге тіл келген күн,  
Ауызға тозаң-топырақ, құл келген күн.  
Сенделіп мас кісідей ырғаң-қиқаң,  
Аттап аяқ басуға әл келген күн.

Біреу ұрысса, қамығып, жас келген күн,  
Ойға жалғыз емшек пен ас келген күн.  
«Болар енді, тойдым», — деп ас қайтармай,  
Бере берсе, ретпен дес берген күн.

Аяқ басып қотанды, жүгірген күн,  
Шешенің емшегінен тұңілген күн.  
Тыптыр-тыптыр ары-бері жарысқан боп,  
«Кімді озды» деп, атаға жүгінген күн.

Тай мініп, желі айнала жарысқан күн,  
Тең құрбы, балалармен алысқан күн.

Қымс етсе: «Әке, апа, тиеді!» — деп,  
Жұдырықты кезек-кезек салысқан күн.

Батпаққа, қоға тартып, аунаған күн,  
Көңілді ылғи ойынмен аулаған күн.  
Ренжу, қабақ шыту, мұнаю жок,  
Жаңбыры қайғы-зардың жау маған күн.

Қымбат күн, қолға түспес сен алтын күн  
Беретін іздеп тауып жоқты бар қып.  
Жарқ еттің, көз ашқанша ғайып болдың,  
Ашылмас қара тұман қаптады түн.

### ОРАЗАДА

Таң алдында тамылжып,  
Тәтті үйқыға батқан шақ.  
Бір тاماқтың қамын жеп,  
Үйқылы-ояу жатқан шақ.

Тұра салып төсектен,  
Дір қалтырап киініп,  
Ойға кірер: «Кешікпен,  
Уақыт бар», — деп сүйініп.

Ауыз ашып, қол салып,  
Ашылмай жөнді де көзі,  
Келгенде қарын құралып,  
Көрінді-ау Шолпан жұлдызы.

«Жылдам іш», — деп жымындал,  
Көз қысуын нетерсің?  
«Қарбытып іш, тынымдал,  
Аштан өліп кетерсің!»

Алдына әкеп қатар қой,  
Қай сүйгенін таңдастын.  
Шай, қымызға әбден той,  
Көңілде іңкөр қалмасын.

Тұндік жабық, от жарық,  
Үйге сөule кірмейді.  
Іш, той, ындыныңды жарыт,  
Таңды үйден көз көрмейді.

Ораза деген қазақقا  
Құлышылық емес, әдет қой.  
Еріксіз жүрмей азапта, —  
Пайданы ойла, қам ет, қой.

ТІЛЕГІМ  
(Қыздың зары)

Қайғылы қыс қар, боранмен қорқытып,  
Жанға ракат жайнаған жаз бітпесе,  
Сыландаған алтын құнім тез өтіп,  
Қайғы-мұнмен жас төгер шақ жетпесе;

Жасыл шешек, қызарған гүл солмаса  
Қаны қашып, көркі бітіп, қуарып,  
Періштедей жас қызы қатын болмаса,  
Алмадайын қызыл беті суалып;

Алмаспаса, өзгермесе бұ дүние,  
Жақсы-жаман тұрса өзінің қалпында!  
Бірақ білген, солай қылған Тәнірі Ие,  
Мен де көндім, басымды идім алдында.

Берсін атам, малға сатпай, теңіме,  
Маған жолдас ол мал болмас, ер болар!  
Құр қызықсан ата заты, тегіне,  
Көзің нұры балаң өмірі шер болар.

Мейірімді Ием, таза, нәзік өйелді  
Қара жүрек қазаққа неге жараттың?  
Ах, зар қылды, құлағына кім ілді?  
Сорлыларды жауыздарға қараттың!..

Бұрқырап қара дауыл соғып тұрған,  
 Көкорай түсі қашып солып тұрған.  
 Шыдамай қатты ызғарлы жел өтіне,  
 Бұрісіп ағаш, шөптөр тоңып тұрған.

Көрік жоқ ойда-қырда, шығып жүрсөн,  
 Естілмес құс, құрт даусы, құлақ тұрсөн.  
 Қақтанған, жамыла түсіп, от маздатып,  
 Көресің кемпір-шалды, үйге кірсөн.

Масатыдай құлпырған жердің жүзі,  
 Аяқ бассаң — табанға өтер сызы.  
 Кемпір болған, бет-аузы қатпарланып,  
 Бұрандаған кешегі сұлу қызы.

Қысқасы, жер жүзінде көрік біткен,  
 Қараған да, сұлу қызы қайта кеткен.  
 Жыламсырап, мұнайып жанды-жансыз,  
 Қатты аязды, қайырымсыз қысты құткен.

Осы уақыт шаһарға тұрсаң қарап,  
 Тұрлі жұрт тұрлі істе жүрген тарап,  
 Көше бойлап, оқуға шапшаң басып,  
 Шаттықпен жас балалар боқша арқалап.

Қыс, күз болмас оларға көнілсіз шақ,  
 Оқу біліп, айырап қара мен ақ.  
 Өнерленген дүниеге үстад болған,  
 Қолдарында олардың тәж бенен так.

Қарасаң сонда қазақ арасына,  
 Ойнаған жалаң аяқ баласына,  
 Кетеді іш елжіреп, жанып-күйіп,  
 Көнілдің тұз сепкендей жарасына.

Жас өмір надандықта өткен босқа,  
 Оқымай, өнер қумай жазы-қыста.

Білімнен ат-тонымен қашқан қазак  
Сайлауға таласуға қандай үста.

Баласын оқытумен жоқ жұмысы,  
Ел бұзу, малын шашу — барлық ісі.  
Ойлаған бір күн бұрын таңдағы істі,  
Япым-ау, айтсаңдаршы, бар ма кісі?

Басқа жұрт балалары оқу қуған,  
Біліммен өз жұртының бетін жуған.  
Ішіп-жеп, босқа жүрсе хайуан малдай,  
Адамзат жер жүзіне не үшін туған?!

Қор болдық, өнер қумай, қайран елім!  
Күш кетіп, талай жаннан көрдік керім.  
Сұлық боп, жан шыққалы түр таяулап,  
Мандайдан шып-шып шығып өлім терің.

### ОСЫ КҮНГІ КҮЙ

Ойламай отқа түскен неткен жанбызыз,  
Сөз ұқпас мылқау, меніреу, жүрген жалғызыз.  
Көрінбес көзге түртсе қараңғыда,  
Япым-аи, қалдық па енді тіпті таңсыз?!

Тақаулы тамағында өткір пышак,  
Тек жатыр түяқ серіппей сонда да аңсыз.  
Тыңдамас, сөзге түспес, ырыққа көнбес,  
Болды ма қайран қазақ тастай жансызы?

Жер кетті, жаның кетті, қам жемедін,  
Құл болдың қара табан енді малсыз.  
Ортаға қамап алып қырып жатыр  
Қара жүрек «надандық» қолмен сансыз.  
Қазағым, арыстаным, қайратты ерім,  
Тұрдың ба қару қылмай, құр амалсыз?  
Өзіндей адамзаттар не ғып жатыр,  
Бос жүрсің баспанасыз, үйген тамсыз.  
Сандалдың: алдың — боран, артың — тұман,  
Түк көрмей сәуле берер шырақ-шамсыз.  
Білімсіз ит надандық женгегені ме?  
Буының қалтырайды болып әлсіз.

## МЕН СОРЛЫ

(Шәкірттің зары)

Талайсыз, бақсыз мен сорлы,  
Бір ісім оңға бармаған.  
Мен не жаздым оғұрлы,  
Тәңірі мұнша қарғаған?

Талпындым, түстім ізіне,  
Оңдалмады бір ісім.  
Қарамай құлыш жүзіне,  
Алла-ау, көрсеттің қысым.

Бел будым, түстім әр жолға,  
Тілегім қайтсем табам деп.  
Қарамадым оң-солға,  
Тілегім үшін шабам деп.

Не қылсам да түспеді  
Уысыма құганым.  
Жібермеді, құштеді  
Жақын бауыр, туғаным.

Таласқа салды жиғанын,  
Барын, арын аямай,  
Оқуға бермей — тыйғанын,  
Алды-артына қарамай.

Білім ізден сусаған  
Жылайды пенден алдында.  
Мейірі кең Жасаған,  
Құр алақан қалдым ба?..

## АЛДАНҒАН СҰЛУ

Күні кеше толған Ай жүзің еді,  
Сиқырлы қара нәркес көзің еді.  
Мап-майда мамық қардай мінсіз денен  
Бейне бір бақшадағы үзім еді.

Жел тимей, кірсіз тұрган кезің еді,  
Жандыға жақсы дәру сөзің еді.  
Басып кеткен пайғамбар іздеріндегі,  
Қадірлі аяқ басқан ізің еді.

Ал бүгін ол көріктің бәрі де жок,  
Ақ марал, аяғыңа дәл тиген оқ.  
Өкіндің, жастық, мастық ісің өтті,  
Ах ұрдың, сыртың — жалын, ішінде — шок.

Тіліне қу тұлкінің тез алдандың,  
Ойламай таңдағыны, тез құп алдың.  
Тап-таза ат, көркем көрік — бәрі кетіп,  
Өміріңше құтыла алмас отта қалдың.

Таралды жұрт аузына жаман атың,  
«Бұзылған!» дейді енді жақын, жатын.  
Ызындал ол да, бұл да сол сөзді айттар,  
Жас төкпей нағып сонда шыдар дәтің.

## ТУҒАН ЖЕР

Бұл жарыққа аяқ басып туған жер,  
Кіндік кесіп, кірім сенде жуған жер.  
Жастық — алтын, қайтып келмес күнімде  
Ойын ойнап, шыбын-шіркей құған жер.

Жаратылдым топырағынан, сен — тұбім.  
Жалғаны жоқ, бәрі сенен жан-төнім.  
Сенен басқа жерде маған қараңғы,  
Жарық болар Шолпан, Айым, сен — Күнім.

Тәтті сұың дәмі аузынан еш кетпес,  
Қалың нуың, қыр, сұыңа жер жетпес.

Кең даланда ойын ойнап қалсамшы,  
Жазу болып адамзатқа ер жетпес!..

Балақ түріп, қозы қуып, жарысып,  
Батпағында тең құрбымен алысып,  
Тұнде — аксүйек, алтыбақан, ал күндіз  
Үйретем деп асау тайға жабысып.

«Адам басы — Алла добы» деген рас,  
Қалай қуса, солай кетпек сорлы бас.  
Кім біледі, мен де шетке кетермін,  
Тұған жерім, сені тастап басым жас.

### КӨҢІЛ

Сүм көңілге разы емен мен,  
Тез жанад да, тез сөнед.  
Бір тілегін істесең сен,  
Оған басқа ой келед.

Жас баладан артық жеңсік  
Мұндай нәрсе көрмедім.  
Тұрағы жоқ шайтан секек,  
Тіпті-ақ сырын білмедім.

Бір жар іздел, болса өуре,  
Таптым, бардым қасына.  
«Аш құшағың, — дедім, — сәулө!»  
Шомылып көз жасыма.

Жанған жүрек, жасты көріп,  
Көңілі сенгіш перизат:  
«Ақырын, — деді қолын беріп, —  
Жанба, сәулем, көрме жат!»

Жанып-күйіп сүйсө танда,  
Кешке сөнген ол отсыз.  
Бүгін мұнда, ертең анда,  
Тым-ақ нәрсе үтсиз.

## ЖАРЫМА

От жұтқан туысқанның халін көріп,  
Күнәсіз судай аққан қанын көріп,  
Айрылған ар-намыстар қарындастың  
Көз жасы, қалың қайғы, зарын көріп;

Елжіреп жүрек-бауырым, ішім еріп,  
Бейнетке белді буып, қолды беріп,  
Ант етіп айнымасқа ес білгеннен,  
Байлаулы бауырыма тілеп ерік, —

Жан жарым, ұзақ, қыын тұстім жолға,  
Алдында түпсіз дария, сор да, ор да.  
Бетпақ шөл: сусыз, отсыз, қайнаған құм,  
Ыскырған жылан, шаян оң мен солда.

Өткелсіз, қарлы, отты таулар асқар,  
Мейірімсіз табан тілер қия тастар...  
Кім білед, қуат құрып, арып-талып,  
Төгетін күндер болар ыстық жастар.

Сол күнде, алтын сәулем, қолынды бер,  
Жасытпа, жолым бастап, алдында жүр.  
Қара тұн қорқынышты қаптағанда,  
Жарқырап жұлдызым боп төккейсің нұр.

Айрылса иманынан көңіл құбыл,  
Кейін қайт, жапа шекпей, жазым деп жол.  
Жан салып, тұра, қайтпас жүрек беріп,  
Жаңадан жаратып сен — Аллам да бол!

Жол алыс, жақын үшін жаннан кештім,  
Бауырдың халін көріп, бейнет құштым.  
Құшақта, сүй, күл, жыла, қайраттандыр,  
Жан жарым, ұзақ, ауыр жолға тұстім.

## ТӨБЕТ

Тұн бойынша сақ тәбет  
Үріп шықты шарқ ұрып,  
Жауды біліп аңдыған.  
Ас бермеді бәйбіше:  
«Үрдін, — деп, — босқа құр кеше,  
Барқылдақ, — деп, — алжыған!»

Тұн болды тағы, кәр тәбет  
Бұралып жатты, үндемед, —  
Кайтсін сорлы, қажыған!  
Білгенін бөрі істеді,  
Тәбет тағы естіді  
Кешегі сөзді «алжыған!»

## ЗАР

Күз жетіп, жердің жүзі солғын тартса,  
Алтын күн нұры кеміп, салқын артса,  
Жер жүзі өлім күтіп тұрса жылап  
Сексенде селкілдеген байғұс қартша;

Қатты қыс кірейін деп есік ашса,  
Қызыл гүл қорыққаннан түсі қашса,  
Әл кетіп, бұлғактаған бұтақтарда  
Жапырақ: «Ал өлдік!» — деп сыйырласа, —

Қайғырман, сірә, осы қыс жетті еken деп,  
Есіл жаз бір күндей боп өтті еken деп,  
Артына қатты суық, қайғы тастап,  
Жолымен «Барсакелмес» кетті еken деп.

Қыс өтер, мезгілімен жаз да болар,  
Қар еріп, ойпаң жерлер саз да болар.  
Теніздей толқындаған шалқар көлде  
Тұрлі құс: үйрек, аққу, қаз да болар.

Алтын күн алтын сәуле жерге шашар,  
Жан кіріп, жан-жануар қыбырласар.

Күркіреп қара бұлт аспан-көкте,  
Жасаған кен рақметтің кілтін ашар.

Сөзім жок дәл осылай болуында,  
Бар қайғы, қалың дертім менің мұнда:  
Көңілдің баяғыдай мінезі жок,  
Соғады жүрек зорға, келші, тыңда.

Жоғалды, батты, кетті сөулем — Күнім,  
Жайнаған жұз құлпырып қызыл гүлім.  
Сөулесіз, Айсыз, Күнсіз қараңғыда  
Өтермін аһ ұрумен шықпай үнім.

Жалғанның бір көрермін көп пен азын,  
Өмірімде енді болмас жылы жазым.  
Енді бір өлгенім де, жүргенім де,  
Қолымнан үшқаннан соң қоңыр қазым.

#### ДІН ҮЙРЕТКЕНГЕ

Қарманбай, қарап жатып бақ күтүге,  
Ізденбей аласұрып, тақ күтүге,  
Тағдырда, бір тақтайда жазулы деп,  
Әр іске кім үйретті шақ күтүге?

Шарқ ұрып ерікке ұмтылған үшқыр жанды,  
Қайнаған тамырдағы ыстық қанды  
Тұтқын ғып кім қамады? Кім сұйтты?  
Кім алды қалың қайрат, құшті, әлді?

Кешегі арыстанды айбыны зор,  
Жүректі жолбарыстай қайраты мол  
Айырып ар-намыстан, құштен, естен,  
Кім қылды шала-жансар бір қорқақ құл?!

Ақылға, жан-жүрекке кісен салды,  
Көрмейтін көзді көр ғып артты-алды.  
Үйретіп дін деп құлдық, қорқақтықты,  
Қандай құл бізге молда бола қалды?!

Ойламай, қорқақ құлдың тіліне еріп,  
Жай жатып, тәуекелге тізгін беріп,  
Мінекей, айрылдық қой бақтан, тақтан!  
Қайтейін, өсіресе, есіл ерік!

Жоқ енді, жату болмас бос еңбексіз,  
Жалбарып «Жасаған!» деп жас тәкпеспіз.  
Өзің де, сөзің де кет бізден аулақ,  
Жаны өлген, жүргегі өлген мұндар кексіз.

Біз жаңа көрдік таңның желі ескенін,  
Салқынмен сескендірмек боп ескенін,  
Сылдырлап су, сыбырлап жапырақтар:  
«Есінді жи енді, алаш, тұр!» — дескенін!

Міне, Күн! Сәулесі алтын жерді құшты,  
Жарыққа қуанысып құстар ұшты.  
Ізгі оймен ерік тілеп, жарық тілеп,  
Ұшамыз біз де жиып есті, құшті!

### ОРАМАЛ

Қасірет батты жаныма,  
Уға толды жас жүрек.  
Орамалды жарыма  
Бітірем қашан кестелеп...

Күз сарғайтты қайынды,  
Мен де бірге сарғайдым.  
Қара бұлт жауып Айымды,  
Жылаймын, күйем, зарлаймын.

Толып қалды төрт айға,  
Күйікпенен күн өтті.  
Жарымды өкіріп отарба  
Қанды жаққа әкетті.

Елін ойлап қамығып,  
Жүргегі толып дерт-шерге,

Жұр екен жаным жабығып  
Осы күні қай жерде?

Жарқ-жүрқ сансыз көзі бар,  
Бейне жынның ұясы,  
Ың-жың, у-шу сөзі бар,  
Тұсірмес жарық қиясы.

Жылы жүзді жаны жок,  
Қалада жүдеп жұр ме екен?  
Жақыны жок, жары жоқ,  
Жалған оған көр ме екен?

Солдатша сымдай кініп,  
Шекпені оның сұр ма екен?  
Күргіне сүйеніп,  
Суықта жаурап тұр ма екен?

Жатқан шығар оп қазып,  
Жауга ма әлде өзіне.  
Бұрыла алмай бой жазып,  
Қайғы шығып жүзіне...

Қасірет батты жаныма,  
Уға толды жас жүрек.  
Орамалды жарыма  
Бітірем қашан кестелеп?..

Орала берме, жібегім,  
Тезірек жүрші, сен де, біз.  
Сенсің қымбат керегім,  
Алақандай ақ бәтес.

Қайғыдан өлсем, арман жок,  
Ақиредтік жолдасым.  
Көзімде жас қалған жоқ,  
Кестеге сінді бар жасым.

Орамалды алып сорлыңнан,  
Көзіңе жасыңды іріккенде,

Күрсініп ауыр, сөулемжан,  
Көзінді ақырын сұрткенде;

Жасаған Ие, тілегім:  
Аралассын жасқа жас.  
Орала берме, жібегім,  
Сенсің жаным, ақ бәтес.

Қасірет батты жанымға,  
Уға толды жас жүрек.  
Орамалды жарыма  
Бітірем қашан кестелеп?..

## ОРАЛ

Ұзын Орал — күн мен тұн шекарасы,  
Бір жағы — күн, бір жағы — тұн баласы.  
Аргы жағы — көк көзді жын ұясы,  
Бергі жағы — Түріктің сар даласы.

Аскар Орал — кәрі Алып күзет тұрған,  
Күн мен тұн арасында «Қытай қорған».  
Денесі — тас, қарағай — кою мұрты,  
Оң мен сол, түстікке ол мұртын бұрған.

Қарамай еш нәрсеге көзім тоқтап,  
Келіп ем алыбымды аңсап-жоқтап.  
«Ұйқы — дүшпан» деген сөз дұрыс екен,  
Сол Алыптан өтіппін тұнде ұйықтап.

Кеш, Алыбым, жүзінді көре алмадым,  
Алдында иіліп сәлем бере алмадым.  
Амал не, сар даладан сақ елші боп  
Күзеттегі Алыпқа келе алмадым.

Ұзын Орал — күн мен тұн шекарасы,  
Өлім — тұн, өмір — гүлді Гун даласы.  
Өмір менен өлімнің шекарасын  
Ұйықтап озбақ ежелден жер баласы.

Екі дүние: күн мен тұн, өмір — өлім,  
Бірі — бесік, біреуі — даяр көрін.  
Бала болып жата бер бесігінде,  
Сар даланың еркесі — қазақ елім.

### ЖЕР ЖҮЗІН ТОПАН БАССА ЕКЕН

Жер жүзін топан басса екен!  
Асқар таудан асса екен!  
Таудай толқын құтырып,  
Улы көбік шашса екен!

Басса екен топан жер жүзін!  
Жапса екен көбік күн көзін!  
Жанды, жансыз жоқ болып,  
Қалсам жалғыз бір өзім!

Жан иесі тұншықса!  
Үн иесі үн шықса!  
Қараңғы жердің көтіне  
Күн болып сонда мен шықсам!

Қандай ойын салар ем!  
Жалынмен бәрін жалар ем!  
Егі-шексіз дүниеде  
Жалғыз өзім қалар ем!

Заулаған от — жалғыз жан,  
Жер мінезді жоқ адам.  
Заулап тұрган отымнан  
Жаратар ем жаңа адам.

## АҚСАҚ ТЕМІР СӨЗІ

«Жиһан деген не нәрсе? —  
Алақаның ауданы!  
Бір ауданда көп Тәнірі  
Болудың тіпті жоқ сөні.

Тәнірі — көктің Тәнірісі  
Күніренсін, көгін билесін!  
Жер Тәнірісі Темірмін,  
Жеріме Тәнірі тимесін!»

Көк Тәнірісі — Тәнірінің  
Тұқымы жоқ, заты жоқ.  
Жер Тәнірісі Темірдің  
Тұқымы — түрік, заты — от!

### ЖАРАЛЫ ЖАН

Сар даала бейне өлік сұлап жатқан,  
Кебіндей ақ селеулер бетін жапқан.  
Тау да жоқ, орман да жоқ, өзен де жоқ,  
Сөуле емес, қан шашып түр күні батқан.

Жалқау жел өзін өзі зорға сүйреп,  
Жан-жақты жүргендей-ак жындар билеп.  
Ың-жың дауыс келеді құлағыма,  
Перілер ән салысып, түр ма қүйлеп?..

Жаралы бір жан жатыр құба жонда,  
Бір қисық жалғыз аяқ сүрлеу жолда.  
Пернесі, нұры кеткен көзіменен  
Қарайды бейшара жан онға, солға.

Қысылған сорлы адамның шыбын жаны,  
Шапшып түр жүргегінен ыстық қаны.  
Ішті өртеп, жүректі елжіретед  
Қүніреніп сол сорлының сарнағаны:

«Ойпырым-ай, Алла-ай, Жасаған,  
Қысылды ғой шыбын жан!

Қуат кеміп барады,  
Көл болды мынау аққан қан.

Тәнірі, өзіңе жылайын,  
Хал жоқ, қалай тұрайын!  
Жүректі жара жеп барад,  
Жасаған-ау, қалай шыдайын?!

Соқпа, сорлы жүргегім,  
Шірі енді, ақ білегім!  
Мынау қарға, құзғынның  
Бердің-ау, Тәнірім, тілегін!

Сауықшыл есіл елім-ай!  
Сарыарқа сайран жерім-ай!  
Күмістей таза сұзы бар  
Айдын шалқар көлім-ай!

Сол жерде ойнап жүре алмай,  
Сауық-сайран құра алмай,  
Қарғаға-құзғын жем болып,  
Қалғаным ба, бір Алла-ай?!

Қиналдың-ау, шыбын жан,  
Тоқталсаншы, ыстық қан!  
Зарлайсың ғой жетім бол,  
Бесікте қалған балаптан!

Қара шаш қайран жарым-ай,  
Қарашибым, жаным-ай!  
Құлағыма келеді  
Алыстан аңызы зарың-ай!

Қиналдың-ау, шыбын жан,  
Тоқталсайшы, ыстық қан!  
Тұлпарға мініп бір шапсам,  
Болмас еді басқа арман!

Хал жоқ, қалай тұрайын?  
Тәнірі, өзіңе жылайын.

Жүректі жара жеп барад,  
Жасаған-ау, қалай шыдайын!

Тұсті ғой қысым жаныма,  
Тұншықтым ғой қаныма!  
Ием болсан, Жаратқан,  
Салсаңшы құлақ зарыма!

Күштің ғой, Құдірет,  
Періштене әмір ет!  
Қанатпен бір сипасын,  
Жазылсын ішкі-тысқы дерт.

Болмаса, өмірді маган көп көрсөн,  
Лағнет деп мені жек көрсөн,  
Өлейін, тез өлейін,  
Келсін ібіліс, у берсін!

Түсірме қысым жаныма,  
Тұншықтым ғой қаныма!  
Ием болсан, Жаратқан,  
Салсаңшы құлақ зарыма...

Берді Тәнірім тілегім,  
Қуан енді, жүргегім!  
Не періште, не ібіліс  
Келеді ұшып — керегім!..

Сауытты он жақ қолыңа ал!  
Сауытта жұмақ сұы бар  
(Әйтеуір азап тоқталад),  
Не тамұқтың уы бар!»

Жаралы құба жонда кім зарлаған,  
Қансырап, қанын жұтып кім сарнаған —  
Қайғылы сар даланы күніренткен  
Зарына адам шыдап тұра алмаган?

Бұл — қазақ, Тәніріге зар еткен қазақ!  
Қиналып, қанды азап шеккен қазақ.

Әйтеуір қанды азаптан құтқарап деп,  
Оқыған азаматын күткен қазак.

Азамат! Анау қазақ қаным десен,  
Жұмақтың сүйн апар, жаным десен.  
Болмаса, ібіліс бол да у алып бар,  
Тоқтатам тұншықтырып зарын десен!..



## БАТЫР БАЯН

*Бірінші тарау*

Жүргегім, мен зарлымын жаралыға,  
Сұм өмір абақты ғой саналыға.  
Қызыл тіл, қолым емес, кісендеулі,  
Сондықтан жаным қүйіп жанады да.  
Қу өмір қызығы жоқ қажытқан сон,  
Толғанып қарауым сол баяғыға.  
Түйіннің тоқсан түрлі шешші бар  
Әдемі ертегідей баяғыда.  
Әдемі өткенді ойлап айнымасам,  
Сұм өмір күшті уын аяды ма?

Ертегі уатпай ма баланы да,  
Сөз сиқыр ғой, жазбай ма жараны да?  
Ақын да бір бала ғой айға үмтүлған,  
Еркімен өзі-ақ отқа барады да.  
Жай тақтақ жабайыдан жол қалғанда,  
Қанды ор боп ақын жолы қалады да.  
Ойлайды, күніренеді, толгайды ақын,  
Күрсініп көзіне жас алады да.  
Ақында адамзаттан дос болмайды,  
Жалғыз-ақ сырын сөйлер қаламына.

Мен де ойды ағытамын қаламыма,  
Арқаның көз жіберсем алабына:  
Сарыарқа — сары дария, қырыры жоқ,  
Көз болсын қандай қыран, талады да.

Ішінде сары дария көз тоқтатар  
Көкшетау — Сарыарқаның аралы да.  
Көкшеде күні кеше қойдай өрген  
Тұрлі аң: бөрі, бұғы, маралы да.  
Айрылып асаяу, ерке андарынан,  
Көкшенің тас жүрегі жарапы да!

Арқада жер жетпейді Бурабайға,  
Бөлениген бүйра сыпсың қарағайға.  
Бұлт құшкан мәнгі мен-зен Қөкшетауга  
Бөлектеу: «Ой, бауырым!» — дер анадайда.  
Оқжетпес найза қия — қыранға үя,  
Қарасаң, жанның шері тарамай ма?  
Солардың ортасында Бурабай көл  
Мөп-мөлдір, дөп-дөңгелек үқсайды Айға.  
Бурабай — Арқа аралы, жер еркесі,  
Ертеде қоныс болған Абылайға.

Бауырында Бурабайдың қалың ағаш,  
Көкшенің жалыменен біткен жалғас.  
Арудың ақпен өрген тұлымындай  
Қарағай, қызыл қайың, тал аралас.  
Ертеде жел өтпейтін қызыл ағаш,  
Дариға, бұл күндерде жап-жалаңаш!  
Қабірінен әулиенің алашқа артық,  
Ертеде Абылайға орда болған ағаш.  
Ордасын сол ағаштағы Абылайдың  
Меккедей төуеп қылған тамам алаш.

Қыын күн тұған алаш баласына,  
Шұбырып жапанның сар даласында,  
Кез болған, жаудан үркіп, «Ақтабанға»,  
Дұшпанның қалғандай боп табасына.  
Арқаға аяқ салып, тұскен барып  
Екі оттың — орыс, қытай арасына.  
Күндерде сонау қара, тапсырған ел  
Тағдырын Абылайдай данасына.  
Сол күнде ел қорғаған Абылайдың  
Қылсаң да аз қанша төуеп моласына.

Алыстан орыс, қытай — ауыр салмақ,  
Жақыннан тыншытпайды қалың қалмақ.  
Артында — ор, алдында — көр, жан-жағы жау,  
Дағдарған алаш енді қайда бармак?  
Сол кезде елге қорған болған Абылай,  
Көп жаудың бірін шауып, бірін арбап.  
Құндердің бір құнінде хан Абылай  
Қалмаққа (ойына алды) ойран салмак.  
Ханынан «Аттан!» деген сөз шыққан соң,  
Ордага батыр, билер келді андал.

Жиылды өңшең ноян ыгай-сығай,  
Байжігіт, Тасболат пен би Толыбай,  
Ту баста Абылайды хан көтерген  
Қамқоры Қарауылдың шешен Қанай,  
Ашуы жауған қардай, шөккен нардай  
Қарт қыран Қанжығалы карт Бөгенбай,  
Бекеңнің жас жолбарыс жеткіншегі  
Аузынан жалын шашқан жас Жанатай,  
Найзасын нажағайдай ойнататын  
Жас барыс Бәсентиін Сарымалай.

Балталы, екпінді оттан Оразымбет,  
Сырғалы, шапшаң оқтан ер Елшібек,  
Өзіне тірі жанды тең көрмейтін  
Тәкаппар Қошқар ұлы ер Жәнібек,  
Қалданға ханмен бірге тұтқын болған  
Жолдасы Абылайдың батыр Жәбек,  
Майданда от шашқандай оқ шашатын  
Сырттаны Бәсентиін ер Сырымбет —  
Осындаі өңшең көкжал жиылсты  
Күніреніп жолбарыстай: «Жау қайда?» — деп.

Әрі акын, әрі батыр Қарабұжыр,  
Айтатын өрлел барып аспанға сыр.  
Бұқар мен Тәтіқара жырлағанда,  
Толқынды тұңғиық бол төгілер жыр.  
Осылай думанменен құндер өтіп,  
Батырлар ерікті енді жатқанға құр.

Аттан деп өлі айтпаған Абылайға  
Көкжалдар дей бастады: «Жұр енді, жұр!»  
Алайда Абылайдан сөз болмады,  
Сондықтан бұғып, бықсып туды күбір.

Жиналған өңшен бөрі Бурабайға,  
Алаштың Кебесіндей<sup>1</sup> ізгі жайға.  
Батырлар бұғаудағы арыстандай,  
Абылай тұңғиық бір терең ойда.  
Бәрі де ел қорғаны — батыр, билер,  
Аттанбай тек жатудан таптай пайдас:  
«Жүрелік, жау басынар!» деген сөзben  
Салады Қанай биді Абылайға.  
Би Қанай: «Бұ қалай?» — деп бастағанда,  
Абылай сұрайды одан: «Баян қайда?

«Қанайым, ойың удай, тілің шаян,  
Амал не, келген жоқ қой батыр Баян.  
Көп жаудың албастысы, ел еркесі  
Баянның батырлығы алашқа аян.  
Баянның аруақты құр атынан  
Көп қалмақ болмаушы ма ед қорқақ қоян?  
Наркескен, өрттей ескен, қайтпас болат  
Баянсыз қанатымды қалай жаям?!  
Би Қанай! Аттанбайды хан Абылай,  
Келмесе қандыбалақ батыр Баян!» —

Деген соң ойы теңіз хан Абылай,  
Аяңдап батырларға қайтты Қанай.  
Байлаулы бөрілерді аза қылмай,  
Кестелеп, сөзben сипап айтты Қанай.  
Күңдеу ме, көтеру ме, кім біліпті,  
Батырлар десті жалғыз: «Баян бала-ай!»  
Көкшениң бауырында өңшен көкжал  
Күніреніп күтіп жатты күндер талай.  
«Жау!» десе, жатпайтұғын батыр Баян,  
Апымр-ай, келмеуінің мәні қалай?

---

<sup>1</sup> Кебе — Қағба мағынасында.

Жас Баян жауды талай көрмеп пе еді,  
Сорғалап сұңқардайын төнбеп пе еді,  
Майданда жолбарыстай жалғыз ойнап,  
Сан қолға аш бөрідей кірмеп пе еді?!  
Жебесі көбе<sup>1</sup> бұзып, жүректі үзбей,  
Найзасын, сірә, шалғай сермеп пе еді?  
Бірін айт, бәрін айт та, басқа батыр  
Баяндай «алашым!» деп еніреп пе еді?  
Бұл жолы кешігуі жай емес қой,  
Тұлпарым кез болды ғой орға, тегі!

Арқада бір өзенді дер Обаган,  
Сол жерде аз ғана Уақ қоныс қылған.  
Уақтың ерте күнде өжет-қайсар  
Ер Кекше, Ер Қосайдай ері болған.  
Сол ері ерте күннің — Ер Кекшениң  
Нәсілінен қайтпас алмас Баян туған.  
Баянның ер ағасы батыр Сары,  
Қос қыран тізе қосып жауын қуған.  
Айналып оны айт, мұны айт, Баянды айт,  
Ер Баян алашының бетін жуған.

Ол күндер аз қазақ пен қалың қалмақ  
Қыран мен қара құстай алысқан шак.  
Баласы алты алаштың Абылайдың  
Астында ақ туының табысқан шак.  
Қазақтың батырлары бәрі қыран,  
Сонда да бір батыр жоқ Баяндай тап.  
Жауының бір жорықта бір сұлуын  
Ер Баян алып қайтқан артына сап.  
Баянның алдың қайтқан сол сұлуы —  
Балдырған бөбек дерлік, он төрт жаста-ақ.

Сол сұлу сұлу екен атқан таңдай,  
Бір соған бар сұлулық жиылғандай.  
Торғын ет, шапақтай бет, тісі меруерт,  
Сөздері су сылдырлап құйылғандай.

---

<sup>1</sup> Көбе — сауыт.

Бір улап көз қарасы, бір айнытқан,  
Жұлдыздай еркелеген сөнбей-жанбай.  
Лебізі — жібек лебі, жұмақ желі,  
Көусардай татқан адам қалар қанбай.  
Шын ер ғой батыр Баян алып қайтқан  
Еліне сол сұлуды, естен танбай.

Ер Баян жас сұлуды алып келген,  
Сұнқардай бабындағы сүксыр көрген.  
Қан жауып екі көзін, қанды балақ  
Ілмекке қоңыр қазды көніл бөлген.  
Марал бар оққа үшпайтын, тым сақ бірақ  
Кезенде кез келсе де қандай мерген.  
Болмасын жас сұлудың білгеннен соң,  
Ер Баян қарындас қып, ерік берген.  
Алайда ар алышқан жүрегімен  
Тенізде алышқандай күшті сенмен.

Қалмақтың қайсар қызы қайрылмаған,  
Болаттай жасу білмей, майрылмаған.  
Жап-жас қыз сұмдығы мол, сыр бермейді,  
Жандай-ақ ойдан аулак қайғырмадан.  
Алаштың аруы боп кетсе-дағы,  
Жанымен өз жұртынан айрылмаған.  
Сүм сұлу анадайдан «ағатайлап»,  
Баянда жан қоймаған жандырмадан.  
Сонда да сыр шығармай батыр Баян,  
Жастық қып жанын естен тандырмадан.

Осылай іштен күйген батыр Баян,  
Баянның батырлығы алашқа аян.  
Баянның інісі бар он бес жаста —  
Бөрінің бөлтірігі — бала Ноян.  
Ноянның бар ақылы білегінде,  
Билемен асав жүрек, қайнаган қан.  
Келгенде-ақ сұлудың бір қарауынан  
Ноянның жүрегінде үшқын туған.  
Сол үшқын өртке айналып, жап-жас Ноян  
Алысып жүрегімен, аласұрган.

Жастықта жалынданып сүйген қандай!  
Баладай өксіп жылап, күйген қандай!  
Көрмесең жан-жарыңды өлгендей бол,  
Қайғырып күлден кебін киген қандай!  
Кеудене жан кірмей ме, көзің шалса,  
Өмірің жана ағарып атқан таңдай.  
Кеуденді қасиетті сәуле кернеп,  
Жұргің сол минутте жарылғандай.  
Не дерсің салпаң құлақ есектерге,  
Өгіздей өмір сұрген сүймей-жанбай!

Ноян да сол сұлуға — тәтті балдай,  
Мөлдіреп қараушы еді көзі талмай.  
Мас болып, дene түгіл, жаны елжіреп,  
Жұтқандай сол сәулені демін алмай.  
Алайда бұзық ойдан аулақ еді,  
Сұлуға Тәңірі көріп табынғандай.  
Жанса да жап-жас Ноян, сүм сұлу қыз  
Көп заман жүрді бірақ көз де салмай.  
Сонда да кейбір кезде ақ бетіне  
Бір нәрсе жүгіруші ед ыстық қандай.

Айға алтын Күн нұрынан сәуле бермек,  
Шалқыған махабbat — от аспанға өрлеп.  
Жұрегін өзі сүйген отты жүрек  
Оятпак, тас болса да, зарлап тербеп.  
Басында сыр бермеген сүм сұлуға  
Біраздан бола бастар күлкі кермек.  
Нояннан о да көзін алмас болды,  
Күйдіріп жас жүрегін жалын кернеп.  
Шешілді екі жастың жұмбақтары,  
Екеуі бір інірде сайда кез кеп...

Сикырлы гүлге оранған жібек майда,  
Сылдырлап сылқ-сылқ құлген терең сайда  
Ерке өзен жанын өртеп, жармен ойнап,  
Сүйгізген ақ бетінен күміс Айға.  
Сондай бір жібек кеште жаны өртеніп,  
Екеуі «әй!» дескендей барған сайға.

Аулақта сүйіскен жан ұшырасса,  
Еріксіз тамырларға у тарамай ма?!

Анттасып, айрылмасқа сөз байласып,  
Бастық деп Арыса адым санамай ма?

Жас Ноян қызды көріп от боп кетті,  
Көздері қызыл жалын шоқ боп кетті,  
Жер мен көк, ай, жұлдызды тұман басып,  
Бір қыздан басқа нәрсе жоқ боп кетті.  
Келді де қызға жалын сөздерімен  
Шығарды жан ұшырып іштегі өртті.  
Бір күйіп, бір суынып, бір елжіреп,  
Бірсек жас баладай жасын төкті.  
Өртемей отты жүрек қоймақ па екен,  
Тақады сұлу қыз да бетке бетті.

Қыз сонда: «Ноян бауырым — Кебем! — деді, —  
Мен сенің сүйгеніңе сенем, — деді. —  
Сүйемін мен де сені, Тәңірі куә,  
Тән түгіл, жаным саған берем! — деді. —  
Нояным, бірақ сенен қалауым бар», —  
Деді де, сұлу ойға тереңдеді.  
Сұлудың сырға толы торғын беті-ай,  
Бетінде ешбір толқын көрінбеді.  
Біраздан көздеріне жас мөлдіреп,  
Жас сұлу жылап тұрып құлімдеді.

Қыз сонда: «Қалауым бар, Ноян батыр,  
Адасқан аққу құстай мен бір пақыр.  
Арқаның аруы боп жүрсем-дағы,  
Алыста туған, өскен жерім жатыр.  
Откізген балаусадай бөбек күнім,  
Барқыттай белес-белес белім жатыр.  
Айбынды арыстандай құмда кезген,  
Күніреніп қалың қалмақ елім жатыр.  
Барқыт бел, қашқан қалмақ қалсын адыра,  
Ата-анам — айым менен күнім жатыр.

Ер Баян біздің елге барған еді,  
Көп қойға көкжал ойран салған еді.

Бөбөгін шырылдатып ап кеткенде,  
Ата-анам жылап-зарлап қалған еді.  
Сорлы анам қөкірегін қекке сауып,  
Қан жылап менен бір ант алған еді.  
Ол анты: «Елдің шетін, анаң бетін  
Бір қөрмей, қозым, ерге барма!» — деді.  
Анама сөзім — анау, өзім — мынау,  
Жас Ноян, жүгінемін ер деп сени.

Көр болсақ, көрді қөрмей, Тәңірі ондай ма,  
Ер Баян неге батқан терең ойға?  
Мен сорды қөргеннен-ақ сүйген Баян,  
Қосылсақ, Баянға ауыр дерт болмай ма?  
Биікке кетпей киік, ойда ойнаса,  
Ашулы арыстанға мерт болмай ма?  
Екеуіміз Сарыарқадан сапар қылсақ,  
Қатерсіз қосылуымыз берік болмай ма?  
Қаны бір ел еді ғой қазақ, қалмақ,  
О да бір саған туған жұрт болмай ма?!» —

Деп сұлу сыбырлады сиқыр сөзін,  
Толтырып меруерттей жасқа көзін,  
«Шыдашы, кәне күймей!» — дегендей-ақ,  
Ноянға тақап тұрып жалын жүзін.  
Жас Ноян жас қанына тұншыққан соң,  
Ұмытпай тұрсын қалай өзі өзін!  
«Жарайды, даярмын!» — деп айтып салды,  
Ойланып бір минут та қылмай төзім.  
Сол сайда уәделерін бекітісіп,  
Екеуі аймаласты ыстық жүзін.

Сол уақыт мезгіл екен дәл таң алды,  
Төзім қып албырт Ноян күтпей танды,  
Жүгіріп жан ұшырып жаяу барып,  
Жылқыдан екі жүйрік таңдал алды.  
Азырақ азық алыш, қару-жарақ,  
Жүйрікке өсем әбзел тұрман салды.  
Сөйтті де Сарыарқамен есендесіп,  
Екеуі ескен желдей кетіп қалды.

Кетті олар. Сәске болды, ауыл тұрды,  
Алдымен Ер Баянға хабар барды.

Боз үйде жатыр екен Баян жалғыз —  
Керілген күнге еркелеп жас жолбарыс.  
Ауылдың ақсақалы сөзді өкелген  
Деп бастап: «Баян-айым, бір масқара іс  
Өткен түн болып қапты...», — деп шұбыртып,  
Жаудырды екі жасқа нәлет-қарғыс.  
Алайда жас Ноянды актай сейлеп,  
Дей берді: «Қылды-ау бізге қалмақ қар қызы!»  
Ер Баян сұп-сұр болып, деді бірақ:  
«Жарайды... Бар, ақсақал. Ойланармыз».

Боз үйде жалғыз қалып Баян енді,  
Жаралы жолбарыстай күніренді.  
Қорғасын миын, ойын төмен басып,  
Ақылға алғыр құстай ашу төнді.  
Бір кек сұр тұс енгізіп бар денеге,  
Сүм жүрек қанды өзіне жинай берді.  
Ақыры ашу ерді билеп кетіп,  
Жалл етіп сөнген шамдай ақыл өлді.  
Өлді ақыл. Атып тұрып батыр Баян,  
Боз үйден оқ жыландай шыға келді.

Ер Баян сол кеткеннен кете барды,  
Мініп ап белдеудегі кек тұлпарды.  
Дұлыға, қалқан, көбе қалған ұмыт,  
Белінде жалғыз-ақ бір садақ бар-ды.  
Бауырынан Обаганның орғып өтіп,  
Арыстан айдалада дүбір салды.  
Дауылдай талмай есіп, желдей ұшып,  
Тұс ауа Жолдызекке жетіп қалды.  
Кермиық Жолдызектің даласында  
Алыстан екі қараны көзі шалды.

Атығай қоныс салған Жолдызекке,  
Құнарсыз, ашы татыр сорлы өзекке.  
Жолдызек — жолсыз өзек, құтсыз, отсыз,  
Алдымен жау да салған қолды өзекке.

Айрылып байлығынан, көп соққы жеп,  
Көз жасы Атығайдың толды өзекке.  
Алаштың Асанқайғы данышпаны  
Кетпеген «Қанды өзек» деп тіпті текке.  
Ежелден құт дарымай, қағынған жер,  
Қайғылы бір іс болды сол өзекте.

Алыстан екі қара көрді Баян,  
Кілегей қара бұлттай төнді Баян.  
Ой жоқ боп, жүрек шоқ боп, құр екпін боп,  
Сұнқардай сорғалаған келді Баян.  
Қызы түгіл, қаны бірге өз бауырын  
Танымай қалғандай да болды Баян.  
Байланған белде сала садағына  
Қалшылдаپ қалды салып қолды Баян.  
Ашуын арыстанның байқаған соң,  
Майысып тұра қалды жап-жас Ноян.

Жас Ноян жүйрігінің мойнын бұрды,  
Жас Ноян Ер Баянға қарсы жүрді.  
Жақындап келіп қалып ағасына,  
Түсінен шошыды да, тоқтап тұрды.  
Жапанда аға-іні: Баян, Ноян, —  
Алып кел көз алдыңа Ай мен Күнді.  
Дұрысы — құміс күлгөн күндіз бенен  
Түнерген қара бұлттай қара тұнді.  
Алайда ерке бұлан Ноян ұлан  
Ашулы ағасына қарап күлді.

Бір күлді балдыргандай Ноян бала,  
Ашылған шешек жарып гүлдей жаңа,  
Еріксіз сотқарлығын кешіретін  
Еркелеп ерке ұландай күліп қана.  
Көрсө де дауыл гүлді — басылмады  
Ер Баян арыстандай жаны жара,  
Қалшылдаپ, көзі қан боп, қолын алмай  
Байланған садағынан белде сала.  
Жас Ноян: «Жан көке!» — деп сөз қатқанша,  
Сұлу да жетіп келіп: «Баян аға!» —

Дегенше, қалды тартып батыр Баян,  
Баянның батырлығы алашқа аян.  
Оқ тиіп жүрегінен, құлап тұсті  
Атынан бұқтетіліп бәбек Ноян.  
Жын шуы басқандай боп, естімеді  
«Жан көке, аға!» деген сөзді Баян.  
Садағын сол секундте тартты тағы  
Бір ашып, бір жұмбай да көзді Баян.  
Үстіне інісінің денесінің  
Түсірді тағы ұшырып қызды Баян.

Екі жас аттарынан ұшып тұсті,  
Тұскенде бірін бірі құшып тұсті.  
Жүректен атып ыршып шыққан қанмен  
Жалғыз-ақ «Ah» десті де, «Жаным!» десті.  
Қомағай қара топырақ бұлкіл қағып,  
Асығып екі жастың қанын ішті.  
Күлдей қу, тұңжыраған тұндей болып,  
Жия алмай, құр теңселіп, ақыл-есті,  
Тұрды да, біраздан соң батыр Баян  
Атынан есі ауғандай құлап тұсті.

Бірталай талғандай боп жансыз жатып,  
Тұңғызық көмескі көп ойға батып,  
Ер Баян есін жиып, екі жасқа  
Бір қарап, қара тастай қалды қатып.  
Сол кезде сар дала да күнгірт тартты,  
Еңкейіп бара жатты күн де батып.  
Құшақтап ақ селеуді жылады жел  
Өзінің қасірет жырын қоңырлатып.  
Құшақтап екі жасты күніренді ер  
Кезінен ыстық жасты сорғалатып.

Қайғыдан жарылғандай қайран жүрек,  
«Uh-uh!» деп үзілгендей есіл өзек.  
Қасіреті қара тұндей Ер Баянның  
Алдында бұлдіргендей екі бәбек.  
Аузынан уыз шыққан екі жасты  
Ер Баян сүйді құшып кезек-кезек.

Жапанда жапа-жалғыз еңіретті ерді  
Әлгіде ойды улаған ашу кезеп.  
Ашудан бұғып қалған қорқақ ақыл  
Күбірлей бастады енді: «Мұның не?» — деп.

Зарланып күніренді батыр Баян,  
Мезгілде күңгірт тартқан кешке таман:  
«Кең ақыл, отты қайрат, сырттаным» деп  
Ер едім еркелеткен алаш тамам.  
Сындырдым аз ғана Уақ елім белін,  
Елімнен кетіп, елді қайдан табам?  
Жейтүғын өз күшігін болдым бөрі,  
Ісімді мынау ағат немен жабам?  
Қарабет болдым алаш баласына,  
Ер дер ме енді мені Абылай данам?!

Жорыққа қу қалмаққа жүрдім неге?  
Тобына көк бөрідей кірдім неге?  
Тәтті бал, балауса тал жас сұлуды  
Көр болғыр екі көзім, көрдің неге?  
Садақпен жүргегінен тартып кетпей,  
Жыландај бауырыма сап келдім неге?  
Әйелдей баса алмайтын жүрек жынын,  
Есалан жүрекке ерік бердім неге?  
Буынып сол боз үйден шықпай өлмей,  
Атылып оқ жыландај түрдым неге?!

Ойламай, белді бекем будым неге?  
Қозымды қас дүшпандай құдым неге?  
Майысып Ноян қалқам, ерке марқам,  
Қасқынп қарсы алдымда тұрдың неге?  
Бауырыма тас жүрегім жібімеді-ау,  
Бір ата, бір анадан тұдым неге?  
Салдырап шіріп қалғыр саусақтарым,  
Қанымен өз қозымның жудым неге?  
Күнәсіз екі жасты өлтіргенше,  
Өлмедім ішіп уын удың неге?!

Сұлу-ай, қалмай маған ердің неге,  
Жыландај бауырыма кірдің неге?

Қадалды оқ-кірпігің жүрегіме,  
Жүргім тілім-тілім тілдің неге?  
Жұлдыздай аспанда алыс жымындаған  
Алыстан «ағатайлап» күлдің неге?  
Секіріп суда ойнаған шабағымды,  
Сүм сұлу, қармағыңа ілдің неге?  
Тірлікте бетіңен бір сүйе алмадым,  
Тіл тартып, ерке тотым, өлдің неге?!

Күй, жүрек! Көл бол, жасым! Өртен, ішім!  
Алдында айнам жатыр бебек пішін.  
Сүм садақ кетсе де үзіп жас жүрегін,  
Жойған жоқ құлыншағым ерке түсін.  
Сорлы аған атып жығып өз інісін,  
Иіскейді енді зарлап аппақ төсін.  
Тартқанда сынбадың-ау, сүм садағым!  
Қайтейін, арымадың, арда күшім!  
Жоқ, әлде, жоқ, жоқ... Әлде... Өлтірдім бе  
Інімді алты алаштың намысы үшін?!

Арқамдай жер жүзінде жер бола ма?  
Айбынды алашымдай ел бола ма?  
Алашта ертеде өткен екі арыстан:  
Ер Қекше, Ер Қосайдай ер бола ма?  
Солардың нәсілінен Сары, Баян,  
Барыстай ойын салған сар далада.  
Інісі Ер Баянның жасық Ноян  
Атадан азып туған дер болар ма?  
Құл болса бір қыз үшін балдырғаны,  
Алашқа бұдан да ауыр шер бола ма?!

Дарига, жұбанамын жел ойменен,  
Тартпадым сүм садақты бұл ойменен.  
Тандырған мені есімнен ғашықтық қой,  
Бір тынбай сүр жыландај жаным жеген.  
Өз бауыры, өз сүйгенін өзі өлтірген  
Болар ма, сірә, сорлы адам менен?!

Алдында «Кекежан!» деп күліп тұрған  
Садаға кетпедім ғой, қозым, сенен.

Ел беті енді маған болсын арам,  
Алашым, аттанамын, жауында өлем!» —

Деп зарлап, күніренді жаралы ер,  
Айрылған екі жаннан қаралы ер.  
Зарланып көзінен қан тамшылатты  
Тұңғиық жанды жеген қап-қара шер.  
Жүргегі тас болса да шыдай алмай,  
Қамығып, қайғы басып, күрсінді жер.  
Молайтып минут сайын қасірет жырын,  
Жанында өксіп-өксіп жылады жел.  
Бозарып бел артынан таң атқанда,  
Соққыдан сенделгендей тұрады ер.

Күміс таң жерге күміс сәуле шашты,  
Сәуле мен қараңғылық араласты.  
Алыспас адал, арам бекерге ұзак,  
Жеңіліп қараңғылық жылжып қашты!  
Сол кезде жаны жара батыр Баян  
Үңгір ғып қара жердің бетін ашты.  
Жапанда қазған суық тар үңгірге  
Көтеріп көмді әкеліп екі жасты.  
Топырақ екі жанын жасырған соң,  
Ер Баян тағы көл ғып төкті жасты.

Ер Баян көмді екеуін дөң басына,  
Тұсірмей бір топырақ ортасына.  
Ап шыққан қаруларын сүйеп-сүйеп,  
Ноянның көмді бәрін өз қасына.  
Отырды топыраққа ұзак басын қойып,  
Шомылып қанды ыстық көз жасына.  
Аздан соң мінді атына батыр Баян  
Сыйынып бір жаратқан Алласына.  
Жолбарыс жортып кетті бетін түзеп,  
Шаңдатып Абылайдың ордасына.

Жас Баян жауды талай көрген еді,  
Сорғалап сұнқардайын төнген еді.  
Майданда жолбарыстай жалғыз ойнап,

Сан қолға аш бәрідей кірген еді.  
Жебесі қәбе бұзып, жүректі үзіп,  
Найзасын ылғи дәлдеп сермеп еді.  
Бірін айт, бәрін айт та, батыр Баян  
Туганнан «Алашым!» деп еңіреп еді.  
Көкжалдың осы жолы кешіккені,  
Осындай тұлпар орға кез кеп еді.

### *Екінші тарау*

Откен күн таң-тамаша ертегі ғой,  
Ерлері ертегінің өрт еді ғой.  
Айрылып от екпінді ерлерінен,  
Алаштың жанында ауыр дерт еді ғой.  
Сонау дерт түгелімен ауып маған,  
Дариға, жүрегімді өртеді ғой!  
Ер көрмей көрден басқа сүр өмірде,  
Шерлі жан шерлі кеңес шертеді ғой.  
Жадырап жаным, шерім тарқар еді,  
Кеңесім тыңдаушыға сала алса ой.

Күніреніп ойлағанда алаш жайын,  
Жанымды орай берсе улы уайым,  
Кеудеме күннің нұры толғандай боп,  
Жырлаймын алты алаштың Абылайын.  
Арсыға асқандаймын, тауап қылсам  
Кебедей Абылайдың Бурабайын.  
Күнірекен жырымменен мен разымын  
Алаштың жоқтай білсем Баян-айын.  
Жырлаймын, күніренемін өткенді ойлад,  
Кеудеме улы уайым толған сайын.

Кіреін кеңесіме күніренткен,  
Ер Баян жөнелді енді Жолдызектен.  
Қамшыны қөміп-қөміп алды батыр  
Ашуын алатында тұлпар көктен.  
Мұнайып мәңгі мұнды белдер қалды,  
Жынды жел сақ-сақ құліп сүйді беттен.  
Жан-жақта жас қайындар қала берді

Иіліп әдеппенен сәлем еткен.  
Ер жортты. Сөске болды, көзі көрді  
Көкшени бал алысқан аспан-көкпен.

Көкшеде өңшең көкжал аялдаған,  
Қырандар қанаттарын жая алмаған.  
Ханына Абылайдай: «Болады!» — деп,  
Бір берген сөзден елдер тая алмаған.  
Ерігіп, өңгіме қып өткен күнді,  
Қанішер Болат жайын баяндаған.  
Қайратқа құса болған сол қырандар  
Алыста қара көрді аяңдаған.  
Жақындал қара ордага келген шакта,  
Шықты айқай топтан шулап «Баяндаған!»

Аяңдал топқа тура келді Баян,  
Келді де көпке сәлем берді Баян.  
Қудай боп құс төресі топ төрінде  
Отырған Абылайды көрді Баян.  
Басқаға мойын бұрып бір сез қатпай,  
Абылайға балпаң басып журді Баян.  
Бәйтерек тұнғиыққа төнгеніндей,  
Алдында қол қусырып түрдү Баян.  
Түрдү да, деді: «Алдияр, сөзім қысқа,  
Екенім менің Баян алашқа аян.

Алдияр, ел ағасы, ханым дана,  
Алашқа ауыр күнде болған пана.  
Кешігіп, күнөлі боп, енді алдыңа  
Келді ерің іші жалын, жаны жара.  
Тұнғиық кез болды ғой кешуі жок,  
Болмаса, шыққанда «Аттан!» ер тұра ма?  
Талқыға жан жарасын сала алмаймын,  
Мәнімді мен айтпайын, сен сұрама.  
Тілегім — енді жауға аттаналық,  
Қан көрсе, қас қыранда шер тұра ма?!

Абылай ерін күткен көптен зарығып,  
Қолынан Баян-айын алды тартып.

Алдына отырғызып, күміс кернеу  
Керсеннен көкжалына берді сарқыт.  
Берді де, бүгіп басын, ойга кетті  
Асқардай ой билеген мәңгі қалғып.  
Аздан соң көтеріліп, жан-жағына  
Қарады жер-жиһанның бәрін тар ғып.  
Қарады, қыран сөзі қысқа болды:  
«Таң ата жүреміз!» — деп берді жарлық.

Ежелден Абылайда екі сөз жок,  
Сөз шықты: «Болады!» — деп, тарады топ.  
Топ тарап, ат-тұрманын даярлады,  
Біраздан дамылдады ел, мезгіл түн бол.  
Жібектей жұмсақ жылды жаздың түні  
Бұлтымен құшақтады Көкшені көк.  
Керілді ерке Көкше күміс Айға:  
«Сөүлеңді, сөүлем, көбірек тәкші-тәк!» — деп.  
Бетінде Бурабайдың ерке толқын  
Бір тынбай, күліп жарды сүйді шөп-шөп.

Түн етті. Жер шетінде алтын таңды  
Жорғалап, жұз бұралып, жел қарсы алды.  
Сарғайып сары белден таң атқан соң,  
Абылай қолға: «Аттан!» — деп хабар салды.  
Бәрі де болат түяқ бедеу мініп,  
Батырлар қатар түзеп келіп қалды.  
Жөңкіліп күзді күнгі көшкен бұлттай,  
Қап-қара, ортасы ой бол, қол қозгалды.  
Асырып ертегіше айтқан жанға  
Қара нар қайыспайтын — жер шайқалды.

Жөңкіліп көшкен бұлттай барады қол,  
Кейде қол түнерген тау қайғысы мол.  
Кей кезде тентек толқын екпінімен  
Шу қойып, шабуылдан алады қол.  
Шаңы — бұлт, бұлты — шаңға айналған соң,  
Атаған ерлер жолын деп «Шаңды жол».  
Тартты қол. Қалды өрлер. Қалды белдер.  
Бастаған Бұғыбай басшы қол көрмес шөл.

Бірнеше тәулік бойы тынбай тартып,  
Қол енді жүрді бойлап бір айдын көл.

Балқаш қой бұл айдыны сылдыр қаққан,  
Балқаштың бетін мәңгі меруерт жапқан.  
Қаратал, Аягөзбен — екі көзі,  
Еркесі — Іле өзені ұзын аққан.  
Басы егіз ерке Іленің: Кеңес, Текес,  
Төнірінің<sup>1</sup> тентек Текес дәмін татқан.  
Бойында сол Іленің қалың қалмақ  
Абайлап Абылайды күтіп жатқан.  
«Қайда, — деп, — қазақ!», бұрын желіккен жау  
Көрген соң көп қазақты, ойға батқан.

Қазақтың қалың қолы ерлер кілең,  
Батырды көп қалмақты ойға терең.  
Қазақтан құлықпенен құтылмаққа  
Кеңесті қос қоңтайшы: Ұса, Серен.  
Жіберді, кеңесті де, жеті қалмақ,  
Сөздері: «Абылайдан бар да тілен!  
Ағаттық бізде болды, кешсін Абылай,  
Ақ отау, айдаған мал — бәрін берем.  
Тағы да ер басына бір ару мен  
Қара нар — айыбымыз, қалы кілем».

Жеті елші осы сөзбен келген ханға,  
Каратып өз жауабын ертең таңға,  
Салады мынау сөзді хан Абылай  
Би-батыр, қасындағы көп қыранға.  
Салса да, алдыменен өзі айтады:  
«Тұспеспіз, тірі болсақ, алдағанға!  
Күні ертең не бергенін жолдан алып,  
Қалғанын алсақ қолдан арғы таңда.  
Ерлерім, ойым осы! — деді Абылай, —  
Бұл ойды теріс дейтін адам бар ма?»

Абылай айта қалса істің жайын,  
Би-батыр теріс дей ме Абылайын.

---

<sup>1</sup> Тәңірі — Хантәнірі тауы (М.Жұмабаевтың ескертпесі).

Қалың топ тым-тырыс боп тұрған шақта  
Дегендей: «Ерік иеде, біздер дайын!» —  
Ерлігі алашқа аян батыр Баян  
Тұрды да, деді: «Алдияр Абылайым,  
Мергеннің мылтығына қарсы жүрмес,  
Қырдағы адам түгіл, құландаійын.  
Сөзімді не кектерсін, не жұптарсын,  
Ойынды теріс дейді Баян-айын!

Талқыға салмай шындық табылмайды,  
Құлғана қожаны ылғи қабылдайды.  
Қу қалмақ күні кеше алдамап па ед,  
Шоңқитып Ой қытай мен Өр қытайды?  
Қытаймен күні бүгін жалғаспаса,  
Қытайға қалмақ неге қанат жайды?  
Абылай артық туған неге ұмытсын,  
Қазаққа қалмақ сыры аяндай-ды.  
Қалмақтың қарты түгіл, қалшасы<sup>1</sup> да  
Алдатпас, алдап кетер Абылайды!» —

Тоқтады Баян. Абылай тағы өз сөзін  
Қайта айтты, біраз шытып қарлы жүзін.  
Хан да екі, Баян да екі қайырысты,  
Алмастан бір-біріне тіккен көзін.  
Жиналып көздеріне қызыл жалын  
Қалса да, сыр беріспей, қылды төзім.  
Қалың топ хан ашуын байқаған соң,  
Ағытты «әрине» деп сөздің бөзін.  
Шешілді сөз, қол енді құтіп қалды  
Елшінің ертеңінде келер кезін.

Алты алаш Абылайдай арғымағын  
Алаштың аруағына пар қылатын.  
Бетіне Абылайдай ардагердің  
Келуді алты алашқа ар қылатын.  
«Бетіне келген жанды соғар кие!» —  
Деп жырау, жаурыншылар жар қылатын.  
Баянның сөзін естіп көриялар,

---

<sup>1</sup> Жас баласы.

Ішінен ерін аяп: «А, шырағым! —  
Десті де күрсінісіп, кесіп қойды:  
Қайтад, — деп, — осы жолы, Баян, бағың!»

Серпілді соныменен кеңес енді,  
Қол күтіп жатып қалды келер күнді.  
Жібектей жылжып өтіп жаздың тұні,  
Таң құлан күн шығыста иектенді.  
Алтын Күн алыстағы арайынан  
Жарқырап шығып жерге сәлем берді.  
Қол түрді, ауқаттанды, хабар құтті,  
Ерлердің еріккені аңға жүрді.  
Қол құтті, уақыт өтті, ерікті ерлер,  
Ауыр ой биледі Абылай кеменгерді.

Қол құтті, уақыт өтті. Күн батар шақ,  
Жерде еді қой көшіндей қалың қалмақ.  
Кең ойлы Абылайдай данышпанды  
Құ қалмақ кеткені ме шын-ақ алдаپ?!

Күн кірді арайына, шапақ батты,  
Қап-қара толқындарға толды жан-жақ.  
Қол тынған бір толқынсыз тұңғиықтай,  
Мұшкіл боп, Абылайға бір сөз салмақ.  
Інірдің соңын ала хан Абылай  
Серпіліп, ерлеріне қылды жарлық.

Ерлерін жиып Абылай — ел ағасы,  
Сұрайды: «Мынау істің не шарасы?»  
Қырандар әрі-бері толқысқан соң,  
Қанайы Қарауылдың — топтың басы  
Санқылдап суырылып сөйлей берді:  
«Қытайдың қол ұсыным шекарасы.  
Қалмақты Қытай кірген зерттер болсақ,  
Қазактың бірі қалмай мерт боласы!..»  
Тұнжырай қалса-дағы хан Абылай,  
«Қайту!» деп сөздің болды бітуанасы.

Таң ата қол қозғалмақ кейін қарай,  
Ұрылған көңілі қаяу хан Абылай.  
Қол жатқан, жым-жырт басқан, Тәнірі таяу,

Жалғыз-ақ жатқан ояу Баян бала-ай:  
«Апрым-ай, алаш арын жоқтамастан,  
Жөңкіліп бүл қайтудың мәні қалай?» —  
Деді де, атып тұрып топ ішінен,  
Ерлерден от екпінді, жолбарыстай  
Жұз жасты жолдас қылып, тарта берді  
Таң ата: «Қайдасың, — деп, — қалың Қытай!»

Қол Қалды. Жұз жолбарыс майданды ойлап,  
Тартады шабуылмен Іле бойлан.  
Алдыңда ақ сұнқардай батыр Баян,  
Екпіні қауға тиғен орттей ойнап,  
Бедеулер болат тұяқ желден үшқыр  
Алышын, ауыздықты қарш-қарш шайнап.  
Сөскеде сағымменен корді Баян  
Көп қалмақ Іле бойын жатқан жайлап.  
Жұз борі аз дамылдан алысты да,  
Ат қойды қалың жауға «Абылайлап».

Жұз қыран мың сан қолға араласты,  
Орғыған асқар таудан судай тасты.  
Шыдамай жұз екпінге, шулай беріп,  
Қалмақты ә дегенде қара басты.  
Аздан соң есін жиып боріккен сл,  
Қару ап, қара құрттай құжынасты.  
Аз болса, бір қазаққа жұз қалмақ кеп,  
Ат қойып, қиқу салып, қамаласты.  
Тер саулап тебінгіден, қылыштан қан,  
Шаң, тұтін будақ-будақ аспанға асты.

Аз қазақ көп қалмаққа салды тойды,  
Көк аспан қара тұтін шаңға тойды.  
Алдаспан ажалменен бәсеке боп,  
Қанішер қайқы қара қанға тойды.  
Жып-жылы адам қаны бұлкіл қағып,  
Қуалап жылжи берді ойдан-оиды.  
Көк көбе шүберектей шүрк-шүрк болып,  
Жыртқызды ерлер дал-дұл тұла бойды.  
Анадай дөң басында Ұса, Серен  
Қуыршақ құдайына қасқа сойды.

Шаңқай тұс. Қызыл-жалын бір жел ескен,  
Зәндем от, өүе айналып жерге тұскен.  
От түбі тоқтап қалған, жылжымайды,  
Аспанда жоқ бір жапырақ бұлт та көшкен.  
Сол кезде қара бұлғттай қалың қалмақ  
Қажытты жұз қыранды жаннан кешкен.  
Қазақтың көбін аттан тұсірген соң,  
Қалмақтың қуаныш пен қиқуы өскен.  
Сол кезде қалың топтың ортасында  
Шықты шу: «Мұнда Баян! Баян!» — дескен.

Қалың қол ортасында батыр Баян,  
Баянның батырлығы алашқа аян.  
Екі көз екі қызыл шоқ бол кеткен,  
Аузынан көбік болып бұрқырап қан.  
Оң-солға алласпанды сілтегенде,  
Бұлақтай қалмақ қанын бұрқыраткан.  
Жанында жалғыз жолдас — жас Жанатай  
Қансырап, зорға ғана кірпік қаққан.  
Түзеліп отыруға халі қалмай,  
Қисайып бара жатты құлап аттан.

Жолдас дер ердің ері-ак қан майданда,  
Жан беріп жолдасы үшін алласпанға,  
Еңкейіп сүйемек бол батыр Баян  
Жолдасы Жанатайға айналғанда,  
Бір қалмақ еңгезердей көк найзамен, —  
Білмеген, сірә, тою қызыл қанға, —  
Қапыда қайран ердің сүбесіне  
Бойлатып сұғып тұрып бұлғағанда,  
Ер Баян Жанатайды алдына алып:  
«Қыларың, қатын қалмақ, тағы бар ма?» —

Деді де, суырып ап жау найзасын;  
«Алаштың әруағы, — деп, — қайдасың?!» —  
Жыландаидай жарқ еткізіп алласпанды,  
Тұсірді топ еткізіп қалмақ басын.  
Бұлақтай аспанға атып қан шапшыған  
Жараға тығып тұрып бармақ басын,

Қасқып қан майданда тұрып қалды  
Қайран ер, қайсар Баян жолбарысым!  
Алайда уақыт өтті, құлап түсті  
Құшақтап Жанатайдай жан жолдасын.

Жер мен көк шыр айналып араласты,  
Көз алдын қара түтін тұман басты.  
Тәтті бір жазғы таңда қалғығандай,  
Ер көзін оқтын-оқтын жұмып ашты.  
...Көргендей болды ашулы Абылайды,  
Қалың қол: «Әне, Абылай!» — деп шуласты.  
Тағы ашты жұмған көзін, тағы көрді  
Алдында жас ұлан мен Толқыншашты.  
Екеуі құшақтасып жап-жақын тұр,  
Басымен ишара етіп амандасты.

Сұлудың сексен сырлы жұмбақ жаны-ай,  
Ерніне өлде болса құлкі алғандай.  
Жоқ... Кұлкі жоқ... бетінде тамшы қан жоқ,  
«Ағалап» жанұшырып жалбарғандай.  
Жоқ... өзі Жолдызекте жортады-мыс,  
Алыста екі қара көз шалғандай...  
Ұмтылды оқ жыландай... садақ пен қан,  
Кезерген ердің ерні қозғалғандай:

«Көзімнен неге ақпайды қан боп жасым,  
Жан беріп, жазғаным ғой жан жарасын.  
Кетсе де жаннан жара, қан кетпек пе?  
Дариға, жазамнан да құнәм басым!  
Құнәмді Тәнірі кешпес, кешер бірақ  
Жауында жан берген соң алты алашым!» —  
Қайран ер аласұрып, жанұшырып,  
Көтеріп, көз жұмулы, алып басын,  
Жан бауыры жас Ноянға ым қағып ед,  
Жас Ноян құша түсті Толқыншашын.

Екі жас қайғысы мол құп-қу жүзді,  
Екеуі құр қарап тұр алмай көзді.  
Кекесі жан бергенде, бөбек Ноян  
Тұрғаны мәні қалай құшып қызды?

Дариға, беті қара сорлы Баян  
Шығарған өз қолымен екі көзді:  
«Іс өтті. Ажал жетті. Енді не бар?  
Қоштасып, айтысалық соңғы сөзді!  
Келіңдер, қарактарым, кешіндер!» — деп,  
Ер Баян өлсіз ғана қолын созды.

Көз алды енді мәңгі тұман болды,  
Жабырлап жан-жағына қалмақ толды.  
Баянды балағаттаң, ісіп-кеуіп,  
Бір қалмақ қалды теуіп созған қолды.  
Сылқ етіп созылған қол жерге түсіп,  
Жұзінің бірте-бірте нұры солды.  
Баянның басын бірі кесіп алып,  
Бұлғады найзаға іліп оңды-солды.  
Қуанып қос қонтайшы — Ұса, Серен,  
Алғысқа көмді елірген қалың қолды.

Көңілінен Ұса, Серен кеткен қауіп,  
Қуанып, сырнай-керней қылды сауық.  
Алайда Абылайдан сескенген соң,  
Жәнелді ертеңіне Қытайға ауып.  
Алаштың ардагері батыр Баян  
Бір қырда қала берді топырақ қауып.  
Жаудан да мейірімді боп жылады жел,  
Күңіреніп ер денесін құммен жауып.  
Іленің толқындары өлі күнге  
Айтады ерге жырау ауық-ауық...

Ерлерді ұмытса да ел, сел ұмытпас,  
Ерлерді ұмытса да ел, жел ұмытпас.  
Ел үшін жаннан кешіп, жауды құған  
Ерлерді ұмытса да ел, шөл ұмытпас.  
Ел жауын зерттеп, өрт боп тынбай жортқан  
Ерлерді ұмытса да ел, бел ұмытпас.  
Ел үшін төккен ерлер қанын жұтқан,  
Ерлерді ұмытса да ел, жер ұмытпас.  
Арқаның селі, желі, шөлі, белі  
Ерлерді ұмытпаса, ел де ұмытпас!

## ҚОРҚЫТ

Алтайға жер жүзінде тау жоқ жеткен,  
Алтайға бетегедей алтын біткен.  
Бейіштей алтын Алтай етегінде  
Ертеде алаш елі мекен еткен.

Ол күндер көз жетпейтін ерте күн ғой,  
Ерте күн ертегідей ерке күн ғой.  
Откен күн — ұстаптайтын сұлу сағым,  
Жалғыз-ақ желден жүйрік жетеді ой.

Откен күн ертегімен таласқандай,  
Уа, дүние, ол күндерде алаш қандай?!

Ой-қырдан орғып-қарғып еріккенде,  
Алтайда ойнақ салып жүрген аңдай.

Сол күнде бір ер бопты алты алашта,  
Қаны бір қалың елмен, жаны — басқа.  
Елікпей ес білгелі еш нәрсеге,  
Өзіндей үйірілмеген албырт жасқа.

Қорқыт деп қойған екен ердің атын,  
Оңған ел ер деп атар азаматын.  
Талайлар таңданыпты күнде көріп  
Қорқыттың мінезінің тым-ақ жатын.

Қорқытқа ес білгелі бір ой түскен,  
Айнымас сол ойымен күнде у ішкен.  
Ой билеп, үйден, елден безіп кетіп,  
Жұрт оны әуезі ғып жынды дескен.

Ежелден белгілі ғой көптің сыры,  
Боласың, көптей болсаң, көптің ери.  
Көпке егер ісің, ойың үйлеспесе,  
Күмән жоқ, кім болсаң да соғар «пері».

Қорқыт та ерте атанды «пері соққан»,  
Қорқыттың жан болмады жайын ұққан.  
Ой екен қандай ғана Қорқытты улап,  
Айырған дос, туыстан, елден, жүрттан?

Қорқыттың мынау ой ед есін алған,  
Жаңына ерте күннен жара салған:  
«Топырақ боп ертең шіріп қалмақшымыз,  
Өміріміз неге шолақ төтті балдан?

Әншейін өмір деген ермек үшін,  
Күні ертең соғар жүрек сөнбек үшін.  
Ойланып, қалай ғана уланбассың,  
Берілсе адамға өмір өлмек үшін?

Бір кезде көл тасады құрымақ үшін,  
Күні ертең гүл гүлденед солмақ үшін.  
Біраз күн адам тұрады, өмір сүреді,  
Құртқа жем, шіріп, сасып болмақ үшін.

Сары суға қан берілген айналмаққа,  
Ой менен тіл берілген байланбаққа,  
Әлпештеп, ардақтаған денең шіріп,  
Желменен топырақ боп айдалмаққа.

Көз ашып жұмғандай-ақ өмір шолак,  
Алдыңды көз ашсаң-ақ ажал қамап.  
Өмірде мынау шолақ неге керек  
От-ұміт, ойын-күлкі, таудай талап?

Әлдекім адам деген ермек үшін,  
Жүректе от ойнайды сөнбек үшін.  
Ойланып, қалай ғана уланбассың,  
Берілсе адамға өмір өлмек үшін».

Қорқыттың жүйрік жаңын жай тасындаі  
Жаңышқан осы ойлар ед қорғасындаі,  
Паршалап тілім-тілім, ерте өртеп  
Кіршикіз жас жүрегін көз жасындаі.

Ой билеп, жап-жас Қорқыт елден безді,  
Түгел ол ойын-күлкі, қойды сөзді.  
Елікпей, үйірілмей еш нәрсеге,  
Алтайдың алаптарын жалғыз кезді.

Алтайдың Қорқыт кезді алаптарын,  
Ешкімге ұқтыра алмай жанның зарын,  
Ата-ана, дос-туысқан бәрін тастанап,  
Талақ қып қара қөзді қарақтарын.

От-адам отпен ойнап сынар бағын,  
Жүйрік жан қажу білмес, қуар сағым.  
Тағы бол, күніреніп кезіп кетті,  
Қорқыт та шешпек болды жан жұмбағын.

Аяңдап алдыменен тауға келді,  
Аскарға: «Өмір не?» — деп сұрау берді.  
Жаны — тас, жүрегі — тас тау не десін,  
Өзінен: «Өмір не?» — деп сұрады енді.

Бұрылып таудан ақырын, орман барды,  
Оған да: «Өмір не?» — деп сұрау салды.  
Ежелден ой білмеген меңіреу орман  
Қақып қарағайы аң-таң қалды.

Сұраса суға келіп: «Не, — деп, — өмір?»,  
Беті құр соғылғаннан жыбыр-жыбыр.  
Желге айтып еді, ол не деуші еді,  
Басы жок, аяғы жок сыбыр-сыбыр.

Күн анау ешбір үнсіз алас үрған,  
Ай да бір — өгіз де бір аузын буған.  
Қылмыңдап қар қатындаі көзін қысқан  
Жұлдыздар тазарта ма жүректі удан?!

Не керек, Қорқыт кезді тынып жатпай,  
Ешбір зат тастамады зарын шақпай.  
Көл мылқау, жері мылқау — бәрі мылқау,  
Өртөнді ер жұмбағына жауап таппай.

Тұнерді бұрынғыдан Қорқыт бетер:  
«Есалаң ескен желдей өмір өтер.  
Күмәнсіз өлерінді біле тұрып,  
Дүниеде талаптану, тұру бекер.

Көз ашып, өмір шолақ, жұмумен тең,  
Тағы да өз өмірің сокқандай сен.  
Арандап қарсы алдында аузын ашқан  
Жоқ па екен шыныменен ажалға ем?

Кім білед, өлмейтүғын ел бар шығар,  
Кім білед, ажалға да ем бар шығар.  
От-сусы, топырағы қасиетті,  
Кім білед, өлтірмейтін жер бар шығар.

Әуесі уланбаған өлімменен  
Сөз де жоқ, өлу түгіл, «өлем» деген,  
Адамзат таппаса егер ажалға айла,  
Не қылмақ пайдасы жоқ білімменен?!» —

Деп ойлап, қайырылмай ешбір затқа,  
Ажалдан қашып шығып құтылмаққа,  
Айрылып Алтайынан кетті Қорқыт,  
Өлімнен аман-есен жер таппаққа.

Түзеді күншығысқа Қорқыт бетін,  
Адамға жаяу, жалғыз жол тым шетін.  
Арыды, ұшырасты сансыз жаумен,  
Сонда да ол үзбеді еш үмітін.

Талса да тоқтамады, Қорқыт жүрді,  
Бетпақ шөл өтті талай қырды, өрді.  
Қажыған, қаны кепкен мезгілінде  
Алыстан мұнарланған қара көрді.

Жапанда бір буалдыр қарандаған,  
Жасаған Қорқыт жанын тындырмаған...  
Қараға жылдам басып жетіп келді,  
Қорқытты қайғы басты түннен жаман.

Көзінен сорғалады жас бұлақтай,  
Жапанда қағулы бір қара тақтай.  
Тақтайдың түбінде бір қазулы көр,  
Тастаған үңірейтіп, бетін жаппай.

Әлдекім жапан түзде бір көр қазған,  
Басына тақтай қойып, сөздер жазған:  
«Өлімнен құтылмайсың қашқанменен,  
Мынау көр — сенің көрің, Қорқыт жазған!»

Мына сөзді оқып ол түн боп кетті,  
Басқандай жүрегіне болды шоқты.  
Көл болып көздің жасы төгілгенмен,  
Заулаған баса ала ма ол жандагы өртті?!

Ой өсті, қалың өрттей уын шашты,  
Ауыр ой қорғасында жанды жанышты.  
Қарсыдан қазылған көр шыққаннан соң,  
Бұрылып Қорқыт кейін қадам басты.

Түзеді енді бетті батыс жаққа,  
Қайғылы, қажу бар ма, ол бейбаққа?!  
Жапанда жалғыз өзі күбірлейді  
Сөздерді тақтайдағы алған жатқа.

Апырм-ай, табылмас па ажалға айла,  
Өмірден, табылмаса, қандай пайдада?!  
Жүрістен дene түгіл, жан шаршады,  
Өлімнен аман ел мен жері қайда?

Бір жан жоқ қыбырлаған, дала, дала...  
Келеді Қорқыт сорлы жаны жара.  
Ай-жыл өтіп, ер әбден арыған шақ,  
Алыстан бұлдырлайды тағы қара.

Қорқыттың ынтасы өлген, көңілі қаяу,  
Қараға баяу басып келді таяу:  
Тағы көр, тағы тақтай, тағы жазу,  
Тәңірі Ие-ау, тегі, сенде бар ма аяу?!

Терең ғып тағы біреу бір көр қазған,  
Басына тақтай қағып, жазу жазған:  
«Өлімнен құтылмайсың қашқанменен,  
Мынау көр — сенің көрің, Қорқыт жазған!»

Қорқыттың қайғысы енді болды басым,  
Жаздың не, жазбадың не жан жарасын?!  
Есі ауып байтақ уақыт жатқаннан соң,  
Көтеріп бір мезгілде алды басын.

Ойменен пара болған жан жыртылып,  
Мерт болған ессіз жүрек айға ұмтылып:  
Кеудеде құр әншейін шықпана жан,  
Тұрды да кетті Қорқыт сүйретіліп.

Алыста сөнген оттай ұміт өлді,  
Сүм тағдыр қатты қақты созған қолды.  
Сонда да қажу білмес ойлы Қорқыт  
Дүниенің төрт бұрышын кезбек болды.

Қалмады жер жүзінде бармаған жер,  
Қорқыттың қанды жасы тамбаған жер.  
Басса да қайда қадам сорлы Қорқыт,  
Алдынан қарсы шығады қазылған көр.

Қазылған, онға барса, онда да көр,  
Қазылған, солға барса, солда да көр.  
Шоңқыып көрге қонған қүшігендей,  
Көресің, қара тақтай қағулы тұр.

Алдынан кез келеді бір көр қазған,  
Басына тақтай қағып, жазу жазған:  
«Өлімнен құтылмайсың қашқанменен,  
Мынау көр — сенің көрің, Қорқыт жазған!»

Дариға, табылмақ па ажалға айла?!

Жерде бір өлік көрмес болу қайда?!

Алдыңнан, қайда барса, көр шығады,  
Өлімге, сорлы Қорқыт, белің байла!

Не пайда шомылғанмен қанды жасқа?!

Не пайда басты ұрғанмен тау мен тасқа?!

Дүниеде ажалдан еш күшті болмас,  
Көрмессің кезгенінде көрден басқа.

Шықпаған кеудесінде шыбын жаңы,  
Қасықтай кеуіп, бітіп қалған қаны:  
Аяндал, аруақ бол Алтайына  
Күнірентіп қайтты Қорқыт жерді зары.

Қайтса Алтай, баяғы Алтай күніренген,  
Асқарға аспан төніп еміренген.  
Керіліп бұлтпенен бал алысқан  
Еркенің не ісі бар ой-шерменен?!

Мелшиген баяғыдай меніреу орман,  
Ойнаған асау бұлақ шапшып ордан.  
Жел анау көрінгенді бір сүйсе де,  
Жар таппай жаңы бірге «мәңгі» он ұрган.

Ел мынау баяғыдан малын баққан,  
Малындаид алдындағы жусап жатқан:  
Қайғысы, қуанышы бәрі де ойсыз...  
Сиырдай бәрі өкіріп, бәрі шапқан.

Қайтты да айналғандай есаланға,  
Ләм-мим деп бір сөз қатпай тірі жанға,  
Күніреніп жер бауырлап жатып алып,  
Үйқысыз қосты Қорқыт танды таңға.

Бір күні шошып тұрып көргендей түс,  
Кесіп ап қарағайдан қылды қобыз,  
Қыл тағып қобызына, сөйлетіп ед,  
Алтайды күнірентіп шықты лебіз.

Қобыздан мұнды дыбыс сорғалады,  
Майпандалап ә дегенде жорғалады;  
Біресе асау тайдай ойнақ салды,  
Біресе сары нардай ырғалады.

Дуылдан қырдан жерге түйілгендей,  
Долданып дауыл құмды үйіргендей,  
Басылып біраздан соң сылқ-сылқ құлед,  
Дұшпанын мұқатқанға сүйінгендей.

Біресе жүйрік желдей кетеді есіп,  
Асқарды аттап өтті, дария кешіп.  
Біресе әлдекімге тіл қатқандай,  
Желменен жапырақтай күбірлесіп.

Біресе от сықылды аспанға асқан,  
Жоқ әлде ор қоян ба орғып қашқан?!  
Біресе құрсінгендей, құңіренгендей,  
Жандай-ақ қап-қараңғы қайғы басқан.

Қобыздын сарнағаны зарлағандай,  
Қан шашып әлдекімді қарғағандай.  
Жүргі мың жара боп паршаланып,  
Күйініп көзінен жас парлағандай.

Құңіренді, жылады зарлап қобыз,  
Жанды өртеді толқынды, мұнды лебіз.  
Жасын төкті көл қылып шерлі Қорқыт,  
Жан жыласа, жыламай қала ма көз?!

Қобыздан осылайша шықты сарын,  
Бірде мұз, бірде дауыл, бірде жалын...  
Қарағай мен қыл сырнай не деуші еді,  
Шығарды сарынменен Қорқыт зарын.

Таба алмай жерді кезіп ажалға айла,  
Дариға, ажалға айла болу қайда?!

Азырак улы ойларын бөлмес үшін,  
Жабысты шерлі Қорқыт қарағайға.

Қызырып ашуменен күн батқанда,  
Ерініп, еркеленіп таң атқанда,  
Қарны тоқ, қайғысы жок, жаны тыныш  
Малдай-ақ қор-қор үйықтап ел жатқанда;

Байлары малмаң-малмаң мал баққанда,  
Батырлар балпаң-балпаң ел шапқанда,  
Ішкені — мас, жегені — тоқ, бәрі де мәз,  
Кедейлер көк есектей зыр қаққанда...

Қорқыттан серпілмейді қалың уайым,  
Қолынан тастамайды қарағайын.  
Қобыздың лебізінде мұң молайды,  
Зымырап өмір шіркін озған сайын.

Өмірде жүрген жерін қанды ор ғып,  
Шеше алмай жан жұмбағын шерлі Қорқыт,  
Жұбанды қолындағы қобызымен,  
Көрге де қобызымен кірді Қорқыт.

Өткен күн ертегі ғой, тамаша таң,  
Ойласаң өткен күнді, жұбанар жан.  
Байқасаң, адамзатта болған ба ақын  
Қорқыттай атасынан бата алмаған?

Ақын — жел, есер, гулер жүйрік желдей,  
Ақын — от, лаулап жанаρ аспанға өрлей.  
Қиялыш, жан-жүргегі — ойнаған от,  
Ақынды аласұртар тыныштық бермей.

Жай адам қияға ондай қол сермей ме?!

Ақынға аз нәрсе ауыр ой бермей ме?!

Қиялмен арманға ұшқан, сағым құшқан  
Жүйрік жан алдында ылғи көрмей ме?!

Жел жүрсе, терең теңіз тебіренбей ме?!

Көрсө көр, ақын жаны күніренбей ме?!

Көргенін кеңес қылышп күніренсе ақын,  
Тыңдаған тірі жанға шер бермей ме?!

Құшақтап қарағайын сарнаса ақын,  
Толғанып, жасы төгіп, зарланса ақын,  
Шеткерек тұрып біраз тыңдағайсын,  
Баспалап, төніп, жаншып келме жақын.

Жақындық қажет емес жүйрік ойға,  
Шер-сиқыр, алыстан-ақ тарамай ма?  
Ақынды алыс тыңда, көп тілейтін  
Қағылышп кете көрме қарағайға!

Ақынның қарағайы — жары да сол,  
Ата-ана, малы-мұлкі, жаны да сол.  
Сезімпаз қарагайдың нәзік қылы  
Ақынның жүргегіне жалғанған ол.

Сорғалап сиқырлы үн шығар ішектен,  
Шықпақшы ішектен емес, үн жүректен.  
Үзілсе ішек, үзілмес нәзік жүрек,  
Сондықтан ,сұрағаным, тында шеттен.

Серпілмес терең жанда қалың уайым...  
Тұсірмес қолдан ақын қарағайын.  
Үнінде қарагайдың мұң молаяр,  
Зымырап өмір шіркін өткен сайын.

Атасы ақындардың — ақын Қорқыт  
Өмірде жүрген жерін қанды ор қып...  
Шомылып көз жасына сарнай, зарлай,  
Құшақтап қарағайын жатыр Қорқыт.

\* \* \*

Ол күндер көз жетпейтін ерте күн ғой,  
Ерте күн ертегідей ерке күн ғой...  
Өткен күн — үстаптайтын сұлу сағым,  
Жалғыз-ақ желден жүйрік жетеді ой...

Өткен күн ойды әлдилеп тербеткендей,  
Ойынды Алтай бойына өрлеткендей.  
Тындасан құлағың сап сар даланы,  
Қорқыттың сарыны, өні күніренткендей...

Тындасан, есітесің жаныңменен,  
Сар дала күніренеді сарынменен.  
Ерте естіп сол сарынды, ерте улап,  
Мен сорлы көптен әуре зарыңменен.

Ес білдім — аласұрдым сағым қуып,  
Жете алмай, бетті талай жаспен жуып.  
Артымда — ор, алдымда — көр, өтеді өмір...  
Дариға, бесігімнен көрім жуық.

Көп заман жетеледі жынды жүрек,  
Ойладым: «Жүрек жетер, ой не керек?!»  
Тәтті у еді, сол удан неге айныдым?  
Дариға, үміт өлмек, жүрек сөнбек...

Бір күнде жолдас болдым ойынменен,  
Өмірді алмақ болдым ойынменен.  
Ойын тынды, жолдасым жоқ боп кетті,  
Бұл күнде уланамын ойымменен.

Енді менің жолдасым — жалғыз қобыз,  
Сарна, қобыз, мұн-зарлы шығар лебіз!  
Сен жыласаң, жылармын мен де бірге,  
Жан жыласа, жыламай қала ма көз?!

Өмірде арманым жоқ — Қорқытқа ерсем,  
Қорқыттай жанды жаспен жуа білсем,  
Жас төгіп сүм өмірде зарлап-сарнап,  
Құшақтап қобызымды көрге кірсем!..

### ҚОЙЛЫБАЙДЫҢ ҚОБЫЗЫ

Ертеде ел бар екен қалың Найман,  
Қытайға қалың Найман қанат жайған.  
Қалың Найман ішінде Бағаналы,  
Қазақта бақсы аскан жоқ Қойлыбайдан.  
Қойлыбай жын жүгендеп, пері мінген,  
Алдында жорғалаған шашты шайтан.  
Қойлыбай қобыз алса-ақ қалбаландалап,  
Қақаман жалғыз көзді жынның ері,  
Ерегіссе, тау-тасқа салған ойран.  
Дарқанның Нәдір пері — аға жыны,  
Ардақтап оған Шолақ деп ат қойған.  
Қойлекенәнің үшінші жан жолдасы —  
Шайтанның шу асауы батыр Шайлан.

Қойлыбай бақсы болған қазақ асқан,  
Жынменен жолдас болған бала жастан.  
Азырақ әңгіме үшін сөз қозғайын  
Қалың Найман жиылған бір зор астан.

Бір асқа жиылды Найман тамам,  
Бай, биі, батырлары балпаң басқан.  
Ішінде сол жиынның Барап та бар  
Аузынан арыстандай жалын шашқан.  
Бәйгеге екі жұздей ат жіберіп,  
Құрес сап жиылған жұрт ұрандасқан.  
Ерігіп аңғал батыр, маңғаз байлар:  
«Бәйгеге қобызың қос», — деп сұрасқан.  
Қалқасы қалың Найман қалаған соң,  
Қойлыбайың бәйгеге қобыз қосқан.

Найманның ұлы дүбір сол асында,  
Әлеумет алқа-қотан дөң басында.  
Айнала ығай-сығай, жақсы-жайсан,  
Қойлыбай қобызымен ортасында.  
Бас болып батыр Барап қалаған соң,  
Бәйгеге бақсы қобыз қоспасын ба?!

Қойлыбай сонда айтады шақырып ап  
Ыңғайлы бір бозбаланы өз қасына:  
«Ат шабатын жерде бір сексеуіл бар  
Жарып өскен жапанның жартасына.  
Қобызды сексеуілге байлап таста,  
Мен сенем жын Қақаман жолдасыма».  
Қалың Найман бәйгеге қобыз қосып,  
Шуласып отырысты дөң басында.

Бір кезде ат келетін мезгіл жетті,  
Бозбала ат алдынан шауып кетті.  
Сол уақыт жай отырған Қойлыбайды  
Аруақ қалышылдатып, дірілдettі.  
Аузынан қанды көбік бүрк-бүрк етіп,  
Жап-жалаңаш қылышты қобыз етті.  
Көздері қып-қызыл бол қанға толып,  
Сарыны сар даланы күнірентті.  
Бір мезгіл екпіндеп, долдандырып,  
Бір мезгіл жыны буып күбірледті.  
Қалың құмды қап-қара бұлтқа қосып,  
Қызыл жел құйыннатып дүрілдettі.  
Жан-жақты ың-жың, у-шу дауыс қаптап,  
Шапқылап жын-перілер дүбірледті.

Осылай ойнап, сарнап бақсы жатты,  
Қалжырады, қап-қара терге батты.  
Сол кезде ат келетін құба жонды  
Тұтіндей будақ-будақ бір шаң жапты.  
Сол шаның ортасында бір сексеуіл  
Ербендең ойнақ салып келе жатты.  
Екі басы жерді ұрып кезек-кезек,  
Сабалап қырды жол ғып жараптты.  
Байланған сексеуілге қобыз берік  
Көз ашқанша жиынға келіп қапты.  
Сексеуілді қопарып алып келіп,  
Қақаман жұбатады ерке қартты.  
Қобыз келді, Қойлыбай көзін ашты,  
Қалың ел тамашадан тас бол қатты...

### ТОҚСАННЫҢ ТОБЫ

Құмдықөл басы қара құрт,  
Қара құрт емес, қалың жұрт,  
Қалың жұрт құба дәңесте.  
Арам, кірлі күбір жоқ,  
Самбыр сөз бар, сыбыр жоқ,  
Жұрт ақжарқын кеңесте.  
Ауылдан аулақ, оңаша,  
Жиын түрі жаңаша,  
Ескі адыра алыста.  
Сапырылған қымыз жоқ,  
Сойылған бағлан, семіз жоқ,  
Жұрт ынтасы жұмыста.  
Тұрлі сөзді қолға алып,  
Талқылайды толғанып,  
Кезекпен сөйлеп кеңесте.  
Бажыл болса баяғы,  
Керіспен тынар аяғы,  
Кеңесті кеңес демес те.  
Осылайша көп түрі,  
Сөз күрделі, саз ірі,  
Кеңесіп жата тұрсын топ.

Мен айтарлық сөз мұнда:  
Осы кеңес тобында  
Кімдер бар да, кімдер жоқ?  
Кімдер жоқтан бастайын,  
Қысқа қайырып, саспайын.  
Танаудан тізіп санайын:  
Жалпы айтқанда, жоқ жауыз —  
Жатып сорар жалмауыз  
Еңбекші момын маңайын.  
Балдырлайтын ардалап,  
Пара алатын арбалап —  
Атымен обыр ұлық жоқ.  
Сары обырдың серігі,  
Жеті басты жебірі —  
Қарғылы құтпан болыс жоқ.  
Буаз бие қарынды,  
Пара алмаса, арынды  
Баяғының биі жоқ.  
Топтан тәбет айдалып,  
Тілі-қолы байланып,  
Бидің енді күйі жоқ.  
Ұлыққа тамақ табатын,  
Арсаландап шабатын  
Ауылнай атты құшік жоқ.  
Аш қаншықтай кезеген,  
Жалғайтын жұлып өзегін —  
Сүм, сүркия, пысық жоқ.  
Үйірлеп малай жалдайтын,  
Жалдамайтын, жалмайтын —  
Еңбексіз, обыр сасық жоқ.  
Көлемі күйек сәлделі,  
Көк мұздай жылтыр кәлделі  
Ишан атты пасық жоқ.  
Түкірік жағып көзіне,  
Жұртты улайтын сөзімен  
Өгіз көзді молда жоқ.  
Екі беті торсықтай,  
Борсандаған борсықтай  
Бай баласы — бұл да жоқ.

Созылған сөздің қысқасы,  
Қыска сөздің нұсқасы —  
Обыр, жебір, сүмдар жоқ.  
Еңбексіз жейтін ит те жоқ,  
Бейнетсіз жейтін бит те жоқ,  
Жалпы айтқанда, жындар жоқ.  
Жоқтарды осылай көгендереп,  
Танаудан тізіп түгендеп,  
Кімдер барға келейін.  
Санасам бәрін, сөз ұзар,  
Ұзын сөзге орын тар,  
Біразын атап берейін.

Бұл жиында кімдер бар?  
Ал айтайын, жаттап ал:  
Жалпы еңбекші, жарлы бар.  
Тап талтұсте таланып,  
Тірі қүйі тоналып,  
Софым болған сорлы бар.  
Туғалы таңы атпаған,  
Тұрмыста тұщы татпаған,  
Өмірде өңшең өгей бар.  
Өмірдің ішкен у сыйын,  
Кер шолақты, кен киім,  
Кеуреген көп кедей бар.  
Жасықтан өзге жемеген,  
Тен еңбегім демеген  
Аш-жалаңаш, арық бар.  
Аталмаған адам деп,  
Аталған жәутік-жаман деп,  
Кем-кетік, қасер-ғаріп бар.  
Құс табанын тас тілген,  
Екі бетін жас тілген,  
Бейнет баққан жалшы бар.  
Өгізден өзге мінбеген,  
Мінсе, мырза міндеген  
Қабагы қатқан малшы бар.  
Сусынын сумен қандырған,  
Білегін тегін талдырған,

Құлдай болған қоңсы бар.  
Шай-шайлап еніреп зыр қаққан,  
Сар далада зар қаққан,  
Қатқан тонды қойшы бар.  
Өмірде топқа кірмеген,  
Тепкіден өзге көрмеген,  
«Бағасы — байтал» әйел бар.  
Дейтіндер десін, «Ой, Алла!»  
Әйел енді оянды,  
Болмаса былтыр, биыл бар.  
Кеңестің бүл бергені:  
Ердің екі ермегі —  
Бәйбіше мен тоқал бар.  
Ер апшысы қуырлып,  
Биыл топқа суырылып,  
Сөз сөйлемді тоқалдар.  
«Үш-ш-ш-шүкір» дейтін асықпай,  
Қорғасын құйған асықтай  
Бүйрек бетті бала бар.  
Жұғыннан өзге жемейтін,  
Арыздым, аштым демейтін  
Желекті келін және бар.  
Кейлексіз етке күн киген,  
Бейнеттен көзі кіртиген,  
Шеккені шер мен ыза, зар,  
Итаяқтан ас ішкен,  
Ас ішпеген, жас ішкен  
Сауынши сорлы қатын бар.  
Ұзын сөздің түйіні —  
Бұл тоқсанның жиыны,  
Жұзден тоқсан түгел бар.  
Жұзден тоқсан — еңбекші,  
Он тоқсанға көнбекші,  
Көнбесе, жаныштар жігер бар.

Ес біліп ойлап, толғанып,  
Қолыма қалам алғалы  
Сөйлеген емен жасыра:

Мен мұндымен мұндастым,  
Адассам, ел деп адастым.  
Он деген емен, асылы.  
Он демедім, демеспін,  
Ой кезінде көмескі  
Жырладым елді жалпылап,  
Жасырмай, жүзді жоқтадым.  
Тоқсанға енді тоқтадым,  
Толғанып, ойлап, талқылап.  
Сөздің тоқтар түйіні:  
Бұл — тоқсанның жиыны,  
Осы армансыз білгенім.  
Тоқсаннан сонау он аулак,  
Сонау оннан мен аулак,  
Мен тоқсанмен біргемін.

### ЕРТЕГІ

Бұгін жаным өртке оранған жанға ұсап,  
Бұгін жаным тым аңсады от құшак.  
Жынды жүрек тығылады аузыма,  
Тілім-тілім тілсе келіп у пышак...

Бұгін жүрек отты қарақ іздейді,  
Бұгін жүрек күшті арақ іздейді.  
Құшар едім... ішер едім... жылар ем...  
«Сен» деуші жоқ. Бәрі де шет: «Сіз» дейді...

Аласұрад, жынданады жас жүрек,  
Қарақ керек. Арақ керек! Не керек!  
Бәрі де жоқ, жалғыз жолдас — қиялым,  
Жұбатады айтып маған тәтті ертек...

Ертек, ертек, ертек, ертек — ерте екен,  
Ерте күнде ешкі жүні бөрте екен...  
Хан Абылай немересі Кене хан  
Аспанға өрлең заулап жанған өрт екен.

Ертедегі адамдардың бәрі де ер,  
Түн жағында ел бар екен орыс дер.

Орыс елі Арқаға қол салған соң,  
Жас Кенениң жүргегінде қалың шер.

Елім дейді, жерім дейді, жанады,  
Жеткіншегі Ер Наурызбай баланы  
Ертіп алып, қорғамақ бол қазағын,  
Абылайдың ала туын алады.

Ту алады, орыс елін шабады,  
Ер талмайды, аста тұлпар талады.  
Ел-жұрт іздеп Алатауға барғанда  
Өз бауыры қырғыздан қаза табады...

Ертек, ертек, ертек, ертек — ерте екен,  
Есіл Кене заулап жанған өрт екен.  
Жас бәріден, сол ерінен айрылып,  
Алты алаштың жүргегінде дерт екен.

Ертек, ертек, ертек, ертек — ерте екен,  
Хан Кене өлді, Науан да өлді ақбекен.  
Тұлпар өлсе, қалмай ма оның тұяғы,  
Тартып туған артында ұлы жоқ па екен?!

Кене артында жас арыстан Сыздық бар,  
Төс үстінде желкілдеген қара жал.  
Ерден туған ердің жолын қуады:  
Ер иманы — ел, айнымайтын елім — жар.

Жап-жас Сыздық қорғамақ бол қазағын,  
Ту көтеріп, қарға ілді садағын.  
Балаусасың қанды майдан көрмеген,  
Құтты қадам болғай еді, қарағым!

Сыздық батыр тұлпар атын ерттеген,  
«Алты алашым, енді маған ер!» — деген.  
Көп соққы жеп, сүле болған сорлы алаш,  
Алты алаштан алты адам да ермеген.

Алты алаштан алты адам да ермеген...  
Алаш сорлы келешегін көрмеген.

Орыс алды, қымылдаған қазақ жок,  
Қайран Сыздық құса болды шерменен.

Қайран Сыздық елден үміт үзеді,  
Жап-жас Сыздық елден, үйден безеді.  
Жатып өлмей, жортып жүріп өлем деп,  
Түркістанның бетпақ шөлін кезеді...

Ертек, ертек, ертек, ертек — ерте екен,  
Сыздық ердің жүргегі шер, дерт екен...  
Арып-ашып бір қопаның бойына  
Келген кезде — қас қарайған, ымырт екен.

Қаранды тұн жерге кебін тәседі,  
Қонайын деп Сыздық аттан түседі.  
Қоректенбек болып жатар алдында,  
Қанжыгадан қос қоржының шешеді.

Коржын іші бөлек-бөлек қалта бар,  
Қалта толған мейіздейін малта бар.  
«Шөл далада жалғыз отыр ер балаң,  
Жел-ау, жел-ау, алты алашқа айта бар!»

Мойынға алса, адам көнбек қыынға,  
Жалғыз өзі қалың қопа бойында  
Шақпақ шағып, от тұтатып Сыздық ер  
Отыр еді, ешнэрсе жоқ ойында.

Түкті қабақ жауып түскен кезіне,  
Ұшқын шашып, от ойнап түр көзінде.  
Қырлы мұрын, қырмызы ерін, қап-қара  
Тікенектей түк шығып түр жүзіне.

Кол — иекте, басы тәмен иілген,  
Тері, ойда ғой батыр жаны күйінген...  
Бір мезгілде... сылдыр-сылдыр... қамыстар,  
Жел ме өлде қамысты құшып иірген...

Жел білінбейд, сылдыр... сылдыр... көп қамыс.  
Сылдыр... сылдыр... жақындағы жат дыбыс.

Дыбыс тынды. Бұ не болды? Не екен?  
Әлде ерге шапқалы түр жолбарыс?

Сол мезетте қамыс ақырын ашылды,  
Әлдекімге тәжім қылып, бас ұрды.  
Ай мен күндей бір келіншек сыланған  
Шыға келді, балқып нұры шашылды.

Сыздық отыр ой ұшына шыға алмай,  
Кім екенін, не болғанын ұға алмай.  
Сылаңдаған сұлу келіншек келді де,  
Амандасты қолын жеңнен шығармай.

Жеңін беріп сұлу келіншек сылаңдал,  
Тал шыбықтай жүзге иіліп бұрандал,  
Сызылып қана жанған оттың басына  
Отырды ақырын жүлдыштайдын жымындал.

Сыздық сонда кәрмен қабак түйеді,  
Сұлу келіншек босатпады жүйені.  
Көзінен от, қабағынан қар жауды,  
Бір көз салып, кім екенін түйеді.

Хас батыр ғой, қысылмады, саспады,  
Сынамаққа бір малта алып таstadtы.  
Сұлу келіншек былқ-сылқ етіп қылмындал,  
Малтаны алды, жеңін тағы ашпады.

Көніл түйген нәрсе енді болды анық,  
Сыздық батыр қабағынан қар жауып,  
Келіншекке қаһарменен: «Кет!» — деді,  
Беліндегі садағын шешіп қолға алып.

Сұлу келіншек «хи-хи-хи» деп құлгендей,  
Дыбысы шықпай, ішегі қатып өлгендей,  
Былқ-сылқ етіп түрегелді судырап,  
Судыр-судыр жансыз жібек жүргендей.

Сылдыр-сылдыр сыйырласты көп қамыс,  
Тек түрмайтын, жыбырлайтын желауыз.

Сылаң-сылаң сұлу келіншек жоқ болды,  
Сыбыр тынды. Жыбыр қалды. Жоқ дыбыс...

Отқа қарап отыр Сыздық, көзі — от,  
Қарасады, арбасады от пен от.  
Айнала өлім. Құм жамылған үнсіз шөл,  
Күбірлейтін, жыбырлайтын жел де жоқ.

Құм астында демі біткен бетпақ шөл,  
Сұлу келіншек — жезырнақ кой қанішер.  
«Тырнағымды көрсе, біліп қалад», — деп,  
Женен қолын шығармаған мәні сол.

Жезырнақтың тырнағы бар өткір жez,  
Алып, күшті, жүгіріп кетсе, желден тез.  
Пері менен диюдың ойнас баласы...  
Бола алады аң да, құс та, шал да, қыз.

Бүгін келіншек болып кепті Сыздыққа,  
Алдап-арбап батпақшы гой қызыққа.  
Жемекші гой өлтірген соң қытықтал,  
Ер жүрегін малып-малып тұздыққа.

Қырмызы ерні қыбырлады батырдың:  
«Неге өлі мен «Кет!» деп соған ақырдым?  
Күлген болып, көнген болып, әурелеп,  
Ойынын көру керек еді пақырдың.

Сөз жоқ, енді ол намыстанып, арланып,  
Кетті ыза боп: «Қап, бәлем!..» — деп қарғанып.  
Біраздан соң, тұн ортасы кезінде  
Келмес пе екен дауылданып, көрленіп», —

Деді-дағы ер қаранды жан-жакқа,  
Маң-маң басып жүріп біраз ар жақта,  
Тауып алды дөңбектей бір қара тас,  
Ер қолына дөңбек тасың қаңбақ та!

Дем шығарма, салса да тас салмағын,  
Қары түгіл, ауыртады бармағын.

От басына таstadtы да, дөңбекке  
Сыздық батыр жапты қара қапталын.

Атын алып кетті өзі анадай,  
Сескеніп бір жан-жағына қарамай.  
Тұсаулы аттың тасасында отырды,  
Бұғып қана тоңған қойшы баладай.

Ашыққан ат үзіп жатыр күріс-күріс,  
Ол үзгені тырық-тырық баялыш.  
Айнала — өлім, жыбырлаған жел де жоқ,  
Естіледі жалғыз ғана дем алыс.

Естімейді құлақ ешбір тықырды,  
Әлде пері әпсүн оқып түкірді?  
Бетпақ шөлдің көгі де бір сүр кебік,  
Айы нұрсыз, жұлдызы үнсіз сықылды.

Тым болмаса, сылдырласа қамыстар!..  
«Әлдекайда, Қырда, Сырда алаш бар...»  
Шулаған аң, шұбырған мал, шалқар көл,  
Мұнарлы тау, балдай бұлак, ағаш бар.

Сыздық мынау елден безген ел үшін...  
Сыздық мынау шөлге көмген жас күшін...  
Бетпақ шөлде Сыздық өлер, құм көшер...  
Жүректе у... жарып қарап кім ішін...

Өлер батыр... тастар оны құм көміп...  
Қарға-құзғын үстінде жүрер үңіліп...  
Сыздық өлер... алаш құрыр... есіл ер...  
Бір мезгілде кетті ме көзі ілініп.

Бір мезгілде жындаи ойнап жел шықты.  
«Фию-фию» деді. Тілін кім үқты?  
Сыбырлады, жыбырлады жорғалап,  
Шөл шулатып, құм аузына құм тықты.

«Фию-фию, фию-фию» есті жел.  
Бұғып жатқан баялышты құшты жел.

«Жынды неме, мұның не?» — деп, мырсылдап,  
Селк-селк күліп, селкілдеді сексеуіл.

Сылдыр-сылдыр қамыс басты сылдырға,  
Жел сүйсе оны, жан кіреді құрғырға.  
Жел — жас жігіт, қамыс қыз ғой көңілшек,  
Еркі қалып, салған «қойшы, құрғырға».

Уледі жел, дауылға ол айналды,  
Көкке қою қара бұлттар байланды.  
Қыбырлады тұншығып жатқан құмшықтар,  
Серпілді де, ер садағын қолға алды.

Әр дыбысқа енді құлақ түрулі,  
Көз тігілді, қолда садақ құрулы.  
Жезтырнақ қой келе жатқан кәрленіп,  
Диу ашулы, пері жүріс, жын шулы.

Сол секундта жаншып жап-жас қамысты,  
Жындей, тұндей қап-қара бір албасты  
Жымып қана келді дөңбек жанына,  
Сол секундта батыр көзін қан басты.

Тартайын деп онтайланды садағын,  
Сонда албасты: «Ә-ә, Сыздық қарағым,  
Жатырмысың үйиқтап қаннен-қаперсіз?  
Мына маған қалай кәрмен қарадың?!

Келдім. Кеттім. Орныңнан да тұрмадың!  
Кім ұмытар сенің түқымың қылғанын.  
Кене — әкемді, Абылай ағамды өлтірді,  
Балам, сенің құрытайын үрпағың!» —

Деді де ол, көзі оттай жайнады,  
Жез тырнағын өз тісіне қайрады.  
Қайрады да көмді тасқа тырнағын...  
Ессіз шіркін қайдан білсін айланы.

Сол арада «талдау жердің тұсы» деп,  
Сол арада «дәл жүректің басы» деп,

Көзі қан боп, қарт бурадай қалшылдан,  
Дәлдеп тұрып тартып қалды ер Сыздық.

Тырнақ тіліп тас шыңғырып — «шақ!» деді,  
Сол секундта тартылды садақ — «так!» деді.  
Тәлтіректеп, аузынан кесек қан атып,  
Жеңіздірнағым «аһ» деді де, «қап!» деді.

«Сыздық сүм-ай, орарынды біліп ем,  
Ордың да сен тындың. Болды тілегің.  
Бір сұрауым: тағы да атар ер болсан,  
Бір оғынмен азаптанып өлемін».

Сөз орнына Сыздық сақ-сақ құледі,  
Екі атса ғой Тырнаққа Құдай береді!  
Біраз тұрып, тәлтіректеп жеңіздірнақ,  
Сүйретіліп қопаға қарай жөнеді.

Жол берді оған, қамыс тағы ашылды,  
Намысы жоқ қамыс тағы бас үрды.  
Біраз сыйыр. Біраз жыбыр. Дыбыс жоқ.  
Кек айықты, жел де енді басылды.

Ешбір үн жоқ. Үнсіз өлік — бетпақ шөл,  
Жыбыр-жыбыр. Жанын берді, өлді жел.  
Тұншыққан құм. Мәңгі бұққан баялыш,  
Қатып қалған, селкілдемейд сексеуіл.

Айнала өлім, егі-шексіз шөл де шөл...  
Шөл мен өлім арасында бір-ақ жол.  
Ер Сыздықты тағы ойлар биледі,  
Иекте түр жаңа садақ тартқан қол.

Әлдеқайда, Қырда, Сырда алаш бар...  
Мұнарлы тау, балдай бұлак, ағаш бар...  
Есіл елді, есіл жерді жат алды...  
Ойлы ұлына бұл кең дүние болды тар.

Ойлар басты, жүйрік жанға ой батты...  
Ұзамады, ағарып ақырын таң атты.

Ұры ойлар жанды жеді, қанатты,  
Тарам-тарам алма беттен жас ақты...

Құні кеше айбынды Абылай бабасы,  
Ақылы кең, алты алаштың ағасы,  
Шын хан еді-ау, қорғаны еді-ау қазақтың,  
Өлді Абылай, солды қазақ даласы.

Өз өкесі Кенесары кім еді?  
Заулаган өрт, ойнаған от, Құн еді.  
Алаш деп — у, қазағым деп қан жұтып,  
Қаза тапты, қазағым, құнің тұн еді!..

Сыздық мынау қайғы қуып, шөл безген,  
Кім біледі, көмер оны құм кезген.  
Бүйткенше ол, неге жүріп кетпейді  
Кене, Науан салып кеткен қанды ізбен?

Өлім іздең адам белін бусын да,  
Ерден туған ердің жолын қусын да.  
Жолбарыс ер жалғыз өлсін майданда,  
Жаспен емес, қанмен бетін жусын да!..

Осы ойлармен ерттеді атын мінгелі,  
Шөлден безіп, қанды жолға кіргелі,  
Алаш елі, сары сайран жері үшін,  
Жапанда емес, жау қолында өлгелі.

Осы ойлармен Сыздық атын ерттеген,  
Тап сол кезде ер жүрегі өрт екен...  
Заман озды, адам тозды, ерлер жок...  
Заман озды, ер заманы ерте екен...

Ертек, ертек, ерте, ертек — ерте екен,  
Ерте күнде ерлер екпінді өрт екен.  
Хандарынан, ерлерінен айрылған  
Алты алаштың жүрегінде дерт екен!

Ертек, ертек, ертек, ертек — ерте екен,  
Хан заманы, ер заманы ерте екен.

Ерте заман, алаш аман — айбынды ел...  
Ерте күнде ешкі жұні бөрте екен...

Ертек, ертек, ертек, ертек — ерте екен,  
Ерте күнде ешкі жұні бөрте екен.  
Күніреніп күрсін де, алаш, тыңдай бер,  
Ертегі айтад дерпті балаң Жәжекен.

Бітті ертегі. Аласұрад жас жүрек,  
Қарақ па әлде? Арақ па әлде? Не керек?  
Арағы да, қарағы да құрысын!  
Қиялтайым, айтшы тағы, тағы ертек!..

### ОҚЖЕТПЕСТИҢ ҚИЯСЫНДА

Арқада Бурабайға жер жетпейді,  
Басқа жер ойды ондай тербетпейді.  
Бурабайдың көлі мен Көкшетауды  
Көрмесен, көкіректен шер кетпейді.  
Киясымен бұлт құшқан Оқжетпестей  
Басқа тау ойды аспанға өрлетпейді.  
Арқада Бурабайға жер жетпесе,  
Алашта Кенекеме ер жетпейді.  
Көкшеде күніренген Кенем қайда?!  
Дариға, жүргімді дерт өртейді.

Көкшені күндіз-тұні мұнар басқан,  
Қап-қара бұлттармен құшақтасқан.  
Алдында бүйира жалды бөлек тау тұр,  
Көкшеге қосылмаққа қойнын ашқан.  
Мөп-мөлдір, дөп-дөңгелек көл ортада,  
Жел ойнап, ақ бетіне меруерт шашқан.  
Сол көлдің жағасында Оқжетпес бар,  
Жасаған мұнарадай құйып тастан.  
Найзадай Оқжестпестің қиясына  
Жалғыз-ақ Кенекем ғой қадам басқан.

Алашта талай-талай ерлер өткен,  
Ерлерде Кенекеме кім бар жеткен?

Сүйремей елін өрге, көрге сүйреп,  
Ер емес, «ершіктер» ол елді еңіреткен.  
Жалғыз-ақ Кенекем ғой қайрат қылған,  
Қазақты құтқарам деп қалың өрттен...  
Бір кезде Кенекемді ойлар билеп,  
Бір өзі Бурабайды кезіп кеткен,  
Артында Оқжетпестің үңгір тау бар,  
Сол тауда бірнеше күн мекен еткен.

Бір тұні тым құтырып жел ойнайды,  
Жынды жел қатты сақ-сақ күле ойнайды.  
Бетінен жел кеп сүйіп алғаннан соң,  
Көбіктеніп күлегеш көл ойнайды.  
Сол тұні сонау үңгір тау ішінде  
Қабағын қарс жауып Кене ойлайды.  
Қамалған қазағына жол таппаққа,  
Жүрегін тілім-тілім тіле ойлайды.  
«Қазағым, ханың да мен, қараң да мен,  
Сен үшін жаным құрбан», — деп ойлайды.

Кенекем құлаштаған ой теңізін,  
Бұлдыртқан бұлдыры заман қыран көзін.  
Бір кезде серпіледі, шығарған соң  
Ойлардың «үһ» деген у лебізін.  
Келеді маң-маң басып Оқжетпеске,  
Құмдарға жолбарыстай тастап ізін.  
Көзін жұмып, қияға шықсам-ау деп,  
Ойлайды жоғарыға жөндеп жүзін.  
Сол минут Оқжетпестің қиясында,  
Жіберсе көзін ашып, көреді өзін.

Кенекем көзін ашып, таң бол қатты,  
Қараңғы, көз көрмейді ешбір затты...  
Нажағай маңайында жарқ-жүрқ етіп,  
Қарағай, сыпсың біткен шулап жатты.  
Төменде, Оқжетпестің етегінде  
Толқындар тасты сабап, тулап жатты.  
Кішкене сескенгендей болғаннан соң,  
Кенекем аузына алды аруақты.

«Аруақ» деп алғанша аузын жиып,  
Көреді қарсы алдында әппақ қартты.

Қарт сонда қозғаңдай болды басын,  
Қолыменен көтерді түкті қасын.  
Ойнаған ақ бұлттай денесі әппақ,  
Жасаған бұлт ішінде барлық жасын.  
Күнірекен көлдердің көбігімен  
Жуғандай әппақ қылышп сақал-шашын.  
Ізгі қарт «а» деп аузын қозғаңда,  
Төменде судың шуы болды басым.  
Қарт сонда қүнірекен: «Аманбысын,  
Кенежан, елдің ері жолбарысым!

Кенежан, берірек кел, сырттан балам,  
Ел үшін елсіз жерде жортқан балам.  
Сақтайтын қолдан, тілден сендей ерді  
Ата пір қасиетті мен қарт бабаң.  
Өз қолыммен төменнен тартып алдым,  
Қияда күтіп сені сансыз заман.  
Ел үшін еңіреп туған жолбарысым,  
Білемін, жүргегінде бар бір жараң.  
Сені улаған қазақтың қайғысы ғой,  
Дариға, қазағының күні қараң.

Алаштың алдын қара тұман жапқан,  
Мынау орыс обыр ол еміп жатқан.  
Заман азған шағында адам азбақ,  
Көп ерлер жаумен бірге елін шапқан.  
Кешегі Абылайдан азып туған  
Үәли анау қар қатынмен басы қатқан.  
Шормандай шолтаңдаған шолақ билер  
Орыстың шекпеніне елін сатқан.  
Кенежан, елің қалды жау қолында,  
Алып кет алашынды осы жақтан.

Тайсалма, тәуекел қыл, батыр балам,  
Арсыға дұға асырар мен қарт бабаң.  
Еңіреген ерге серік жолдас болар

Балауса жас жолбарыс — інің Науан.  
Жау қалың: азғантай ел, азғантай шақ,  
Болғай ед аруақ жар, Құдай панаң.  
Мерт болсаң мақсұтыңа жетпей егер,  
Сол сағат мен осы жерде тасқа айналам.  
Алашта тағы сендей ер тууын  
Төбеде тас боп шөгіп күтіп қалам».

Осы сөздерді айтып қарт ғайып болды,  
Таудың үсті тамаша нұрға толды.  
Тербеліп, күніреніп қара бұлттар,  
Жер мен көк қасиетті жырға толды.  
Бұлтты айдал, сылдыратып сумен ойнап,  
Ерке жел тасты құшып сақ-сақ құлді.  
Аллалап ну қарағай шулай-шулай,  
Төменде тулай-тулай толқын өлді.  
Тамашадан тас болып біраз тұрып,  
Көзін ашып, Кене өзін жерде көрді.

Сол кеткеннен Кенекем кете барды,  
Жанына жас жолбарыс Науанды алды.  
Алашты алып шығып ел қылмаққа,  
Орысқа аш бөрідей ойран салды.  
Үйсін, Дулат, қыргызбен қол ұстасып,  
Қытаймен қатынаспаққа ой ойланды.  
Біле алмай надандықпен ердің ойын,  
Сорлы қыргыз мерт қылды арыстанды.  
Арыстан Алатауда мерт болғанда,  
Оқжетпесте тұрған қарт тасқа айналды.

Содан бері бірталай заман өтті,  
Алашты улай-улай жаман өтті.  
Тұлпар — тулақ, ер арып аруақ боп,  
Сарыарқа сайран жердің сөні кетті.  
Жолбарыстар жортатын сар далада  
Қорсылдаған доңыздар мекен етті.  
Жалғыз-ақ Оқжетпестің қиясында  
Шөккен қарт күншығысқа түзеп бетті,  
Көп заман талмай-тозбай тау басында,  
Алаштан Кенекемдей бір ер күтті.

Арқада Бурабайдай жер болмайды,  
Алашта Кенекемдей ер болмайды.  
Кене Арыстан мезгілсіз мерт болды ғой,  
Алашқа бұдан да зор шер болмайды.  
Ел азды, Арқа тозды, қайғы басты,  
Құніреніп біздей бейбак жыр толғайды.  
Құдай-ау, мәңгілікке қарғамасан,  
Кенедей енді неге ер тумайды?!  
Кене жоқ, ізін басар іні де жоқ,  
Дариға, жүргегімді дерпт улайды.

### ЖҰСІП ХАН

Бар еken де, жоқ eken,  
Аш eken де, тоқ eken,  
Ертек, ертек, ертекте:  
Ала қарға — азаншы,  
Қара қарға — қазаншы,  
Шымшық терген щөпшекті.

Қарлығашы қалбаңдал,  
Жапалағы жалбаңдал,  
Көрсетіпті көмегін.  
Құс атаулы, әйтеуір,  
Болыпты бәрі әбігер,  
Мен білем бе себебін?!

Сөз бұл емес, сөз кейін,  
Бұл сөздерім әншейін  
Кеуде кернеп дем алыс.  
Бұл — бұлаңы тұлқінің,  
Бұл — бастапқы бұлқілім,  
Болғаннан соң жол алыс.

Тағы да айтам: бұл жерде  
Жазбақ емен сендерге  
Құстардың не қылғанын.  
Бұл — әшейін қомданып,  
Даярланып домбыра алып,  
Тамағымды қырғаным.

Ал тамақты қыралық,  
Бөрікті жерге ұралық,  
Кіріселік кеңеске.  
Кеңес мынау ұнаса:  
Жер жүзінде тамаша  
Талай жер бар емес пе?

Оңтүстікте алыста,  
Үндістанға барыста  
Иран дейтін бір жер бар.  
Жер болғанда, ерке жер,  
Жердің құты — серке жер,  
Не керегің табылар.

Күні жерге ұңілген,  
Жері гүлге көмілген,  
Бір гүл сайын бір бұлбұл.  
Асты бір гүл жайнаған,  
Үсті бұлбұл сайраған,  
Мейлің жыла, мейлің құл.

Бал бұлақты тауы бар,  
Бүйра-бүйра бауы бар,  
Бауы толған жеміске.  
Бір жемісі жақұттай,  
Бір жемісі ақықтай,  
Бір жемісі күміс пе?!

Бір жақ беті қандай боп,  
Бір жақ беті таңдай боп,  
Үйіліп жатқан алмасы.  
Бәрінен де бұл әжеп,  
Саусағынды бірге жеп  
Қоятындаі алуасы.

Қойтұқтай — түймедей,  
Елі жейтін үймелей  
Әсіреле шапталы.  
Тағы елінде жібек көп,  
Талайының жібек дейд  
Еру киген қапталы.

Иран жері, не керек, —  
Жеміс, бұлбұл, гүл, жібек,  
Төрт түлегі сай бопты.  
Сай болғанмен, мәлім ғой,  
Елінің дені қу кедей,  
Бір уыс-ақ бай бопты.

Қашанда надан көп кедей,  
Бір уыс байға беттемей,  
Құл бол қызмет қылмай ма?  
Желіккен байлар құл айдан,  
Еріккен байлар хан сайлан,  
Өнгіме-дүкен құрмай ма?

Иранда сонау құт қонған,  
Байға ғана құт болған  
Бопты дейді Аббас хан —  
Жасын тақта жасаған,  
Күшігенге ұсаған,  
Құлқы бұзық қақпас хан.

Елін бақпай, тақ баққан,  
Бар жұмысы — тек жатқан  
Алтын сарай ішінде.  
Әйел жиған үйрлеп,  
«Әйел!» деген күбірлеп  
Өнінде де түсінде.

Шараптан ылғи шала мас,  
Тажындағы тізген тас  
Гауһар, күннің көзіндей...  
Арамтамақ Аббас хан,  
Өз құлқына тап басқан,  
Үәзір жиған өзіндей.

Сұм-сұрқия уәзірлер  
Хан керегін әзірлер  
Шауып, шаншып, ел талап.  
Бұқара қасқа бүгжендер,

Табанда ылғи тепкі жер,  
Құл бол құрдай жорғалап.

Күндер өткен осылай,  
Тістесіп қүйрық ай мен ай,  
Жылдың ізін жыл басып,  
Күндерде бір күн хан Аббас,  
Шарап ішіп шала мас,  
Өзімен өзі сырласып

Отыр екен сарайда,  
Тірі жан жоқ маңайда.  
Кіріп кепті бас уәзір.  
Қос шиқандай томпак ұрт,  
Дорба сақал, қүйрық мұрт,  
Депті уәзір: «Иә, тақсыр!

Ұзақ болсын жасыңыз,  
Сізге құрбан басымыз.  
Келгенімнің мәні бұл:  
Бас балшысы тұскірі  
Балына не тұскенін  
Сізге айтқалы келіп түр».

«Кірсін!» — депті сонда хан,  
Сонда оқтай зырлаған  
Балшы ұшып кіріпті.  
Кіріп құрдай жорғалап,  
Құлдық ұрып үш қабат,  
Тұрып сөйлей беріпті.

Сырласқаны көк аспан,  
Жұлдыз қарап, бал ашқан  
Тәуіп екені тағы бар.  
Депті: «Алдияр ханымыз!  
Сізге құрбан жанымыз!  
Келдім алыш сүм хабар.

Жұлдыз маған не деді?  
Жұлдыз жақсы демеді,  
Қатер айтты ханыма.

Қатері сол, қысқа сөз:  
Ханға қаза қатасыз  
Оныншы күн таңында».

«Не? Не?» — деді, хан құп-құ,  
«Не? Не?» — деді, қысты ашу,  
    Қалышллады, қақалды.  
Ықылық атты, қиық деді,  
«И-и-и-и-еет!» — деді,  
    Сапсандатты сақалды.

«А, құтырған бадырақ құл!  
Бұл былшылың қай былшыл!?  
    Кет! Көрінбе! Шық! Жоғал!  
Мен тілінді қырқайын!  
Тұқымынды құртайын!  
    Жендет! Жендет! Басын ал!».

Желден үшқыр жын ба еді —  
Жетіп келіп жендеті,  
    Жаландатып қылышын,  
Апыл-ғұпыл, әп-сәтте  
Тап береді шаппаққа.  
    Құрысын балы! Құрысын!

Балшыда үрей қала ма,  
Көзі сыймай шараға,  
    Кемсең қағып, жандәрмен:  
«Ханым! Ханым! Сұлтаным!  
Бір қасықтай қи қаным!  
    Аллаға аян, сөзім шын.

Балға түскен күн толар,  
Жұлдыз сөзі сөз болар,  
    Не пайда өліп мен төбет?..  
Бірақ, ханым, ойлаймын,  
Ақылдассақ, айламен  
    Жұлдызды алдаң үрмас па ек?»

Хан бетіне қан жүрді,  
Қисын қалай өмірді,

Арағы бар, қарағы!  
Көзі сөүле шалғандай,  
Дереу жұлып алғандай  
Жендетіне қарады.

«Тоқтай түр» деп ым қақты,  
Жаны біраз жай тапты.  
Алдамаққа жұлдызды,  
Машайығын, молдасын,  
Уәзір, қазы, қолбасын,  
Бірін қоймай жиғызды.

Жаранына жиылған  
Аббас былай бүйірған:  
«Тез ақылға салындар!  
Жұлдызды алдау жөні не?  
Сөйтіп, тірі, өлі ме, —  
Қалап, затымды алындар!»

Бәрі жерге үнілді,  
Бәрі ойға көмілді,  
Сақалдары салбырап.  
Машайығы сүмиіп,  
Молдалары мөлиіп,  
Бере алмады бір жауап.

Хан бетінен қан қашты.  
Жұрт та жым-жырт. Хан састы.  
Алақ-жұлақ екі көз.  
Сонда, анау балшыдан  
Құлдық ұрып, бас ұрған  
«Ханым!» деген шықты сөз.

«Ханым! — деді, — Алдияр!  
Қайғырманың, үміт бар,  
Ойдан айла табылар.  
Арыстаным, тірегім,  
Қасық қаным тілегім,  
Мен дәметпен дүние-мал».

Үміті құрғыр жылт етіп:  
«Сөйле! — деді хан зекіп, —  
Сөйле! Күнәң кешілер!»  
Балшы сонда тоқтап аз:  
«О, сұлтаным, шахыбаз,  
Жұмбак былай шешілер:

Оныншы күн таңында  
Иран елі ханына  
Қаза жетпек қатасыз.  
Айла мынау сізге, хан,  
Тап қазіргі сағаттан  
Тақты тастап кетесіз.

Сіз кетіңіз, падиша,  
Он күн біреу уақытша  
Хандық құрсын тағында.  
Жұлдыз сөзі дөп келер:  
Тақта отырған хан өлер  
Оныншы күн таңында».

Хан қуанып қопандап,  
Қоразданып қоқандап,  
Жалт қарады уәзірге:  
«Қанатым сен, қүйрығым,  
Жұрт билеуге жүйрігім,  
Сен хандық құр өзірге.

Айта қалса, хан қайтпас!  
Қарсы келсөн, мынау бас  
Осы жерде кесілер!»  
Уәзір сонда сабазың,  
Құлық-сұмдық сабағын  
Судай ішкен есіл ер,

Жұзіне қуаң өң кіріп,  
Көзді тоқсан төңкеріп,  
Қолды жайып жіберіп,  
Бейне маймыл маймандаپ,

Біресе бейне жайнаңдап,  
Біресе бейне тұнеріп:

«Сұбхан Алла! Сұлтаным,  
Сізге құрбан жан-тәнім.  
Күнім туды онынан!  
Бірақ... Алла, ханым-ай,  
Мендей сордың ойы сай,  
Келмес хандық қолынан!

Сондықтан таққа қария,  
Оқымысты-дария  
    Қазы лайық болар-ау!..»  
Енді қазын қақалды,  
Салалады сақалды,  
    Желпілдетіп қос танау:

«Астапыралда... өзірмін.  
Сөзінде бірақ уәзірдің  
    Бір қата бар болмашы:  
Аюға ақыл қонар ма?  
Келтексіз тентек оңар ма?  
    Лайық болар қолбасы!»

Екі беті шиққандай,  
Дәл қораздай қойқандай,  
    Басып, жаншып, қиратып  
Ілгері шығып енгігіп,  
Кызырып, ісіп, бір тынып,  
    Едірей мұртын ширатып,

Барқыллады қолбасы.  
Не керек, сөздің қысқасы,  
    Басқаға о да сілтеді.  
Ақырда хандық кеңесі  
Жүзі қара немесі —  
    Жендетке барып жетеді.

Болғанмен қанша шала есті,  
Оған да дереу ой тұсті:  
    Хан болсын қалай жан қиып!

Өзі кетті ырбиып,  
Ерні кетті дүрдиіп,  
Қолы қалды тырбиып:

«Е! Құрмалдық мен бе екем?  
Он күн деген күн бе екен?  
Адыра қалсын бұл хандық!..»  
Сөз тоқталды. Жұрт жым-жырт.  
«А, Құдайым! Құтқар!» — деп,  
Айтысты іштен құрмалдық.

Сонда балшы сөйледі,  
Сөйлегенде бүй деді:  
«Бұған да амал табылар.  
Ұнатсаныз, халайық,  
Бұл он күнге лайық  
Жүсіп деген бір сүм бар.

Базарда ылғи ер істер,  
Өзі шебер мініскер,  
Нағыз найсал, шаян тіл.  
Осы отырган бәрінді,  
Жазаласа ханымды,  
Ұры-қары дейтін ол!

«Хан, ханшасы, қолбасы,  
Уәзір, қазы, молдасы, —  
Өңшең ұры обырлар.  
Бұқара елді еңіреткен,  
Кедей қылып күніренткен  
Солар», — дейтін ол мұндар!

Мен ойлаймын, падишам,  
Тап сол Жүсіп уақытша  
Хандық құрсын тағында.  
Жұлдыз сөзі іске асар:  
Жүсіп жанмен қоштасар  
Онынши күн таңында».

Жұрттың аузы шешілді:  
«Мұндай итті, кесірді

Жермен-жексен қылмас па?!

Дұрыс, дұрыс! Сол сүмнан

Өз қанына сусаған,

Таққа лайық кім басқа?!» —

Десті осылай, сөз тынды.

Біз де ақырын сөзді енді

Жөнелтелік Жұсіпке.

Жүкен қайда шаян тіл?

Қайды болушы ед? Базарда ол

Қақталып, қасқа, ыстыққа.

Шаңқай тұс. Шым-шым шағыл күн.

Базар ызың, ың да жың.

Жабыр-дабыр сансыз жұрт.

Саудагер сүм жаны — мал,

Шиқан бетті, жұн сақал,

Сатқан, алған шартпа-шұрт.

Сөлде, шапан шұп-шұбар,

Ардандаған арбалар.

Есек, молда мөніреген.

Дәруіш, балшы, ойыншы,

Ақсақ-тоқсақ, қайыршы,

Жетім бала еніреген.

Қап-қара бет, сұр дене,

Доп-домалақ бірдене.

Бұл — әйелі Иранның.

Сол базарда бар Жұсіп,

Отырды Жұсіп шай ішіп

Жолдасы біраз адаммен.

Отыр екен деп Жұсіп:

«Біз көреміз, не керек,

Хан, қазы, өкім, байлардан.

Кедейге күн жоқ таң атар,

Кедей сорлы жұбанар

Осы деп бізге жазған зан.

Ойласаңшы, о жазған,  
Сол заңды өзі кім жазған?  
Хан емес пе қазымен?..» —  
Дей бергенде осылай,  
Әскер көрінді анадай,  
Сырнай-керней сазымен.

Су ете түсті жүрегі,  
Сұп-сұр болды реңі:  
Кімге жаққан тұра айтқан.  
«Болмаса игі ед бір сұмдық!» —  
Деп күбірлеп, жым болып,  
Жұсіп көзін қаша атқан.

Қарай қалды қол жаққа,  
Қол келеді бұл жаққа.  
Дүріл-күріл, ызы-шу  
Самсаған қол. Сары дала.  
Қызыл-жасыл, ақала.  
Арғымақ, Сырнай. Дабыл. Ту.

Сәлде. Сақал. Дулыға.  
Құлдар қолдың жолына  
Кілем төсеп қайқаңдал,  
Уәзір, қари, молдасы,  
Қоразданған қолбасы  
Қол алдында қойқаңдал.

Базар халқы қым-қиқу,  
Енді жым-жырт... жығылу.  
Бәрінің тілі байланып...  
Жұртпен бірге Жұсіп те  
Демін алмай, мысықтай  
Болып, басы айналып,

Көзін жұмып, енді ашса,  
Бұл не деген тамаша!  
Уәзір оған бүйдеп тұр:  
«О, сұнқарым, сұлтаным,

Саған құрбан жан-тәнім,  
Тұр тезірек, таққа жүр!

Ханға құр су ұнай ма!  
Саған даяр сарайда  
Шербет, шарап, не тамак...»  
Сонда Жұсіп: «Тақсыр-ай,  
Бізге арам ғой ол сарай,  
Қылмаңызың ақымақ!»

Сұманұдады уәзір сұм:  
«Тәнірі қуә, сөзім шын,  
Иран ханы енді сіз.  
Аббас тақтан түсті өзі,  
Сен хандық құр, іш те же.  
Біз-ақ елді билерміз!»

Тұсі ме, бұл өні ме?  
Күдік кіріп көңіліне,  
Жүкең ұртын шымшиды.  
Жоқ, оп-ояу, ұйқы жоқ,  
Зырлап кетті ойы — оқ...  
Қонды атқа, құнтиды.

«Олай болса, дұрыс, жүр!  
Мен енді — хан, сендер — құл.  
Шу! Сарайға тартындар!»  
Кетті. Ызғытты арғымақ,  
Жетті. Жауһар асты тақ.  
Ершің енді — алдияр!

Үлде-бұлде киінді,  
Сімірді, жеді, тойынды.  
Үйренді тақтың тәртібін.  
Көні кепкен сұр кедей,  
Біраз құн сөйтіп ләм демей,  
Басқаннан соң қарқынын,

Бастады Жүкең бір істі:  
Ел билеуге кірісті  
Жақтап жарлы, жалшыны.

Сыпыргандай тезекті  
Өңшең залым-кезептен  
Еңбекші елді аршыды.

Жарлықты Жүкең жаудырды,  
Уәзірді жер аудырды.  
Қазының басын алдырды.  
Машайығын, молдасын,  
Қойқандаған қолбасын  
Абактыға салдырды.

Мұнапық талай мұндардың,  
Елді сорған сұмдардың  
Қырықтырды басын түймедей.  
Байларды айдал жиғызды,  
Тұмылдырық кигізді.  
«Уң!» деді көп кедей.

Осылай өтті біраз күн,  
Бай мен бекті соқты жын.  
Алдында бар не сұмдық!  
Оны Жүкең не қылсын?  
Оның ойы: ел көрсін  
Бір күн де болса әділдік.

Не керек, солай хан Жұсіп  
Залымның қанын жосылтып,  
Сорлының сорын ашқандай.  
Мырза, молда, бай бәсен,  
Бәрі жуас, бәрі өсем,  
Аяқты байқап басқандай.

Кезептерді қылды жым,  
Бұқара байтақ халықтың  
Болды Жұсіп қалқаны.  
Қуанған байтақ балаша:  
«Мың жаса, Жұсіп, мың жаса!» —  
Деп шуылдап алқады.

Күн артынан күн өтті,  
Тірі қалған тәбеттер

Есін жия бастады.  
Тоғызынышы күн тұнінде  
Кірісті олар күбірге:  
«Мынау Жүсіп шошқаны

Қойғанымыз ба осылай,  
Қорлық көріп осындей?  
Кара табан, тексіз ит  
Не бекзатты боздатты,  
Байды, бекті, боздақты  
Байлап қойды жіпсіз, ит.

Күшікті басқа секіртті,  
Кедей итті кекітті,  
Күтырған мынау мұндар құл.  
Шейіт кетті-ау не серке...  
Бізге де кезек қуні ертең  
Келмесіне кім кепіл?..

Шіркін, Аббас ат еді-ау!  
Заттың ісі жат еді-ау:  
Жұмысы жоқ бір істе,  
Жатушы еді сарайда,  
Арақ, қарак, маңайда...  
Не тілесен, соны істе...

Қой! Қорлықты көрерміз,  
Бауыздалып өлерміз.  
Жер бастырмас Жүсіп сүм.  
Тап ертеңгі тұн бар ма? —  
Күтырған ол мұндарға  
Жалғыз қанжар жалынсын!..»

Кеңес тынды, таң атты,  
Күн де батты, ел жатты.  
Жүсіп жалғыз тағында  
Отыр еді қатерсіз,  
Балға түскен қатесіз  
Оныншы күн таңында.

Көп төбеттен бір төбет  
Кіріп, басып біртелең,  
Қадап қалды қанжарды.  
Жүсіп үнсіз сылқ етті,  
Хан кілемі бұлқ етті,  
Ханды жұтты, олжа алды.

Болды бектер кеңесі,  
Жүсіп сордың денесі  
Кескіленді, көмілді.  
Абыр-сабыр басылды,  
Жұртқа жарлық шашылды:  
«Қаза жетті, хан өлді».

Жұрт жыласты, жиылды,  
Бектер бұлай күйінді:  
«Алда, дүние-ай! Құн қаран!  
Біз қалдық-ау сорменен!  
Барса, келмес жолменен  
Кетті-ау сұңқар Жүсіп хан!

Татып ажал шербетін,  
Өлді Жүсіп. Ел — жетім!  
Байтаққа кім болар бас?  
Жәрдем берсін бір Құдай...  
Уа, жамағат! Алақай!  
Аббас келді! Хан Аббас!»

Сол арада бұрыштан  
Құжырайған, құрысқан  
Хан Аббасың бүкендең  
Шыға келді, о, қасқа!  
Жұрген екен тау-таста,  
Қашып-зытып Жүкеңнен.

Мырза, шора шуласты,  
Көтерісп Аббасты,  
Тағына алып барады.  
Жұрт тұнеріп тұрды да,

«Қап!» — деп санын ұрды да,  
Үн-түні жоқ тарады.

Аббас таққа шонқиды,  
Кол тоқпағы қонқиды:  
«Шүкір, шүкір, Алла! — деп. —  
Енді тілден тыймайын,  
Қалағанын сыйлайын,  
Балшым қайда, бар ма?» — деп...

Сөйтіп, Иран тағына  
Өңшең сүмның бағына,  
Тағы отырды Аббас хан —  
Жасын тақта жасаған,  
Күшігенге ұсаған,  
Құлқы бұзық қақпас хан.

Ел бақпады, тақ бақты,  
Бар жұмысы — тек жатты  
Алтын сарай ішінде.  
Әйел жиды үйрlep,  
«Әйел!» деді күбірlep  
Өнінде де түсінде.

Шараптан ылғи шала мас.  
Тажындағы тізген тас  
Гауһар Құnniң көзіндей.  
Арамтамақ Аббас хан  
Өз құлқына тап басқан  
Уәзір жиды өзіндей.

Сүм-сүркия уәзірлер  
Хан керегін өзірlep,  
Шапты, шанышты, ел талап.  
Бұқара сорлы бүгжендеп,  
Табанда ылғи тепкі жеп,  
Жүрді жасы сорғалап.

## ҚАНЫШ БАЙ ҚИССАСЫ<sup>1</sup>

Ұнап, ұнамасын қайдам,  
Қисса айтайын Қаныш байдан —  
Дорба сақал, тырбық тапал,  
Талайыңа таныс байдан.

Қаныш байың қойлы бопты,  
Қойлы бопты — ойлы бопты.  
Оның ойы оймақ ауыз  
Бір тоқал ғой, тойлы бопты.

Тойлы бопты, тоқал апты,  
Қаныш байың қарқылдапты.  
Ұл табуға міндettі екен,  
Тоқал қасқа қысыр қапты.

Қысыр қапты тоқал қасқа,  
Байдың енді пейілі басқа.  
Басқа пейіл — басқа сойыл,  
Тие берген таяқ басқа.

Таяқ басқа тие берген,  
Таяқ тоқтар кезі келген.  
Әрі бата, әрі қата  
Тиіп, бір күн тоқал өлген.

Тоқал өлген тулығынан,  
Қаныш тағы аласүрған.  
Тәңірі сонда: «Тоба!» — депті,  
Қаныш байдың құлығынан.

Тәңірі сонда күйіп тіпті:  
«Көрмедім, — деп, — мұндай итті.  
Тосқыны жоқ, тасқыным жоқ,  
Қой, Қанышым, болмас!» — депті.

---

<sup>1</sup> Сыр қазағы өмірінде қорлық көріп өлген адам, көбінесе әйел, өлген соң, қорлық көрсеткен адамды қарақұрт болып келіп шағады деседі (М.Жұмабаев ескертпесі).

Тишу бір тұн. Майдың айы.  
Бұлт бүркенген көгінде айы.  
Жел тұншығып, жер тұншығып,  
Сұп-сұлық боп сулы сайы;

Су өліктей сұп-сұлық боп,  
Жүргегі жай соғып лұп-лұп,  
Жағада іштен «жасын» оқып  
Шәкіртерше шөбі мұлгіп;

Шөбі мұлгіп, қалғып қамыс,  
Жансыз бұлтқа қайда жарыс,  
Дүние тып-тын. Тишу бір тұн.  
Осынау тұнде қайда Қаныш?

Қайда Қаныш? Қаныш үйде.  
Қаныш бірақ күйсіз күйде.  
Тынши алмай, дөңбекшіпті,  
Төсек-орын үйқы-түйқы.

Үйқы көрмей, күрсілдепті.  
«Тұні құрсын! Құрсын!» — депті.  
Жұдырығы бәйбішеге  
Әлсін-әлсін дүрсілдепті.

Дүрсілдепті кесек-кесек.  
Кесек болмай: Қатын есек?!  
Алайда ырсыл басылмапты,  
Салғызыпты тысқа төсек.

Салғызыпты, жатып қапты.  
Бір тұтам таң атып қапты.  
Таңмен бірге жел оянып,  
Әуе біраз салқындалты.

Салқындалты Қаныш бай да,  
Бір балбырау тарап ойға.  
Көрпеге енді көміле түсіп,  
Қаныш байың кіреді ойға.

Ойға кіред, үйқы аралас...  
Құшағында тоқал дейд жас...  
Токал үзіліп барад дейді,  
Кірпігінде мөлтілдеп жас.

Кірпігінде жасы мөлт-мөлт...  
...Үйқы жеңді, ойы құңгірт.  
Құңгірт ойы — көмескі тұс...  
...Келеді ақырын бір қарақұрт.

Қарақұртқа қарап отыр...  
Әр қадамын санап отыр...  
Құртты бұрын бір көргендей...  
Көзін көзге қадап отыр...

Қадап отыр... құрт та жетед...  
Қаныш таң боп, есі кетед.  
Кәдімгі бір қарақұрттың  
Көзінде жас мөлт-мөлт етед!

Көзі мөлт-мөлт. Келді? Жатты!  
Өлген тоқал! Құдай атты!  
Қаныш сасад. Қашпақ болад...  
Аяқ-қолы тас боп қапты...

\* \* \*

Тас боп қапты. Қайда қашад?  
Құрт ақырын төске басад.  
Басады да, дәл жүрекке  
Көзіндегі жасын шашад.

Дәл жүрекке жасын шашад.  
Жасын шашад, көзін басад.  
Жылжып түсед... жоқ болады,  
Қаныш: «Уһ!» — деп, көзін ашад.

Көзін ашад. Кеудесі ісік.  
Қүйіп барад денесі ысып.  
Қалшылдапты Қаныш байың,  
Құп-қу болып, құты ұшып.

Құп-құ болты Қаныш байын.  
Қозғапты енді бір Құдайын.  
«Қаныш қатаң» дегеннен соң,  
Жиылышты бар ағайын.

Жиылышты ауыл-аймақ.  
Қаныш сонда: «Мен бір мойнақ  
Болдым. Мұндай күйге түстім,  
Тоқал алып аузы оймақ.

Білесіндер: өлді... — депті, —  
Қарақұрт боп келді, — депті. —  
Жүргіме жасын жақты,  
Өлуім хақ енді, — депті. —

Жұртым, тоқал алма! — депті, —  
Әсіре сөз шалма!» — депті.  
Сейдепті де Қаныш байын,  
Ықылыш атып: «Алла!» — депті.

### ӘTİRİK ЕРТЕК<sup>1</sup>

Бір дегенім білеу ғой,  
Екі десем — егеу ғой,  
Уш дегенім үскі ғой,  
Төрт дегенім төсек қой,  
Бес дегенім бесік қой,  
Алтыны асық десіп қой.

Жетім желке емес пе,  
Сегізім серке емес пе,  
Тоғызым торқа болмай ма?  
Он дегенім оймақ қой,  
Он бір қара жұмбақ қой.  
Жұмбағым, балалар, ұнай ма?

Иә, жұмбақты тасталық,  
Басқа кеңес басталық.

---

<sup>1</sup> Бұл ертек сұлу суретші Арлаудың «Мысық, тышқан» деген он төрт суреті бойынша жазылған (М.Жұмабаевтың ескертпесі).

Үй артында дөңеске  
Алқа-қотан отырып,  
Шуды қойып, жым болып,  
Кіріселік кеңеске.

Ерте, ерте, ерте екен,  
Ешкі жұні берте екен.  
Сөз бастайын ертеден.  
Сөйтіп кеңес қозғайын,  
Бірақ сөзді созбайын,  
Қайырайын келтеден.

Арқаның оң бетінде,  
Құба қырдың шетінде  
Талай бетпақ дала бар.  
Сол шөлдерден көп ары,  
Таулы жерде жоғары,  
Шираз дейтін қала бар.

Бұл Ширазым — сол Шираз,  
Тамашасы мол Шираз:  
Көгіне алтын себілген.  
Көміп сәуле селіне,  
Күні күліп жеріне,  
Жерге жауһар төгілген.

Бұл Ширазым — сол Шираз,  
Гұл, бұлбұлға мол Шираз,  
Гұлі қызыл лағылдай.  
Гүлге қонған бұлбұлы,  
Бұлбұлының бал ұні  
Жазғы сұлу сағымдай.

Осынау Шираз еркеде,  
Ертегідей ертеде  
Болған талай ақындар.  
Ұні бұлбұл ұніндей,  
Сөзі Шираз гүліндей,  
Қайда олардай ақын бар?

Жырлап кетсе жорғадай,  
Сөз төгілсө сорғалай,  
Төгілгені — шекер, бал.  
Жырына адам мас болар,  
Көзіне ыстық жас толар,  
Бойың балқып, шымырлар.

Бұл Ширазым — сол Шираз,  
Тамашасы мол Шираз,  
Баулары бар бүйра бұлт.  
Бұл бір бауда тізілген,  
Адам ұзбей ұзілген  
Қандай-қандай жеміс жоқ!..

Шираз қала — дәу қала,  
Айналасы бау қала,  
Бауы жеміс сыңсыған.  
Үзімі еріп білінбей,  
Тәтті дәмі тілінді  
Шымырлатып шымшыған.

Өзім көрдім көзіммен,  
Шираз елі үзімді  
Бауырсақтай асайды.  
Асауды місे қылмайды,  
Кеп құрмай олар тұрмайды,  
Үзімнен арақ жасайды.

Шираз елі — молда елі,  
Молдалары сәлделі  
Арақты шарап деседі.  
Таңыркай мұртты көп тақсыр,  
«Шарап — шипа», — деп тақсыр,  
Кеу-кеулемесіп іshedі.

Сонымен, Шираз елінде,  
Екі-үш күннің бірінде  
Кұмыршаға құюлы  
Шарап тұрад быжылдал,

Құмыршасы тым сәнді-ақ,  
Әшекейлі, оюлы.

Сөз — бұл емес, сөз кейін,  
Тақсырларға тимейін,  
Кезек келер бір күні.  
Тыңдаушы неге демесін,  
Мысық, тышқан кеңесін  
Айтпақшымын бұл жолы.

Құндерде бір күн бір тышқан,  
Сықси көзді сұр тышқан  
Кіріп келді бір үйге.  
Үй болғанда, оңаша,  
Тізілген қаздай құмырша,  
Таң болды тышқан бұл күйге.

Мойнын тығып мықшиып,  
Жылти көзі сықсиып,  
Жалт-жұлт етті, қаранды.  
Қаранды да таранды,  
Тамсанды да жаланды,  
Тыя алмады аранды.

Сілекейі сорғалап,  
Шықты жылжып жорғалап,  
Болар-болмас жалады.  
Тағы татып қарады,  
Тәтті у бойға тарады,  
Бойы балқып барады.

Татқан сайын тәтті су,  
Тәтті суы — тәтті у,  
Жылти көзі жайнады.  
Күш қосылды күшіне,  
Мысық түсті есіне,  
Тышқан тілді шайнады.

Қолды сермен жіберді,  
Үйдің іші түнерді,

Құңгірт тартты көз алды.  
Ықылыш атты, «ық» деді,  
«Токта, токта, ток!» — деді,  
Өзінен өзі сөз алды:

«Ай, дүние жалған-ай,  
Іште кетті-ау арман-ай,  
Не көрмедік мысықтан?!  
Қанымызды ішті ғой,  
Баста қайғы күшті ғой,  
Өтті-ау өмір құсып қан!..

Аңдып тұрып тап беред,  
Тап бергенде шап беред,  
Талайға ол сүм салды ауыз.  
Не қылмады қанды ауыз?!  
Не қылмады жалмауыз?!  
Не қылмады ол жауыз?!

Әттең, дүние-ай, не керек,  
Көп жаманға кез болып,  
Десіп жүр ғой ол жаман!..  
Бір көрінсе көзіме,  
Көрсетер ем өзіне,  
Қалмас еді ол да аман!

Мынау батыр жүрекпен,  
Мынау балуан білекпен  
Алып ұрып, байлар ем!  
Танытар ем әкесін!  
Шағар едім шекесін!  
Қос құлағын шайнар ем!»

Тышқан солай көпірді,  
Көпірді де кекірді,  
Ықылыш атты, «ық» деді.  
Тап сол жерде мысық сүм  
Тыңдал түрған болып жым:  
«Токта, токта, ток!» — деді.

«Тоқ!» — деді де, тап берді,  
Тап бергенде, шап берді,  
    Тап сауырдан салды ауыз.  
Сауыр ауызға ілікпей,  
Құйрығынан сұліктей  
    Тістеп қатып қалды ауыз.

«Танимысың әкенді?  
Шағатұғын шекемді  
    Сен екенсің, көрейін!..  
Жаман мұндар, есіріп,  
Мұнша сөйлеп кесірді...  
    Сазайынды берейін!»

«Алди, алди, алдияр!  
Бір-ақ ауыз сөзім бар,  
    Тыңдаپ, басым кесіңіз.  
Айтқызады ғой жастық ит,  
Жастық емес, мастық ит,  
    Қасық қаным кешіңіз!

Айық болсам, сізге мен  
Тіл тигізіп, жынды емен...  
    Патшасына әлемнің.  
Маган анау су қылды,  
Су емес-ау, у қылды,  
    Түк жазықсыз өлем мен...»

Сейдеп тышқан зарлап тұр,  
Көзінен жасы парлап тұр,  
    Жерге мөлт-мөлт тамады.  
Шиқылдады шашалып,  
Киқылдады қақалып,  
    Бүйірі бүлкіл қағады.

Бұлтыннадады, бұлқынды,  
Жан ұшырды, жұлқынды,  
    Кұлді мысық мұртынан.  
Үш босатты, бас салды,

Бес босатты, бас салды.  
Сілекей шұбырды ұртынан.

Тікен мұрты тікіді,  
Шегір көзі шікіді,  
Бір «ап» деді, жеп қойды.  
Сілекей шұбырды ұртынан,  
Бір мырс етті мұртынан,  
«Құтырган құл!..» — деп қойды.

Сөйтіп, мысық қылғыды,  
Қылғыды да қалғыды,  
Пысылдады, кекірді.  
Қалғып кетті қорылдап,  
Баспалатты мырылдап  
«Шүкір, шүкір, шүкір-ді».

Солай ұйықтап тұн өтті,  
Тұн де өтті, күн де өтті,  
Тышқан бойға тарады.  
Тамақ керек тағы да,  
Не кез келер бағына?..  
Мысық жалт-жұлт қарады.

Мұртты тілмен жалап қап,  
Алақтады, жалақтап,  
Татарға түк көрінбей.  
Сілекейін жұтыпты,  
Тышқан заты жытыпты,  
Ешбір тықыр білінбей.

Жердің бетін тұн басты,  
Мысық оймен мұндасты...  
Күлді, ойланды күбірлеп:  
«Қой, бұл істі тастайын,  
Мен бір істі бастайын,  
Тек таң атсын сібірлеп».

Сібірледі күміс таң,  
Жетті мысық жалма-жан,

Тартты тура мешітке.  
Кірді жымып үндемей,  
Мінде ақырын мінбеге,  
Кірісті бір кәсіпке.

Мырылдады азандай,  
Сөлде салды қазандай,  
Тасбиқ алды қолына.  
Тап сопыдай сүмиді,  
Тап молдадай мұлиді,  
Кірді тәубе жолына.

Кіргені оның қалайша?  
Кіргені оның былайша:  
Қазан сөлде қаңқиды.  
Таңырай мұрты таңқиды,  
Қос құлағы салпида,  
Бір момын боп маңқиды.

Бір күрсінді, бүйдейді:  
«Күй, күй, жаным, күй! — дейді, —  
Асты бастан күнәйім.  
Қалай сабыр қылайын?!  
Мейірімі мол Құдайым,  
Бір өзіңе жылайын!..

Не қылғаным, Жасаған,  
Талай тышқанды асағам,  
Сенен қалай жасырам?!

Мейірімінді түсір деп,  
Күнәйімді кешір деп,  
Дәрғаһына бас ұрам.

Мейірімі мол Тәңірі Ие,  
Мынау мешіт үйінде  
Ант ішемін атыңмен:  
Тіпті арамдық етпен деп,  
Тұмсығына шертпен деп  
Енді тышқан затының!

Сүттей аппақ ниетпен  
Бір өзіңе ант берем:  
    Енді өмірімде ет жемен!  
Ұшыраса аш тышқан,  
Тәжірибесіз жас тышқан,  
    Етімнен кесіп ет берем».

Осылайша сүм мысық  
Көзді қойып бір қысып,  
    Күнірентті үйді сөзімен.  
Бар көнілі бағанда,  
Қарап қояд бағанға  
    Құйрығымен көзінің.

Қарамайды-ау бағанға,  
Қарап отыр тағамға,  
    Тағамымыз — бір тышқан:  
Құжырайып, құнтиып,  
Тыңдал отыр жылтиып  
    Сүлік құйрық сүр тышқан.

Көріп мысық сөлдесін,  
Естіп антын-тәубесін,  
    Үйып мысық — молдаға,  
Қос құлағы ербиіп,  
Қос танауы делдиіп,  
    Тартты тышқан ордаға.

Келді де айтты: «Осылай,  
Осылай да осылай.  
«Тәнірі, құнәм!» ауыр деп  
Мысық зарлап жас тәкті,  
Бізге тимеске ант етті, —  
    Тышқан маған бауыр деп».

Орда тышқан үрпиді,  
Бәрінің көзі жыртиды,  
    Ә дегенде таң болды.  
Ұзамады, мәз-мәйрам,

Бастады у-шу той, мейрам,  
Үйдің іші даң болды.

Отағасы, балақай —  
Бәрі де айғай, алақай,  
Бәрі ордаға ағылды.  
Шәрбат, шарап, бал, сыра,  
Сырнай, керней, домбыра,  
Дабыл даң-дүң қағылды.

Гүжілдеді қобызы,  
Безілдеді сыйызғы,  
Бұрқыллады қорқоры.  
Үзім, алма алқызыл,  
Өрік, анар қан қызыл,  
Шаптал, інжір, алқоры.

Соныменен, сөз қысқа,  
Опыр-опыр топ тышқан  
Ию-қиу тойда отыр.  
Жалғыз-ақ бір қария,  
Өзінше ойы дария,  
Тойда отырып ойда отыр.

Қария айтты: «Әлеумет,  
Құтты болсын қаниет!»  
(Күнгірт көзін көтерді).  
«Сонықі сүмдық болмасын!..  
Сол сүм алдап үрмасын!..  
Малданбалық бекерді».

Арақ ішкен өңшең мас,  
Есі шала өңшең жас,  
Дүрсе қоя берісті:  
«Көр көрінед көзіңе,  
Өз ақылың — өзіңе!  
Сен бүйдеме иғі істі.

Кері тартпа кәрісін,  
Етек басу — бар ісін,

Қой сөзінді, оттамай!  
Құй шарапты көпіртіп!  
Бас сырнайды, лепіртіп!  
Тарт, қүрілдет, тоқтама!»

Ойшыл қария жүдеді,  
Шиқыл-қиқыл үдеді,  
Ию-қию бар халық.  
«Мысық күнәсі ауыр ғой,  
Бүгін бізге бауыр ғой,  
Оған тарту тарталық!» —

Деді еліріп бір тышқан,  
Сұлік құйрық сүр тышқан.  
Қабылдды қалың жүрт.  
«Пәлі!» — десті, елірді,  
Сағым ішіп семірді  
Сыры ежелден мәлім жүрт.

Соныменен сөз бітіп,  
Сөз біткенде, тез бітіп,  
Кеңес тынды, тарады.  
Енді елшілер кешікпей,  
Тартты турға мешітке  
Алып тарту-таралғы.

Кірді елшілер мешітке,  
Сұмдық болар десіп пе?!

Ентелесті молдаға.  
Көзді жұмып сүр мысық,  
Оң жақ көзін бір қысып,  
Басты «Алла! Аллаға».

Топ-топ болып тұр елші,  
Сөз бастады бір елші:  
«Тақсыр, мұнда келіпсіз.  
«Еткен күнәм ауыр, — деп, —  
Тышқан маған бауыр», — деп,  
Антпен уәде беріпсіз.

Қуанып соған, қылдық той,  
Өзінізге мәлім ғой  
Бейбак біздің халіміз.  
Сізге әкелген тарту бар,  
Асымызды, алдияр,  
Көптей көріп алыңыз.

Оныңыз рас: құнә ауыр,  
Енді бізбен сіз бауыр.  
Тарту — достық белгісі.  
Міне алма алқызыл,  
Үзім, анар қан қызыл», —  
Келді мысық күлкісі.

Бір мырс етті мұртынан,  
Сілекей шұбырды ұртынан,  
Көзін қызыл қан жапты.  
Бір «ап» деді, тап берді,  
Тап бергенде, шап берді,  
Топыр қылды жан-жақты.

Алла қалды адыра,  
Сөлде қалды адыра,  
Ұшты тәубе тәсбімен.  
Көмді тырнақ мырылдап,  
Қанды жұтты қырылдап,  
Топ тышқанды қылды жем.

Елші түгел тұтылды,  
Екі-ақ тышқан құтылды,  
Зытты екеуі жорғалап.  
Тек шықпаған жанымен,  
Ордасына ханының  
Жетті жасы сорғалап.

Өкпе ауызға тығылды,  
Жетті екеуі, жығылды:  
«Осылай да осылай».  
Тақта отырған хан, уәзір —

Қабақ қарын екі дүр  
Десті: «Апым-ай, бұл қалай?!»

Хан бүйірді таянды:  
«Осылай болу аян-ды...  
Мысық бола ма, өйтпесе?!

Ойла жылдам, әй, уәзір!  
Осыған ақыл тап қазір,  
Басынды алам, өйтпесе!»

Ханның басы қақиды,  
Үәзір көзі ақиды,  
Беті күлдей болды қу.  
Құп-қу болды, бозарды,  
Терлеп кетті, қызарды,  
Айтты: «Амал — соғысу.

Тышқан деген қалың ел,  
Ерлігімен мәлім ел,  
Алты әлемге даңқы бар.  
Айбынды, айбарлы арыстан,  
Ойы — дария, данышпан  
Сіздей дана ханы бар.

Аттаналық қол болып,  
Қол болғанда, мол болып,  
Жауға соғыс ашалық.  
Қанды судай шашалық,  
Мысық жынын басалық,  
Ұстап, дарға асалық!»

Хан бүйірді таянды:  
«Осылай болу аян-ды...  
Мысық бола ма, өйтпесе?!

Жауға аттансын ел тегіс!  
Қанын төксін көл-теңіз,  
Басын алам, өйтпесе!»

Соныменен күн батты,  
Түн тұнерді, таң атты,

Қол қозғалды, ағылды.  
Жер қайысты дірілдеп,  
Сырнай, керней гүрілдеп,  
Дабыл даң-дұң қағылды.

Қара ағаштай көп найза,  
Күнде ойнады көк найза,  
Алдаспандар жарқылдал.  
Желкілдеді жалаулар,  
Желпілдеді танаулар,  
Хан қақалды қарқылдал.

Ордасында хан қалды,  
Ханмен біраз жан қалды:  
Ақсүйектер, төрелер —  
Қалың елді құл қылып,  
Бұзықтығын пұл қылып,  
Жатып ішер немелер.

Кетті сөйтіп қалың қол,  
Қалың қолы — қалың ел.  
Көбі — ойлы, азы — мәз.  
Талайы барад тұнжырап,  
Талайы барад қан жылап,  
Көбі — жаяу, аттысы — аз.

Соныменен, қол кетті,  
Қол кеткенде, мол кетті.  
Барды, кірді соғысқа.  
Мұны өтірік демендер,  
Күніренді көк пен жер,  
Өзге соғыс соғыс па?!

Будақ-будақ бу шықты,  
Бу ішінен ту шықты,  
Шыпқылдаған шықты шу.  
Шүрк-шүрк болды көбелер,  
Дал-дұл болды денелер,  
Айқай-ұйқай, ызы-шу.

Соныменен, сөз қысқа,  
Шәйіт болды көп тышқан,  
Мысықты ұстап ,байлады.  
«А, қанішер неме!» — деп,  
Басқа, көзге төпелеп,  
Ханға, ордаға айдады.

Хан бүйірді таянды:  
«Осылай болу аян-ды...  
Көрсетпе итті көзіме!  
Жап зынданға қараңғы!  
Қатыр аштан арамды,  
Қыл бұрау сал өзіне!

Ертең әпкел ордаға,  
Сот құрармыз ордада,  
Бүтін пәлен демелік.  
Бүгін өңшең майталман —  
Қаза тапқан майданда  
Шәйіттерді көмелік!»

Айтты да хан тоқтады,  
Жұрт хан сөзін құптағы,  
Шақырылды елге азан.  
Молда келді мөлиіп,  
Сопы келді сүмиіп  
Сәлделері бір қазан.

Қылмың қақты, қуанды,  
Білектерін сыбанды,  
Аруланды өліктер.  
Өлік көрсе молдалар,  
Сілекейі сорғалар,  
Өтірік десен, өліп көр.

Табытқа өлік салынды,  
Қара тулар алынды,  
Көшті молда бастады.  
Қолына алып құранды,

Бір өннен соң бір өнді  
Түйдек-түйдек тастады.

«Тәбәрікті» тұқыртып,  
«Жасынды» ашып сыпсыртып,  
Суылдатып келеді.  
Аузында — Алла, ойында:  
«Қанша түсер қойынға?..  
Жуырда кім өледі?»

Жетті табыт бейітке,  
Түсіріліп шейіттер,  
Көрге дереу көмілді.  
Көрге көлгір молданың,  
Жұртты алдағыш жорғаның  
Өтірік жасы төгілді.

Соныменен, күн батты,  
Дамыллады, ел жатты,  
Хан тұн бойы қылды той.  
Талай халық қаралы,  
Талай халық жарапы,  
Хан үйі — той, елде — ой...

Тоймен, оймен өтті тұн,  
Таң білінді, дүние — тын.  
Ұлы сәске ел тұрды!  
Зындандағы мысықты  
Қарғылап ап күшіктеї,  
Жендет ордаға ап жүрді.

Ханның көзі жыртиып,  
Қабақ қарны бұлтиып,  
Тақта жатыр жантайып.  
Қасында отыр уәзірі,  
Тақсырлауға әзір-ді,  
Қос құлағы қалқайып.

Хан қорқорын тартады,  
Алдында айбалталы

Жендеттер түр қақып.  
Хан қарады мысыққа,  
Қарады оған мысық та  
Ашулы көзі ақып.

Хан уәзірмен кеңесті,  
Кеңескенде не десті:  
«Тұқымын мұның құрталық!  
Жалпы жұртқа жар қылып,  
Майданға анау дар құрып,  
Дереу дарға тарталық!»

Дереу жарлық берілді,  
Майданға дар құрылды,  
Мысық та алып барылды.  
Хан да келді қолымен,  
Ырс-ырс етіп, қолымен  
Сипап қабақ қарынды.

Хан таяққа таянды:  
«Осылай болу аян-ды...  
Сал арқанды! Сал! — деді. —  
Жендет, енді жақында!  
Көм қылышты батырга!  
Ал! Ал басын! Ал!» — деді.

Сонда мысық бұлқынды,  
Жан ұшырды, жұлқынды,  
Көзі шоқтай жайнады.  
Тұсауды ұзіп күшімен,  
Қыл арқанды тісімен  
Бытыр-бытыр шайнады.

Босанды да тап берді,  
Тап бергенде, шап берді,  
Бірді белден тістеді.  
Тышқан тырым-тырақай...  
Әттең ғана дүние-ай,  
Хан ауызға тұспеді.

Мысық кәрмен қарғыды,  
Ерсіл-қарсыл оғыды,  
Шиқылдатты талайды.  
Дар майданнан жын ойнақ  
Қылды мысық өп сөтте-ақ  
Жып-жылмағай маңайды.

Сөйтіп, мысық топыр қып,  
Демін алып отырды.  
Сөз сөйлемді бұлайша:  
«Жүрсейші иттер тек босып,  
Олар — тышқан, мен — мысық,  
Женеді олар қалайша?!

Өңшең шірік, пасықтар!  
Ажалына асықтар,  
Көрді көрмей қазулы!..  
Олар — менің азығым,  
Бұл — Құдайдың жазуы,  
Өзгертпек пе жазуды?!

«Анау көрім қазылған,  
Бұл өзелде жазылған», —  
Де де, үндемей жүре бер!  
А, құтырган құлдар-ай!  
Иесін қапқан мұндар-ай!  
Ал, ендеше, өле бер!» —

Деді мысық, демікті,  
Демін алды, тынықты,  
Тұрды, кетті жайына.  
Есін жиды көп тышқан,  
Таққа тағы мінді хан,  
Хан кірісті тойына.

Шөрбет, шарап алдырды,  
Шарапқа сусын қандырды,  
Сырнай-керней ойнатты.  
Деді жүртқа: «Ит түге!»

Ханның осынау иттігі  
Елді ауыр ойлатты...

Ел ел болсын дегендер,  
Елдің қамын жегендер  
Біріне бірі сөз салды.  
Аулақ үйге жиылды,  
Ортаға үстел қойылды,  
Дереу мәжіліс басталды.

Отырысты көп аға,  
Қоңырау қақты топ аға,  
Бүйірі бұлкіл қақты кеп.  
Құжырайды, құнтиды,  
Жырти көзі жылтиды,  
Сөз аузынан ақты кеп...

«Ау, әлеумет, сөз мынау:  
Мысық — бізге ата жау,  
Бұл туралы қысқа сөз.  
Ендігі сөз, хал мынау:  
Арақ ішкен хан мынау,  
Осыны ойлар келді кез.

Мысықты ата жау деуші ек,  
Ханды асқар тау деуші ек,  
Кімге пана болды хан?!

Даналығы осы ма?!

Паналығы осы ма?!

Елді жалмап, сорды қан.

Елдің көзі ылғи жас,  
Хан тағында ылғи мас,  
Бар білгені — бас алад.  
Еңіреп жерді күңірентіп,  
Бұқара қасқа қан жұтып,  
Өз қанына шашалад.

Елді ұрысқа айдады,  
Қарқыллады, қайрады,

Өзі қалды ордада.  
Ел қазалы, көзі жас,  
Хан тағында тағы мас,  
Баққа ма осы? Сорға ма?

Күні кеше мысықты  
Үстасымен, кешікпей,  
Керек еді дарға асу.  
Зынданға оны жапқызды,  
Тынықтырып, жатқызды!  
Ақымак ханда жоқ сасу...

Хан қырагы данам деп,  
Ханның тілін алам деп,  
Қырылды ғой ел бейбақ!  
Ау, әлеумет, ойландар!  
Ойлап қана қоймаңдар!  
Қырыламыз ба хан деп-ақ?!

Қой, хан деуді қоялық!  
Ханның көзін жоялық!  
Мысық та жау, хан да жау.  
Біреуі оның тыстан жау,  
Біреуі оның іштен жау;  
Жаудың ісі — ел талау...»

Кеңесті осылай көсемдер,  
Шерді ағытты шешендер,  
Сөз бір жерге құйылды.  
Жеті түнде қараңғы  
Бүгеженде, қарандап,  
Жұрт майданға жиылды.

Жұрт жиылды, кеңесті,  
Кеңескенде не десті:  
«Ханды қазір байлалық?!

Онсын ұстап мысықты ап,  
Хан, мысықты қосақтап,  
Қаңғырталық, айдалық!» —

Десті осылай дүркіреп,  
Көшкен бұлттай жөңкіліп,  
Жұрт жөнелді ордаға.  
Арақ ішіп, қылжандап,  
Өзінен өзі ыржындалап,  
Хан отыр ед ордада.

Ел қазалы, азалы,  
Азалы ел — ызалы,  
Қылды орданы құл-талқан.  
Ықылыш атып қақалып,  
Кол-аяғы мatalып,  
Домаланып қалды хан.

Жұрт жөнелді жөңкіліп,  
Жалаулары желкілдең,  
Аттан салып қиқулап.  
Будақ-будақ бу шықты,  
Бу ішінен ту шықты,  
Шуылдады шиқылдал.

Лап қойысты мысыққа,  
Атып тұрып мысық та  
Тап-тап берді маңайға.  
Талай жұндер жұлынды,  
Талай жері тілінді,  
Ажал жетті талайға.

Көзді оттай ойнatty,  
Ә дегенде тым қатты  
Сұм мысықтың қарқыны.  
Соғыса алмай көсіліп,  
Қалың тышқан қырылып,  
Қара қанға қалқыды.

Соныменен, сөз қысқа,  
Айдалап ап кеп ордаға,  
Мысықты ұстап, байлады.  
Шөп те болса көп тышқан,

Ханды қосып, ордадан  
Екі сүмды айдады.

Қол ұстасып хан, мысық,  
Екеуі де қан құсып,  
Тұннен бетер тұнерді.  
Қиран басып жөнелді,  
Алақайлап ел енді,  
Қуанышқа кенелді.

Едірейіп, қалқып,  
Тырбық бұты талтиып,  
Сөз сөйлемді қаптесер:  
«Бірің сенің — тыстан жау,  
Бірің сенің — іштен жу,  
Кет, қанішер! Баскесер!

Кет, екі жау! Қаңғып өл!  
Еркін қалдың, қалың ел!  
Еніреме енді, жасың тый!  
Енді сені талау жоқ!  
Енді құл ғып қанау жоқ!  
Өзіңе өзің болдың би!»

Соныменен, хан, мысық  
Кетті қаңғып қан құсып,  
Қуанышта қалың жұрт.  
Деп: «Бұғаудан босандық!»  
«Жасасын, — деп, — бостандық!»  
Қол соғылды шарт та шұрт.

Біреу тұрды, биледі,  
Біреу керней күйледі,  
Дабыл даң-дұң қағылды.  
Бітті осымен кеңесім,  
Тыңдаушы енді демесін:  
«Онсын тышқан не қылды?..»

Енді ертегім байыды,  
Ертегімнің айыбы:

Кемі — өтірік, көбі шын.  
Жоламас ем азға да,  
Керек болды аз ғана  
    Өтірік қосу көп үшін.

Бұл аздың да, оқушым,  
Қайта оқышы, бәрі шын.  
    Шыны мынау — бұл мысал.  
Ертегімнің басында  
Бала біткенге ашына  
    Жұмбағымды есіңе ал.

Бір дегенім білеу ғой,  
Екі десем — егей ғой,  
    Үш дегенім ұскі ғой.  
Мысық талаушы екені,  
Ханның қанаушы екені  
    Енді есіңе түсті ғой.

Екі жауын осынау  
Қылған кейін ханталау  
    Қалың тышқан — қалың ел.  
Төртімді енді төсек деп,  
Бесімді енді бесік деп,  
    Өзің енді тарта бер.

Тогызымды торқа де,  
Сегізімді серке де,  
    Жетімді енді желке де.  
Ерте, ерте, ертеде,  
Ешкі жұні бөртеде,  
    Құйрығы оның келте де!

### ТОЛҒАУ

Тек ел деген сөзі үшін,  
Ергенде, ердім ұранға.  
Болмаса, аян досыма,  
Досым түгіл, қасыма:  
Аты бар деп атшы боп,

Қошемет қып, қосшы бол,  
Ел бастаған ағаға  
Адъютант болып ермедім.  
Адъютант болып адамға  
Ермеуіме көп белгі.  
Көп белгіден бір белгі:  
Ағаның азы қасарып,  
Аузына ауыр тас алып,  
Тұншығып оймен жатқанда;  
Талай аға тез жүдеп,  
Жөнкіле жүкті тартқанда;  
Жеммен жүрер жабыдай,  
Құрбының көбі тез түлеп,  
Топырлап топқа шапқанда,  
Жапанда жалғыз күніреніп,  
Мен ойыма ергемін.  
Еділ кездім, шөл кездім,  
Кезгенімде не көрдім:  
Қайда барсам, көр көрдім.  
Айдарлысы құл болып,  
Тұлымдысы тұл болып,  
Еніреген ел көрдім.  
Қаралы көптін ішінде,  
Қара салып басыма,  
Елмен бірге еңіредім.  
Бұл айып деуші дей жатар,  
Мен мұны айып білмедім.  
Мен еліме басшы емен,  
Мен еліме қосшымын.  
Күлкісін гүлге бөлейтін,  
Жыласа, бірге жылайтын,  
Жаны бір жолдас жыраумын.  
Жылағанда жалпы жүрт,  
«Жылама, құл!» — дегенде,  
Көне алмадым, көнбедім.  
А дегеннен асылды  
Тебірекен толқын бетінде  
Көремін деп асықтыйм.  
Асыққаннан не пайда,

Толғақсыз туар бала жоқ.  
Ту баста толқын бетінде  
Асығып күткен асылды  
Көре алмадым, көрмедім.

Бұлқынған толқын бетінде  
Қалқыған қу тезектей,  
Бір күн бура болғышыл  
Бұзықтар болды көргенім.  
Көргенім анық, алайда  
Тезекке бола толқыннан  
Ат-тонымды ап безбедім.

Бұл безуден саулығым:  
Жұзден тоқсан толқында ед.  
Анда-санда ес кіріп,  
Сұрадым тоқсан саулығын.  
Ақталмаймын, қалайда,  
Толқынға жоқ-ты жаулығым.  
«Жау» деген — жаудың жаласы,  
Әділ болсан, өмірімді  
Ақтарып әділ қарашы.  
Отыз жыл өмір бойында  
Жазғанымды жайып сап,  
Екі жарғып санаши.

Тексеруді отызды  
Ауырсынсаң, қояйын.  
Бір сөзімді есіңе ал:  
Мен толқынға жау болсам,  
Жеті жыл бұрын осыдан,  
Төңкерістің таңында  
Алты алашқа әйгілеп:  
«Не бостандық, не құлдық,  
Не езілу, не тендік,  
Не патшалық, не Кеңес —  
Екіден бір!» дер ме едім?!



## МАЗМҰНЫ

<i>Мағжанның ақындығы хақында</i> .....	5
<b>Өлеңдер</b>	
Тұған жерім — Сасықкөл .....	7
Бір күні .....	8
Қарағым .....	9
Орал тауы .....	10
Есімде... тек таң атсын! .....	11
Гүлсімге .....	13
От .....	15
Пайғамбар .....	18
Күншығыс .....	20
Альстагы бауырыма .....	22
Тез барам .....	23
Қазақ тілі .....	24
Жер жүзіне .....	25
Мен жастарға сенемін .....	25
...ға .....	26
Өткен күн .....	27
Айға .....	30
Жұмбақ .....	31
Айда атынды, Сәрсембай .....	32
Бесік жыры .....	34
Сүйемін .....	37
Мен кім .....	38
Ескендірдің екі мүйізі .....	39
Өткен — аяулы .....	42
Күрбым .....	43
Кек теке .....	43
Тәбет .....	44
Бүгінгі күн өмір, өлім — менікі .....	45

Сырым .....	46
Сүй, жан сәулем .....	47
Төгілген шашы .....	48
Күміс нұрлы Ай .....	48
Шолпы .....	49
Сен сұлу .....	49
Біраз Фетшे .....	50
N...фа .....	51
Хор сипатты қарындас .....	57
Жас сұлуға .....	57
K...ге .....	58
Гүлсім ханымға .....	59
...ға .....	59
Қарындасқа .....	60
Ж...ға .....	61
Ф...ға .....	63
Фазизага .....	65
З...ға .....	66
Анама .....	68
Қараңғылық қоюланып келеді .....	69
Сағындым .....	69
Баланың қабір тасына .....	72
Әмір .....	72
Толқындарап ойнап .....	73
Жүлдышдарға .....	73
Жазғы түнде .....	74
Көкшетау .....	75
Толқын .....	76
Қайың .....	77
Қысқы жолда .....	78
Жазғы жолда .....	79
Жазғытұрым .....	81
Жаз келеді .....	82
Жиіленді кара орман .....	84
Махаббат не .....	84
Шылым .....	85
Александр Блок .....	85
N... альбомына .....	87
Алдамшы әмір .....	88
Айрылғанда .....	89
Күзді күні .....	89
Болса гүлсіз.. .....	91
Ой .....	91

Жан сөзі.....	92
Мені де, өлім, әлдиле .....	95
Тірілдім .....	99
Жұлдызды — жүзік, Айды алқа ғып берейін .....	100
Берніязға .....	101
Сырдағы алашқа .....	103
Тұранның бір бауында .....	104
Алатау .....	107
Түркістан .....	110
Сәрсембайдың жыры .....	113
Әже .....	115
Жылқышы .....	116
Ақ қала .....	117
Жатыр .....	119
Шын сорлы .....	120
Жазғытуры .....	121
Бұлбұл .....	122
Өлең .....	123
Ләззат қайда .....	124
Жазғы таң .....	125
Жас келін .....	126
Атакты ақын — сөзі алтын Ҳакім Абайға .....	127
Сорлы қазақ .....	128
Өнер-білім қайтсе табылар .....	128
Толған Ай .....	130
Зарлы сұлу .....	130
Балалық шағы .....	131
Тіршіліктің көркі — ерік .....	132
Казағым .....	133
Мысық, пен ет .....	134
Сүйгеніме .....	134
Құр қалыппын .....	136
Жоғалған алтын .....	136
Оразада .....	137
Тілегім .....	138
Күз .....	139
Осы күнгі күй .....	140
Мен сорлы .....	141
Алданған сұлу .....	142
Тұған жер .....	142
Көңіл .....	143
Жарыма .....	144
Тәбет .....	145

Сылаң-сылаң сұлу келіншек жоқ болды,  
Сыбыр тынды. Жыбыр қалды. Жоқ дыбыс...

Отқа қарап отыр Сыздық, көзі — от,  
Қарасады, арбасады от пен от.  
Айнала өлім. Құм жамылған үнсіз шөл,  
Күбірлейтін, жыбырлайтын жел де жоқ.

Құм астында демі біткен бетпақ шөл,  
Сұлу келіншек — жеңтираңақ қой қанішер.  
«Тыңғымды көрсе, біліп қалад», — деп,  
Женнен қолын шығармаған мәні сол.

Жеңтираңтың тыңғы бар өткір жез,  
Алып, күшті, жүгіріп кетсе, желден тез.  
Пері менен диюдың ойнас баласы...  
Бола алады аң да, құс та, шал да, қыз.

Бүгін келіншек болып кепті Сыздыққа,  
Алдап-арбап батпақшы ғой қызыққа.  
Жемекші ғой өлтірген соң қытықтап,  
Ер жүрегін малып-малып түздиққа.

Қырмызы ерні қыбырлады батырдың:  
«Неге өлі мен «Кет!» деп соған ақырдым?  
Күлген болып, көнген болып, әурелеп,  
Ойынын көру керек еді пақырдың.

Сөз жоқ, енді ол намыстанып, арланып,  
Кетті ыза бол: «Қап, бәлем!..» — деп қарғанып.  
Біраздан соң, тұн ортасы кезінде  
Келмес пе екен дауылданып, көрленіп», —

Деді-дағы ер қаранды жан-жаққа,  
Маң-маң басып жүріп біраз ар жақта,  
Тауып алды дөңбектей бір қара тас,  
Ер қолына дөңбек тасың қаңбақ та!

Дем шығарма, салса да тас салмағын,  
Қары түгіл, ауыртады бармағын.

От басына тастады да, дөңбекке  
Сыздық батыр жапты қара қапталын.

Атын алып кетті өзі анадай,  
Сескеніп бір жан-жағына қарамай.  
Тұсаулы аттың тасасында отырды,  
Бұғып қана тоңған қойшы баладай.

Ашыққан ат үзіп жатыр күріс-күріс,  
Ол үзгені тырық-тырық баялыш.  
Айнала — өлім, жыбырлаған жел де жок,  
Естіледі жалғыз ғана дем алыс.

Естімейді құлақ ешбір тықырды,  
Әлде пері әпсүн оқып түкірді?  
Бетпақ шөлдің көті де бір сұр кебік,  
Айы нұрсыз, жұлдызы үнсіз сықылды.

Тым болмаса, сылдырласа қамыстар!..  
«Әлдеқайда, Қырда, Сырда алаш бар...»  
Шулаған аң, шұбырған мал, шалқар көл,  
Мұнарлы тау, балдай бұлак, ағаш бар.

Сыздық мынау елден безген ел үшін...  
Сыздық мынау шөлге көмген жас күшін...  
Бетпақ шөлде Сыздық өлер, құм көшер...  
Жүректе у... жарып қарап кім ішін...

Өлер батыр... тастар оны құм көміп...  
Қарға-құзғын үстінде жүрер үніліп...  
Сыздық өлер... алаш құрыр... есіл ер...  
Бір мезгілде кетті ме көзі ілініп.

Бір мезгілде жындан ойнап жел шықты.  
«Фию-фию» деді. Тілін кім үқты?  
Сыбырлады, жыбырлады жорғалап,  
Шөл шулатып, құм аузына құм тықты.

«Фию-фию, фию-фию» есті жел.  
Бұғып жатқан баялышты құшты жел.

«Жынды неме, мұның не?» — деп, мырсылдап,  
Селк-селк құліп, селкілдеді сексеуіл.

Сылдыр-сылдыр қамыс басты сылдырға,  
Жел сүйсе оны, жан кіреді құрғырға.  
Жел — жас жігіт, қамыс қыз ғой қөнілшек,  
Еркі қалып, салған «қойышы, құрғырға».

Уледі жел, дауылға ол айналды,  
Көкке қою қара бұлттар байланды.  
Қыбырлады тұншығып жатқан құмшықтар,  
Серпілді де, ер садағын қолға алды.

Әр дыбысқа енді құлақ тұрулі,  
Көз тігілді, қолда садақ құрулы.  
Жезырнақ қой келе жатқан кәрленіп,  
Диу ашулы, пері жүріс, жын шулы.

Сол секундта жаншып жап-жас қамысты,  
Жындей, тұндей қап-қара бір албасты  
Жымып қана келді дөңбек жанына,  
Сол секундта батыр көзін қан басты.

Тартайын деп онтайланды садағын,  
Сонда албасты: «Ә-ә, Сыздық қарағым,  
Жатырмысың ұйықтап қаннен-қаперсіз?  
Мына маған қалай көрмен қарадың?!

Келдім. Кеттім. Орныңнан да тұрмадың!  
Кім ұмытар сенің тұқымың қылғанын.  
Кене — әкемді, Абылай ағамды өлтірді,  
Балам, сенің құрытайын үрпағың!» —

Деді де ол, көзі оттай жайнады,  
Жез тырнағын өз тісіне қайрады.  
Қайрады да көмді тасқа тырнағын...  
Ессіз шіркін қайдан білсін айланы.

Сол арада «талдау жердің тұсы» деп,  
Сол арада «дәл жүректің басы» деп,

Көзі қан боп, қарт бурадай қалшылдап,  
Дәлдеп тұрып тартып қалды ер Сыздық.

Тырнақ тіліп тас шыңғырып — «шак!» деді,  
Сол секундта тартылды садақ —«так!» деді.  
Тәлтіректеп, аузынан кесек қан атып,  
Жеңетырнағым «аһ» деді де, «қап!» деді.

«Сыздық сүм-ай, орарынды біліп ем,  
Ордың да сен тындың. Болды тілегің.  
Бір сұрауым: тағы да атар ер болсан,  
Бір оғыңмен азаптанып өлемін».

Сөз орнына Сыздық сақ-сақ күледі,  
Екі атса ғой Тырнаққа Құдай береді!  
Біраз тұрып, тәлтіректеп жеңетырнақ,  
Сүйретіліп қопаға қарай жөнеді.

Жол берді оған, қамыс тағы ашылды,  
Намысы жоқ қамыс тағы бас үрды.  
Біраз сыйбыр. Біраз жыбыр. Дыбыс жоқ.  
Көк айықты, жел де енді басылды.

Ешбір үн жоқ. Үнсіз өлік — бетпақ шөл,  
Жыбыр-жыбыр. Жанын берді, өлді жел.  
Тұншыққан құм. Мәңгі бұққан баялыш,  
Қатып қалған, селкілдемейд сексеуіл.

Айнала өлім, егі-шексіз шөл де шоул...  
Шөл мен өлім арасында бір-ақ жол.  
Ер Сыздықты тағы ойлар билсі,  
Иекте тұр жаңа садақ тартқан қол.

Әлдеқайда, Қырда, Сырда алаш бар...  
Мұнарлы тау, балдай бұлак, ағаш бар...  
Есіл елді, есіл жерді жат алды...  
Ойлы ұлына бұл кен дүние болды тар.

Ойлар басты, жүйрік жанға ой батты...  
Ұзамады, ағарып ақырын таң атты.

Ұры ойлар жанды жеді, қанатты,  
Тарам-тарам алма беттен жас ақты...

Күні кеше айбынды Абылай бабасы,  
Ақылы кен, алты алаштың ағасы,  
Шын хан еді-ау, қорғаны еді-ау қазақтың,  
Өлді Абылай, солды қазақ даласы.

Өз әкесі Кенесары кім еді?  
Заулаған өрт, ойнаған от, Күн еді.  
Алаш деп — у, қазағым деп қан жұтып,  
Қаза тапты, қазағым, күнің тұн еді!..

Сыздық мынау қайғы қуып, шөл безген,  
Кім біледі, көмер оны құм кезген.  
Бүйткенше ол, неге жүріп кетпейді  
Кене, Науан салып кеткен қанды ізбен?

Өлім ізделеп адам белін бусын да,  
Ерден туған ердің жолын қусын да.  
Жолбарыс ер жалғыз өлсін майданда,  
Жаспен емес, қанмен бетін жусын да!..

Осы ойлармен ерттеді атын мінгелі,  
Шөлден безіп, қанды жолға кіргелі,  
Алаш елі, сары сайран жері үшін,  
Жапанда емес, жау қолында өлгелі.

Осы ойлармен Сыздық атын ерттеген,  
Тап сол кезде ер жүргегі өрт екен...  
Заман озды, адам тозды, ерлер жоқ...  
Заман озды, ер заманы ерте екен...

Ертек, ертек, ерте, ертек — ерте екен,  
Ерте күнде ерлер екпінді өрт екен.  
Хандарынан, ерлерінен айрылған  
Алты алаштың жүрегінде дерт екен!

Ертек, ертек, ертек, ертек — ерте екен,  
Хан заманы, ер заманы ерте екен.

Ерте заман, алаш аман — айбынды ел...  
Ерте күнде ешкі жұні бөрте екен...

Ертек, ертек, ертек, ертек — ерте екен,  
Ерте күнде ешкі жұні бөрте екен.  
Күніреніп күрсін де, алаш, тыңдай бер,  
Ертегі айтад дерпті балаң Жәжекен.

Бітті ертегі. Аласұрад жас жүрек,  
Қарақ па өлде? Арақ па өлде? Не керек?  
Арағы да, қарағы да құрысын!  
Қиялтайым, айтшы тағы, тағы ертек!..

### ОҚЖЕТПЕСТІҢ ҚИЯСЫНДА

Арқада Бурабайға жер жетпейді,  
Басқа жер ойды ондай тербетпейді.  
Бурабайдың көлі мен Көкшетауды  
Көрмесен, көкіректен шер кетпейді.  
Қиясымен бұлт құшқан Оқжетпестей  
Басқа тау ойды аспанға өрлетпейді.  
Арқада Бурабайға жер жетпесе,  
Алашта Кенекеме ер жетпейді.  
Көкшеде күніренген Кенем қайда?!  
Дариға, жүргегімді дерт өртейді.

Көкшені күндіз-тұні мұнар басқан,  
Қап-қара бұлттармен құшақтасқан.  
Алдында бүйра жалды бөлек тау тұр,  
Көкшеге қосылмаққа қойнын ашқан.  
Мөп-мөлдір, дөп-дөңгелек көл ортада,  
Жел ойнап, ақ бетіне меруерт шашқан.  
Сол көлдің жағасында Оқжетпес бар,  
Жасаған мұнарадай құйып тастан.  
Найзадай Оқжестпестің қиясына  
Жалғыз-ақ Кенекем ғой қадам басқан.

Алашта талай-талай ерлер өткен,  
Ерлерде Кенекеме кім бар жеткен?

Сүйремей елін өрге, көрге сүйреп,  
Ер емес, «ершіктер» ол елді еңіреткен.  
Жалғыз-ақ Кенекем ғой қайрат қылған,  
Казакты құтқарам деп қалың өрттен...  
Бір кезде Кенекемді ойлар билеп,  
Бір өзі Бурабайды кезіп кеткен,  
Артында Оқжетпестің үңгір тау бар,  
Сол тауда бірнеше күн мекен еткен.

Бір тұні тым құтырып жел ойнайды,  
Жынды жел қатты сақ-сақ құле ойнайды.  
Бетінен жел кеп сүйіп алғаннан соң,  
Көбіктеніп құлегеш көл ойнайды.  
Сол тұні сонау үңгір тау ішінде  
Қабағын қарс жауып Кене ойлайды.  
Қамалған қазағына жол таппакқа,  
Жүрегін тілім-тілім тіле ойлайды.  
«Қазағым, ханың да мен, қараң да мен,  
Сен үшін жаным құрбан», — деп ойлайды.

Кенекем құлаштаған ой теңізін,  
Бұлдыртқан бұлдыр заман қыран көзін.  
Бір кезде серпіледі, шығарған соң  
Ойлардың «үһ» деген у лебізін.  
Келеді маң-маң басып Оқжетпеске,  
Құмдарға жолбарыстай тастап ізін.  
Көзін жұмып, қияға шықсам-ау деп,  
Ойлайды жоғарыға жөндеп жүзін.  
Сол минут Оқжетпестің қиясында,  
Жіберсе көзін ашып, көреді өзін.

Кенекем көзін ашып, таң боп қатты,  
Қаранғы, көз көрмейді ешбір затты...  
Нажағай маңайында жарқ-жүрк етіп,  
Қарағай, сыпсың біткен шулап жатты.  
Теменде, Оқжетпестің етегінде  
Толқындар тасты сабап, тулап жатты.  
Кішкене сескенгендей болғаннан соң,  
Кенекем аузына алды аруақты.

«Аруақ» деп алғанша аузын жиып,  
Көреді қарсы алдында әппақ қартты.

Қарт сонда қозғағандай болды басын,  
Қолыменен көтерді түкті қасын.  
Ойнаған ақ бұлттай денесі әппақ,  
Жасаған бұлт ішінде барлық жасын.  
Күніренген көлдердің көбігімен  
Жуғандай әппақ қылып сақал-шашын.  
Ізгі қарт «а» деп аузын қозғағанда,  
Төменде судың шуы болды басым.  
Қарт сонда қүніреніп: «Аманбысың,  
Кенежан, елдің ері жолбарысым!

Кенежан, берірек кел, сырттан балам,  
Ел үшін елсіз жерде жортқан балам.  
Сақтайтын қолдан, тілден сендей ерді  
Ата пір қасиетті мен қарт бабан.  
Өз қолыммен төменнен тартып алдым,  
Қияда күтіп сені сансыз заман.  
Ел үшін еңіреп туған жолбарысым,  
Білемін, жүргегінде бар бір жараң.  
Сені улаған қазактың қайғысы ғой,  
Дарига, қазағыңың күні қараң.

Алаштың алдын қара тұман жапқан,  
Мынау орыс обыр ол еміп жатқан.  
Заман азған шағында адам азбақ,  
Көп ерлер жаумен бірге елін шапқан.  
Кешегі Абылайдан азып туған  
Үәли анау қар қатынмен басы қатқан.  
Шормандай шолтаңдаған шолақ билер  
Орыстың шекпеніне елін сатқан.  
Кенежан, елің қалды жау қолында,  
Алып кет алашыңды осы жақтан.

Тайсалма, тәуекел қыл, батыр балам,  
Арсыға дұға асырап мен қарт бабан.  
Еңіреген ерге серік жолдас болар

Балауса жас жолбарыс — інің Науан.  
Жау қалың: азғантай ел, азғантай шақ,  
Болгай ед аруақ жар, Құдай панаң.  
Мерт болсаң мақсұтыңа жетпей егер,  
Сол сағат мен осы жерде тасқа айналам.  
Алашта тағы сендей ер тууын  
Тебеде тас боп шөгіп күтіп қалам».

Осы сөздерді айтып қарт ғайып болды,  
Таудың үсті тамаша нұрға толды.  
Тербеліп, күніреніп қара бұлттар,  
Жер мен көк қасиетті жырға толды.  
Бұлтты айдал, сылдыратып сумен ойнап,  
Ерке жел тасты құшып сақ-сақ күлді.  
Аллалап ну қарагай шулай-шулай,  
Төменде тулай-тулай толқын өлді.  
Тамашадан тас болып біраз тұрып,  
Көзін ашып, Кене өзін жерде көрді.

Сол кеткеннен Кенекем кете барды,  
Жанына жас жолбарыс Науанды алды.  
Алашты алып шығып ел қылмаққа,  
Орысқа аш бөрідей ойран салды.  
Үйсін, Дулат, қырғызбен қол ұстасып,  
Қытаймен қатынаспакқа ой ойланды.  
Біле алмай надандықпен ердің ойын,  
Сорлы қырғыз мерт қылды арыстанды.  
Арыстан Алатауда мерт болғанда,  
Оқжетпесте тұрган қарт тасқа айналды.

Содан бері бірталай заман өтті,  
Алашты улай-улай жаман өтті.  
Тұлпар — тулак, ер арып аруақ боп,  
Сарыарқа сайран жердің сөні кетті.  
Жолбарыстар жортатын сар далада  
Қорсылдаған доңыздар мекен етті.  
Жалғыз-ақ Оқжетпестің қиясында  
Шөккен қарт құншығыска түзеп бетті,  
Көп заман талмай-тозбай тау басында,  
Алаштан Кенекемдей бір ер күтті.

Ал тамақты қыралық,  
Бөрікті жерге ұралық,  
Кіпіселік кеңеске.  
Кеңес миңау ұнаса:  
Жер жүзінде тамаша  
Талай жер бар емес пе?

Оңтүстікте алыста,  
Үндістанға барыста  
Иран дейтін бір жер бар.  
Жер болғанда, ерке жер,  
Жердің құты — серке жер,  
Не керегің табылар.

Күні жерге үңілген,  
Жері гүлге көмілген,  
Бір гүл сайын бір бұлбұл.  
Асты бір гүл жайнаған,  
Үсті бұлбұл сайраған,  
Мейлің жыла, мейлің күл.

Бал бұлақты тауы бар,  
Бүйра-бүйра бауы бар,  
Бауы толған жеміске.  
Бір жемісі жақұттай,  
Бір жемісі ақықтай,  
Бір жемісі күміс пе?!

Бір жақ беті қандай боп,  
Бір жақ беті таңдай боп,  
Үйіліп жатқан алмасы.  
Бәрінен де бұл әжеп,  
Саясағынды бірге жеп  
Қоятындаі алуасы.

Қойтұяқтай — түймедей,  
Елі жейтін үймелей  
Әсіресе шапталы.  
Тагы елінде жібек көп,  
Талайының жібек дейд  
Еру киген қапталы.

Арқада Бурабайдай жер болмайды,  
Алашта Кенекемдей ер болмайды.  
Кене Арыстан мезгілсіз мерт болды ғой,  
Алашқа бұдан да зор шер болмайды.  
Ел азды, Арқа тозды, қайғы басты,  
Күніреніп біздей бейбақ жыр толғайды.  
Құдай-ау, мәңгілікке қарғамасан,  
Кенедей енді неге ер тумайды?!

Кене жоқ, ізін басар іні де жоқ,  
Дариға, жүргегімді дерт улайды.

### ЖҰСІП ХАН

Бар екен де, жоқ екен,  
Аш екен де, тоқ екен,  
Ертек, ертек, ертекте:  
Ала қарға — азаншы,  
Қара қарға — қазаншы,  
Шымшық терген щөпшекті.

Қарлығашы қалбаңдал,  
Жапалағы жалбаңдал,  
Көрсетіпті көмегін.  
Құс атаулы, әйтейір,  
Болыпты бәрі әбігер,  
Мен білем бе себебін?!

Сөз бұл емес, сөз кейін,  
Бұл сөздерім әншейін  
Кеуде кернеп дем алыс.  
Бұл — бұлаңы тұлқінің,  
Бұл — бастапқы бұлкілім,  
Болғаннан соң жол алыс.

Тагы да айтам: бұл жерде  
Жазбақ емен сендерге  
Құстардың не қылғанын.  
Бұл — әшейін қомданып,  
Даярланып домбыра алып,  
Тамағымды қырғаным.

Иран жері, не керек, —  
Жеміс, бұлбұл, гүл, жібек,  
Төрт түлегі сай бопты.  
Сай болғанмен, мәлім ғой,  
Елінің дені қу кедей,  
Бір уыс-ақ бай бопты.

Қашанда надан көп кедей,  
Бір уыс байға беттемей,  
Күл бол қызмет қылмай ма?  
Желіккен байлар құл айдал,  
Еріккен байлар хан сайлап,  
Әңгіме-дүкен құрмай ма?

Иранда сонау құт қонған,  
Байға ғана құт болған  
Бопты дейді Аббас хан —  
Жасын тақта жасаған,  
Күшігенге ұсаған,  
Күлкү бұзық қақпас хан.

Елін бақпай, тақ баққан,  
Бар жұмысы — тек жатқан  
Алтын сарай ішінде.  
Әйел жиган үйрлеп,  
«Әйел!» деген құбірлеп  
Әңінде де түсінде.

Шараптан ылғи шала мас,  
Тажындағы тізген тас  
Гауһар, күннің көзіндей...  
Арамтамақ Аббас хан,  
Өз құлқына тап басқан,  
Уәзір жиган өзіндей.

Сүм-сүркия уәзірлер  
Хан керегін өзірлер  
Шауып, шаншып, ел талап.  
Бұқара қасқа бүгжендер,

Табанда ылғи тепкі жер,  
Құл боп құрдай жорғалап.

Күндер өткен осылай,  
Тістесіп құйрық ай мен ай,  
Жылдың ізін жыл басып,  
Күндерде бір күн хан Аббас,  
Шарап ішіп шала мас,  
Өзімен өзі сырласып

Отыр екен сарайда,  
Тірі жан жоқ маңайда.  
Кіріп кепті бас уәзір.  
Қос шиқандай томпақ ұрт,  
Дорба сақал, құйрық мұрт,  
Депті уәзір: «Иә, тақсыр!

Ұзақ болсын жасыңыз,  
Сізге құрбан басымыз.  
Келгенімнің мәні бұл:  
Бас балшысы түскірі  
Балына не түскенін  
Сізге айтқалы келіп тұр».

«Кірсін!» — депті сонда хан,  
Сонда оқтай зырлаған  
Балшы үшіп кіріпті.  
Кіріп құрдай жорғалап,  
Құлдық ұрып үш қабат,  
Тұрып сөйлей беріпті.

Сырласқаны көк аспан,  
Жұлдыз қарап, бал ашқан  
Тәуіп екені тағы бар.  
Депті: «Алдияр ханымыз!  
Сізге құрбан жанымыз!  
Келдім алып сүм хабар.

Жұлдыз маған не деді?  
Жұлдыз жақсы демеді,  
Қатер айтты ханыма.

Қатері сол, қысқа сөз:  
Ханға қаза қатасыз  
Оныншы күн таңында».

«Не? Не?» — деді, хан құп-қу,  
«Не? Не?» — деді, қысты ашу,  
    Қалшылдады, қақалды.  
Іқылыш атты, қиын деді,  
«И-и-и-и-еет!» — деді,  
    Сапсандасты сақалды.

«А, құтырған бадырақ құл!  
Бұл былшылың қай былшыл?  
    Кет! Көрінбе! Шық! Жоғал!  
Мен тілінді қырқайын!  
Тұқымынды құртайын!  
    Жендет! Жендет! Басын ал!».

Желден ұшқыр жын ба еді —  
Жетіп келіп жендеті,  
    Жалаңдатып қылышын,  
Апыл-ғұптыл, әп-сәтте  
Тап береді шаппаққа.  
    Құрысын балы! Құрысын!

Балшыда үрей қала ма,  
Көзі сыймай шараға,  
    Кемсең қағып, жандәрмен:  
«Ханым! Ханым! Сұлтаным!  
Бір қасықтай қи қаным!  
    Аллаға аян, сөзім шын.

Балға тұскен күн толар,  
Жұлдыз сөзі сөз болар,  
    Не пайда өліп мен төбет?..  
Бірак, ханым, ойлаймын,  
Ақылдассақ, айламен  
    Жұлдызды алдап үрмас па ек?»

Хан бетіне қан жүрді,  
Қисын қалай өмірді,

Арағы бар, қарагы!  
Көзі сөүле шалғандай,  
Деру жұлып алғандай  
Жендетіне қарады.

«Тоқтай тұр» деп ым қақты,  
Жаны біраз жай тапты.  
Алдамаққа жұлдызды,  
Машайығын, молдасын,  
Уәзір, қазы, қолбасын,  
Бірін қоймай жиғызды.

Жаранына жиылған  
Аббас былай бұйырған:  
«Тез ақылға салындар!  
Жұлдызды алдау жөні не?  
Сейтіп, тірі, өлі ме, —  
Қалап, затымды алындар!»

Бәрі жерге үнілді,  
Бәрі ойға көмілді,  
Сақалдары салбырап.  
Машайығы сүмиіп,  
Молдалары мөлиіп,  
Бере алмады бір жауап.

Хан бетінен қан қашты.  
Жұрт та жым-жырт. Хан састы.  
Алақ-жұлақ екі көз.  
Сонда, анау балшыдан  
Құлдық ұрып, бас ұрган  
«Ханым!» деген шықты сөз.

«Ханым! — деді, — Алдияр!  
Қайғырманыз, үміт бар,  
Ойдан айла табылар.  
Арыстаным, тірегім,  
Қасық қаным тілегім,  
Мен дәметпен дүние-мал».

Үміті құрғып жылт етіп:  
«Сөйле! — деді хан зекіп, —  
Сөйле! Күнәң кешілер!»  
Балшы сонда тоқтап аз:  
«О, сұлтаным, шахыбаз,  
Жұмбак былай шешілер:

Онынши күн таңында  
Иран елі ханына  
Қаза жетпек қатасыз.  
Айла мынау сізге, хан,  
Тап қазіргі сағаттан  
Тақты тастап кетесіз.

Сіз кетіңіз, падиша,  
Он күн біреу уақытша  
Хандық құрсын тағында.  
Жұлдыз сөзі дөп келер:  
Тақта отырған хан өлер  
Онынши күн таңында».

Хан қуанып қопандап,  
Қоразданып қоқандап,  
Жалт қарады уәзірге:  
«Қанатым сен, құйрығым,  
Жұрт билеуге жүйрігім,  
Сен хандық құр әзірге.

Айта қалса, хан қайтпас!  
Қарсы келсөн, мынау бас  
Осы жерде кесілер!»  
Уәзір сонда сабазың,  
Құлық-сұмдық сабағын  
Судай ішкен есіл ер,

Жүзіне қуан өң кіріп,  
Көзді тоқсан төңкеріп,  
Қолды жайып жіберіп,  
Бейне маймыл маймандап,

Біресе бейне жайнаңдап,  
Біресе бейне тұнеріп:

«Сұбхан Алла! Сұлтаным,  
Сізге құрбан жан-тәнім.  
Күнім туды оңынан!  
Бірақ... Алла, ханым-ай,  
Мендей сордың ойы сай,  
Келмес хандық қолынан!

Сондықтан таққа қария,  
Оқымысты-дария  
Қазы лайық болар-ау!..»  
Енді қазың қақалды,  
Салалады сақалды,  
Желпілдетіп қос танау:

«Астапыралда... өзірмін.  
Сөзінде бірақ уәзірдің  
Бір қата бар болмашы:  
Аюға ақыл қонар ма?  
Келтексіз тентек оңар ма?  
Лайық болар қолбасы!»

Екі беті шиқаңдай,  
Дәл қораздай қойқаңдай,  
Басып, жаншып, қиратып  
Ілгері шығып ентігіп,  
Қызырып, ісіп, бір тынып,  
Едірей мұртын ширатып,

Барқылдады қолбасы.  
Не керек, сөздің қысқасы,  
Басқаға о да сілтеді.  
Ақырда хандық кеңесі  
Жүзі қара немесі —  
Жендетке барып жетеді.

Болғанмен қанша шала есті,  
Оған да дереу ой түсті:  
Хан болсын қалай жан қыып!

Өзі кетті ырбиып,  
Ерні кетті дүрдііп,  
Қолы қалды тырбиып:

«Е! Құрмалдық мен бе екем?  
Он күн деген күн бе екен?  
Адыра қалсын бұл хандық!..»  
Сөз тоқталды. Жұрт жым-жырт.  
«А, Құдайым! Құтқар!» — деп,  
Айтысты іштен құрмалдық.

Сонда балшы сөйлемді,  
Сөйлегенде бүй деді:  
«Бұған да амал табылар.  
Ұнатсаныз, халайық,  
Бұл он күнге лайық  
Жүсіп деген бір сүм бар.

Базарда ылғи ер істер,  
Өзі шебер мініскер,  
Нағыз найсан, шаян тіл.  
Осы отырған бәрінді,  
Жазаласа ханымды,  
Ұры-қары дейтін ол!

«Хан, ханшасы, қолбасы,  
Уәзір, қазы, молдасы, —  
Өңшең ұры обырлар.  
Бұқара елді еңіреткен,  
Кедей қылып күніренткен  
Солар», — дейтін ол мұндар!

Мен ойлаймын, падишам,  
Тап сол Жүсіп уақытша  
Хандық құрсын тағында.  
Жұлдыз сөзі іске асар:  
Жүсіп жанмен қоштасар  
Онынши күн таңында».

Жұрттың аузы шешілді:  
«Мұндан итті, кесірді

Жермен-жексен қылмас па?!

Дұрыс, дұрыс! Сол сүмнан

Өз қанына сусаған,

Таққа лайық кім басқа?» —

Десті осылай, сөз тынды.

Біз де ақырын сөзді енді

Жөнелтелік Жұсіпке.

Жүкен қайда шаян тіл?

Кайда болушы ед? Базарда ол

Қақталып, қасқа, ыстыққа.

Шаңқай тұс. Шым-шым шағыл күн.

Базар ызың, ың да жың.

Жабыр-дабыр сансыз жұрт.

Саудагер сүм жаны — мал,

Шиқан бетті, жұн сақал,

Сатқан, алған шартпа-шұрт.

Сөлде, шапан шүп-шүбар,

Ардандаған арбалар.

Есек, молда мәніреген.

Дәруіш, балшы, ойыншы,

Ақсақ-тоқсақ, қайыршы,

Жетім бала еңіреген.

Қап-қара бет, сүр дене,

Доп-домалақ бірдене.

Бұл — әйелі Иранның.

Сол базарда бар Жұсіп,

Отырды Жұсіп шай ішіп

Жолдасы біраз адаммен.

Отыр екен деп Жұсіп:

«Біз көреміз, не керек,

Хан, қазы, әкім, байлардан.

Кедейге күн жоқ таң атар,

Кедей сорлы жұбанар

Осы деп бізге жазған зан.

Ойласаңшы, о жазған,  
Сол занды өзі кім жазған?  
Хан емес пе қазымен?..» —  
Дей бергенде осылай,  
Әскер қөрінді анадай,  
Сырнай-керней сазымен.

Су ете түсті жүрегі,  
Сұп-сұр болды реңі:  
Кімге жаққан тура айтқан.  
«Болмаса игі ед бір сұмдық!» —  
Деп күбірлеп, жым болып,  
Жұсіп көзін қаша атқан.

Қарай қалды қол жаққа,  
Қол келеді бұл жаққа.  
Дүріл-күріл, ызы-шу  
Самсаған қол. Сары дала.  
Қызыл-жасыл, ақала.  
Арғымақ, Сырнай. Дабыл. Ту.

Сөлде. Сақал. Дұлыға.  
Құлдар қолдың жолына  
Кілем тәсеп қайқаңдалап,  
Уәзір, қари, молдасы,  
Қоразданған қолбасы  
Қол алдында қойқаңдалап.

Базар халқы қым-қиқу,  
Енді жым-жырт... жығылу.  
Бәрінің тілі байланып...  
Жұртпен бірге Жұсіп те  
Демін алмай, мысықтай  
Болып, басы айналып,

Көзін жұмып, енді ашса,  
Бұл не деген тамаша!  
Уәзір оған бүйдеп тұр:  
«О, сұңқарым, сұлтаным,

Саған құрбан жан-тәнім,  
Тұр тезірек, таққа жүр!

Ханға құр су ұнай ма!  
Саған даяр сарайда  
Шербет, шарап, не тамақ...»  
Сонда Жұсіп: «Тақсыр-ай,  
Бізге арам ғой ол сарай,  
Қылмаңызың ақымақ!»

Сұмандағы уәзір сүм:  
«Тәнірі қуә, сөзім шын,  
Иран ханы енді сіз.  
Аббас тақтан түсті өзі,  
Сен хандық құр, іш те же.  
Біз-ақ елді билерміз!»

Тұсі ме, бұл өні ме?  
Күдік кіріп көңіліне,  
Жүкең ұртын шымшиды.  
Жоқ, оп-ояу, үйқы жоқ,  
Зырлап кетті ойы — оқ...  
Қонды атқа, құнтиды.

«Олай болса, дұрыс, жүр!  
Мен енді — хан, сендер — құл.  
Шу! Сарайға тартындар!»  
Кетті. Ызғытты арғымак,  
Жетті. Жауһар асты так.  
Ершің енді — алдияр!

Үлде-бұлде киінді,  
Сімірді, жеді, тоғынды.  
Үйренді тақтың тәртібін.  
Көні кепкен сұр кедей,  
Біраз күн сөйтіп ләм демей,  
Басқаннан соң қарқынын,

Бастады Жүкең бір істі:  
Ел билеуге кірісті  
Жақтап жарлы, жалшыны.

Сыпыргандај тезекті  
Өңшең залым-кезептен  
Еңбекші елді аршыды.

Жарлықты Жүкең жаудырды,  
Уәзірді жер аудырды.  
Қазының басын алдырды.  
Машайығын, молдасын,  
Қойқаңдаған қолбасын  
Абақтыға салдырды.

Мұнапық талай мұндардың,  
Елді сорған сұмдардың  
Қырықтырды басын түймедей.  
Байларды айдал жиғызды,  
Тұмылдырық кигізді.  
«Уh!» деді көп кедей.

Осылай өтті біраз күн,  
Бай мен бекті соқты жын.  
Алдында бар не сұмдық!  
Оны Жүкең не қылсын?  
Оның ойы: ел көрсін  
Бір күн де болса әділдік.

Не керек, солай хан Жұсіп  
Залымның қанын жосылтып,  
Сорлының сорын ашқандай.  
Мырза, молда, бай бәсен,  
Бәрі жуас, бәрі әсем,  
Аяқты байқап басқандай.

Кезептерді қылды жым,  
Бұқара байтақ халықтың  
Болды Жұсіп қалқаны.  
Қуанған байтақ балаша:  
«Мың жаса, Жұсіп, мың жаса!» —  
Деп шуылдан алқады.

Күн артынан күн өтті,  
Тірі қалған тәбеттер

Есін жия бастады.  
Тоғызынышы күн тұнінде  
Кірісті олар күбірге:  
«Мынау Жұсіп шошқаны

Қойғанымыз ба осылай,  
Қорлық көріп осындаі?  
Қара табан, тексіз ит  
Не бекзатты боздатты,  
Байды, бекті, боздақты  
Байлап қойды жіпсіз, ит.

Күшікті басқа секіртті,  
Кедей итті кекітті,  
Құтырған мынау мұндар құл.  
Шейіт кетті-ау не серке...  
Бізге де кезек күні ертең  
Келмесіне кім кепіл?..

Шіркін, Аббас ат еді-ау!  
Заттың ісі жат еді-ау:  
Жұмысы жоқ бір істе,  
Жатушы еді сарайда,  
Арақ, қарақ, маңайда...  
Не тілесен, соны істе...

Қой! Қорлықты көрерміз,  
Бауыздалып өлеміз.  
Жер бастырмас Жұсіп сұм.  
Тап ертеңгі түн бар ма? —  
Құтырған ол мұндарға  
Жалғыз қанжар жалынсын!..»

Кеңес тынды, таң атты,  
Күн де батты, ел жатты.  
Жұсіп жалғыз тағында  
Отыр еді қатерсіз,  
Балға түскен қатесіз  
Оныншы күн таңында.

Көп төбеттен бір төбет  
Кіріп, басып біртелең,  
    Қадап қалды қанжарды.  
Жұсіп ұнсіз сылқ етті,  
Хан кілемі бұлк етті,  
    Ханды жұтты, олжа алды.

Болды бектер кеңесі,  
Жұсіп сордың денесі  
    Кескіленді, көмілді.  
Абыр-сабыр басылды,  
Жұртқа жарлық шашылды:  
    «Қаза жетті, хан өлді».

Жұрт жыласты, жиылды,  
Бектер бұлай күйінді:  
    «Алда, дүние-ай! Күн қаран!  
Біз қалдық-ау сорменен!  
Барса, келмес жолменен  
    Кетті-ау сұңқар Жұсіп хан!

Татып ажал шербетін,  
Өлді Жұсіп. Ел — жетім!  
    Байтаққа кім болар бас?  
Жәрдем берсін бір Құдай...  
Уа, жамағат! Алақай!  
    Аббас келді! Хан Аббас!»

Сол арада бұрыштан  
Құжырайған, құрысқан  
    Хан Аббасың бүкендең  
Шыға келді, о, қасқа!  
Жұрген екен тау-таста,  
    Кашып-зытып Жүкеннен.

Мырза, шора шуласты,  
Көтерісп Аббасты,  
    Тағына алып барады.  
Жұрт тұнеріп тұрды да,

«Қап!» — деп санын ұрды да,  
Үн-түні жоқ тарады.

Аббас таққа шоңқиды,  
Қол тоқпағы қонқиды:  
«Шүкір, шүкір, Алла! — деп. —  
Енді тілден тыймайын,  
Қалағанын сыйлайын,  
Балшым қайда, бар ма?» — деп...

Сөйтіп, Иран тағына  
Өңшең сүмның бағына,  
Тағы отырды Аббас хан —  
Жасын тақта жасаған,  
Күшігенте ұсаған,  
Құлқы бұзық қақпас хан.

Ел бақпады, тақ бақты,  
Бар жұмысы — тек жатты  
Алтын сарай ішінде.  
Әйел жиғды үйірлеп,  
«Әйел!» деді күбірлеп  
Өнінде де түсінде.

Шараптан ылғи шала мас.  
Тажындағы тізген тас  
Гауһар Күннің көзіндей.  
Арамтамақ Аббас хан  
Өз құлқына тап басқан  
Уәзір жиғды өзіндей.

Сүм-сүркия уәзірлер  
Хан керегін өзірлеп,  
Шапты, шанышты, ел талап.  
Бұқара сорлы бүгжендеп,  
Табанда ылғи тепкі жеп,  
Жүрді жасы сорғалап.

## ҚАНЫШ БАЙ ҚИССАСЫ<sup>1</sup>

Ұнар, ұнамасын қайдам,  
Қисса айтайын Қаныш байдан —  
Дорба сақал, тырбық тапал,  
Талайыңа таныс байдан.

Қаныш байың қойлы бопты,  
Қойлы бопты — ойлы бопты.  
Оның ойы оймақ ауыз  
Бір тоқал ғой, тойлы бопты.

Тойлы бопты, тоқал апты,  
Қаныш байың қарқылдапты.  
Ұл табуға міндетті екен,  
Тоқал қасқа қысыр қапты.

Қысыр қапты тоқал қасқа,  
Байдың енді пейілі басқа.  
Басқа пейіл — басқа сойыл,  
Тие берген таяқ басқа.

Таяқ басқа тие берген,  
Таяқ тоқтар кезі келген.  
Әрі бата, әрі қата  
Тиіп, бір күн тоқал өлген.

Тоқал өлген тулығынан,  
Қаныш тағы аласұрған.  
Тәнірі сонда: «Тоба!» — депті,  
Қаныш байдың құлығынан.

Тәнірі сонда күйіп тіпті:  
«Көрмедім, — деп, — мұндан итті.  
Тосқыны жок, тасқыным жок,  
Қой, Қанышым, болмас!» — депті.

---

<sup>1</sup> Сыр қазағы өмірінде қорлық көріп өлген адам, көбінесе өйел, өлген соң, қорлық көрсеткен адамды қарақұрт болып келіп шағады деседі (М.Жұмабаев ескертпесі).

Тишу бір тұн. Майдың айы.  
Бұлт бүркенген көгінде айы.  
Жел тұншығып, жер тұншығып,  
Сұп-сұлық боп сұлы сайы;

Су өліктей сұп-сұлық боп,  
Жүргегі жай соғып лұп-лұп,  
Жағада іштен «жасын» оқып  
Шәкірттерше шөбі мұлгіп;

Шөбі мұлгіп, қалғып қамыс,  
Жансыз бұлтқа қайда жарыс,  
Дүние тып-тын. Тишу бір тұн.  
Осынау тұнде қайда Қаныш?

Қайда Қаныш? Қаныш үйде.  
Қаныш бірақ күйсіз күйде.  
Тынши алмай, дөңбекшіпті,  
Төсек-орын үйқы-түйқы.

Ұйқы көрмей, күрсілдепті.  
«Тұні құрсын! Құрсын!» — депті.  
Жұдырығы бәйбішеге  
Әлсін-әлсін дүрсілдепті.

Дүрсілдепті кесек-кесек.  
Кесек болмай: Қатын есек?!  
Алайда ырсыл басылмапты,  
Салғызыпты тысқа төсек.

Салғызыпты, жатып қапты.  
Бір тұтам таң атып қапты.  
Таңмен бірге жел оянып,  
Әуе біраз салқындалты.

Салқындалты Қаныш бай да,  
Бір балбырау тарап ойға.  
Көрпеге енді көміле түсіп,  
Қаныш байың кіреді ойға.

Ойға кіред, ұйқы аралас...  
Құшағында тоқал дейд жас...  
Тоқал үзіліп барад дейді,  
Кірпігінде мөлтілдеп жас.

Кірпігінде жасы мөлт-мөлт...  
... Ұйқы женді, ойы құңгірт.  
Құңгірт ойы — көмескі тұс...  
... Келеді ақырын бір қарақұрт.

Қарақұртқа қарап отыр...  
Әр қадамын санап отыр...  
Құртты бұрын бір көргендей...  
Көзін көзге қадап отыр...

Қадап отыр... құрт та жетед...  
Қаныш таң боп, есі кетед.  
Кәдімгі бір қарақұрттың  
Көзінде жас мөлт-мөлт етед!

Көзі мөлт-мөлт. Келді? Жатты!  
Өлген тоқал! Құдай атты!  
Қаныш сасад. Қашпақ болад...  
Аяқ-қолы тас боп қапты...

\* \* \*

Тас боп қапты. Қайда қашад?  
Құрт ақырын төске басад.  
Басады да, дәл жүрекке  
Көзіндегі жасын шашад.

Дәл жүрекке жасын шашад.  
Жасын шашад, көзін басад.  
Жылжып түсед... жоқ болады,  
Қаныш: «Үң!» — деп, көзін ашад.

Көзін ашад. Қеудесі ісік.  
Қүйіп барад денесі ысып.  
Қалшылдапты Қаныш байын,  
Құп-ку болып, құты ұшып.

Құп-құ бопты Қаныш байын.  
Қозғапты енді бір Құдайын.  
«Қаныш қатаң» дегеннен сон,  
Жиылыпты бар ағайын.

Жиылыпты ауыл-аймақ.  
Қаныш сонда: «Мен бір мойнақ  
Болдым. Мұндай қүйге түстім,  
Тоқал алып аузы оймақ.

Білесіндер: өлді... — депті, —  
Қарақұрт боп келді, — депті. —  
Жүргіме жасын жақты,  
Өлуім хақ енді, — депті. —

Жұртым, тоқал алма! — депті, —  
Әсіре сөз шалма!» — депті.  
Сөйдепті де Қаныш байын,  
Ықылық атып: «Алла!» — депті.

### ӨTİPIK EРTEK<sup>1</sup>

Бір дегенім білеу ғой,  
Екі десем — егеу ғой,  
Үш дегенім үскі ғой,  
Төрт дегенім төсек қой,  
Бес дегенім бесік қой,  
Алтыны асық десіп қой.

Жетім желке емес пе,  
Сегізім серке емес пе,  
Тогызым торқа болмай ма?  
Он дегенім оймақ қой,  
Он бір қара жұмбақ қой.  
Жұмбағым, балалар, ұнай ма?

Иә, жұмбақты тасталық,  
Басқа кеңес басталық.

---

<sup>1</sup> Бұл ертек сұлу суретші Арлаудың «Мысық, тышқан» деген он төрт суреті бойынша жазылған (М.Жұмабаевтың ескертпесі).

Үй артында дөңеске  
Алқа-қотан отырып,  
Шуды қойып, жым болып,  
Кіріселік кеңеске.

Ерте, ерте, ерте екен,  
Ешкі жұні бөрте екен.  
Сөз бастайын ертеден.  
Сөйтіп кеңес қозғайын,  
Бірақ сөзді созбайын,  
Қайырайын келтеден.

Арқаның оң бетінде,  
Құба қырдың шетінде  
Талай бетпак дала бар.  
Сол шөлдерден көп ары,  
Таулы жерде жоғары,  
Шираз дейтін қала бар.

Бұл Ширазым — сол Шираз,  
Тамашасы мол Шираз:  
Көгіне алтын себілген.  
Көміп сөүле селіне,  
Күні күліп жеріне,  
Жерге жауһар төгілген.

Бұл Ширазым — сол Шираз,  
Гүл, бұлбұлға мол Шираз,  
Гүлі қызыл лағылдай.  
Гүлге қонған бұлбұлы,  
Бұлбұлының бал үні  
Жазғы сұлу сағымдай.

Осынау Шираз еркеде,  
Ертегідей ертеде  
Болған талай ақындар.  
Үні бұлбұл үніндей,  
Сөзі Шираз гүліндей,  
Қайда олардай ақын бар?

Жырлап кетсе жоргадай,  
Сөз төгілсе сорғалай,  
Төтілгені — шекер, бал.  
Жырына адам мас болар,  
Көзіне ыстық жас толар,  
Бойың балқып, шымырлар.

Бұл Ширазым — сол Шираз,  
Тамашасы мол Шираз,  
Баулары бар бүйра бұлт.  
Бұл бір бауда тізілген,  
Адам үзбей үзілген  
Қандай-қандай жеміс жок!..

Шираз қала — дәу қала,  
Айналасы бау қала,  
Бауы жеміс сыңсыған.  
Үзімі еріп білінбей,  
Тәтті дәмі тілінді  
Шымырлатып шымшыған.

Өзім көрдім көзіммен,  
Шираз елі үзімді  
Бауырсақтай асайды.  
Асауды місе қылмайды,  
Кеп құрмай олар тұрмайды,  
Үзімнен арақ жасайды.

Шираз елі — молда елі,  
Молдалары сәлделі  
Арақты шарап деседі.  
Таңырқай мұртты көп тақсыр,  
«Шарап — шипа», — деп тақсыр,  
Кеу-кеулемсіп іshedі.

Сонымен, Шираз елінде,  
Екі-үш күннің бірінде  
Құмыршаға құюлы  
Шарап тұрада быжылдап,

Құмыршасы тым сәнді-ақ,  
Әшекейлі, оюлы.

Сөз — бұл емес, сөз кейін,  
Тақсырларға тимейін,  
Кезек келер бір құні.  
Тыңдаушы неге демесін,  
Мысық, тышқан кеңесін  
Айтпақшымын бұл жолы.

Күндерде бір құн бір тышқан,  
Сықси көзді сүр тышқан  
Кіріп келді бір үйге.  
Үй болғанда, онаша,  
Тізілген қаздай құмырша,  
Таң болды тышқан бұл күйге.

Мойнын тығып мықшиып,  
Жылти көзі сықсиып,  
Жалт-жұлт етті, қаранды.  
Қаранды да таранды,  
Тамсанды да жаланды,  
Тыя алмады аранды.

Сілекейі сорғалап,  
Шықты жылжып жорғалап,  
Болар-болмас жалады.  
Тағы татып қарады,  
Тәтті у бойға тарады,  
Бойы балқып барады.

Татқан сайын тәтті су,  
Тәтті суы — тәтті у,  
Жылти көзі жайнады.  
Күш қосылды күшіне,  
Мысық тұсті есіне,  
Тышқан тілді шайнады.

Қолды сермеп жіберді,  
Үйдің іші түнерді,

Күнгірт тартты көз алды.  
Ықылыш атты, «ық» деді,  
«Тоқта, тоқта, тоқ!» — деді,  
Өзінен өзі сөз алды:

«Ай, дүние жалған-ай,  
Іште кетті-ау арман-ай,  
Не көрмәдік мысықтан?!  
Қанымызды ішті ғой,  
Баста қайғы күшті ғой,  
Өтті-ау өмір құсып қан!..

Аңдып тұрып тап беред,  
Тап бергенде шап беред,  
Талайға ол сүм салды ауыз.  
Не қылмады қанды ауыз?!  
Не қылмады жалмауыз?!  
Не қылмады ол жауыз?!

Әттен, дүние-ай, не керек,  
Көп жаманға кез болып,  
Десіп жүр ғой ол жаман!..  
Бір көрінсе көзіме,  
Көрсетер ем өзіне,  
Қалмас еді ол да аман!

Мынау батыр жүрекпен,  
Мынау балуан білекпен  
Алып ұрып, байлар ем!  
Танытар ем әкесін!  
Шағар едім шекесін!  
Қос құлағын шайнар ем!»

Тышқан солай көпірді,  
Көпірді де кекірді,  
Ықылыш атты, «ық» деді.  
Тап сол жерде мысық сүм  
Тыңдал тұрган болып жым:  
«Тоқта, тоқта, тоқ!» — деді.

«Ток!» — деді де, тап берді,  
Тап бергенде, шап берді,  
Тап сауырдан салды ауыз.  
Сауыр ауызға ілікпей,  
Құйрығынан сүліктей  
Тістеп қатып қалды ауыз.

«Танимысың әкеңді?  
Шағатұғын шекемді  
Сен екенсің, көреін!..  
Жаман мұндар, есіріп,  
Мұнша сөйлеп кесірді...  
Сазайынды берейін!»

«Алди, алди, алдияр!  
Бір-ак ауыз сөзім бар,  
Тыңдаپ, басым кесіңіз.  
Айтқызады ғой жастық ит,  
Жастық емес, мастық ит,  
Қасық қаным кешіңіз!

Айық болсам, сізге мен  
Тіл тигізіп, жынды емен...  
Патшасына әлемнің.  
Маған анау су қылды,  
Су емес-ау, у қылды,  
Түк жазықсыз өлем мен...»

Сөйдеп тышқан зарлап тұр,  
Көзінен жасы парлап тұр,  
Жерге мөлт-мөлт тамады.  
Шиқылдады шашалып,  
Қиқылдады қақалып,  
Бүйірі бұлкіл қағады.

Бұлтыңдады, бұлқынды,  
Жан ұшырды, жүлқынды,  
Күлді мысық мұртынан.  
Уш босатты, бас салды,

Бес босатты, бас салды.  
Сілекей шұбырды ұртынан.

Тікен мұрты тікіді,  
Шегір көзі шікіді,  
Бір «ап» деді, жеп қойды.  
Сілекей шұбырды ұртынан,  
Бір мырс етті мұртынан,  
«Құтырған құл!..» — деп қойды.

Сөйтіп, мысық қылғыды,  
Қылғыды да қалғыды,  
Пысылдады, кекірді.  
Қалғып кетті қорылдап,  
Баспалатты мырылдап  
«Шүкір, шүкір, шүкір-ді».

Солай үйиқтап тұн өтті,  
Тұн де өтті, күн де өтті,  
Тышқан бойға тарады.  
Тамақ керек тағы да,  
Не кез келер бағына?..  
Мысық жалт-жұлт қарады.

Мұртты тілмен жалап қап,  
Алақтады, жалақтап,  
Татарға түк көрінбей.  
Сілекейін жұтыпты,  
Тышқан заты жытыпты,  
Ешбір тықыр білінбей.

Жердің бетін тұн басты,  
Мысық оймен мұндасты...  
Күлді, ойланды күбірлеп:  
«Қой, бұл істі тастайын,  
Мен бір істі бастайын,  
Тек таң атсын сібірлеп».

Сібірледі күміс таң,  
Жетті мысық жалма-жан,

Тартты тура мешітке.  
Кірді жымып үндең, мінбеке,  
Мінді ақырын мінбеке,  
Кірісті бір кәсіпке.

Мырылдады азандай,  
Сөлде салды қазандай,  
Тасбиқ алды қолына.  
Тап сопыдай сүмиді,  
Тап молдадай мұлиді,  
Кірді тәубе жолына.

Кіргені оның қалайша?  
Кіргені оның былайша:  
Қазан сөлде қаңқиды.  
Таңырай мұрты таңқиды,  
Кос құлағы салпида,  
Бір момын боп маңқиды.

Бір күрсінді, бүйдейді:  
«Күй, күй, жаным, күй! — дейді, —  
Асты бастан күнәйім.  
Қалай сабыр қылайын?!  
Мейірімі мол Құдайым,  
Бір өзіңе жылайын!..

Не қылғаным, Жасаған,  
Талай тышқанды асағам,  
Сенен қалай жасырам?!  
Мейірімінді түсір деп,  
Күнәйімді кешір деп,  
Дәрғаһына бас ұрам.

Мейірімі мол Тәңірі Ие,  
Мынау мешіт үйінде  
Ант ішемін атыңмен:  
Тіпті арамдық етпен деп,  
Тұмсығына шертпен деп  
Енді тышқан затының!

Сүттей аппақ ниетпен  
Бір өзіңе ант берем:  
Енді өмірімде ет жемен!  
Ұшыраса аш тышқан,  
Тәжірибесіз жас тышқан,  
Етімнен кесіп ет берем».

Осылайша сүм мысық  
Көзді қойып бір қысып,  
Күнірентті үйді сөзімен.  
Бар көnlі бағанда,  
Қарап қояд бағанға  
Құйрығымен көзінің.

Қарамайды-ау бағанға,  
Қарап отыр тағамға,  
Тағамымыз — бір тышқан:  
Құжырайып, құнтиып,  
Тыңдал отыр жылтиып  
Сүлік құйрық сүр тышқан.

Көріп мысық сәлдесін,  
Естіп антын-тәубесін,  
Ұйып мысық — молдаға,  
Қос құлағы ербиіп,  
Қос танауы деддиіп,  
Тартты тышқан ордага.

Келді де айтты: «Осылай,  
Осылай да осылай.  
«Тәнірі, құнәм!» ауыр деп  
Мысық зарлап жас текті,  
Бізге тимеске ант етті, —  
Тышқан маған бауыр деп».

Орда тышқан үрпиді,  
Бәрінің көзі жыртиды,  
Ә дегенде таң болды.  
Ұзамады, мәз-мәйрам,

Бастады у-шу той, мейрам,  
Үйдің іші даң болды.

Отагасы, балақай —  
Бәрі де айғай, алақай,  
Бәрі ордаға ағылды.  
Шәрбат, шарап, бал, сыра,  
Сырнай, керней, домбыра,  
Дабыл даң-дүң қағылды.

Гүжілдеді қобызы,  
Безілдеді сыйызғы,  
Бұрқылдады қорқоры.  
Үзім, алма алқызыл,  
Өрік, анар қан қызыл,  
Шаптал, інжір, алқоры.

Соныменен, сөз қысқа,  
Опыр-опыр топ тышқан  
Ию-қию тойда отыр.  
Жалғыз-ақ бір қария,  
Өзінше ойы дария,  
Тойда отырып ойда отыр.

Қария айтты: «Әлеумет,  
Құтты болсын қаниет!»  
(Күңгірт көзін көтерді).  
«Сонықі сүмдышқ болмасын!..  
Сол сүм алдап ұрмасын!..  
Малданбалық бекерді».

Арак ішкен өңшең мас,  
Есі шала өңшең жас,  
Дүрсе қоя берісті:  
«Көр көрінед көзіңе,  
Өз ақылың — өзіңе!  
Сен бүйдеме иғі істі.

Кепі тартпа кәрісің,  
Етек басу — бар ісің,

Қой сөзінді, оттамай!  
Құй шарапты көпіртіп!  
Бас сырнайды, лепіртіп!  
Тарт, күрілдет, тоқтама!»

Ойшыл қария жүдеді,  
Шиқыл-қиқыл үдеді,  
Ию-қиу бар халық.  
«Мысық құнәсі ауыр ғой,  
Бүгін бізге бауыр ғой,  
Оған тарту тарталық!» —

Деді еліріп бір тышқан,  
Сұлік құйрық сүр тышқан.  
Қабылдды қалың жұрт.  
«Пәлі!» — десті, елірді,  
Сағым ішіп семірді  
Сыры ежелден мәлім жұрт.

Соныменен сөз бітіп,  
Сөз біткенде, тез бітіп,  
Кеңес тынды, тарады.  
Енді елшілер кешікпей,  
Тартты тұра мешітке  
Алып тарту-таралғы.

Кірді елшілер мешітке,  
Сұмдық болар десіп пе?!

Ентелесті молдаға.  
Көзді жұмып сүр мысық,  
Оң жақ көзін бір қысып,  
Басты «Алла! Аллаға».

Топ-топ болып тұр елші,  
Сөз бастады бір елші:  
«Тақсыр, мұнда келіпсіз.  
«Еткен құнәм ауыр, — деп, —  
Тышқан маған бауыр», — деп,  
Антпен уәде беріпсіз.

Қуанып соған, қылдық той,  
Өзінізге мәлім гой  
Бейбақ біздің халіміз.  
Сізге өкелген тарту бар,  
Асымызды, алдияр,  
Көптей көріп алыңыз.

Оныңыз рас: күнә ауыр,  
Енді бізбен сіз бауыр.  
Тарту — достық белгісі.  
Міне алма алқызыл,  
Үзім, анар қан қызыл», —  
Келді мысық құлкісі.

Бір мырс етті мұртынан,  
Сілекей шұбырды ұртынан,  
Көзін қызыл қан жапты.  
Бір «ап» деді, тап берді,  
Тап бергенде, шап берді,  
Топыр қылды жан-жақты.

Алла қалды адыра,  
Сәлде қалды адыра,  
Ұшты тәубе тәсбімен.  
Көмді тырнақ мырылдаپ,  
Қанды жұтты қырылдаپ,  
Топ тышқанды қылды жем.

Елші түгел тұтылды,  
Екі-ақ тышқан құтылды,  
Зытты екеуі жорғалап.  
Тек шықпаған жанымен,  
Ордасына ханының  
Жетті жасы сорғалап.

Өкпе ауызға тығылды,  
Жетті екеуі, жығылды:  
«Осылай да осылай».  
Тақта отырған хан, уәзір —

Қабақ қарын екі дүр  
Десті: «Апым-ай, бұл қалай?!»

Хан бүйірді таянды:  
«Осылай болу аян-ды...  
Мысық бола ма, өйтпесе?!

Ойла жылдам, әй, уәзір!  
Осыған ақыл тап қазір,  
Басынды алам, өйтпесе!»

Ханның басы қақиды,  
Уәзір көзі ақиды,  
Беті күлдей болды қу.  
Күп-қу болды, бозарды,  
Терлеп кетті, қызарды,  
Айтты: «Амал — соғысу.

Тышқан деген қалың ел,  
Ерлігімен мәлім ел,  
Алты әлемге данқы бар.  
Айбынды, айбарлы арыстан,  
Ойы — дария, данышпан  
Сіздей дана ханы бар.

Аттаналық қол болып,  
Қол болғанда, мол болып,  
Жауға соғыс ашалық.  
Қанды судай шашалық,  
Мысық жынын басалық,  
Ұстап, дарға асалық!»

Хан бүйірді таянды:  
«Осылай болу аян-ды...  
Мысық бола ма, өйтпесе?!

Жауға аттансын ел тегі!  
Қанын төксін көл-теңіз,  
Басын алам, өйтпесе!»

Соныменен күн батты,  
Түн түнерді, таң атты,

Қол қозғалды, ағылды.  
Жер қайысты дірілдеп,  
Сырнай, керней гүрілдеп,  
Дабыл даң-дұң қағылды.

Қара ағаштай көп найза,  
Күнде ойнады көк найза,  
Алдаспандар жарқылдал.  
Желкілдеді жалаулар,  
Желпілдеді танаулар,  
Хан қақалды қарқылдал.

Ордасында хан қалды,  
Ханмен біраз жан қалды:  
Ақсүйектер, төрелер —  
Қалың елді құл қылып,  
Бұзықтығын пұл қылып,  
Жатып ішер немелер.

Кетті сөйтіп қалың қол,  
Қалың қолы — қалың ел.  
Көбі — ойлы, азы — мәз.  
Талайы барад тұңжырап,  
Талайы барад қан жылап,  
Көбі — жаяу, аттысы — аз.

Соныменен, қол кетті,  
Қол кеткенде, мол кетті.  
Барды, кірді соғысқа.  
Мұны өтірік демендер,  
Күңіренді көк пен жер,  
Өзге соғыс соғыс па?!

Будақ-будақ бу шықты,  
Бу ішінен ту шықты,  
Шыпқылдаған шықты шу.  
Шұрқ-шұрқ болды көбелер,  
Дал-дұл болды денелер,  
Айқай-үйқай, ызы-шу.

Соныменен, сөз қысқа,  
Шәйіт болды көп тышқан,  
Мысықты ұстап ,байлады.  
«А, қанішер неме!» — деп,  
Басқа, көзге төпелеп,  
Ханға, ордаға айдады.

Хан бүйірді таянды:  
«Осылай болу аян-ды...  
Көрсетпе итті көзіме!  
Жап зынданға қаранды!  
Қатыр аштан арамды,  
Қыл бұрау сал өзіне!

Ертең әпкел ордаға,  
Сот құрармыз ордада,  
Бұғін пәлен демелік.  
Бұғін өңшең майталман —  
Қаза тапқан майданда  
Шәйіттерді көмелік!»

Айтты да хан тоқтады,  
Жұрт хан сөзін құптағы,  
Шақырылды елге азан.  
Молда келді мөлиіп,  
Сопы келді сүмиіп  
Сәлделері бір қазан.

Қылмың қақты, қуанды,  
Білектерін сыбанды,  
Аруланды өліктер.  
Өлік көрсе молдалар,  
Сілекейі сорғалар,  
Отірік десен, өліп көр.

Табытқа өлік салынды,  
Қара тулар алынды,  
Көшті молда бастады.  
Қолына алып құранды,

Бір өннен соң бір әнді  
Түйдек-түйдек тастады.

«Тәбәрікті» тұқыртып,  
«Жасынды» ашып сызыртып,  
Суылдатып келеді.  
Аузында — Алла, ойында:  
«Қанша түсер қойынға?..  
Жуырда кім өледі?»

Жетті табыт бейітке,  
Тұсіріліп шейіттер,  
Көрге дереу көмілді.  
Көрге көлгір молданың,  
Жұртты алдағыш жорғаның  
Өтірік жасы төгілді.

Соныменен, күн батты,  
Дамыллады, ел жатты,  
Хан тұн бойы қылды той.  
Талай халық қаралы,  
Талай халық жарапы,  
Хан үйі — той, елде — ой...

Тоймен, оймен өтті тұн,  
Таң білінді, дүние — тын.  
Ұлы сәске ел тұрды!  
Зындандағы мысықты  
Қарғылап ап күшіктеї,  
Жендет ордаға ап жүрді.

Ханның көзі жыртиып,  
Қабақ қарны бұлтиып,  
Тақта жатыр жантайып.  
Қасында отыр уәзірі,  
Тақсырлауға әзір-ді,  
Қос құлағы қалқайып.

Хан қорқорын тартады,  
Алдында айбалталы

Жендеттер түр қақып.  
Хан қарады мысыққа,  
Қарады оған мысық та  
Ашулы көзі ақып.

Хан уәзірмен кеңесті,  
Кеңескенде не десті:  
«Тұқымын мұның құрталық!  
Жалпы жұртқа жар қылышп,  
Майданға анау дар құрып,  
Дереу дарға тарталық!»

Дереу жарлық берілді,  
Майданға дар құрылды,  
Мысық та алып барылды.  
Хан да келді қолымен,  
Ырс-ырс етіп, қолымен  
Сипап қабақ қарынды.

Хан таяққа таянды:  
«Осылай болу аян-ды...  
Сал арқанды! Сал! — деді. —  
Жендет, енді жақында!  
Көм қылышты батырға!  
Ал! Ал басын! Ал!» — деді.

Сонда мысық бүлқынды,  
Жан ұшырды, жүлқынды,  
Көзі шоқтай жайнады.  
Тұсауды үзіп күшімен,  
Қыл арқанды тісімен  
Бытыр-бытыр шайнады.

Босанды да тап берді,  
Тап бергенде, шап берді,  
Бірді белден тістеді.  
Тышқан тырым-тырақай...  
Әттең ғана дүние-ай,  
Хан ауызға түспеді.

Мысық көрмен қарғыды,  
Ерсіл-қарсыл орғыды,  
Шиқылдатты талайды.  
Дар майданнан жын ойнақ  
Қылды мысық әп сәтте-ақ  
Жып-жылмағай маңайды.

Сөйтіп, мысық топыр қып,  
Демін алып отырды.  
Сөз сөйледі бұлайша:  
«Жүрсейші иттер тек босып,  
Олар — тышқан, мен — мысық,  
Женеді олар қалайша?!

Өңшең шірік, пасықтар!  
Ажалына асықтар,  
Көрді көрмей қазулы!..  
Олар — менің азығым,  
Бұл — Құдайдың жазуы,  
Өзгерпек пе жазуды?!

«Анау көрім қазылған,  
Бұл өзелде жазылған», —  
Де де, үндемей жүре бер!  
А, құтырган құлдар-ай!  
Иесін қапқан мұндар-ай!  
Ал, ендеше, өле бер!» —

Деді мысық, демікті,  
Демін алды, тынықты,  
Тұрды, кетті жайына.  
Есін жиды көп тышқан,  
Таққа тағы мінді хан,  
Хан кірісті тойына.

Шәрбет, шарап алдырды,  
Шарапқа сусын қандырды,  
Сырнай-керней ойнатты.  
Деді жүртқа: «Ит түге!»

Ханның осынау иттігі  
Елді ауыр ойлатты...

Ел ел болсын дегендер,  
Елдің қамын жегендер  
Біріне бірі сөз салды.  
Аулақ үйге жиылды,  
Ортаға ұстел қойылды,  
Дерене мәжіліс басталды.

Отырысты көп аға,  
Қоңырау қақты топ аға,  
Бүйірі бүлкіл қақты кеп.  
Құжырайды, құнтиды,  
Жырти көзі жылтиды,  
Сөз аузынан акты кеп...

«Ау, әлеумет, сөз мынау:  
Мысық — бізге ата жау,  
Бүл туралы қысқа сөз.  
Ендігі сөз, хал мынау:  
Арақ ішкен хан мынау,  
Осыны ойлар келді кез.

Мысықты ата жау деуші ек,  
Ханды асқар тау деуші ек,  
Кімге пана болды хан?!

Даналығы осы ма?!

Паналығы осы ма?!

Елді жалмап, сорды қан.

Елдің көзі ылғи жас,  
Хан тағында ылғи мас,  
Бар білгені — бас алад.  
Еңіреп жерді күнірентіп,  
Бұқара қасқа қан жұтып,  
Өз қанына шашалад.

Елді үрысқа айдады,  
Қарқылдады, қайрады,

Өзі қалды ордада.  
Ел қазалы, көзі жас,  
Хан тагында тагы мас,  
Баққа ма осы? Сорға ма?

Күні кеше мысықты  
Ұстасымен, кешікпей,  
Керек еді дарға асу.  
Зынданға оны жапқызды,  
Тынықтырып, жатқызды!  
Ақымак ханда жоқ сасу...

Хан қырағы данам деп,  
Ханың тілін алам деп,  
Қырылды гой ел бейбак!  
Ау, әлеумет, ойландар!  
Ойлап қана қоймандар!  
Қырыламыз ба хан деп-ақ?!

Қой, хан деуді қоялық!  
Ханың көзін жоялық!  
Мысық та жау, хан да жау.  
Біреуі оның тыстан жау,  
Біреуі оның іштен жау;  
Жаудың ісі — ел талау...»

Кеңесті осылай көсемдер,  
Шерді ағытты шешендер,  
Сөз бір жерге құйылды.  
Жеті түнде қаранды  
Бүгеженде, қарандап,  
Жұрт майданға жиылды.

Жұрт жиылды, кеңесті,  
Кеңескенде не десті:  
«Ханды қазір байладық?!

Онсын ұстап мысықты ап,  
Хан, мысықты қосақтап,  
Қаңғырталық, айдалық!» —

Десті осылай дүркіреп,  
Көшкен бұлттай жөңкіліп,  
Жұрт жөнелді ордаға.  
Арақ ішіп, қылжандап,  
Өзінен өзі ыржындалап,  
Хан отыр ед ордада.

Ел қазалы, азалы,  
Азалы ел — ызалы,  
Қылды орданы күл-талқан.  
Ықылық атып қақалып,  
Қол-аяғы маталып,  
Домаланып қалды хан.

Жұрт жөнелді жөңкіліп,  
Жалаулары желкілдеп,  
Аттан салып қиқулап.  
Будақ-будақ бу шықты,  
Бу ішінен ту шықты,  
Шуылдады шиқылдалап.

Лап қойысты мысыққа,  
Атып тұрып мысық та  
Тап-тап берді маңайға.  
Талай жұндер жұлынды,  
Талай жері тілінді,  
Ажал жетті талайға.

Көзді оттай ойнатты,  
Ә дегенде тым қатты  
Сүм мысықтың қарқыны.  
Соғыса алмай көсіліп,  
Қалың тышқан қырылыш,  
Қара қанға қалқыды.

Соныменен, сөз қысқа,  
Айдап ап кеп ордаға,  
Мысықты ұстап, байлады.  
Шөп те болса көп тышқан,

Ханды қосып, ордадан  
Екі сүмды айдады.

Қол ұстасып хан, мысық,  
Екеуі де қан құсып,  
Тұннен бетер тұнерді.  
Қиран басып жөнелді,  
Алақайлап ел енді,  
Куанышқа кенелді.

Едірейіп, қалқып,  
Тырбық бұты талтиып,  
Сөз сөйледі қаптесер:  
«Бірің сенің — тыстан жау,  
Бірің сенің — іштен жу,  
Кет, қанішер! Баскесер!

Кет, екі жау! Қаңғып өл!  
Еркін қалдың, қалың ел!  
Еңіреме енді, жасың тый!  
Енді сені талау жок!  
Енді құл ғып қанау жок!  
Өзіңе өзің болдың би!»

Соныменен, хан, мысық  
Кетті қаңғып қан құсып,  
Куанышта қалың жұрт.  
Деп: «Бұғаудан босандық!»  
«Жасасын, — деп, — бостандық!»  
Қол соғылды шарт та шұрт.

Біреу тұрды, биледі,  
Біреу керней күйледі,  
Дабыл дан-дүң қағылды.  
Бітті осымен кенесім,  
Тындаушы енді демесін:  
«Онсын тышқан не қылды?..»

Енді ертегім байыды,  
Ертегімнің айыбы:

Кемі — өтірік, көбі шын.  
Жоламас ем азға да,  
Керек болды аз ғана  
    Өтірік қосу көп үшін.

Бұл аздың да, оқушым,  
Қайта оқышы, бәрі шын.  
    Шыны мынау — бұл мысал.  
Ертегімнің басында  
Бала біткенге ашына  
    Жұмбағымды есіңе ал.

Бір дегенім білеу ғой,  
Екі десем — егеу ғой,  
    Үш дегенім үскі ғой.  
Мысық талаушы екені,  
Ханның қанаушы екені  
    Енді есіңе түсті ғой.

Екі жауын осынау  
Қылған кейін ханталау  
    Қалың тышқан — қалың ел.  
Төртімді енді төсек деп,  
Бесімді енді бесік деп,  
    Өзің енді тарта бер.

Тоғызымды торқа де,  
Сегізімді серке де,  
    Жетімді енді желке де.  
Ерте, ерте, ертеде,  
Ешкі жұні бөртеде,  
    Құйрығы оның келте де!

### ТОЛҒАУ

Тек ел деген сөзі үшін,  
Ергенде, ердім ұранға.  
Болмаса, аян досыма,  
Досым түгіл, қасыма:  
Аты бар деп атшы боп,

Қошемет қып, қосшы боп,  
Ел бастаған ағаға  
Адъютант болып ермедім.  
Адъютант болып адамға  
Ермеуіме көп белгі.  
Көп белгіден бір белгі:  
Ағаның азы қасарып,  
Аузына ауыр тас алып,  
Тұншығып оймен жатқанда;  
Талай аға тез жүдел,  
Жөңкіле жүкті тартқанда;  
Жеммен жүрер жабыдай,  
Құрбының көбі тез түлеп,  
Топырлап топқа шапқанда,  
Жапанда жалғыз күніреніп,  
Мен ойыма ергемін.  
Еділ кездім, шөл кездім,  
Кезгенімде не көрдім:  
Қайда барсам, көр көрдім.  
Айдарлысы құл болып,  
Тұлымдысы тұл болып,  
Еңіреген ел көрдім.  
Қаралы көптің ішінде,  
Қара салып басыма,  
Елмен бірге еңіредім.  
Бұл айып деуші дей жатар,  
Мен мұны айып білмедім.  
Мен еліме басшы емен,  
Мен еліме қосшымын.  
Құлқісін ғулге бөлейтін,  
Жыласа, бірге жылайтын,  
Жаны бір жолдас жыраумын.  
Жылағанда жалпы жұрт,  
«Жылама, құл!» — дегенде,  
Көне алмадым, көнбедім.  
А дегеннен асылды  
Тебіренген толқын бетінде  
Көремін деп асықтым.  
Асыққаннан не пайда,

Толғақсыз туар бала жок.  
Ту баста толқын бетінде  
Асығып күткен асылды  
Көре алмадым, көрмедім.

Бұлқынған толқын бетінде  
Қалқыған қу тезектей,  
Бір күн бура болғышыл  
Бұзықтар болды көргенім.  
Көргенім анық, алайда  
Тезекке бола толқыннан  
Ат-тонымды ап безбедім.

Бұл безуден саулығым:  
Жұзден тоқсан толқында ед.  
Анда-санда ес кіріп,  
Сұрадым тоқсан саулығын.  
Ақталмаймын, қалайда,  
Толқынға жоқ-ты жаулығым.  
«Жау» деген — жаудың жаласы,  
Әділ болсан, өмірімді  
Ақтарып әділ қараши.  
Отыз жыл өмір бойында  
Жазғанымды жайып сап,  
Екі жар ғып санаши.

Тексеруді отызды  
Ауырсынсаң, қояйын.  
Бір сөзімді есіңе ал:  
Мен толқынға жау болсам,  
Жеті жыл бұрын осыдан,  
Төңкерістің таңында  
Алты алашқа әйгілеп:  
«Не бостандық, не құлдық,  
Не езілу, не теңдік,  
Не патшалық, не Кеңес —  
Екіден бір!» дер ме едім?!



## МАЗМУНЫ

<i>Мағжанның ақындығы хақында</i> .....	5
<b>Өлеңдер</b>	
Тұған жерім — Сасықкөл .....	7
Бір күні .....	8
Қарағым .....	9
Орал тауы .....	10
Есімде... тек таң атсын! .....	11
Гүлсімге .....	13
От .....	15
Пайғамбар .....	18
Күншығыс .....	20
Алыстағы бауырыма .....	22
Тез барам .....	23
Қазақ тілі .....	24
Жер жүзіне .....	25
Мен жастарға сенемін .....	25
...ға .....	26
Өткен күн .....	27
Айға .....	30
Жұмбак .....	31
Айда атыңды, Сәрсембай .....	32
Бесік жыры .....	34
Сүйемін .....	37
Мен кім .....	38
Ескендердің екі мүйізі .....	39
Өткен — аяулы .....	42
Құрбым .....	43
Кек теке .....	43
Төбет .....	44
Бұгінгі күн өмір, өлім — менікі .....	45

Зар .....	145
Дін үйреткенге .....	146
Орамал .....	147
Орал .....	149
Жер жұзін топан басса екен .....	150
Ақсақ темір сөзі .....	151
Жаралы жан .....	151

### Дастандар

Батыр Баян .....	155
Корқыт .....	180
Қойлыбайдың қобызы .....	190
Тоқсанның тобы .....	192
Ертегі .....	196
Оқжетпестің қиясында .....	205
Жұсіп хан .....	209
Қаныш бай қиссасы .....	225
Өтірік ертек .....	228
Толғау .....	250

**Жұмабаев Мағжан**

## **ЖАН СӨЗІ**

Өлеңдер мен дастандар

Редактор *Е. Дүйсенбаевулы*

Суретші *Б. Серікбай*

Техникалық редактор *Г. Есімбекова*

Компьютерде беттеген *Г. Есімбекова*

Теруге 14.02.05 жіберілді. Басуға 30.03.05 қол койылды.

Калпы 84×108<sup>1/2</sup>. Кағазы оффсетті. Қаріп түрі «Таймс».

Есептік баспа табағы 16,4. Таралымы 2000 дана. Тапсырыс № 1814.

«Раритет» баспа компаниясы, 050022, Алматы қаласы, Масанчи көшесі, 98,  
оф. 14, тел.: 92-87-18, 60-67-08, тел./факс 92-88-36

Тапсырысшының диапозитивінен

Қазақстан Республикасы «Атамұра» корпорациясының

Полиграфия комбинатында басылған,  
480002, Алматы қаласы, Мақатаев көшесі, 41

Сырым .....	46
Сүй, жан сәулем .....	47
Төгілген шашы .....	48
Күміс нұрлы Ай .....	48
Шолпы .....	49
Сен сұлу .....	49
Біраз Фетше .....	50
N...ға .....	51
Хор сипатты қарындас .....	57
Жас сұлуға .....	57
K...ге .....	58
Гұлсім ханымға .....	59
...ға .....	59
Қарындаска .....	60
Ж...ға .....	61
Φ...ға .....	63
Фазизага .....	65
Z...ға .....	66
Анама .....	68
Қараңғылық қоюланып келеді .....	69
Сағындым .....	69
Баланың қабір тасына .....	72
Өмір .....	72
Толқындап ойнап .....	73
Жұлдыздарға .....	73
Жазғы түнде .....	74
Көкшетау .....	75
Толқын .....	76
Қайың .....	77
Қыскы жолда .....	78
Жазғы жолда .....	79
Жазғытұрым .....	81
Жаз келеді .....	82
Жиіленді қара орман .....	84
Махаббат не .....	84
Шылым .....	85
Александр Блок .....	85
N... альбомына .....	87
Алдамшы өмір .....	88
Айрылғанда .....	89
Күзді құні .....	89
Болса гұлсіз... .....	91
Ой .....	91

Жан сөзі .....	92
Мені де, өлім, өлдиле .....	95
Тірілдім .....	99
Жұлдызды — жүзік, Айды алқа ғып берейін .....	100
Берниязга .....	101
Сырдағы алашқа .....	103
Тұранның бір бауында .....	104
Алатау .....	107
Түркістан .....	110
Сәрсембайдың жыры .....	113
Әже .....	115
Жылқышы .....	116
Ақ қала .....	117
Жатыр .....	119
Шын сорлы .....	120
Жазғытуры .....	121
Бұлбұл .....	122
Өлең .....	123
Ләzzат қайда .....	124
Жазғы таң .....	125
Жас келін .....	126
Атакты ақын — сөзі алтын Хакім Абайға .....	127
Сорлы қазақ .....	128
Өнер-білім қайтсе табылар .....	128
Толған Ай .....	130
Зарлы сұлу .....	130
Балалық шағы .....	131
Тіршіліктің көркі — ерік .....	132
Қазағым .....	133
Мысық пен ет .....	134
Сүйгеніме .....	134
Құр қалыптын .....	136
Жоғалған алтын .....	136
Оразада .....	137
Тілегім .....	138
Күз .....	139
Осы күнгі күй .....	140
Мен сорлы .....	141
Алданған сұлу .....	142
Тұған жер .....	142
Көніл .....	143
Жарыма .....	144
Төбет .....	145